

BERNARDINI

PETRELLAE

EX VRBE BVRGIO SANCTI

SEPVLCRI LOGICAM IN PATAVINO

GYMNASIO PRIMO LOCO PROFITEN.

TIS LOGICARVM DISPVATIONVM

Libri Septem.


*Ad Perillustrem, ac religiosissimum Episcopum NICOLAVM
Tornabonum Patritium Florentinum.*

Cum duplici rerum notabilium indice, qua in toto opere continentur.

CVM PRIVILEGIO.



PATAVI,
Apud Paulum Meietum. M. D. LXXXVIII.




PERILLVSTRI, AC RELIGIOSISSIMO BVRGISANCTI

SEPVLCHRI EPISCOPO,

NICOLAO TORNABONO, PATRITIO FLORENTINO

Bernardinus Petrella. S. P. D.



*U*M ad disputationes meas de rebus Logicis, quas superioribus annis tui splendore nominis illustratas edidi, multa, atq. varia addidissim; hocq. quam plurimi ex auditoribus meis cognovissent: eorum efflagitationibus sibi facile persuadentium, ea non mediocri utilitati ipsis, ceterisq. facultatis Logica studiosis futura esse, adductus in lucem, & aspectum hominum producenda statui; nullisq. aliis auspiciis, quam tuis uti volui: nam cum ab ineunte aetate familiaritate tua, & quidem arctissima, me dignum feceris; non poteram sine aliqua ingrati animi nota alium eligere rerum mearum defensorem. Consentaneum igitur usum est uigilias, lucubrationes, & labores studiorum meorum tibi Viro amplissimo eximiis uirtutibus ornato dedicare; quibus sane tum propter perpulchras, et utiles, ni fallor, quaestiones, de quibus agitur, tum etiam propter ordinem, quo disposita, & discussa sunt omnia, commodo fortasse aliquo afficientur illi, qui hoc studiorum genere delectantur: uel saltem alij excitabuntur, ut exactius, & maiori diligentia his de rebus scribant, perficiantq. ea, quae uires ingenij mei perficere non potuerint. Equidem mecum reputans, haud aequum esse, illud celare talentum, quo Deus Opt. Max. pro sua infinita benignitate me dignum iudicauit, ut interpretarer in hoc celeberrimo Patauino Gymnasio

difficillimos quidem, sed summa utilitate refertos libros Posteriorum
Analyticorum Aristotelis; studui semper, quantum potui, ut me diuina
Majestati praberem; si non seruum utilem, sicuti par est, at fidelem saltem.
Iam, Praesul nobilissime, & generosissime nihil est, quod hoc tempore à te
petam, ut hos meos labores protegendos suscipias: nam si aliena

(qua tua est humanitas) diligentissime tutaris, quid de his,
qua tua sunt, te facturum esse, sperandum est? tua au-
tem sunt, cum sint ueluti fructus illius plantae, qua ab
aquis benignitatis erga me tua uberrime irri-

gatur. Hoc tantum exploratum habeas, ue-
lim, te à me plurimum, qui tibi debeo plu-
rimum, coli, atque obseruari; Deumque

Opt. Max. precor, ut te diu in-
columen, florentemque conser-
uet. Vale. Patavii. III.

Id. Nouembr. se-
licii die festo Di.

Martini.

M. D. LXXXIII.



Primi libri capita haec sunt.

Logica universaliter sumpta an sit, eiusq; genus quodnam sit	cap. 1
Ex aliorum sententia obiectiones quaedam de genere Logicae	cap. 2
Superiores obiectiones solvuntur	cap. 3
De Logicae subiecto	cap. 4
Nonnullorum sententia de logicae subiecto	cap. 5
Opinio superius notata impugnatur	cap. 6
De fine logicae Disciplina, eiusq; ac logici operantis adequato subiecto	cap. 7
Ex aliorum sententia opinio Auctoris impugnatur de fine externo logi- cae disciplinae, adequatoq; logici operantis subiecto	cap. 8
Respondetur praedictae impugnationi	cap. 9
Essentialis logicae definitio	cap. x
Verum logica sit scientia	cap. 11
Ex mente aliorum, Scoti, & latinorum fere omnium notata sententia impugnatur	cap. 12
Ponitur impugnatio destruitur	cap. 13
De quaestione propter quid sit ipsius logicae	cap. 14
De logicae librorum ordine	cap. 15
Ex aliorum sententia Auctoris opinio impugnatur	cap. 16
Instantia contra determinationem Auctoris respondetur	cap. 17
De logicae discipline librorum divisione, ac de modo progrediendi in praecipuis in ea disciplina tradendis pro instrumentorum constru- ctione ignotum notificantium	cap. 18

Capita secundi libri:

Essentialem specierum definitionem inter logica instrumenta esse collocanda.	cap. 1
Ratione, & auctoritatibus comprobatur quod dictum est de instru- mento definitivo	cap. 2
Ex aliorum sententia obiectiones quaedam contra ea, quae de definitione proxime dicta sunt.	cap. 3
Solvuntur traditae obiectiones	cap. 4
Græcorum fere omnium, & latinorum sententia, fundamentaq; exponun- tur de philosophi consilio in secundo. Post: libro	cap. 5
Praedictae opinionis impugnatio	cap. 6
Quorundam recentiorum opinio, eorumq; fundamentum de philosophi consilio in secundo libro. Posteriorum	cap. 7
Superius adductae opinionis impugnatio	cap. 8
Opinio Auctoris de philosophi consilio in secundo. Post: libro	cap. 9
Ex aliorum sententia nonnullae obiectiones contra opinionem Auctoris	cap. x
Praedictae rationes solvuntur	cap. 11
Aristotelis auctoritate in toto secundo. Posteriorum libro opinio Aucto-	

ris falsa ostenditur.	cap. 12
Solutur assignata instantia ex philosophi progressu in toto secundo Posteriorum libro	cap. 13
Auerroi quoque opinionem Auctoris aduersari alii ostendere nituntur.	ca. 14
Respondetur obiectioni fundatæ super nonnullis Auerrois auctoritatibus.	ca. 15
Soluuntur rationes, & auctoritates euertuntur, in quibus opinio Auctoris fundata fuit	cap. 16
Examinatur Aduersariorum responsio ad Commentatoris auctoritatem in septimo Diuinorum commento quadragesimo secundo	cap. 17
De librorum inscriptione Ioannis Grammatici opinio	cap. 18
Supra notatæ opinionis explicatio	cap. 19
Opinio Auctoris	cap. 20

Capita tertii libri.

Ordine resolutiuo, ex notione scilicet ipsius scire simpliciter principiorum potissimæ demonstrationis condiciones inuestigantur	cap. 1
Ex aliorum sententia nonnullæ obiectiones ponuntur contra ea, quæ scripta sunt in explicanda ipsius scire simpliciter definitione	cap. 2
Propositæ obiectiones soluuntur	cap. 3
Potissimæ demonstrationis conditionum unaquæque probatur	cap. 4
Necessarii, ex quo potissima demonstratio constat, dictisq; de omni posterioristici explicatio	cap. 5
Ex aliorum sententia noua differentia inter illa duo dicta de omni, eiusque impugnatio	cap. 6
De eo, quod per se est	cap. 7
Ex aliorum sententia de noua modorum dicendi per se, & ex accidenti diuisione	cap. 8
Proposita modorum dicendi per se, & ex accidenti diuisio impugnatur.	cap. 9
Auerrois testimonio modorum dicendi per se diuisio confirmata impugnatur.	ca. 10
De primo modo dicendi per se	cap. 11
De secundo modo dicendi per se	cap. 12
De causa, super qua fundatur secundus modus dicendi per se	cap. 13
A prædictis obiectionibus. D. Thomas defenditur	cap. 14
De tertio, & quarto modis per se	cap. 15
Declaratur contextus decimus primi libri Posteriorum	cap. 16
Ex aliorum sententia impugnatur communis interpretatio super decimo contextu primi Post: sub initium, eaque defenditur	cap. 17
De tertia conditione ad necessarium essentiale requisita, uidelicet, de Vniuersali Posterioristico	cap. 18
Ex aliorum sententia prædicationem generis de specie primam, & uniuersalem esse, probatur unica ratione, ad eamque nonnullorum responsio ponitur	cap. 19
Adducta responsio confutatur, aliaque fortasse accommodatio in medium adducitur.	cap. 20

Capita quarti libri.

- De ea demonstrationis specie, quā potissimā appellant Auctoris institutū cap. 1
Ponuntur omnes termini potissimam demonstrationem ingredientēs cap. 2
Ostenditur omnes potissimā demonstrationis propositiones habere præ-
dicatum uniuersale, seu primum cap. 3
Nonnulla ponuntur notanda, quibus facilius cognosci possit in quo mo-
do dicendi per se prædictæ demonstrationis propositiones existant cap. 4
In quo modo dicendi per se reperiatur conclusio, & minor propositio pro-
positæ demonstrationis. cap. 5
In quo modo dicendi per se reperiatur maior propositio potissimæ de-
monstrationis cap. 6
Nonnullorum sententia, quæ etiam communis est, circa maiorem propo-
sitionem, ut sit in secundo, non in quarto modo dicendi per se cap. 7
Prædicta opinio, quæ communis est, impugnatur cap. 8
Ex sententia nonnullorum Aristotelis artificium declaratur circa quatuor-
tum modum dicendi per se cap. 9
Impugnatur ea, quæ in superiore capite dicta sunt cap. 10
Ex aliorum sententia accidentium a duabus causis emanantium necessitas
declaratur per comparationē causæ externæ cum interna cap. 11
Impugnantur ea, quæ in superiore capite notata sunt cap. 12
Ex aliorum sententia quomodo demonstrationis factæ per causam exter-
nam propositiones, & conclusio sint per se cap. 13
Quæ in superiore capite dicta sunt magna ex parte confutantur cap. 14
Dictum de omni Posterioritūm reperi in omnibus propositionibus
huius potissimæ demonstrationis, quæ concluditur, hominem risibi-
lem esse propter animal rationale cap. 15

Capita quinti libri.

- Explicatur primum corollarium ē numero eorum, quæ ex simpliciter ne-
cessario inferuntur cap. 1
Ex accidenti disputatur de scientiis subalternis cap. 2
Communis opinio de scientiis subalternis a nonnullis impugnatur cap. 3
Aliorum impugnatio refellitur cap. 4
Duo corollaria explicantur cap. 5
De modo p̄cognoscēdi principia, aliāq̄ sciētia ratiocinatioꝝ præcognita cap. 6
De conuersione potissimæ demonstrationis in definitionem, impugnatur
eorum opinio, qui existimant, maius extremum prædictæ demonstra-
tionis semper esse propriam passionem, nunquam eius genus cap. 7
Impugnatur eorū opinio, qui arbitrantur, maius extremū potissimæ demo-
strationis semper debere ēē passionis genus, nunquam eius nomen cap. 8
Corroboratur nonnullorum opinio media cap. 9
Media opinio confutatur, Auctorisq̄ sententia ponitur cap. 10

Capita sexti libri.

- Disputationis de speciebus demonstrationis termini explicantur cap. 1
Sententia Auctoris de speciebus demonstrationis cap. 2

Auicennæ rationes contra demonstrationem quia	cap. 3
Auicennæ rationes dissoluantur	cap. 4
Latinorum rationes contra demonstrationem propter quid tantum	cap. 5
Soluantur latinorum rationes de demonstratione propter quid tantum	cap. 6
Auctoris sententia explicatur de differentia inter demonstrationem potissimam, & propter quid tantum	cap. 7
Ex aliorum sententia nullam esse differentiam inter potissimam demonstrationem, & propter quid tantum ex parte medii absq; nostra cognitione	cap. 8
Aliorum rationes solvantur	cap. 9
Ex aliorum sententia refellitur ea differentia, quæ sumitur à medio nobis primum, vel non primum noto	cap. 10
Rationibus superiori capite adductis respondetur	cap. 11
Ultima differentia à qua sitis accepta refellitur	cap. 12
Confutatur ea, quæ in capite precedenti contra Auctoris sententiam allata sunt.	cap. 13
Ex aliorum sententia auctoritatem illam philosophi in secundo Posteriorum libro contextu octauo secundum ueterem sectionem ab Auctore non intelligi, eisdq; aduersari declaratur	cap. 14
Impugnatur ea, quæ in superiori capite dicta sunt	cap. 15
Capita septimi libri.	
Omnia termini explicantur	cap. 1
Aliorum opinio	cap. 2
Quæ in superiori capite allata fuerunt reiciuntur	cap. 3
Ex aliorum sententia quædam cognitio maxime digna proponuntur, quibus destruitur fundamentum obiectionis in superiori capite à nobis allatæ aduersus ibi commemoratas demonstrationes	cap. 4
Confutatur fere omnia, quæ in superiori capite dicta sunt.	cap. 5
Problematis resolutio explicatur	cap. 6
Ex aliorum sententia de ordine ab Aristotele seruato in declarando medium demonstrationis esse causam, & de connexionem capitis undecimi secundi Posteriorum cum precedentibus	cap. 7
Reficiuntur quæ in superiori capite dicta sunt	cap. 8
Ex aliorum sententia quot sint ad summum genera causarum, quæ in demonstratione potissima medium esse possunt	cap. 9
Omnia superioris capitis impugnantur.	cap. 10
Ex mente nonnotiorum declaratur Aristotelis sententia in undecimo capite secundi Posteriorum libri	cap. 11
Dicta fere omnia in precedenti capite refelluntur	cap. 12
Optimo Auctoris circa philosophi sententiam in capite de causis	cap. 13
Dubia quædam proponuntur, eorumq; solutiones	cap. 14

REVERENDI NOTABILIVM, QVAE IN TOTO OPE

re continentur Index locupletissimus.

A.

- A**bsurdū esse simul scientiā, & modū scientia quærere. 12. b.
 Abundantia in ratiocinando in quo consistat. 32. b.
 Accidens quot modis considerari possit. 40. b.
 Accidentia ppria alicuius subiecti à quo habeant ut sint. 53. b. et 61. b.
 Accidentia communia, à quo ortum ducant. ibidem.
 Accidentia ppria cur accidentia essentialia nuncupentur. 81. c.
 Accidentia propria in duplici differentia sunt. ibidem.
 Accidentia propria quomodo à subiecto fluant. 83. a.
 Accidentia communia per accidens, non per se de subiecto praedicantur. 84. b.
 Accidentia propria per quid distinguantur. 103. a.
 Accidentis proprii definitio essentialis à quo habeat, ut sit essentialis. 131. c.
 A cōcretis, ubi ē p̄dicatio p̄ se, valet consequentia ad abstracta. xi. a.
 Alina philosophia per quid manifestius significetur. 8. c.
 Actus qui demonstratur quotuplex sit. 174. b.
 Ad cognoscendū an uniuocū, vel equiuocū sit qđ definiendū pponitur quid agendum sit. 50. b.

- Ad interrogationē factā per quid nō demonstratione, nec aliqua alia ratiocinationis specie, sed sola definitione respondetur. 30. b.
 Ad quam scientiam spectet reddere quòd. 122. b.
 Alia est ratio forma, ut forma est, & alia est ratio forma, ut in materia. 76. c.
 Alio pacto se rē habere quando aptitudo, & quando actus de subiecto demonstratur. 112. c.
 Animal secundum qđ aīal uiuere quot modis intelligi possit. 97. a.
 Animal rationale cur dicatur causa efficiens, et finalis risibilitatis. 105. a.
 Animalis diuisio immediata. 2. b.
 Applicatio instrumenti eius naturam non uariat. 15. a.
 Aristotelis artificium in modis dicendi per se. 92. b.
 Ars à quo ente extra animam pendeat. fol. 2. pag. 2. b.
 Artis res considerata quid sit. 3. b.
 Artis modus considerandi quid sit. ibidem.
 Artificis operantis res considerata quid sit. 3. b.
 Artificis operantis modus considerandi quid sit. 3. b.
 Artium finis. 12. a.
 Auerroes quid intelligat per subiectū, quando in ultimo capite epi

tomes libri categoriarum asserit, decem categorias esse subiectam in logica. 5. b.

C.

Causa existendi, & inferendi simul quamvis sit. 167. b.

Causa inferendi solū quamvis sit. ibidem.

Causa efficiens quando competat potissima demonstrationi. 146. a.

Causa proxima sufficiens quā specie demonstrationis efficiat. 143. c.

Causa proxima non sufficiens quā speciem demonstrationis efficiat. ibidem.

Causa, & causata quot modis possint disponi. 143. d.

Cause variantur, ut effectus variantur contingit. 43. a.

Causarum alias esse veras, alias existimatas. 62. c.

Causa effectrix per quam propositionem denotetur. 65. a.

Causa effectrix non solum debet esse causa proxima rei demonstranda, et in suo genere causa adaequata, verum et sufficiens. ibidem.

Causa non causata quae nam sit. ibidem. c.

Causae sunt naturae priores causato. 68. b.

Causa efficiens quomplex sit. 87. b.

Causa efficiens p se quae nam sit. 88. a.

Causa efficiens per accidens quae nam sit. ibidem.

Causata externa, quam interna.

de necessitatem essentialem habeant. 110. b.

Cognitio & cum ratione, & sine ratione acquiritur. 26. a.

Cognitio accidentium multum confert ad cognoscendum quid. 40. c.

Comunis conditio ois definitionis, et ois descriptionis quae nam sit. 131. b.

Composita ex illis constituuntur, in qua resoluntur. 5. b.

Conclusio potissima demonstrationis cur sit perpetua. 127. b.

Conclusio demonstrationis quomodo sit essentialis definitio passionis. 53. b.

Conditiones primi, & secundi modi per se quot sint. 82. a.

Conditiones universalis posterioristici quae nam sint. 94. a.

Conexio oium contextuum secundi Posteriorum libri. 41. c. & infra.

Considerare instrumenta sciendi, ut instrumenta sui ad quae spectet. 37. b.

Cur res ipsa, neque logica disciplina, neque logici operantis sint res considerata. 5. a.

Curritas cuius nam sit forma 134. b.

D.

Datur scientia communis ad realem, & rationalem. xi. a.

De definitione tractatur in septimo Divinorum libro in ordine ad quod quid est. 33. b.

Definitio duplex est, videlicet, nominis, & rei. i. c.

Definitio rei ex quibus constet. i. d.

- Definitio nominis completa qua
nam sit. 20. a.
- Definitio nominis posita in princi-
pio capitis de nomine non est in-
tegra, & completa. ibidem. b.
- Definitio quomodo possit fieri enun-
ciatio. ibidem. c.
- Definitio an sit inter instrumenta
logica collocanda. 24. c.
- Definitio consideratur a logico 25. d.
- Definitio Methodi proprie sum-
pta quamam sit. 26. d.
- Definitio pro ut est principium demō-
strationis qd dicat. 30. c. et 35. e.
- Definitione quamam questio nota
fiat. 33. a.
- Definitio non est finis methodi de-
monstratiua. 33. d.
- Definitio, quae ex demonstratione p-
se elicitur, quamam sit. 36. a.
- Definitio substantiae quomodo elicia-
tur ex demonstratione. ibidem.
- Definibile ut definibile per quid ha-
beat. 40. b. & 68. a.
- Definitio ipsius scire simpliciter
quamam sit, & eius explicatio.
62. a. & b.
- Definitionem rei non esse aliam na-
turam ultra rem illam, quomo-
do debeat intelligi. 176. b.
- Definitio indemonstrabilis qua nā
sit. 186. b.
- Definitio inest, non subiicitur. 82. b.
- Definitio essentialis passionis cur
non possit esse maior extremi-
tas in potissima demonstratio-
ne. 100. c.
- Definitio proprietatum cur dica-
tur definitio per additamentum.
103. a.
- Definitio non secus, ac demonstra-
tio est perpetuorum. 127. c.
- Definitio quorum nam uniuersa-
lium sit. ibidem.
- Definitionem explicantem nomi-
nis significationem sumi aliquā-
do pro ipsamet nominis signifi-
catione. 135. a.
- Definitionem exprimentem rei qui-
ditatem accipi pro ipsamet qui-
ditate. ibidem.
- Definitio tota passionis quomo-
do ex demonstratione eliciatur.
136. b.
- Definitiones ab omni causarum ge-
nere sumuntur. 163. c.
- De Medio pro ut est causa rei
ubi Aristoteles uerba fecerit.
33. a.
- Demonstratio quia cur aliquando
dicatur syllogismus. 14. b.
- Demonstratio applicata scientia quo-
modo fiat scientia illa, cui appli-
catur. 15. a.
- Demonstratio composita est ex ma-
teria, & forma. 31. c.
- Demonstrationis forma qua nam
sit. ibidem.
- Demonstrationis materia qua nā
sit. ibidem. & 61. c.

Demonstratione quot quæsitæ ostē
dantur. 33. a.

Demonstratio quomodo cōferat ad
cognitionem definitionis. 36. b.

Demonstrabile, ut demonstrabile
p quid habeatur. 40. b. et 68. a.

Demonstratio à quò habeat, ut sit
demonstratio. 48. a.

Demonstratio, de qua agitur ab A-
ristotele in primo Posteriorum
in quasnam definitiones resolu-
tur. 53. b.

Demonstratio à causa proxima est
similis cōpositioni Naturæ. 58. b.

Demonstratio quomodo sit causa
scientiæ. 61. d.

Demonstratio potissima ex quibus
prioribus principis progredia-
tur. 68. b.

Demonstratio quid ostēdat. 174. a.

Demonstrabilia ex quibusnam de-
monstrari debeant. 113. b.

Demonstratio quando dicatur esse
definitio potestate proximā, &
quando potestate remota. 132. b.

Demonstratio quando fiat actū de
finitio. 135. b.

Demonstratio ad quid dirigatur.
136. b.

Demonstrationes, Quia, Propter
quid tantum, & potissima quo-
modo progrediantur. 137. d. &
138. a.

Demonstratio debet habere proposi-
tiones necessarias. 139. b.

Demonstrationes potissima quomo-
do se habeant inter alias demon-
strationes. 168. b.

Demonstrationem potissimam a-
pud Aristotelem significari sub
nomine demonstrationis simpli-
citer. 171. c.

De natura potissima demonstratio-
nis quid sit. 111. a.

De omni, quod sciri potest, quot
quærantur. 1. b.

De ratione instrumenti, ut instru-
mentum est, quid sit. 15. a.

De ratione syllogismi quid sit. 70. b.

De ratione Dicti de omni postero-
ris quid sit. ibidem. c.

Destructio magis uniuersali destrui-
tur quoque minus uniuersale.
85. b.

Dialecticam, quæ octo libris Topi-
corum continetur, non tota Lo-
gicam cum Rhetoricaphiloso-
phus comparat. fol. 1. pag. 2. b.

Dialectica docet in utramque par-
tem disputare. ibidem.

Dialectici Syllogismi utilitas. 17. d.

Dictio, propter, ut plurimum quid
denotet. 92. c.

Dictum de omni communius est,
q̄ per se, & uniuersale. 69. c.

Dictum de omni Posterioris quid
sit. ibidem.

Dictum de omni Posterioris quid
in quonam superet dictum de
omni prioris. ibidem. d.

Dictum de omni, ac dictum de nullo sunt radix, et principium in quo syllogismus resolvitur. 70. c.

Dictum de omni in quibus syllogismus actu, et in quibus potestate reperitur. 71. c.

Differentia in logica definitione à quo sumantur. fol. 1. pag. 2. a.

Differentia, qua methodus propria dicta ab ordine separatur. 27. a.

Differentiae quando in quale quid, et quando in quid predicantur. 49. c.

Differentia inter essentialem accidentis proprii, et substantiae definitionem. 51. a. q. 10. o. 1. q. 1.

Differentia inter formas substantiales, et accidentales. 103. a.

Differentiam essentialem esse inter demonstrationem potissimam, et propter quid tantum ex parte quaestorum. 143. c.

Differentia inter causalem, et quidam definitionem quomodo cognoscatur. 163. a.

Discrimen inter demonstrationem, de qua philosophus loquitur in primo Posteriorum, et eam, de qua verba facit in secundo libro contextu undecimo, unde sumatur. 186. b.

Discrimen inter partem demonstrationem, et Topicam quod natus sit. 13. a.

Discrimen inter primum, et secundum

modum per se. 83. a.

Discrimen inter quartum, et primum modum dicendi per se, nec non inter quartum, et secundum. 108. a.

Discrimen inter scientias subalternantes, et subalternatas. 122. b.

Discrimen scientiarum habitatioe subiecti quod duplex sit. 124. b.

Discrimen definitionum in quo consistat. 131. b.

Diversam esse rationem inter clausis in aurationem, et minoris propositionis potissimae demonstrationis immediationem. 171. c.

Diversa scientia neque eosdem terminos, neque easdem propositiones secundum unum, et eundem considerandi modum contemplantur, neque integra eadem demonstratione utuntur. 120. d. et 121. a.

Diversa materia ad diversarum formarum receptionem dirigitur. 124. b.

Divisio Logica à quo sumatur. 122. c.

Divisio demonstrationis ab Averrois facta. 138. c.

Divus Doctor quid sibi velit, quando docet, accidens proprium pendere à subiecto. 84. b.

Domus utilitates. 16. c.

Dum unum quarimus, duo inveniuntur possumus non semper sed ali-

quando. 160. c. & d.

E.
Eadem est proportio inter terminos simplices, et nomen, ac uerbum, quæ est inter enunciationem, & propositionem. 17. c.

Ea, quæ sape fiunt, quomodo sub demonstrationem, ac scientiam cadant. 110. b.

Ea, quæ ex accidenti sunt, alienissima esse à demonstrationis natura. 166.

Eclipsis quodnam subiectum denotet. 135. c.

Effectus quæ causâ inferat. 142. c.

Efficiens quodnam sit. 162. c.

Efficiens uerum, & non uerum quodnam sit. ibidem.

Efficientis propria natura quænam sit. 164. a.

Elementa quare dicantur simplicia licet sint composita ex materia, & forma. 3. c.

Entis diuissio. 2. d.

Enunciationis duplicem tractationem facit philosophus. 17. b.

Enunciatio ex uerbo est, uel ex casu uerbi. 20. c.

Enunciatio est genus ad affirmationem, & negationem. ibidem.

Eorum, quæ non semper fiunt, quot sint genera. 112. b.

Esse in subiecto fundamentum est ipsius dici de subiecto. 22. b.

Esse animal non est idem, quod ui-

uere. 97. b.

Esse usuale cur linea dicatur differentia accidentalis. 122. a.

Esse principia nobis nota immediate, & mediate quid denotent. 150. d.

Essentia specierum quomodo instrumentum cognoscatur. 37. d.

Essentia passionum proprie dicta quænam sit. 103. b.

Essentia passionum largo modo accepta quænam sit. ibidem.

Essentiales propria passionis definitiones cur non possint esse medium in demonstratione. 162. c.

Explicatio opinionis Ioannis Grammatici de inscriptione secundæ libri Posteriorum. 58. c.

Explicatio decimi contextus primi libri Posteriorum. 58. a.

F.

Facultas quodnam sit. fol. 1. pag.

Facultatis nomen quomodocunque sumatur toti logica non conuenit. ibidem. c.

Finis internus logica quid sit. 6. a.

Finis externus logica quid sit. ibidem. b.

Finis Grammatica quid sit. 25. b.

Finis quibusnam inducat necessitatem. 63. b.

Formatio apud Auerroem quid sit. 52. a.

Forma partis, quæ est altera pars

- compositi, à quanam materia
contradistinguat. 80. c.
- Forma totius quid sit. ibidem.
- Forma subiecti est causa efficiens
propriatum eiusdem subiecti.
84. b.
- Forma sensitiua supponit uegetati
uam, non è contra. 97. b.
- Forme substantiales carent causa
inherentia, habent tamen effi
ciens extrinsecum, à quo produ
cuntur in ipsum esse. 103. a.
- Forma quomodo sit, causa effectrix
accidentium sui subiecti. 180. c.
- Frustra est ratio, ubi superabundat
sensus. 151. b.
- G**...
- Generatio cur ab Aristotele dica
tur Natura. 15. a.
- Genera causarum quot sint. 62. c.
- Genus conuenientia, non discrepā
tia causa est earum specierum,
qua sub se continentur. fol. 2.
pag. 2. c.
- Genus quotuplex sit. 49. b.
- Genus innominatum quomodo dis
ferat à definitione. 49. b.
- Genus innominatum quid sit. ibide
- Genus nominatum quid sit. ibidem
- Genus quare dicatur genere uicem
materia. 81. a.
- Genus accidentis proprii à quo re
stringatur. 131. d.
- Genus secundum se quid signifi
cet. ibidem.
- Gradus demonstrationis quot sint.
173. c. & d.
- Gravitas à quo nam in lapide fluat
184. b.
- Græcorum serè omnium sententia,
fundamentaq; de philosophi con
silio in secundo Posteriorum li
bro. 31. a.
- H**...
- Habens quiditatem ex quibusnam
constet. 80. d.
- Habitus communiter accepti di
uisio. 2. a.
- Habitus illi quinque ab Aristotele
enumerati in sexto libro de Mo
ribus cap. 3. & 4. à quo consti
tuantur. ibidem.
- Habitus instrumentarii, nempe lo
gica, & Grammatica à quo co
stituantur. ibidem. b.
- Habitus rationalis diuisio à quo su
matur. ibidem. d.
- Habitus præcipui, & habitus in
strumentarii à qua parte entis
pendeant. fol. 2. pag. 2. a.
- Habitus instrumentarii quomo
do inter se diuersi fiant. fol. 2.
pag. 2. b.
- Habitus præcipui, et instrumen
tarii in quo conueniant. fol. 2.
pag. 2. d.
- Habitus rationalis intellectus diui
sio. 25. a.
- Hæc tria, uidelicet, uniuersale, & pri
cundum quod ipsum, & pri

num in unum, & idem concurrere. 94. c.

Hac dictio, quatenus, secundum unam tantum significationem, & illam propriam apud Aristotelem semper legitur. 96. c.
Hominis consideratio multiplex est. 7. c.

Homo quid addat animali rationali. 176. b.

Homo, et socrates quomodo sit idem, & quomodo differant. 76. c.

Idem diuersa ratione in diuersis eiusdem Disciplina partibus considerari potest. 17. b.

Idem se ipsum uenari non potest. 29. d.

Idem in se ipsum non resoluitur. 53. b.

Idem se ipsum componere absurdum esse. 70. d.

Idem in se ipsum agere non potest. 179. a.

Implicat contradictionem dicere librum categoriarum esse logicum, & rebus ibi consideratis non esse impositas secundas intentiones. 21. b.

In apologo quid colligere teneamur. 44. b.

Inferiora accidunt superioribus. 69. a.

In libro categoriarum res actu secundis notionibus subiunguntur.

21. c.

In libro Predicamentorum quomodo philosophus agat de terminis simplicibus in rebus fundatis. 17. a.

In libro Perihermenias quomodo philosophus agat de iisdem simplicibus terminis. 17. a.

In principio primi Priorum quomodo philosophus agat de iisdem simplicibus terminis. 17. b.

In quo habitu rationali sit uerum per se. fol. 2. par. 2. b.

In quibus propositionibus sit uerum, & in quibus sit falsum, nomen pro subiecto, & uerbum propria dicato sumi. 20. d. et 21. a.

In qualibet questione quid quaratur. 32. a.

In quem sensum philosophus reiciat, et in quem sensum admittat definitionem. 43. b.

Instrumenti conditiones a quo fluant. 61. d.

Instrumentorum logicorum diuisio. 28. c.

Instrumentum spiritale quomodo applicatum scientia fiat scientia illa, cui applicatur. 15. b.

Intellectus a quo ente extra animam pendeat. fol. 2. par. 2. b.

Intellectio quid sit. 13. b.

Intellectus quomodo fiat res intellecta. 15. b.

Intentio philosophi in logica discipli

- na quamam sit. 16. b.
 Intentionis principium est finis executionis. 16. c.
 Intentionis finis est principium executionis. ibidem.
 Intētio philosophi in libro categoriarum quamam sit. 21. c.
 Intētio philosophi in libris Posteriorum quamam sit. 24. c. & 66. b.
 Intētio philosophi in libris Priorum. 70. a.
 Inter hominem, & aīal cadit aliud subiectum medium. 98. b.
 Intertio modo per se quāā substantia contineatur. 76. c.
 In uno quoque predicamento est quod quid est. 80. b.
 Ioannis Grammatici opinio de inscriptione secundi libri Posteriorum. 57. c.

L.

- Lapidis conditio naturalis quāā sit. 181. c.
 Latinorum serè oīum sententia, & fundamenta de philosophi consilio in secūdo Posteriorum. 32. b.
 Libri Posteriorum quare inscripti sint Posterioreres. 59. b.
 Libri Priorum quare inscripti sint Priores. ibidem.
 Libri Posteriorum quare inscripti sint resolutorii. 60. a.
 Linea non est uerum subiectum recti, nec uerum subiectum curui sciundim accepti. 89. c.

- Linea ut linea ad quam scientiam spectet. 122. b.
 Linea ut uisualis ad quam scientiam pertineat. ibidem.
 Linea quomodo à Geometra definitur. 126. b.
 Linea uisualis quomodo à Perspectiuo definitur. ibidem.
 Linea physica quomodo consideretur à Geometra. ibidem.
 Linea mathematica quomodo consideretur à Perspectiuo. ibidem.
 Littera cur ad aliquem mittantur. 154. d.
 Locos argumentorum esse ab argumentis diuersos. 99. c.
 Loci demonstratiui, si aliqua sint, quā in Posterioribus dici merentur. loci demonstratiui, quāā esse possint. 99. d. & 100. a.
 Logica utilitas. 16. b.
 Logica proportio ad totam philosophiam. ibidem.
 Logica artificiosa regit intellectum ne erret in suis operationibus, recta, & philosophandi ratio est. 1. c.
 Logica hominibus à natura insita est. ibidem.
 Logica quid nominis ibidem.
 Logica genus quid sit. fol. 1. par. 2 a
 Logice proximum genus quid sit, & quid sit proxima differentia 2 b.
 Logica per quid à Grammatica distinguatur. 2 b.

Logica definitio. 2. c. 10. b. 15. 11. c.
Logica in quo conueniat cum habitibus principalibus, et in quo ab illis differat. fol. 2. par. 2. d.
Logica in quo conueniat 15 in quo differat à Grammatica. 3. a.
Logice res considerata quodnam sit. 3. c.
Logici operantis res considerata quodnam sit. 3. d.
Logica duplex finis conuenit. 6. a.
Logica subiectum adequatū quid sit. 6. b.
Logici operantis adequatum subiectum quid sit. ibidem.
Logicus in logica definitione cur nō debeat habitum collocare. x. a.
Logicus habet subiectum eternum, 15 necessarium. 14. c.
Logicus quasi sciētia sit sciens. ibidem.
Logica pars, qua demonstratiua nūcupatur in usu posita semper ex propriis uniuscuiusq; sciētia, cui applicatur, principiis progreditur. 15. a.
Logica pp quid fuit inuenta. 16. a.

M.

Maior propositio illius demonstrationis, qua concluditur hominē risibilem esse pp animal rationale, in quo modo dicendi per se reperiatur. 105. a.
Maior extremitas potissima demonstrationis quam sit. 100. c.
Maior propositio potissima demon

strationis est in quarto modo dicendi per se. 101. b. 15. 105. a.
Mathematica quomodo dicantur habere materiam. 182. c.
Materia ex qua quomodo collocetur in secundo modo dicendi per se. 104. c.
Materia ex qua cur non collocetur in secundo modo dicendi per se, sicuti materia in qua. 104. a.
Materia in qua ad quod genus causa reducat. 65. a.
Materia ex qua est altera pars compositi. 80. b.
Materia nō ē pars quiditatis. ibi. c.
Materia quomodo possit dici pars quiditatis. 81. a.
Materia duplex est. 82. c.
Medicina ratione finis sciētia nuncupari non potest. 14. b.
Medium quando dicitur esse causae illationis. 31. b.
Medium quare dicatur causa rei conclusa. ibidem. c.
Medium à quo habet ut sit causa illationis. ibidem.
Medium à quo habeat ut sit causa rei. ibidem.
Mediū nō potest esse demonstratiuū, nisi sit etiam causa rei. 33. b.
Medium in potissima demonstratione quomodo sit quiditatiua subiecti definitio. 54. b.
Medium debet esse semper idem in utraque propositione. 118. a.

- Medium in potissima demonstratione quomodo sit causa subiecti per accidens. 168.c.
- Methodi demonstratiue finis quod duplex sit. 35.d.
- Methodo resolutiua quanam principia adiuvantur. 36.c.
- Methodus, qua philosophus quarrit definitionem in secundo. Post: libro quanam sit. 48.b.
- Minor extremitas potissima demonstrationis quanam sit. 101.b.
- Minor propositio potissima demonstrationis cur non possit esse nisi in primo modo dicendi per se. 104.b.
- Modi sciendi quot sint. 44.c.
- Modi predicandi per se quomodo inter se distinguantur. 77.b.
- Modus considerandi est cuique scienti proprius. 9.b.
- Modus considerandi logici quanam sit. 26.a.
- Modus considerandi Metaphisici quanam sit. 57.a.
- Modus considerandi a quo sumatur. 126.a.
- Modus definiendi a quo sumatur. ibidem.
- N**
- Natura non cognoscit. 68.b.
- Natura potissima demonstrationis in quibusnam conditionibus consistat. 118.c.
- Natura demonstrationis est uana absque cognitione nostra. 151.a.
- Naturam demonstrationis absque nostra cognitione minime considerari posse. 155.c.
- Necessarium quid sit. 68.c.
- Necessarium latitudinem habet. 169.a.
- Necessarium accidentale unde proveniat. 69.a.
- Necessarium essentiale unde oritur. ibidem.
- Necessitas duplex est. 181.c.
- Nihil consideratur ab Artifice, quod recedat ab eius modo considerandi. 26.a.
- Nomen Logicum unde sumptum fuerit.
- Nomen in libro Perihermenias summi in ordine ad enuntiationem. 19.c.
- Nomen ut sua quot indicet. 81.a.
- Nominalis affectionis definitio cur semper debeat esse nota. 136.b.
- Non esse maiorem rationem, ut de demonstratio debeat dici logicum instrumentum, quam definitio. 30.d.
- Non id omne, per quod redditur causa illustrationis accidentium priorum alicuius subiecti est eiusdem subiecti definitio. 167.d.
- Non licere demonstratiue transcedere de genere in genus. 120.b.
- Non omnis demonstratio propter quod est primi gradus. 174.a.
- Non omnis demonstratio propter quod, qua in definitionem convertitur est potissima. 171.b.

*Nota reduplicationis in aliquo
quid denotet. 96. c.*

*Notificare quid significet. 154. c.
et 155. c.*

*Nulla scientia prestabilior est scien-
tia per definitionem. 26. b.*

*Nullam definitionem esse re distin-
ctam à demonstratione. 53. c.*

*Numerum non esse uerum subie-
ctum paris, neq; imparis scien-
tiam accepti. 89. c.*

Notius nobis quodnam sit. 68. b.

*Notius Natura, seu simpliciter
quodnam sit ibidem.*

O.

*Omnes disciplina utuntur pro in-
strumento demonstratione, et de
finitione. 26. b.*

*Omnes partes definitionis sunt for-
ma. 80. c.*

*Omnes causas concurrentes ad ali-
quem actum demonstrandum
non esse in genere causa efficien-
tis. 113. c.*

*Omnia credimus aut per syllogis-
mum, aut ex inductione.
28. a.*

*Omnia predicata primi modi per
se esse formalia. 80. b.*

*Omnia per se, qua inseruiunt potis-
sima demonstrationi, habent ne-
cessarium causae, et cau-
sati. 88. c.*

*Omnis doctrina fit ex praecognitis.
12. c.*

*Omnis questio est questio medii.
41. d.*

*Omnis notitia est nostra, non Natu-
ra. 68. b.*

*Omni substantia competit in subie-
cto non esse. 74. b. et 75. c.*

*Ordinem dari inter plures alicu-
ius speciei proprietates, ut, scili-
cet, una prius altera emanet à
forma. 179. d.*

*Ordo Natura in operatione qua-
liscumque sit. 68. c.*

*Passio, et eius genus, licet non sint
iidem termini uoce, seu dictione,
sunt tamen iidem significatione,
et essentialiter. 135. a.*

*Passio per eam causam debet demō-
strari, per quam inest subiecto.
174. d.*

*Per naturam id est, per causam, pro-
pter quam res est, quanam cau-
sa ab Aristotele intelligatur.
65. a.*

*Per demonstrationes celebratas
quid intelligat Averroes.
168. a.*

*Per magnam partem celebratarum
demonstrationum quid intelli-
gat Averroes. 168. b.*

*Per opposita predicata quid intelli-
gat Aristoteles. 89. b.*

*Perpetuitas temporis à qua mate-
ria emanet. 70. a.*

*Per se est communius ipso uniuersa-
li. 72. a.*

Per se multiplex, & equiuocum est. 72. c.

Per simpliciter scibilia quid Aristoteles intelligat in decimo contextu primi libri Post. 88. c.

Per simpliciter predicata quid intelligat Aristoteles in eodem textu. 89. b.

Ponere in numerum quid sit. 10. c.

Proposita à quonam in uitro suat. 184. b.

Potentia passiva quanam sit. 111. c.

Potissima demonstrationes quare raro fiant, & rara sint. 53. d.

Præcognita demonstrationis quibus nam præcognitionibus præcognosci debeant. 128. a.

Præcognita demonstrationis quomodo inter se distinguantur. 128. c.

Præcognitiones quomodo locum non habeant in præcognitis. 129. a.

Præcognitio quid quotuplex sit. 128. c.

Præcognitio quod, seu quia est quotuplex sit. 128. b.

Predicatum uniuersale quid significet. 69. c.

Predicatio de omni priorifica cur non denotet totum syllogismum, ut nonnulli uidentur uelle. 70. b.

Predicatio naturalis, & præter naturam quanam sit. 80. a. & b.

Predicari de subiecto quid sit. 87. a.

Predicatio denominatiua quanam sit. ibidem.

Predicatio generis de differentiis diuisiuis cur non sit uniuersalis. 94. c.

Predicatum primum quotuplex sit. ibidem.

Predicatio generis de specie non est uniuersalis. 95. b.

Predicatio definitionis de definitione non est per se. 100. c. & 157. c. & 136. a.

Praedicata prima, seu uniuersalia quot sint. 102. b.

Praedicatio definitionis de definitione est ueluti praedicatio proprii de proprio. 136. a.

Praedicatio proprii de proprio non est per se. ibidem.

Primitas subiecti quanam sit. 94. d.

Primitas causae quanam sit. 95. a.

Primus modus praedicandi per se in qua causa fundetur. 80. b.

Primus modus dicendi per se quid sit. 79. a.

Primus modus dicendi per se cur non possit fieri secundus, & è conuerso. 82. b.

Principia demonstrationis quomodo sciantur. 68. a.

Principia demonstrationis quomodo sint uera. 69. b.

Principia quando possunt transferri de genere in genus. 126. a.

Principia demonstrationis debent esse nota ut sint essentialia. 139. c.

Principium omnis demonstrationis est quod quid est. 32. a.
Principium demonstrationis quod duplex sit. 32. b.
Principium demonstrationis quomodo sit quidatiua subiecti de finitio. 53. b.
Prius nobis quodnam sit. 68. b.
Prius natura, seu simpliciter quodnam sit. ibidem.
Problematum diuifio. 12. b.
Progressus in infinitum ab omni demonstratione remouetur. 68. a.
Propositiones in quam immedia te refoluantur. 5. b.
Propositiones potissima demonstrationis unde habeant ut sint vera, prima, & immediata, notiores, priores, & causa conclusionis. 63. a.
Propositiones singulares in scientiis non usurpantur. 75. b.
Propositio a quo termino recipiat denominationem. 118. a.
Proprietates specierum quo instrumento percipiuntur. 36. c. & 61. b.
Propria passio unum significat, & alterum denotat. 134. b.
Propria passio quid significet, & quid denotet. ibidem.
Propria passiones quot definitiones habeant. 162. c.
Propter quod est unumquodque, il

lud magis est. 68. b.
Propter ipsa sumi aliquando pro, per ipsa, seu pro, per se. 93. a.
Prudentia a quo ente extra animam pendeat. fol. 2. pag. 2. b.

Q.

Quam rationem enunciatio ad propositionem habet, eandem habent nomen, et uerbum ad subiectum, et predicatum.
Quando definitio ex demonstratione elicitur. 36. b.
Quare definitio conslet ex proximo genere, & proximis differentiis. 1. d.
Quare Metaphisica, & Animastica contemplatio non dicantur habitus rationis, & instrumentarius, licet utraque uersetur circa ens rationis. fol. 2. pag. 2. a.
Quare in Elenchis philosophus sophistarum tecnas detegere uoluerit. 18. a.
Quare philosophus a nominis definitione excludat nomen infinitum. 19. d.
Quare philosophus a nominis definitione excludat casus nominis. 20. a.
Quare dum in primo Posteriorum libro agitur de materia demon-

strationis inuentione , agatur
etiam de inuentione medii de-
monstratiui pro ut est causae rei.
33. c.

Quare philosophus in principio se-
cūdi Posteriorum docuerit quot
sint quasita. 41. d.

Quare philosophus nec in proemio
primi Priorum , nec in epilogo
secundi Posteriorum de Defi-
nitione mentionem fecerit.
44. b.

Quare philosophus in ultimo con-
textu secundi Posteriorum ege-
rit de principiorum cogniti-
one. 44. c.

Quare Ajax , Achilles , Al-
cibiades , Lisander , & Socra-
tes Magnanimi appellati fue-
rint. 50. c.

Quare philosophus in secundo Po-
steriorum agat de inuentione de-
finitionis. 57. a.

Quare philosophus in Posteriori-
bus primo loco demonstratio-
nem , secundo uero definitio-
nem consideret. 59. c.

Quare Medium in demonstratio-
ne raro sit subiecti definitio.
67. b.

Quare per accidens medium in de-
monstratione sit subiecti definitio.
ibidem.

Quare uerum demonstratiue non
colligatur nisi ex ueris. 67. c.

Quare philosophus in secundo Po-
steriorum solum earum demon-
strationum meminerit , in qui-
bus Medium est tantum cau-
sa effectrix passionis . 119. a.
& 166. d.

Quartus modus predicandi per
se in qua causa fundetur. 77. b.
& 87. c.

Quartus modus dicendi per se quo
modo reducatur ad primum ,
et secundum. 107. c.

Qua consequuntur ad esse speciei
sunt eiusdem speciei propieta-
tes. 167. b.

Qua de re aliqua queruntur quot
sint. 37. b.

Qua de subiecto dicuntur quomo-
do accidentia sint. 87. a.

Quem locum in demonstratione
philosophus designauerit defini-
tionibus uniuscuiusque propria
passionis. 162. c.

Quanam compositio ponat in nu-
merum. 75. b.

Quenam habitum rationalem
philosophus diuidat in sexto li-
bro de Moribus. fol. 2. pag.
2. b.

Quanam in rectum , et qua circu-
lariter fiant. 43. a.

Qua sciuntur aliquo instrumento
sciri oportet. 37. b.

Quasita simplicia quot , & qua
sint. 1. b.

Quæsitæ composita quot, & quæ sint. ibidem.

Quæsum quale sit quid sit. x. c.

Quæstioni quid sit sola definitio satisfacit. 30. a. & 36. d.

Quæstio simplex an sit quæ demonstratione absoluat. ibidem.

Quæstio propter quid sit coincidit cum fine. 16. a.

Quid, & propter quid quot modis considerari possint. 40. c.

Quiditas per quodnam differat ab habente quiditatem. 81. a.

Quiditas quot modis sumi possit, ibidem.

Quiditas proprie cuiusnam sit. 163. a.

Quid intelligi debeat per partem generis. 79. a.

Quid intelligi debeat per partem differentie secundum Averroem. 80. a.

Quid quot modis sumi possit. 147. d.

Quid per modum scientie intelligatur. 12.

Quid sufficiat ad ostendendum logicam esse absolute scientiam. xi. b.

Quod est causa convenientia non potest respectu unius, & eiusdem esse causa discrepantia. 3. a.

Quod est sub specie alicuius gene-

ris, non potest non esse sub genere illius speciei. x. c.

Quomodo res possint esse subiectum logica. 5. a.

Quomodo philosophus in secundo Posteriorum libro agat de Definitione pro ut ex demonstratione elicitur. 36. b.

Quomodo philosophus definitionis tractationem in secundo Posteriorum libro cum demonstrationis tractatione confundat. 41. c.

Quomodo demonstratio, & definitio sint idem, & quomodo differant. 54. a.

Quomodo naturalis philosophus, & scientia subalternata considerent formas in materia. 125. c.

Quo ordine conditiones principiorum potissima demonstrationis inuestigentur. 61. c.

Quod quid est rei quot modis sumi possit. 29. d.

Quot sint genera eorum, quæ de qualibet specie sciri possunt. 61. b.

R.

Ratio Methodi in genere quid sit. 28. c.

Rationes topica quare ab Aristotele logica nuncupentur. 15. c.

Ratio generis à suarum specie-
rum ratione diuersa est .

28. c.

Ratio, qua probat philosophus in
primo Posteriorum contextu
trigesimo parietem non respira-
re, cur ab eo dicatur demonstra-
tio quòd. 156. a.

Recentiorum opinio, eorumq; fun-
damentum de philosophi consi-
lio in secundo libro Postero-
rum. 34. a.

Rectum est iudex sui ipsius, & obli-
qui. 173. a.

Rem aliquam consideratam, qua
pluribus modis considerari pos-
sit, ad unum ex illis coartari,
& restringi quid sit. 9. b.

Rerum alia alteram causam ha-
bent alia uero minime. 42. b.

Res per quid cognoscantur .

41. c.

Res sunt fundamentum secun-
darum intentionum. 5. b.

Res considerata pluribus est com-
munis. 9. b.

Res cognoscenda quot sint .

37. c.

Res à qua causa habeat ut sit .

63. b.

Res demonstrandae quot sint .

65. b.

Res per se existens quam sit .

75. b.

Res à quo constituatur, & nomi-

netur. 123. d.

Resolutio quid sit. 58. b.

Rhetorica docet in utramque
partem disputare. fol. 1. pag. 2.

2. b.

S.

Sapientia à quo ente extra ani-
mam pendeat. fol. 2. pag. 2. b.

Scientia à quo ente extra animam
pendeat. ibidem.

Scientia contemplatiua quem fi-
nem habeant. 7. a.

Scientia rationalis cuiusnam sit
species. x. d.

Scientia communiter accepta ha-
bet subiectum, passionem, & prin-
cipia. xi. a.

Scientie subiectum quodnam esse
debet. 12. d.

Scientia in communi de quonam
ente sit. 13. d.

Scientia à quo constituatur, &
nominetur. 123. d.

Scientia subalternata quando fa-
ciunt, & quando non faciunt
numerus. 126. a.

Scientia subalternantes, & sub-
alternata quando in re consi-
derata differant, & in modo
considerandi concurrant .

126. c.

Scire simpliciter pro quo scire su-
matur. 62. c.

Scire sophistico modo pro quo scire

- accipiat, ibidem.
- Scire causam effectus quando sit
scire propter quid. 142.c.
- Scire per posterius in comparationem ipsius scire per prius habetur pro ipso scire secundum accidens. 161.a.
- Scopus definitionis separatur a scopo demonstrationis. 40.b.
- Secundarum intentionum distinctio. 3.c.
- Secunda intentiones absque primis esse non possunt. 4.a.
- Secunda notiones latius patent, quam instrumenta notificandi. 9.c.
- Secundum quod ipsum quid sit. 65.b. & 174.c.
- Secundi modi dicendi per se explicatio. 81.c.
- Secundi modi dicendi per se predicata quanam sint. ibidem.
- Secundus modus predicandi per se in qua causa fundetur. 83.a. & 84.d.
- Secundum quod ipsum quid significet. 97.a.
- Significatio nominis alicuius rei quando intelligatur. 131.b.
- Similitudo non est identitas. 14.b.
- Similitudo, & dissimilitudo inter philosophum, & sophistam in quo consistant. 62.b.
- Simitas cuiusnam sit passio. 134.b.
- Simitas quid significet, & quid de notet. ibidem.
- Sine uerbo nulla affirmatio, vel negatio est. 20.c.
- Subalternantes, & subalternatas scientias conuenire in subiecto materiali. 122.a.
- Subalternantes, & subalternatas scientias quare differant. ibidem.
- Subiectum adequatum tam Artis, quam Artificis operantis ex quibus constet. 3.b.
- Subiecto ad quid apponatur modus considerandi. 7.b.
- Subiectum quot modis capi possit ratione suarum proprietatum. 84.c.
- Subiectum duplex, uidelicet propositionis, & rei. 103.b.
- Subiectum propositionis quodnam sit. ibidem.
- Subiectum rei quodnam sit. ibidem.
- Subiectum simpliciter idem quomodo intelligi debeat in diuersis scientiis. 121.b.
- Subiectum aliquo modo idem quomodo intelligi debeat in diuersis scientiis. 121.c.
- Substantia duobus modis sumi potest. 26.a.
- Substantia quo instrumento nota fiat. 61.b.

Substantius nihil esse contrarium.

22. a.

Superiora necessario sunt in inferioribus. 69. a.

Syllogismus in quo distinguatur à propositionibus. 3. d.

Syllogismus in quemam immediate resoluatur. 5. b.

Syllogismus quot modis considerari possit. 22. c.

Syllogismus demonstratiuus per quemam à quolibet alio distinguatur. 68. d.

Syllogismus à causa remota cur fiat in secunda figura. 139. b.

T.

Termini propositionum quinam sint. 21. a.

Termini simplices in rebus fundati, de quibus agit philosophus in libro categoriarum quo modo sumantur in ordine ad enunciationem, & quomodo in ordine ad propositionem. 21. a. & b.

Terminorum simplicium duplicem tractationem fecit philosophus. 17. b.

Terminus pro definitione accipitur. 27. b.

Tertius modus per se quomodo distinguatur ab aliis modis per se. 77. b.

Tertius modus per se non efficit

pradicationem. 86. d.

Tonitrus quodnam subiectum de notet. 135. c.

Tota logica tractatio de quibus sit. xi. d.

Tractatio partium respectu totius non potest esse disiuncta ab ipsa totius tractatione. 18. b.

Transitus de una in aliam scientiam quando possit dari. 121. a.

V.

Verbi definitionem esse traditam in ordine ad enunciationem. 20. b.

Verbum in libro perihermeneias summi in ordine ad enunciationem. 19. c.

Verbum non est terminus materialis, sed formalis in propositionibus de tertio adiacente. 21. a.

Verbum substantiuum non potest reddi infinitum. ibidem.

Verificatio apud Auerroem quid sit. 52. a.

Verum ex falsis syllogistice colligi posse. 67. c.

Vita à qua forma proueniat. 97. b.

Ultima rerum differentia ut plurimum latent. 49. b.

Unaqueque substantia, hoc ipsum, quod est, non dicitur secundum magis, & minus. 22. b.

Unde motus Auerroes dixerit ,
Medium esse extra quidita-
tem. 54.a.

Vnitatis libri, & scientiae à quo su-
mi debeat. 41. b.

Vniuersale duplex est. 93. c.

Vniuersale logicum quot modis su-

matur. 94. a.

Vniuersale Posteriorisficum quid,
sit. 94. b.

Vnumquodque subiectum pro-
prias passiones, earumq; de-
terminatas habet causas.

120. c.

Obscuro te, Lector, ut, priusquam legere incipias, hæc grauiora errata,
partim deficientibus initio characteribus græcis, partim Typographi in-
curia, commissa, sicut infra notatum est, corrigas, primus numerus pagi
nam, secundus uersum indicat.

1. 23. apo tu logu, ἀπὸ τοῦ λόγου

2. 39. b. aliis, illis.

9. 3. intensiones, intentiones.


10. 16. probans, præbens.

28. 24. instrumentum, instrumen-
torum.

148. 13. octauo, septimo.

165. 33. c, se.






BERNARDINI PETRELLAE LOGICARVM DISPUTATIONVM

LIBER PRIMVS DE LOGICA VNIVER.

SALITER SVMPTA.

An huiusmodi Logica sit, eiusq; genus quod namsis.

C A P. I.



Voniam de omni, quod sciri potest, ut testatum reliquit Philosophus in principio secundi Posteriorum, quatuor quæri possunt, An sit, Quid sit, Quale sit, Cur sit; Quibus diligenter consideratis, non potest id exquisitè non cognosci: ideo cum Logica artificiosa, de qua in præsentia loquimur, sine ulla controuersia sciri possit, in eius tractatione à philosophi sententia non recedentes, quatuor illa quæsitæ, in quibus omnia fere prolegomena latent, examinanda proponimus. Verum quia eorum duo simplicia, An sit, & Quid sit, duosq; alia composita sunt, Quale, & Cur sit, ut ordinem Naturæ sequamur, à simplicibus incipiemus, & primum à Quæstione An sit, nam fatuum esset quærere quid res aliqua sit, nisi prius notum fuerit rem illam esse, in quo simplici quæsito non immorabimur, cum omnibus eruditis hominibus pateat, Logicam artificiosam à Philosophis inuentam, & ab Aristotele tandem perfectam, atq; absolutam fuisse, hæc regit Intellectum nostrum ne erret in suis operationibus, estq; recta philosophandi ratio; Vulgares quoque, ac rudi ingenio præditi indicant, logicam hominibus naturaliter insitam esse, cum eorum unusquisque in disceptationibus pro se rationes adducere, aduersariorumq; argumenta refellere conetur, nulla habita logicæ artificiosæ cognitione. An sit igitur logica disciplina quærere prætermittimus, & ad inuestigandum Quid sit, hoc est, ad eius definitionem constituendam accedemus, quæ cum in duplici differentia sit, uidelicet, nominis, & rei; de nominis definitione, ut clara, sermo noster non erit, quoniam logicæ nomine omnes fere Disciplinam quandam apertu logu idest, à ratione ratiocinatricem significari intelligunt; sed solum de rei definitione, quæ intimam eius Disciplinæ naturam declarat. Hæc omnium opinio a ne ex genere proximo, & proximis differentiis constare debet, ut definitum ra

Logicarum Disput.

- a tione generis ab iis, quæ sunt diuersorum generum, & ratione differentiarum ab iis, quæ sunt eiusdem generis, distinguatur. Verum quia differentia à Logica subiecto, & sine sumuntur, de eius genere, subiecto, & sine à nobis agendum erit, quibus optime cognitis, Logica Definitio omnibus perspicua reddetur. Quod igitur ad genus pertinet, dicimus, Logica genus esse Facultatem, seu Habitum rationalem.

Ex Aliorum sententia obiectiones quadam de genere Logica.

C A P. I I.

- C**ontra ea, quæ de genere Logica dicta sunt, Nonnulli argumentantur, facta prius hac Facultatis distinctione, ut aliquando late, pro ut omnes habitus intellectus comprehendit; aliquando uero strictius, & magis proprie sumatur, pro potestate, quæ æque utrumq; contrarium respicit, Is enim ambulare potest, qui etiam potest non ambulare. Posita huiuscemodi distinctione, ob stare illud uidetur, quod si primo modo Facultatem accipiamus, non dicimus genus Logica, nisi amplissimum, & remotissimum, quasi uelimus Logicam esse quandam Disciplinam, uel Habitum, quod cum per se compertissimum sit, in præsentia non quaritur, sed magis propinquum Logica genus indagandum est: Si uero secundo modo, solum Dialecticæ, ac Rhetoricæ huiuscemodi appellatio accomodari potest, intelligendo nomine Dialecticæ non totam Logicam, sed solam eius partem disputatricem, quæ octo libris Topicorum continetur, hanc enim philosophus comparat cum Rhetorica, & ei similem esse dicit, non totam Logicam, quando in principio primi libri de Rhetorica inquit, Dialecticam, & Rhetoricam similes esse inter se, & utramque dynamis, id est, Facultatem quandam esse, quoniam hæ solæ Disciplinæ docent in utramque partem disputare, & nos aptos reddunt ad utramque partem æque tuendam, Patet itaque Facultatis nomen siue communiter, siue proprie sumatur, toti Logica non conuenire. Præterea, per nos, qui Logicam dicimus esse Facultatem, difficultas, quæ alios urget, non soluitur, cum enim constet, Logicam habitum esse intelligendi, & credendum sit, plenam, & sufficientem esse habituum enumerationem in sexto libro de Moribus ab Aristotele positam, ad quorum nullum Logica habitum redigi posse facile demonstratur; si Facultatem alium quandam habitum esse putamus præter illos quinque, Aristotelem in habituum enumeratione mancum, ac diminutum facimus; si uero non alium, sed eorum aliquem, id à nobis declarandum, & argumenta soluenda erant, quæ in oppositum fieri solent; quamobrem fortasse melius dicendum erit, Logica genus esse Disciplinam, seu Habitum instrumentarium.

Superiores obiectiones soluuntur. Cap. I I I.

- d **A**llatis obiectionibus ita respondemus, ut ad primam dicamus, nos accipere Facultatem primo modo sumptam, & contra instantiam, negamus Logica

genus tunc esse amplissimum, & remotissimum, reddenda enim erat ratio, quam a
obrem Facultas, seu Habitus rationalis Logica genus remotum sit, cum eius
quoque proximum esse possit, nam licet habitus rationalis genus sit pluribus com
mune, non tamen est à Logica remotissimum, sed ei proximū, si Logica accipia
tur pro ut distinguitur ab Intellectu, Scientia, Sapientia, Prudentia, & Arte. Id
autem manifestum erit, si habitus communiter accepti diuisionem in medium
asseramus. Habitus ergo communiter acceptus uel corporis, uel Animi est, Ha
bitus animi uel est moralis, uel rationalis, habitus rationalis uel est principalis,
uel instrumentarius, principalis autem uel contemplatiuus, uel actiuus, uel effec
tiuus est. Hac posita diuisione, dicimus, differentiam principalem additam habi
tui rationali constituere quinque illos, habitus in sexto libro de Moribus capite
tertio, & quarto enumeratos, uidelicet, Intellectum, Scientiam, Sapientiam, Pruden
tiam, & Artem, qui habitus præcipui dicuntur; eidem uero habitui rationali al
teram instrumentariam differentiam adiunctam & Logicam, & Grammaticam b
parere, quæ habitus instrumentarii uocantur. quare Logica, prout à præci
piis habitibus contradistinguitur, proximum genus est habitus rationalis,
& proxima differentia est instrumentaria differentia; respectu autem Gram
maticæ; habitus rationalis est genus remotum, & habitus rationalis in
strumentarius est genus proximum, quod de aliis quoque ab ipsa Logi
ca differentibus specie, sicut de Grammatica uere dicitur; At habitui rationali
instrumentario addita alia differentia, uidelicet, ut præbeat instrumenta utriq;
philosophiæ parti inseruientia ad secernendum uerum à falso, bonumq; à malo,
ponit Logicam à Grammatica distinctam. Sicuti, gratia exempli, Animal imme
diatè diuiditur per rationalem, & irrationalem differentiam in Hominem, & Bru
ta, ratione itaque hominis genus proximum est animal, proxima uero differen
tia est rationalis differentia; quoniam uero ex Porphyrii uerbis in tali differentia
conueniunt etiam Diu, Animal ad Deos, & homines remotum, animal autem ra
tionale proximum genus est, cui apposita mortalis differentia separat Hominem c
à Diis. Ex quo clare patet, sicuti in hominis definitione animal est genus ratio
ne brutorum non remotum, reliqua uero omnia differentia, ita in Logica de
finitione (quæ nunc huiusmodi sit, Facultas, seu Habitus rationalis instrumenta
rius præbens instrumenta utrique philosophiæ parti inseruientia ad secernendū
uerum à falso, bonumq; à malo) Habitum rationalem respectu principalium ha
bituum esse genus non remotum, ceteras autem particulas differentias; nam Lo
gica à scientia, & ab aliis præcipuis Habitibus non per habitum rationalem cum
id, quod est causa conuenientia, non possit esse causa discrepantiæ respectu eius
dem, sed per differentiam instrumentariam distinguitur; In Habitu uero ratio
nali instrumentario simul cum Grammatica conuenit, cui generi, quod nomine
earet, alia adueniens differentia, uidelicet, ut præbeat instrumenta utrique philo
sophiæ parti inseruientia ad secernendum uerum à falso, bonumq; à malo, sepa
rat Logicam à Grammatica. Hæc habitus rationalis diuisio sumitur ab entis di
uisione facta ab Aristotele in sexto Metaph: libro his uerbis, entis aliud extra a

Logicarum Disput.

- a animam, aliud in anima est, entis extra animam ex sententia philosophi in sexto libro de Moribus ad Nichomachum cap. tertio aliud necessarium, aliud contingens est, cōtingentis uero ex mente eiusdē philosophi in eodem libro cap. quarto aliud actio, aliud effectio est Ex altera parte ens in anima secundū eius quiditatē & quatenus ens à Methaphysico, ut effectus ipsius intellectus ab Animastico, ut uero instrumentum diuersa ratione à Logico, & à Crammatico consideratur. Et licet Metaphysica, & Animastica contemplatio uersentur circa ens rationis, tamen non dicitur utraque habitus rationis, & instrumentarius, quoniam tota earum speculatio non uersatur solum circa ens rationis, sicut Logica, & Grammatica, quæ quidem iure optimo dicuntur habitus rationis, & instrumentarii. Ex qua entis diuisione facillime apparet à quibus eius partibus membra habitus rationalis ortum ducant, nam præcipui habitus ab ente extra animam, instrumentarii uero ab ente in anima oriuntur; Præcipuorum habituum ab ente extra animam fluentium Alii ab ente necessario, ut Intellectus, Scientia, & Sapientia; Alii ab ente contingente fluunt, ut Prudentia, & Ars, Prudentia ab ente contingente actiuo, Ars uero ab ente contingente effectiuo; Instrumentarii autem habitus, ut sunt Logica, & Grammatica, ab ente in anima emanantes diuersi fiunt inter se ex diuerso considerandi modo, seu ex finis diuersitate, qua (ut cenfeo) ueritate cognita, facile intelligitur, Logica, pro ut à præcipuis habitibus distinguitur, proximum genus esse habitum rationalem, in quo & præcipui, & instrumentarii habitus conueniunt, ratione uero Grammaticæ esse habitum rationalem remotum genus, proximum autem, Habitum rationalem instrumentarium; facti leq̃ respondetur alteri obiectioni, negando, sufficientem esse eam habituum enumerationem, quam posuit Aristoteles in sexto libro de Moribus, quia ibi philosophus non diuidit habitum rationalem in genere, sed alteram eius speciem, uidelicet, habitum rationalem præcipuum, in quo est uerum per se; Ex qua diuisione elicitur instrumentariorum habituum diuisio, propterea quod sicut ex finis diuersitate præcipui, ita instrumentarii habitus diuiduntur, licet eorum nulla fuerit ibi facta mentio ab Aristotele. Cum itaq; præter habitus præcipuos dētur etiam alii instrumentarii, si ponamus Facultatem habitum quendam diuersum à quinque illis præcipuis habitibus, non uideo quomodo Aristotelem in habituum enumeratione mancum, diminutumq̃ faciamus. Quod uero dicitur, Logicæ genus esse Disciplinam, seu Habitum rationalem instrumentarium, respondemus, in se uerum esse, attamen non explicatum aliquid scrupuli Iuuenum animis iniicere posse; non enim ratione omnium (ut diximus) habitus rationalis instrumentarius est Logicæ genus, nam si consideretur Logica in comparationē ad habitus præcipuos; eius genus non potest esse totum illud aggregatum, ut dicatur, Habitus rationalis instrumentarius, cum per huiusmodi aggregatum ab aliis distinguatur, alioquin ab eis non differret, cum genus conuenientia, non discrepantia causa sit earum specierum, quæ sub se continentur, sed tunc eius genus est tantummodo Habitum rationalis, in quo cum illis conuenit, & proxima differentia est instrumentaria differentia, per quam constituitur talis, & à præcipuis

puis habitibus separatur. Si uero consideretur in comparationem ad Grammaticam, eius proximum genus uere est *Habitus rationalis instrumentarius*, per quem non specificatur *Logica à Grammatica* contradistincta, quia (ut dictum est) quod est causa conuenientiae, non potest ratione unius, & eiusdem esse causa discrepantiae, sed specificatur, & à Grammatica seiungitur per aliam differentiam ab eiusdem Logicae sine desumptam, illiq; habitui rationali instrumentario appositam, quae est, ut praebeat instrumenta utrique philosophiae parti inseruientia ad secernendum uerum à falso, bonumq; à malo. Ecce quomodo opiniones non de claratae aliquid obscuritatis parere possunt, erat igitur aperiendum respectu quorum habitus rationalis instrumentarius sit Logicae genus.

De Logica Subiecto

CAP. IIII.

Cognito Logicae proximo genere, ad eius subiectum constituendum accedendum est, & quoniam diuersitas est non parua inter *Artis*, & *Artificis* operantis subiectum, ne luenes in errorem incident, de utroque uerba faciemus, notando prius, tam *Artis*, quam *Artificis* operantis adaequatum subiectum constare ex re considerata, quae subiecto materiali respondet, & modo considerandi, qui cum subiecto formali idem est. *Artis* res considerata est opus absolutum, & completum, constans ex materia, & forma rei, quae fit ab Artifice; Modus autem considerandi est, quatenus alteri opus illud inseruire debet. *Artificis* uero operantis res considerata, seu subiectum operationis est materia, circa quam uersatur, Modus autem considerandi est, ex ea opus propositum efficere, ut gratia exempli, *Artis* naualis res considerata est naus fabricata, modus autem considerandi est, quatenus nautis inseruire debet, *Artificis* autem naues construendis res considerata, uel subiectum operationis est lignum, modus uero considerandi est, quatenus in eo formam naus introducere intendit. Hoc posito, aduertendum esse existimamus, per Logicae disciplinae, operantisq; Logici subiectum nos non intelligere subiectum adaequatum, sed partem eius, nempe rem consideratam. Dicimus itaq; Logicae disciplinae, subiectum esse ipsamet Logica instrumenta iam absoluta, Logici autem operantis subiectum quodnam sit, patebit, facta prius secundarum Intentionum huiusmodi distinctione, quod earum aliae simplices, aliae compositae sunt, simplices sunt termini ipsi, nomen scilicet, uerbum, subiectum, praedicatum, & huiusmodi, ex quibus efficiuntur propositiones, quae in syllogismorum collatione dicuntur etiam secundae intentiones simplices, non secus ac elementa, quae in mixtorum comparationem dicuntur simplicia, licet constent ex materia, & forma; compositae uero secundae intentiones sunt propositiones ratione terminorum, ratione uero utrorumque, uidelicet terminorum, & propositionum est syllogismus, qui à propositionibus distinguitur, quoniam ignotum per notum notificat, illae uero nequaquam. Hac posita secundarum intentionum distinctione, dicimus subiectum Logici ut *Artificis* operantis esse se-

- a cundas intentiones simplices primis applicatas. Hæc nostra opinio fundata est in entis, & habitus intellectus rationalis diuisione, nam sicuti entis ex sententia philosophi in sexto Metaph: aliud extra animum, aliud in animo est, ita Habitus intellectus rationalis alius ab ente extra animum fluit, ac de illo tractat, ut est quilibet præcipuus habitus, alius ab ente in animo, seu ab ente rationis, de eoq; agit, ut est omnis habitus intellectus rationalis instrumentarius. Cum igitur circa ens rationis Logicus uersetur, eius subiectum operationis non possunt esse nisi secundæ intentiones simplices primis applicatæ, in eisq; fundatæ. Hinc pspicitur oēs sciēter dicere, Logicū secundas intēiones tractare primis applicatas, id est, habere pro subiecto operationis secundas intēiones simplices primis applicatas, in illisq; fundatas, cū secundæ intēiones absque primis esse nō possint.

Nonnullorum sententia de Logica subiecto.

C A P. V.

b

Et Orum, qui de Logica benemeriti sunt, nonnulli uidentur uelle, eius subiectum, quod operationis subiectum appellant, esse res omnes, siue earum primos conceptus, uel primas intentiones, in ea occupantes eundem locum, quē in Arte statuaria occupat æs, & lapis, in fabrilis ferrum, ac lignum, & in Medicina humanum corpus; nam quemadmodum statuaria proponitur æs tanquam materia, in qua formam statuæ efficiat, quæ eius artis scopus, ac finis est, ita, Logico proponuntur res omnes, siue earum conceptus tanquam subiectum, in quo secundæ intentiones effingantur, ut sint instrumenta nos iuuantia ad rerū notitiā adipiscendam. Quam sententiā & omnium testimonio, & Auerrois auctoritate confirmant; omnes enim dicunt, Logicum secundas intentiones tractare primis applicatas, quod nihil aliud significat, quā primas intentiones esse subiectum, in quo Logicus efficit secundas, quæ sunt finis Logicæ, secundæ enim

c

sine primis neque esse, neque mente concipi possunt. Auerroes autem in ultimo capite Epitomes libri Categoriarum asserit, decem Categorias esse subiectum & in scientiis & in Logica, duobus tamen diuersis modis, in Logica quidem quatenus eis contingunt intellecta secunda, id est, quatenus eis secundæ intentiones imponuntur, in scientiis uero quatenus sunt conceptus rerum, quæ extra animam sunt, quasi dicat, quatenus sunt cognoscibiles, res namque cognoscimus per ipsarum conceptus, quos mente apprehendimus. Logicus itaque res omnes considerat, non secus ac philosophus, diuersa tamen (ut diximus) ratione.

Opinio superius notata impugnatur.

C A P. VI.

- d HÆC opinio, quantum coniecere possum; cum ueritate non conuenit, neque enim Logicæ disciplinæ, neque Logici operantis res ipsæ sunt.

Liber Primus

subiectum, seu res considerata, non Logicæ disciplinæ, quia in ea, sicuti in mechanicis Artibus res considerata sunt instrumenta iam confecta, & absoluta; neque etiam Logici operantis, nam si res ipsæ essent eius res considerata, seu operationis subiectum, non secus ac statuarii æs, & lapis, profecto res essent pars materialis Logicorum instrumentorum, sicuti æs, & lapis statuarum, quemadmodum igitur statuarius, gratia exempli, ex ære, & figura mercurii efficitur eius statuam, ita Logicus ex rebus, & secundis intentionibus deberet sua instrumenta construere, quod tamen falsum est, ut clare inferius apparebit. Ad omnium uero testimonium, quod scilicet fateantur omnes, Logicum secundas Intentiones tractare primis applicatas, & in eis fundatas, dicimus, uerba illa interpretationem nostram in calce quarti capitis prolatam recipere, non eam, quam illi afferunt, nisi in bonum sensum ea uerba redigantur, ut scilicet res sint subiectum, id est, fundamentum, in quo fundantur secundæ intentiones tam simplices, quàm compositæ à Logico consideratæ. à qua communi sententia non recedit Auerroes loco ab eis citato, quia per decem Categorias intelligit subiectum pro fundamento, in quo fundantur secundæ intentiones simplices tãquam subiectum operationis Artificis, nempe Logici, ex quibus construit secundas intentiones compositas. Manifestum igitur est ex iis, quæ hucusq; diximus, res non esse subiectum Logici operantis, sed fundamentum secundarum Intentionum, quod ante iuniorum oculos ponimus. Sit in libris Priorum ex regulis ibi à philosopho traditis compositus syllogismus, quem in sua principia resolvemus, ut recte cognoscere possimus ex quibus fuerit confectus, cum composita ex illis conseruantur, in quæ resolvuntur. Syllogismus itaque immediate resolvitur in propositiones, quæ non sunt res, sed secundæ intentiones in rebus fundatæ; propositiones deinde in terminos simplices, qui etiam non sunt res, sed secundæ Intentiones rebus applicatæ. Subiectum itaque operationis, seu materia, circa quam uersatur Logicus in Syllogismorum constructione, non sunt res, sed termini simplices, & propositiones, quia sicuti in rerum naturalium generatione elementa, in quæ corpora naturalia resolvuntur, sunt subiectum operationis naturæ in mixtorum productione, & hæc uidelicet mixta in animalium generatione, ita termini simplices, quos rebus applicatos assumit Logicus in libro categoriarum, sunt eius subiecta materia, seu subiectum operationis, circa quod uersatur in constructione propositionum, & hæc scilicet propositiones sunt eiusdem Logici subiectum operationis, circa quod uersatur in efficiendo Syllogismo, qui non secus, ac eius subiectum operationis, fundatur in rebus. Non sunt itaque res subiectum operationis Logicorum instrumentorum, sed fundamentum, cum secundæ Intentiones absq; primis, & rebus subsistere non possint.



De fine Logicæ disciplina, eiusq; ac Logici operantis adequato subiecto.

C A P. VII.

DEclarato Logicæ disciplinæ subiecto, reliquum est, ut ad eius finem indagandum perueniamus. pro cuius notitia considerandum est, Logicæ non secus ac Mechanicis Artibus duplicem convenire finem, internum unum, alterum externum, quasi finem generationis, & rei genitæ. finem internum Logicæ dicimus esse absolutionem explicationis subiecti eius, quem finem assecutus fuit Aristoteles dum Logicæ libros absolvit, & Addiscentes eundem finem sunt assecuti dum pertinentia ad partes Logicæ didicerunt, per quæ possunt ad libitum formare instrumenta Logicæ; externum vero ex Aristotelis sententia in primo Top. cap. nono esse utrique philosophiæ parti adiniculari, tradendo eis methodos, ac regulas distinguendi verum à falso, bonumq; à malo, hinc est, quod philosophus in Moralibus finem, ac scopum actionis philosophiæ nominare maluit actionem, quam cognitionem, ut agendo eligamus bonum, & malum fugiamus. Disciplinæ itaque non secus, ac Mechanicæ artes, ita se habentes versantur in attinentiis ad finem internum tanquam in re considerata, modum vero considerandi recipiunt à relatione ad finem externum, ex quo duplici fine oritur earum adequatum subiectum, ut gratia exempli, Artis navalis subiectum adequatum est navis quatenus nautis inservire debet, Logicæ autem adequatum subiectum sunt instrumenta quatenus utrique philosophiæ parti inservire debent ad discernendum verum à falso, bonumq; à malo; Logici vero operantis adequatum subiectum sunt secundæ Intentiones simplices, quatenus ex illis instrumenta, quæ sunt secundæ Intentiones compositæ, construere intendit. Ex quo manifestissime apparet, subiecti acceptiones non confundi, cum pro re considerata simplices, pro modo vero considerandi secundæ Intentiones compositæ accipiantur.

*Ex Aliorum sententia opinio Auctoris impugnatur de fine externo
Logicæ disciplina, adequatoq; Logici operantis subiecto.*

C A P. VIII.

Hanc, quam sequimur, opinionem quoad externum Logicæ finem, adequatumq; Logici operantis subiectum Nonnulli mordicus nituntur impugnare, & primum quoad externum Logicæ finem asserunt, eam de bono, & malo cognitionem superuacaneam esse, quoniam ex eorum sententia totius Logicæ finis est cognitio, quamobrem satis esse putant, ut dicatur, externum Logicæ finem,

esse discernere in philosophia uerum à falso, quia uerum, & falsum, eorumq; cognitio non modo in contemplatiua, sed etiam in Actiua philosophia, & in omnibus Artibus locum habent, nam in omnibus disciplinis cognitio quaeritur, nec non ueri à falso distinctio; id tamen interest, quòd contemplatiuæ nullum alium finem habent, quàm cognitionem, reliquæ uero omnes cognitionem non per se quaerunt, sed propter operationem. Et quoniam existimant, bonum, & malum esse proprias materie conditiones, non secus ac calidum, frigidum, durum, molle, & huiusmodi, quas Logica, & omnia Logica instrumenta accidentarie respiciunt, aiunt, Si in Logica definitione sumeremus bonum, & malum, perinde esset, ac si multas quoque alias materie conditiones acciperemus, dicendo, Logica esse instrumentum, quo discernimus bonum à malo, calidum à frigido, & durum à molli; quæ omnia cum inconuenientia sint, inconueniens est etiam in Logica definitione ponere alium finem, quàm eum, ut discernat uerum à falso. Et licet Aristoteles in Moralibus finem, ac scopum actiua philosophia actionem nominare maluerit, quàm cognitionem, id ab eo hac ratione factum esse dicunt, quoniam actio ibi principalem locum tenet, cum sit ultimus, ac præcipuus finis, ad quem omnis earum disciplinarum cognitio dirigitur, quare non poterat aliter loqui Aristoteles de fine, & scopo actiua philosophia. De Logici operantis adaequato subiecto, inquirunt, eos esse dandendos, qui secundas notiones tanquam rem consideratam, deinde, ut instrumenta notificandi ponunt tanquam modum considerandi. Quem errorem ut detegant, notandum esse uolunt, subiecto modum considerandi apponi ad coarctandum non rem consideratam, ut multi putant, sed eius considerationem, quod cum maxime dignum cognitu sit, & à paucis animaduersum, tali exemplo declarant; Si quis diceret esse in aliquo libro subiectum animal quatenus est rationale, Is non recte diceret, quia si hæc locutio esset admittenda, oporteret omne animal esse rationale, qui enim ita loquitur, uidetur supponere, omni animali rationale inesse, uel saltem non simpliciter animal sumit, sed restrictum, & pro solo homine, ut perinde sit, ac si diceret, Homo quatenus rationalis, sic enim recte diceret etiam si eadem rem bis exprimeret, semel quidem tanquam rem consideratam, deinde iterum tanquam modum considerandi, quoniam in constituendo uero scientia contemplatiua subiecto modus considerandi æqualis esse debet rei considerata, licet enim dicere, Homo quatenus homo, sed non recte dicitur, animal quatenus homo, nisi animal pro homine solo accipiatur, dum enim dicit animal quatenus est homo, non omne animal statuit rem consideratam esse, sed solum hominem, quia bos non potest considerari quatenus homo, cuius consideratio, cum sit multiplex, restringitur, potest .n. homo considerari ut sanabilis, ut felicitatis capax, & aliis fortasse modis, ideo dum dicimus, subiectum esse hominem ut homo est, uel ut est rationalis, ad hanc unam considerationem hominem coarctamus, & alias excludimus; ita cum dicimus, corpus quatenus habens principium motus esse subiectum philosophia naturalis, non corpus ipsum restringimus, sed corporis considerationem, corpus .n. omne habet in se principium motus, & omne habens principium

- a** motus est corpus, sed tamen potest corpus considerari ut quantum, & aliis multis modis, quos omnes excludimus dum dicimus, quatenus habens principium motus. Hac si uera sunt, duplicem dicunt esse illorum errorem, qui ponunt secundas notiones pro ut sunt instrumenta notificandi esse subiectum Logicæ; etenim rem consideratam restringunt, quod faciendum non est, consideratione autem non restringunt, quam potius restringere debuissent; secundæ quidē notiones latius patent, quā instrumenta notificandi, à Grāmatico nāque secundæ notiones considerantur, q̄ instrumenta notificandi nō sūt; uidentur itaq; sic dicentes rē ipsā restringere. At si secundas notiones non ample sumant, sed stricte pro illis tantū, quæ à Logico cōsiderātur, & sūt instrumenta notificandi, nihil restringūt dū dicūt, pro ut sūt instrumenta notificandi; rē. n. nō restringūt, ut manifestū est, sed neque modū cōsiderandi q̄a harū nulla datur alia cōsideratio, quā pro ut sūt instrumenta notificandi.

b *Respondetur predictæ impugnationi*
CAP. IX.

- C**VM opinio nostra de externo Logicæ sine sit fundata super illa philosophi auctoritate in Moralibus, ad eam respondent nonnulli, ut diximus in præcedenti capite, sed tantum abest, ut eorum responsio opinionem, quam sequimur, funditus euertat, ut potius eam confirmare uideatur, quoniam si hac de causa philosophus in Moralibus finem, ac scopum actiue philosophiæ actiuam nominare maluit, quā cognitionem, eo quia actio principalem locum tenet, cum sit ultimus, ac præcipuus finis, ad quem omnis earum disciplinarum cognitio dirigitur, & per quem actiua, à contemplatiua philosophia secernitur; ita etiam nos hoc nomine addimus discernere bonum à malo, ut magis significare possumus mentem philosophi de Logica esse, ut instrumentum sit utriusque partis philosophiæ, quod fieri non potest per id solum, ut discernat uerum à falso, quia licet uerum, & falsum, eorumq; cognitio non tantum in contemplatiua philosophia, sed etiam in actiua locum habeant, manifestius tamen actiua per id, ut discernat bonum à malo, quā per id, ut discernat uerum à falso significatur. Sicuti ergo non poterat aliter loqui philosophus de fine, & scopo actiue philosophiæ in Moralibus, ita nos aliter non possumus externum Logicæ finem ponere, si ex mente philosophi exprimere uolumus, Logicam utriusque partis philosophiæ instrumentum esse. qua (nisi fallor) cognita ueritate, facile ruunt inconuenientia illa, ad quæ nos deducunt, dum inquirunt, si in Logicæ definitione sumeremus bonum, & malum, perinde esset, ac si multas quoque alias materie conditiones acciperemus, asserendo, Logicam esse instrumentum, quo discernimus bonum à malo, calidum à frigido, & durum à molli; ruunt (dico) huiusmodi inconuenientia, quia non ita per calidum, frigidum, durum, & molle significatur actiua philosophia, sicuti per bonum, & malum. An uero deridendi sint, qui ponunt secundas notiones simplices tanquam rem consideratam, deinde, ut instrumenta notificandi, id est,

quatenus ex illis instrumenta notificandi, quæ sunt secundæ Intensionēs compo-
sita, construenda sunt, tamquam considerandi modum Logici operantis, Aliis
iudicandum relinquimus. Quod autem ad reliqua pertinet. Eos & sibi ipsis, &
philosopho aduersari, suamq; positionem non satis animaduertere existimamus.
Asserendo enim non rem consideratam, sed eius considerationem restringi debe-
re, sibi ipsis repugnant, cum alibi dicant, res quidem considerata non est cuius
que scientiæ propria, sed potest ei cum aliis esse communis, modus autem consi-
derandi cuique proprius est, & rem consideratam restringit, quæ ipsa per se com-
munis erat, nec dicere possunt, id verum esse de re considerata, seu de subiecto
materiali in scientiis contemplatiuis, in operatricibus autem minime, quia statim
subiungunt, sita in operatricibus solemus subiectum à fine restrictum nominare,
ut cū dicimus subiectum in arte Medica esse corpus humanū, ut sanandū, deinde,
putantes in vero subiecto scientiæ contemplatiuæ constituendo modū considerā-
di æqualem esse debere rei consideratæ, simul & philosopho, & sibi ipsis contradi-
cunt, nā philosophus in secundo physicorū contextu decimo octauo, & uigesimo
ait, in re considerata posse conuenire plures contēplatiuas scientias, in modo autē
considerandi nequaquā, & ipsi (ut paulo ante diximus) affirmant, re considerata
non esse cuiusque scientiæ propriā, sed posse pluribus communē esse, modū autē
cōsiderandi cuique proprium. Si itaque res considerata potest esse pluribus com-
munis, & modus cōsiderandi cuique proprius est, quomodo asserunt, in cōstituen-
do uero subiecto sciētīæ contēplatiuæ modū cōsiderandi æqualē esse debere rei
cōsideratæ? demū, ponendo id, qđ negligunt, positionē suam parū animaduerte-
re uidentur, declaro eos ponere qđ negligunt, nam re aliquam consideratā, quæ
pluribus modis considerari possit, ad unū ex illis coarctari, & restringi, nihil aliud
est, quā oēs alios eius considerandi modos excludere, & unum illorū seligere;
ut gratia exēpli, cū possit Homo considerari, uel ut sanabilis, uel ut felicitatis ca-
pax, si Aliquis excludēdo ut ē felicitatis capax, acciperet ut est sanabilis, dice-
retur ad hūc, nō ad aliū cōsiderādi modū hominē restringere, ergo ponunt, qđ
negligūt. Hæc cū uera sint, tantū abest, ut in duplici uersentur errore, qui ponūt
secundas notiones simplices prout sūt instrumenta notificādi, id est, pro ut ex illis
cōstruenda sūt instrumēta notificādi, esse Logici operantis adæquatū subiectū, ut
potius eorū sentētia sit penitus ad mentē philosophi, accipiunt. n. secundas notio-
nes simplices late, pro ut ēt à Grāmatico considerātur, easq; admodū considera-
di Logici restringunt, qđ secundū Aristotelis p̄cepta loco superius citato facien-
dū erat, & hoc præstare, uidelicet, re aliquam ad unū ex pluribus eius considerādi
modis coarctare, nihil aliud est, quā eiusdem rei cōsiderationem restringere.

Essentialis Logica Definitio.

C A P. X.

Constituto (quantum per nos licuit) Logices genere, subiecto, & fine, &
consequens est, ut essentialē eius definitionē ponamus, quæ cum ex

- a genere, & differentiis proximis efficiatur, rationi congruere uideretur, ut pro genere sibi assumeret habitum intellectus rationalem, sub quo cum reliquis principalibus habitibus proxime continentur habitus instrumentarii; uerum si res diligenter consideretur, in eius definitione Logicus non debet habitum collocare, quoniam Logicus, ut Logicus, cum considerare non potest, alioquin cogere tor etiam intellectum considerare, cum habitus dicat ad intellectum relationem, & à quo relatiuorum unum consideratur, ab eodem consideretur & alterum, sed à Logico (ut clare patet) intellectus non consideratur, ergo nec habitus. melius itaque (nisi fallor) suo munere fungetur Logicus, si in Logices definitione pro eius proximo genere non habitum intellectus rationalem, licet sub eo (ut supra disputatum fuit) Logica contineatur, sed disciplinam acceperit. Et cum iam determinatum sit, Logicae subiectum esse instrumenta perfecta, & completa, si nem uero utrique philosophiae parti adminiculari ad secernendum uerum à falso, bonumq; à malo, à quibus, nimirum subiecto, & sine differentia sumuntur, hunc in modum eius definitio (ut opinor) poni debet; Logica est disciplina instrumentaria probans instrumenta utrique philosophiae parti inservientia ad secernendum uerum à falso, bonumq; à malo. in genere contracto per differentiam à subiecto desumptam Grammatica cum Logica conuenit, habet enim etiam Grammatica pro subiecto instrumenta, sed sine ab ea distinguitur Logica, etenim Grammatica non considerat sua instrumenta quatenus inservire debeant utrique philosophiae parti ad secernendum uerum à falso, bonumq; à malo, ut facit Logica.
- b

Vtrum Logica sit scientia...

C A P. XI.

c

- Examinatis duobus simplicibus Logicae quaestis, uidelicet, An sit, & quid sit, reliquum est, ut alia duo composita declarem, quorum unum nempe propter quid sit, alterum praesupponit, uidelicet, quale sit, sicuti in simplicibus quid sit praesupponit an sit; quare consonum rationi est, ut in compositis à quaesito quale sit incipiamus, dicimus itaq; illud nihil aliud esse, nisi ponere in numerum, id est, facere enunciationes de tertio adiacente, in quibus alterum alteri inhaeret interiecta copula, ut gratia exempli, quando quaerimus, utrum homo sit albus, risibilis, & huiusmodi, haec quaestio appellatur Quale sit. qua posita huius termini cognitione, quaeri posset de Logica, utrum ei praedicatum aliquod iungatur uidelicet, An sit simpliciter scientia, & huiusmodi alia multa; cuius quaestionis subtilis Doctor una cum tota ferè Latinorum schola partem affirmatiuam tuetur, quia iudicans, Logicam esse scientiam rationalem, cogitur etiam asserere, Logicam esse simpliciter, & absolute scientiam, nam quod est sub specie alicuius generis, non potest non esse sub genere illius speciei, sed scientia rationalis est species scientiae communiter sumptae ad realem, & rationalem, ergo Logica, cum sit scientia rationalis, erit quoque scientia simpliciter accepta, quae fundatur in ente etiam
- d

etiam communiter sumptam; nam sicuti datur ens commune ad ens extra animū, ^a
& ad ens in animo, ita datur scientia communis ad scientiam de re extra animū,
id est, de ente reali, & ad scientiam de re in animo, id est, de ente rationali, quæ
communiter accepta scientia, cum sit effectus demonstrationis communiter
sumptæ ad realem, & rationalem demonstrationem, habet subiectum, passiones,
& principia tamquam media ad eas passiones de subiecto demonstrandas, quæ
omnia ut communia ad realem, & rationalem demonstrationem, accipiuntur.
Else autem Logicam scientiam simpliciter, & absolute sumptam, intelligendo de
Logica docente, quam Græci uocant sciuntiam à rebus, hac ratione Doctor sub
tilis probat. Logicus est sciens, ergo Logica est scientia, quia à concretis, ubi est
prædicatio per se, ualet consequentia ad abstracta; Antecedens probatur hunc
in modum, Logicus demonstrat, ergo Logicus est sciens; deducitur Antece
dens hoc pacto, in Logica sunt ea omnia, quæ ad demonstrationem faciendam
requiruntur, ergo Logicus demonstrat. Si uero intelligatur de Logica, quæ est ^b
in usu, id est, de Logica (ut Græci dicunt) rebus applicata, negat illam esse scientiā,
quia hoc pacto considerata non est ex propriis, sed ex communibus. uerum ne
quispiam crederet, dum putat Logicam esse scientiam, eum sentire, Logicam esse
scientiam realem, dubitat contra partem affirmatiuā, quam tuetur, ut appareat
de qua scientia intelligat, inquires, Aristotelem in sexto Metaph: tex: Com. 2. di
stinguere scientias in Mathematicam, Naturalem, & Diuinam, seu Metaphysicā,
sed Logica sub earum nulla continetur, ergo Logica non est scientia. respon
dens ad hanc philosophi auctoritatem, ait, Aristotelem ibi distinguere scien
tias reales, ideo consequentiam non ualere, quia licet Logica non sit scien
tia realis, est tamen scientia rationalis, quod sat est ad ostendendum, Logi
cam esse absolute scientiam. Ex qua responsione indicat dari scientiam com
munem ad realem, & rationalem, nec non declarat de qua scientia intelligat,
quando asserit, Logicam esse scientiam. Est itaque Logica scientia rationalis
docens construere modos, seu instrumenta notificandi utrique philosophiz
parti inferuentia. ^c

*Ex mente aliorum, Scoti, & Latinorum serè omnium notata sen
tentia impugnatur. C A P. XII.*

Hanc sententiam, quam uerissimam esse existimamus, Nonnulli conan
tur acerrime impugnare, probantes contra Doctorem subtilem Logi
cam non esse scientiam absolute, ex quo sequitur, eam nec esse quidem scien
tiam rationalem, cum teneat semp consequentia à superiori ad inferius negatiue.
Quod, relicta (ut dicunt) argumentorū multitudine, ostendunt ratione ex ipsius ^d
rei natura deducta, quæ huc in modū ab eis formatur. Tota tractatio Logica est
de secundis notionibus, hæ autem opus nostrum sunt, & arbitratu nostro esse, ac
non esse possunt, non sunt igitur res necessariæ, sed contingentes, ita ut sub

- a scientiam non cadant, cum scientia sit rerum tantummodo necessariorum; quare patet Logicam similiorem esse Artibus, quam scientiis in rerum considerata rum conditione, scientiæ namque in rebus simpliciter necessariis versantur, Logica vero, & Artes omnes in rebus contingentibus, quæ a nobis producantur habita etiam ratione scopi, & finis, Logica Artibus similis est, scientiis vero dissimilis, nam scientiarum finis est sola rerum consideratarum cognitio, Artium vero non cognitio, sed effectio, si quam enim cognitionem habent, eam ad effectiorem dirigunt, Præterea validissimis Aristotelis auctoritatibus, & in primo priorum sub initium secundæ, ac tertiæ sectionis, & in primo Topicorum capite nono eandem rationem confirmant; nam philosophus in primo Priorum locis citatis asserit se constructionem Syllogismorum docere, nempe quomodo efficiendi sint, & quomodo facile a nobis fieri possit, ut nos ad eos efficiendos apti reddamur, at quis non uidet talem esse Artem omnem docentem? In nono autem capite primi libri Topicorum ait, problematum alia per se respicere electionem, & fugam, quæ quidem sunt problema ta ad actionem pertinentia eorum enim scopus non est cognitio, sed electio, uel fuga, id est, agere uel non agere; alia per se tendere ad ueritatem, & scientiam, ut sunt problemata speculatiua, quorum nullus alius est scopus, quam scientia ueritatis; alia demum utrique parti philosophiæ auxiliari, quæ sunt problemata Logica, hæc etenim sunt instrumenta, quibus utitur tum actiua; tum contemplatiua philosophia; itaque sententia Aristotelis est, rerum Logicarum non esse scientiam, cum per hanc conditionem separat problemata speculatiua ab actiuis, & Logicis, ut scilicet, sola speculatiua scopum habeant scientiam. Addamus nos in fauorem huius opinionis aliam philosophi auctoritatem in secundo Diuinorum contextu decimo quinto in fine, ubi ait, absurdum esse simul scientiam, & modum scientiæ querere, ex qua philosophi auctoritate clare patet, Logicam, quæ per modum scientiæ exprimitur, non esse scientiam, alioquin non recte ibi philosophus locutus fuisset. Quod uero spectat ad argumenta in oppositum, eorum uanitatem ostendere facile esse dicunt, primum enim argumentum, si validum esset, non magis in Logica, quam in Artibus omnibus effectricibus locum haberet; Si namque Artem aliquam docentem statuamus, ut medicam, uel ædificatoriam, illa quoque subiectum proprium habebit, de quo multa demonstrabit per propria illius artis principia, omnis enim Doctrina sit ex præcognitis, & per ratiocinationem a noto ad ignotum; Quid igitur? Ars ædificatoria docens erit scientia speculatiua? Ad primum itaque Doctoris subtilis argumentum respondentes, negant antecedens; Logicæ enim neque est sciens, neque demonstrat, neque habet ea omnia, quæ ad ueram demonstrationem ueræ scientiæ effectricem requiruntur, non enim d subiectum tale habet, quale ad scientiam contemplatiuam requiritur; scientia quidem subiectum postulat æternum, non contingens, quod arbitrio nostro esse, ac non esse possit; at Syllogismus, & omnes (addamus nos) secundæ notionis

sunt opus, & figmentum nostrum, quare idoneum scientiæ subiectum non sunt. Pro intelligentia responsionis ad alterum subtilis Doctoris argumentum, quod probat Logicam in usu positam non esse scientiam, aduertendum esse scribunt, Logicam duas inter cæteras habere partes, demonstratiuam unam, quam in libris Posteriorum Aristoteles tradit, & alteram dialecticam, de qua agit in libris Topicorum; inter quas illud inquirunt esse discrimen, quod demonstratiua, dum præcepta, ac regulas docet, non sit scientia, sed instrumentum scientiarum, ut uero applicatur rebus, sit uere scientia, non quidem scientia, quæ dicatur Logica, sed scientia naturalis, uel geometrica, uel alia, quia tunc procedit ex propriis illius scientiæ principiis, cui applicatur. Facultas autem topica non modo ut docens non sit scientia, sed neque ut in usu posita, quia dum alicui scientiæ applicatur, non sumit propria eius scientiæ media, sed communia, quæ scientiam non pariunt. Hac posita Logicæ partium distinctione, respondent, falsum esse, eam Logicæ partem, quæ demonstratiua dicitur, rebus applicatam non esse scientiam, immo asserunt fieri uere scientiam illam, cui applicatur, quia (ut aiunt) natura instrumenti spiritalis applicati non potest inspicere distincta ab eo, cuius est tale instrumentum, quod ex Aristotele colligunt in tertio libro de Anima, ubi dicit, Mentem nostram intelligentem fieri illam ipsam rem, quæ intelligitur, quia intellectio est receptio speciei incorporeæ, & spiritalis, proinde idem est id, quod intelligit, & id, quod intelligitur, & ipsa intellectio: Sed si intelligatur de altera Logicæ parte, quæ dialectica nuncupatur, concedunt, illam nec à rebus seiunctam, nec rebus applicatam esse scientiam; hinc est, quod illa pars, uidelicet, demonstratiua, cum procedat ex propriis principiis uniuscuiusque scientiæ, nomine Logicæ relicto, nomen illius scientiæ accipit, cui applicatur; hæc uero, nempe dialectica, cum procedat ex communibus, non potest scientiæ, cui applicatur, nomen sumere, sed suum retinet: quapropter dialecticæ rationes uocantur rationes logicæ ab Aristotele, quando in Philosophia rationibus leuibus, & communibus utitur, quam huius appellationis causam à nemine inquirunt se uidisse unquam fuisse declaratam.

Posita impugnatio destruitur.

C A P. X I I I.

PArcant mihi qui hæc in medium attulerunt, ratione enim, quam formarunt, propositum non assequuntur, quoniam attribuunt scientiæ in communi id, quod alteri eius speciei, nempe scientiæ reali competit, ut circa rem extrinsecum tantummodo necessariam uersetur; qui modus probandi perinde est, ac si quis probaret, equum non esse animal, quia non est rationalis, quamuis enim non sit rationalis, non sequitur, eum non esse animal, quoniam animal non solum de rationali, sed etiam de irrationali, sicuti est equus, prædicatur: Cum igitur scientia in communi sit de ente reali, & rationali, non ualeat à negatione partis ad negationem totius, uidelicet, Logica non est de ente reali, ergo Logica non

- ^a est scientia, sicuti non sequitur, equus non est rationalis, ergo non est animal, quia scientia in communi (ut dictum est) & de ente in animo, & de ente extra animum dicitur, non secus, ac animal de rationali, & irrationali. Patet itaque rationem illam non concludere contra latinos, quoniam solum probat, Logicam non esse scientiam realem; patet etiam quod negocium non faciscit auctoritas philosophi in primo Priorum locis citatis, in primo Topicorum capite nono, & in secundo Diuinorum contextu decimo quinto, quia ibi loquitur Aristoteles de scientia in specie, nempe de scientia reali, cuiusmodi non est Logica, non autem de scientia rationali, de qua intelligit eruditissimus Scotus, quando dicit, Logicam esse scientiam: quam rationalem scientiam comparatam scientiæ reali nuncupari modum scientiæ, similioremque esse Artibus, quam scientiis realibus dicimus nullum arguere inconueniens contra Doctoris subtilis, & omnium ferè Latinorum positionem, quoniam quo ad primum, etiam demonstratio Quia, licet demonstratio sit, in comparisonem demonstrationis Propter quid uocari solet Syllogismus, quo uero ad alterum, similitudo non est identitas. Quod autem dicunt, ante primum argumenti dissolutionem de Arte medica, & ædificatoria, si eas tanquam Artes docentes constitueremus, non uideretur mihi admodum tutum, quia licet Artes illæ subiectum proprium haberent, de quo ex eorum sententiâ multa possent per propria earum principia demonstrare, ex hoc tamen non sequitur, Artem medicam, & ædificatoriam docentes debere esse scientias speculatiuas, quoniam scientiæ simpliciter non sunt, cum nec de ente rationali, nec de reâ hî necessario tractent, quorum omnium est scientia communiter sumpta, sed de ente reali contingente, ex quo Ars, non scientia realis efficitur. Nec obstat, Medicinæ subiectum esse ens reale necessariū, quia respectu finis contingentis scientia nuncupari non potest. Si itaque Artes docentes non sunt scientiæ, nec sunt quidam scientiæ speculatiuæ, cum semper à superiori ad inferius ualeat consequentia negatiue. His animaduersis, de responsione ad primum Doctoris subtilis argumentum nihil aliud dici potest, nisi illud ab ea non dissolui, habet enim Logicus subiectum æternum, & necessarium, quamuis circa ens rationis uersetur, propterea quod ibi considerat ea, quæ sunt necessaria, & æternæ ueritatis, ut gratia exempli, demonstratio est syllogismus scientialis, demonstratio constat ex ueris, primis, immediatis, prioribus, notioribus, & causis conclusionis, & inhiuit huiusmodi alia. Præterea, licet Logicus non habeat reale subiectum, quod realis scientia postulat, & propterea realiter non demonstret, non sequitur idcirco eum non esse scientem, cum absolute scientia non solum de reali, sed etiam de rationali scientia dicatur; sat igitur est, ut Logicus demonstret demonstratione rationali, atque ideo rationali scientia sit sciens, licet non demonstret reali demonstratione, quare primum argumentum manet adhuc in robore suo. Quatenus uero spectat ad alterius argumenti dissolutionem, antequam in medium asseramus quid de illa sentimus, aduertendum esse duximus, Doctorem subtilem à ueritate non recedere, quando dicit, Logicam in usu positam non ex propriis, sed ex communibus procedere, si per Logicam intelligit partem Topicam; si autem

tem totam Logicam intelligat, cum ueritate (quod pace tanti uiri dictum sit) a minime conuenire, quoniam ea pars, quæ demonstratiua nuncupatur, in usu posita semper ex propriis uniuscuiusque scientiæ, cui applicatur, principiis progreditur. Hoc animaduerso, responsio ad alterum argumentum aliquid difficultatis patitur, quia de ratione instrumenti, ut instrumentum est, quod amplectitur instrumentum rebus applicatum, & ab illis seiunctum, nec non corporeum, & spiritale, est solum alteri inferuire, & propterea esse instrumentum, non autem ut fiat res illa, cui applicatur, quoniam applicatio instrumenti, quodcumque illud fuerit, cū sit quid accidentale, eius naturam non uariat. Demonstratiuum itaque instrumentum, quod spiritale est, applicatum scientiæ non potest fieri uere, & formaliter scientia illa, cui applicatur, sed utique causaliter, quatenus scilicet parit, & aggenerat scientiam, quemadmodum generatio ab Aristotele dicitur natura, pro ut est uia in naturam: sicuti igitur generatio non est uere natura, licet sit uia in naturam, ita instrumentum spiritale applicatum scientiæ non fit uere ea scientia, cui applicatur, quamuis pariat, & aggeneret scientiam illam, alioquin idem esset faciēs & factum. Philosophi autem auctoritatē in tertio libro de Anima existimamus non facere ad propositum, quia philosophus ibi comparat potentiam intelligentem rei intellectuæ, ipsi uero comparant instrumentum spiritale scientiæ; Præterea, non uidetur cum ueritate conuenire, ut Mens nostra intelligens fiat uere res ipsa, quæ intelligitur, alioquin Intellectus intelligens lapidem, & lignum, fieret uere lapis, & lignum, quod est ridiculum, & tamen ipsi non dubitant, instrumentum spiritale applicatum scientiæ fieri adeo uere ipsam scientiam, cui applicatur, ut ratio instrumenti spiritualis applicati non possit inspicere distincta ab eo, cuius est tale instrumentum, uidelicet spiritale. Verum quidem est, sicuti de sententia philosophi intellectus sit res intellecta, nimirum lapis, & lignum non uere, sed secundum similitudinem, quatenus, scilicet, habet speciem lapidis, & ligni; ita instrumentum spiritale applicatum scientiæ fieri scientiam illam non uere, sed secundum similitudinem, uidelicet, pro ut scientiam illam parit, & eius est causa instrumentaria. Cum itaque rationi congruere non uideatur, ut demonstratio applicata scientiæ amittat rationem instrumenti, & fiat uere scientia illa, cui applicatur, non mirum est, si a nemine uiderint unquam declaratum fuisse, rationes topicas hanc de causa ab Aristotele Logicas uocari, quia retineant nomen totius, idest, Logici nomen, cum applicatæ nouum scientiæ nomen, cui applicantur, non acquirant, demonstratiuæ autem, relicto Logici nomine, illius scientiæ, cui applicantur, nomen accipiant; quoniam omnes communiter dicunt, hoc nomine rationes topicas ab Aristotele Logicas nuncupari, quia, ut etiam ipsi consentunt, ex communibus, seu ex probabilibus principiis progrediuntur.

Explicata quaestione Quale sit, reliquum est, ut Propter quid sit declaremus, in qua quaestione non multum immorabimur, cum enim coincidat cum fine, de ea mentionem fecimus in quaestione Quid sit, dum agebamus de Logica sine. Propter hoc igitur inuenta fuit Logica ex philosophi sententia in primo Topicorum libro capite nono, ut posset utrique parti philosophiae adminiculari. Hæc autem sunt quatuor illa quaestiones, in quibus latenter comprehenduntur magna ex parte prolegomena, quæ examinare assueti erant antiqui Interpretes in principio cuiuslibet Disciplinae; nam in quaestione An sit habetur nomen Auctoris, cum ibi dictum sit Logicam artificiosam, de qua est intentio nostra, à philosophis inuentam, & ab Aristotele tandem perfectam, atque absolutam fuisse. In quaestione autem Quid sit (intelligendo de nomine) notum sit unde fuerit desumptum nomen Logicae, (rem uero denotando) tum ratione subiectae materiae, tum ratione finis, habetur in hac disciplina Aristotelis intentio, quæ nulla alia est, nisi tradere præcepta construendi instrumenta utrique philosophiae parti inseruiencia. Ex quaestione uero Propter quid sit, & ex quaestione Quid sit ratione finis colligitur huius disciplinae utilitas, cum utrique parti philosophiae adminiculetur; colligitur quoque eius ad totam philosophiam proportio, quæ est secundum proportionem materialium instrumentorum ad Artes mechanicas, nam sicuti Artes illæ absque suorum instrumentorum usu, nec acquiri, nec exerceri possunt, ita Philosophia sine Logica.

De Logica librorum ordine. CAP. XV.

His determinatis, de Librorum ordine, quibus Logica præcepta ab Aristotele traduntur ad construenda instrumenta id, quod ignotum est, notificantia aliquid agens. Pro cuius rei faciliiori intelligentia notare debent Iuniores ex sententia Ammonii in præfatione libri Prædicamentorum circa finem, Auerrois in secundo Physicorum com. octuagesimo nono, & in. 7. Diuinorum com. 23. nec non ipsiusmet philosophi in. 3. de Anima tex. com. 49. & lib. 3. eth. quod contemplatio, & operatio seu Intentio, & executio contrario modo progrediuntur, ita ut finis unius sit principium alterius, & est conuerso, ut gratia exempli, Qui domum sibi ædificandam proponit, ut à nimio calore, & frigore, ab imbris, & uentis se, & alios tueatur, resoluit primo domum in eius intentione iam constructam existentem, uidet enim id fieri non posse, ut scilicet ab huiusmodi incommodis se, & alios tueatur, nisi tectum adsit, tectum adesse non potest, nisi extruantur parietes, parietes extrui non possunt, nisi iaciantur fundamenta, hæc denique non possunt iaci terra non effossa. Hic contemplatio, aut Intentio desinit, & propterea à terra effodienda incipit operatio, uel executio, qua effossa, iacit fundamenta, deinde parietes crigit, postremo tectum struit, Atque hinc perficitur domus, cuius auxilio poterit à plurimis incommodis se ipsum, & alios tueri; domus igitur, quæ fuit prima in Intentione ædificatoris, sit ultima,

& finis in executione. His itaq; constitutis dicimus, cum philosophus uellet in **a** Logica disciplina tradere præcepta construendi instrumenta quod ignotum est notificantia, ei maxime curæ fuisse demonstrationem, tum quia efficacius notificat, tum etiam, quoniam tunc temporis non erat ita perfecte cognita, sicuti alia omnia instrumenta; Verum cum demonstratio sit syllogismus faciens scire specierum proprietates, intellexit philosophus, eam percipi non posse, ignorato syllogismo, qui minime cognosci potest, non habita cognitione propositionum, ex quibus componitur; hæ autem percipi non possunt, nisi termini simplices cognoscantur, ex quibus constituuntur. Hinc colligitur, Aristotelem in libro Prædicamentorum primum absolute agere de terminis simplicibus fundatis in rebus, pro ut seriem, & ordinem prædicamentalem constituunt, id est, sub ratione generum & specierum, uel sub ratione superiorum, & inferiorum; postea de iis in principio libri Perihermenias agere in ordine ad enunciationem absolute sumptam sub ratione nominis, & uerbi, ex quibus enuntiatio constituitur; demum in principio primi Priorum de iisdem terminis tractare in ordine ad propositionem sub ratione subiecti, & prædicati, ex quibus componitur propositio in ordine ad syllogismum considerata; sicuti enim duplicem tractationem fecit philosophus de enunciatione, unam absolute in libro Perihermenias sine ullo respectu, ut enuntiatio est, alteram uero in Prioribus cum respectu, ut propositio est in ordine sumpta ad syllogismum, quem constituit; ita duplicem (ut diximus) tractationem facit de terminis simplicibus, alteram absolute in libro Categoriarum, alteram autem cum respectu uel ad enunciationem sub ratione nominis, & uerbi in principio libri Perihermenias, uel ad propositionem sub ratione subiecti, & prædicati in libris Priorum; nullum enim inconueniens est, idem diuersa ratione in diuersis eiusdem disciplinæ partibus considerari; quæ quidem terminorum simplicium tractatio sub ratione nominis, & uerbi in eodem libro esse debebat, in quo de enunciatione agitur, quemadmodum tractatio de propositione, quæ ad syllogismum refertur, est in eo libro, in quo agitur de syllogismo. Ex qua ratiocinatione elicitur, eandem esse proportionem inter terminos simplices, & nomen, ac uerbum, quæ est inter enunciationem, & propositionem. Intendens igitur philosophus de demonstrationem construere, incipit a libro Categoriarum, in quo agit de terminis simplicibus, id est, de secundis simplicibus Intentionibus rebus applicatis, uel de rebus secundis Intentionibus simplicibus substratis. deinde in libro Perihermenias agit de enunciationibus, quæ ex simplicibus illis terminis sub ratione nominis, & uerbi componuntur. præterea, in libris priorum tractauit de syllogismo, qui ex enunciationibus sub ratione tamen propositionum constituitur. ultimo in libris Posteriorum ad Demonstrationem deuenit, quæ prima in Intentione fuit. Verum quia syllogismi alia præter demonstrationem species est, uidelicet syllogismus dialecticus, qui in philosophia maximo per sæpe usui solet esse, ad confirmandamq; demonstrationem nonnunquam affertur, de illo quoque in Topicorum libris philosophus pertractauit, denique cum multi philosophi reperiantur, qui ueri, & probabilis naturam fallaciter imitando adulte-

* rant, ac nostris mentibus maximas tenebras offundunt, importunas eorum tenebras in elenchis detegere uoluit,

Ex aliorum sententia Auctoris opinio impugnatur.

C A P. XVI.

HAEC omnia, quæ diximus de proportionem inter terminos simplices, de quibus agitur in libro Prædicamentorum, & nomen, ac uerbum, de quibus tractat philosophus in principio libri Perihermenias, si recte expendantur, inania (inquiunt Nonnulli) falsaque esse cognoscuntur; & primo ex ipsa uocum significatione, nomen enim, & uerbum nullam significant relationem ad enunciationem, sed significationem habent absolutam, ut uel cæcus id uidere possit, nec possunt non mirari, aliquem ausum esse asseuerare hæc respectum notare ad enunciationem; b deinde ex horum tractatione, nam & ipsæ definitiones nominis, & uerbi, & omnia, quæ de ipsis dicuntur ibi ab Aristotele, omni respectu absoluta sunt, & nihil ibi dicitur, quod ad enunciationem referatur. Sed quænam erit eorum tractatio cum respectu ad enunciationem? hanc facile erit inspicere in ipsa tractatione de enunciatione, nam tractatio partium respectu totius non potest esse disiuncta ab ipsa totius tractatione, quomodo enim de enunciatione agi potest, nisi partium ipsam constituentium consideratio fiat? partes autem eius sunt subiectum, & prædicatum, quæ passim ibi terminantur, & considerantur ab Aristotele; quæ enim simpliciter sumpta dicuntur nomina, & uerba, ea respectu enunciationis, mutato nomine, dicuntur subiectum, & prædicatum, ut quam rationem enunciatio ad propositionem habet, eandem habeant nomen, & uerbum ad subiectum, & prædicatum, significant enim eandem rem tum simpliciter, tum respectu alterius consideratam. duplex igitur est tractatio de simplicibus terminis, c una absoluta in principio libri de Interpretatione, quando agitur de nomine, & uerbo; altera notans respectum ad enunciationem, quando in ipsa enunciationis tractatione uocantur subiectum, & prædicatum, quo in loco nulla sit mentio nominis, & uerbi, nisi quatenus in enunciatione sunt subiectum, & prædicatum, hac enim ratione referuntur, sed non quatenus nomina, & uerba sunt. Huic opinioni, ut scilicet in principio libri Perihermenias Aristoteles consideret nomina, & uerba absolute, quæ postea in eodem libro respectu enunciationis, mutato nomine, dicuntur subiectum, & prædicatum, facile subscripserunt, quia opinantur, res, de quibus philosophus agit in libro Categoriarum inter Logicos primæ, non esse ibi secundis Intentionibus operas, sed incipere illis subterni in principio libri Perihermenias, nam inquiunt, siam igitur ad propositum redeundo, manifestum est cur Aristoteles librum Categoriarum in ipso Logice Artis exordio scribere uoluerit; cum enim res omnes sint in Logica subiectum operationis d sicuti humanum corpus in Arte medica, necessaria Logico fuit aliqua ipsarum rerum cognitio, prius quam eis secundas notiones imponeret, &c. Ergo in libro Prædicamentorum rebus non sunt impostæ secundæ notiones, si Logico necessaria

cessaria fuit aliqua ipsarum rerum cognitio, priusquam eis secundas notiones imponeret; quod clarius confirmant, dum adiunt, (uocibus enim primæ notionis ipse alias secundas uoces imponit, quod facere incipit in illo primo capite libri de interpretatione, ubi summo cum artificio librum illum cum libro Categoriarum connectit, accipiens uoces significatrices rerum iam consideratas in libro Categoriarum, & in eis imponere incipiens secundas notiones, à simplicibus exordiens, quæ sunt nomina, & uerba, &c.) si itaq; in principio libri de interpretatione incipit philosophus imponere secundas notiones uocibus res significantibus, de quibus agit in libro Categoriarum, res in libro Categoriarum non sunt secundis notionibus operta.

Instantia contra determinationem Auctoris respondetur.

C A P. XVII.

HÆc opinio super duobus dictis fundata, qua impugnatur sententia nostra, in utroque non paucas uidetur pati difficultates, & primo circa primum dictum, ut scilicet nomen, & uerbum nullum respectum de notent ad enunciationem, sed absolutam habeant significationem, sibi ipsis aduersantur, & ab Aristotele (quantum coniecere possum) recedere uidentur. Sibi ipsis eos aduersari patet, nam uolunt nomina, & uerba esse partes enunciationis, dum dicunt, (sed de simplicibus terminis primæ intellectus operationi respondentibus, qui uere partes enunciationis sunt, agitur in principio libri de interpretatione, & sunt nomina, & uerba, ex his dicit Aristoteles enunciationem constitui, non ex substantia, quæ igitur, & quali, ut patet legentibus totum librum de interpretatione, in quo nulla unquam fit mentio substantiæ, uel quanti, tanquam partium enunciationis, sed semper nominis, & uerbi.) Si nomina, & uerba considerantur in libro de interpretatione ut sunt partes enunciationis, sumuntur in ordine ad illam, cum partes habeant respectum ad totum. Oppositum postea tuentur, dum inquit, duplex igitur est tractatio de simplicibus terminis, una absoluta in principio libri de interpretatione, quando agitur de nomine, & uerbo, altera notans respectum ad enunciationem, quando in ipsa enunciationis tractatione uocantur subiectum, & prædicatum, quo in loco nulla fit mentio nominis, & uerbi, nisi quatenus in enunciatione sunt subiectum, & prædicatum, hac enim ratione referuntur, sed non quatenus nomina, & uerba sunt.) Eos demum ab Aristotele recedere, omnibus manifestum esse existimo, qui diligenter primam sectionem libri Perihermeneias, & ultimum caput secundæ sectionis legerint; attamen eorum mediis id ostendere placet, accipiendo, ut faciunt ipsi, nominis, & uerbi definitiones, sed primum pondero philosophi sententiam in capite de nomine, in quo cum nominis definitionem pluribus aliis communem tradiderit, eiusque nonnullas particulas declarauerit, excludit à nominis definitione nomen infinitum, quia significat in-

a definite, & quod est, & quod non est; ex quo colligitur debere addi tractatæ definitioni alteram differentiam, uidelicet, significans aliquod finitum, ut definitio illa hunc in modum sit; Nomen est vox significativa secundum placitum, sine tempore, cuius nulla pars significativa est separata, finite aliquid significans, uerum quia sic intellecta nominis definitio comprehendit etiam eius casus, excludit illos ab huiusmodi definitione, quoniam iuncti cum uerbo neque uerum, neque falsum dicunt, nomen autem semper; ex quo iterum colligitur, traditæ nominis definitioni debere apponi aliam differentiam, uidelicet, ut iuncta uerbo dicat uerum, aut falsum, atque ideo faciat aut affirmatiuam, aut negatiuam enunciationem. Cum igitur completa nominis definitio ex Aristotele per ea, quæ habet in toto illo capite, hunc in modum esse debeat, uidelicet, Nomen est vox significativa ad placitum, finita, sine tempore, cuius nulla pars significativa est separata, & quæ iuncta cum uerbo dicit uerum, uel falsum, & propterea facit enunciationem; luce clarius patet, nomen definiri ab Aristotele in ordine ad enunciationem, cum in ea reperiatur uerum, uel falsum. Sed in hoc fortasse hallucinati sunt illi, quia crediderunt, definitionem nominis ab Aristotele positam in principio capitis esse integram; & completam eius definitionem, quod falsum esse ex subsequenti-
bus uerbis illius capitis optime percipitur.

Verbi autem definitionem esse traditam ab Aristotele in ordine ad enunciationem, manifestissime ostendunt ultima eius uerba, uidelicet, & est semper eorum, quæ de altero prædicantur; nota; si itaque uerbum ex mente philosophi est nota eorum, quæ de altero prædicantur, uerbum definitur in ordine ad enunciationem. Alterum uero medium, quo probabant, nomen, & uerbum non accipi ab Aristotele in ordine ad enunciationem, erat ipsamet enunciationis tractatio; cuius partes aiunt esse subiectum, & prædicatum, quæ enim simpliciter sumpta dicuntur nomina, & uerba, ratione enunciationis (mutato nomine) dicuntur subiectum, & prædicatum. Videamus modo an hæc enunciationis tractationi respondeant. Aristoteles in capite de oratione post traditam enunciationis definitionem, ait, necesse est autem omnem enunciativam orationem ex uerbo esse, uel ex casu uerbi, nam ex uno, uel multis nominibus absque uerbo non efficitur enunciatio, quod probat per hominis definitionem, in qua licet plura sint nomina, si non addatur aut est, aut fuit, aut erit; aut aliquid huiusmodi, nondum oratio enunciativa est. præterea, in ultimo secundæ sectionis capitulo, quod est primum caput secundi libri Perihermenias, scribit philosophus hæc uerba, (erit igitur omnis affirmatio, & negatio uel ex nomine, & uerbo, uel ex infinito nomine, & uerbo, sine uerbo autem nulla affirmatio, uel negatio est.) Si affirmatio, & negatio hunc in modum se habent, ita etiam se habet enunciatio, quæ genus est ad affirmationem, & negationem, quibus in locis uidetur uelle philosophus enunciationem ortum ducere à uerbo, ergo uerbum est in ordine ad enunciationem, nec ibi mutat Aristoteles nomen, & uerbum in subiectum, & prædicatum, sed explicite ponit in enunciatione nomen, & uerbum. nisi dicant, nomen pro subiecto, & uerbum pro prædicato intelligi; sed licet id sit uerum in propositionibus de se-

Secundo adiacente, in iis, quæ sunt de tertio, locum non habet, cum in eis verbum non accipitur pro prædicato, sed pro copula connectente prædicatum cum subiecto, ut testatus est philosophus in primo Priorum capite primo circa medium in illis verbis, (terminum autem uoco, in quem resoluitur propositio, ut prædicatum; & de quo prædicatur, uel apposito, uel separato esse, aut non esse) patet itaque ex eius sententia verbum non esse terminum propositionis consideratæ in ordine ad syllogismum, & de tertio adiacente, de qua præcipua eius intentio est, dico non esse terminum huiusmodi propositionis materialem, sed utique formalem. Præterea, prædicatum redditur infinitum, verbum autem substantiuum minime, non potest igitur huiusmodi verbum sumi pro prædicato, causa huius erroris fuit, quia exstimarunt terminos simplices in rebus fundatos, de quibus agit philosophus in libro Categoriarum, æqualiter, & eodem modo sumi in ordine ad enunciationem, & propositionem, quod tamen falsum esse opinamur, nam in ordine ad enunciationem simpliciter sumptam, ut enunciatio est, de qua tractat in libro Perihermenias, accipiuntur sub ratione nominis, & uerbi, in ordine uero ad propositionem, de qua propter syllogismum uerba facit philosophus in Prioribus analyticis, sumuntur sub ratione subiecti, & prædicati absque ullo inconuenienti, ut abundanter in capite decimo quinto declarauimus. Quod autem spectat ad alterum dictum de rebus in Prædicamentorum libro, implicat contradictionem dicere librum illum esse Logicum, & rebus ibi consideratis, non esse impositas secundas notiones. nec respondere possunt, ut faciunt, in eo libro philosophi scopum esse agere de uocibus rerum significatricibus ut uocibus secundæ notionis tanquam fundamenta substernerentur, quia si actu in libro Categoriarum res non subiicerentur, sed subiicibiles essent secundis notionibus, sequeretur, librum illum non esse actu Logicum, cum ibi res actu modo Logico non considerentur, ergo frustra positus esset ante librum Perihermenias, propterea quod etiam in Metaphysica, ubi agit philosophus de decem Categoriis, res sub illis Categoriis comprehensæ potentia essent Logicæ, & propterea secundis notionibus subiicibiles. Res uero actu in libro Categoriarum secundis notionibus subiicibiles, facile comprehendere potest ex titulo, & intentione, atque ex iis, quæ in singulis prædicamentis præsertim in prædicamento substantiæ tractantur. uerum quia titulus ut in pluribus ex intentione sumitur, dicimus intentionem philosophi esse, tradere ibi notitiam omnium notionum simplicium rerum in ordine ad affirmatiuam, & negatiuam enunciationem, in qua uerum, & falsum continentur, ut in omni scientia formare, ac formatas enunciationes ueras, & falsas cognoscere possumus; quæ quidem intentio ex iis, quæ ante Categorias traduntur, non modo elicitur, sed & in ipsis explicite habetur. Cum itaque in libro Categoriarum considerentur entia in ordine ad prædicationes, clare patet ex Aristotelis intentione res ibi actu subiicibiles, & subterni secundis notionibus; & clarius hoc ex titulo habetur, cum enim propositio ex subiecto, copula, & prædicato, quæ secundæ notiones sunt, consistat, a prædicato, quod subiecto, tamquam forma materiæ, innititur, facta denominatione, librum illum Prædicamentorum librum placuit philo-

A philosophi nuncupare. Ex iis quoque, quæ in singulis prædicamentis, & præcipue in prædicamento substantiæ tractantur, manifestissime hoc idem colligitur, in quo prædicamento multa reperiuntur, quæ ad rem nostram attinent, sed nunc ad ostendendum quid intendimus satis esse possunt substantiæ diuisio in primam, & secundam, (descriptions;) & communitates, quæ omnia manifestissime indicant; res ab his considerari in ordine ad secundas notiones; & licet ex communitatibus illis, quæ videntur esse posita secundum naturam substantiæ, & ut extra intellectum est, reduci tamen possunt ad modum prædicandi, & ad propositionis constitutionem, nam cum dixisset substantias secundas qualitatis rationem inducere, qualitates sic aliquid contrarium, ne aliquis secundas substantias veras qualitates existimaret, coactus fuit proprietatem illam adducere, videlicet, substantiis nihil esse contrarium, quæ proprietates ad propositionem reducitur, ut scilicet nihil secundum contrarietatem dicatur de substantia, vel quæ in genere substantiæ

B aduersum prædicatur, non ita prædicantur, ut contrarium de eodem dici possit, adduxit etiam alteram proprietatem, quæ præcedentem sequitur, videlicet, substantiam non suscipere magis, & minus, illamque ad propositionem reducit, inquit, unaqueque substantia, hoc ipsum, quod est, non dicitur secundum magis, & minus, non enim Socrates est magis homo, quam Plato, neque nunc Socrates est magis homo, quam prius, nec secus intelligenda est substantiæ proprietates, quam dixit esse maxime propriam, hominis, scilicet, & idem numero esse se subjectum contrarietatis, cum enim esse in subiecto fundamentum sit ipsius, et de subiecto voluit docere nos philosophus, denominatiuas propositiones contrarias in substantia fieri posse, per prædictam de contrarietate in prædicamento

C *De Logica disciplina librorum diuisione, ac de modo progrediendi in præceptis in ea disciplina tradendis pro instrumentorum constructione ignotum notificantium.*

C. A. P. XVIII.

I Abita cognitione ordinis librorum, in quibus præcepta ab Aristotele traduntur instrumenta construendi ignotum notificantia, ad eorum diuisionem accedimus, quæ ab expositōribus sic diuersis modis credimus tamen nos, eam desumi posse ab Aristotelis scopo, quem diximus esse præcepta tradere construendi instrumenta ignotum manifestantia, inter quæ præcipue propter demonstrationem syllogismum philosophus spectat, qui, cum dupliciter considerari possit, vel quo ad constitutiuas, vel quo ad subiectiuas partes, induxit nos ad credendum, ut Logicæ disciplinæ libri in duas secentur partes, in quarum prima continente libros Categoriarum, Perihermenias, & Priorum, agit philosophus de iis, quæ spectant ad syllogismi communiter accepti constructionem, in secundamque comprehendente reliquos omnes libros de eiusdem syllogismi partibus

subiectiuis tractat. hinc est (nisi fallor) quod Auerroes in præfatione super libros posteriorum scribit, Logicam in duas præcipuas secari partes, quarum una uniuersalem, seu communem, alteram particularem, siue propriam uocat; per partem communem innuit libros Categoriarum, Perihermenias, & priorum, in quibus (ut diximus) agitur de syllogismo in communi quo ad eius constructionem; per propriam uero posteriores analyticos, & ceteros omnes subsequentes libros, in quibus agitur de Syllogismo contracto, idest, de syllogismo quo ad eius partes subiectiuas. posita librorum Logicæ diuisione; circa modum progrediendi in huiusmodi præceptis in ea disciplina tradendis pro instrumentorum constructione ignotum notificantium, dicimus, Aristotelem his omnibus uti, nempe, Diuisione, Resolutione, & Compositione.


*Deo, qui Trinus, & unus est,
Laus, Honor, & Gloria sit.*

F I N I S.



1. 1940-1941

214




BERNARDINI PETRELLAE LOGICARVM DISPVTATIONVM

Liber Secundus

DE PHILOSOPHI PROPOSITO IN POSTERIORIBVS ANALITICIS.

*Essentialem specierum definitionem inter Logica instrumenta esse
collocandam. C A P. I.*



VM ad eius demonstrationis, quæ potissima nuncu-
patur, essentialisq; specierum definitionis intelligen-
tiam iuuenes introducere cogitauerim, absoluta de
uniuersa Logica disputatione, Posteriorum analyti-
corum, in quibus hæc instrumenta scientiis omnibus
apprime necessaria tractantur, prolegomena prius e-
xaminare non inutile fore mecum ipse iudicaui, eorū
enim auxilio institutum nostrum facilius exequi pote-
rimus, ut autē in huiusmodi negotio ordinatim pro-
grediamur, ea in duo membra secare decreuimus, in quorum primo de philo-
sophi intentione in Post. libris, accipiendo intentionem pro subiecta materia, in
secundo uero de eorum inscriptione verba faciemus; Quoniam uero de philoso-
phi intentione in primo libro nulla est apud eius explicatores controuersia, om-
nes enim uno aſe ſatentur, agere ibi philosophum de principiorum demonstra-
tionis conditionibus, seu de materia demonstrationis, cū de eius forma in prioribus
actū sit, ab huiusmodi speculatione superfedebimus, solūq; circa philosophi inten-
tionē in secundo libro uersabimur, uariā. n. de eius proposito ibi uaria locuti sūt. cūq;
inter Aristotelis interpretes multi sint, qui subſtinere conantur in eo libro agi ad
mentem philosophi de definitione pro ut instrumentum est contradistinctū a de-
monstratione, largiēs qđ quid ē cōmune ad substantiā, & accidēs; facere nō possu-
mus quin disputemus, an id uerū sit, qđ ab illis uidetur supponi, ēē scilicet huius-
modi definitionem inter instrumenta Logica collocandam, 'ahoquin uana esse

- A** eorum speculatio. Dicimus itaq; (sumpto altius principio) Habituū Intellectus rationalium, alios esse primarios, alios secundarios, seu instrumentarios, primarii, qui per se, non alterius gratia considerantur, (in iis enim per se uerum est) quinque sunt, ut testatum reliquit philosophus in sexto libro de Moribus cap.3. uidelicet, Intellectus, Scientia, Sapientia, Prudentia, & Ars, ab ente q̄ extra animam fluunt, quæ de causa dicuntur etiam rerum habitus, nam scientia, sapientia, & Intellectus ab ente necessario, Ars uero, & Prudentia ab ente contingente fluunt, Ars ab ente contingente effectiuo, Prudentia autem ab ente contingente actiuo. at secundarii, qui alterius gratia, non per se considerantur, ab ente in anima fluunt. cum igitur Logica sit habitus rationalis ipsius Intellectus, uerseturq; circa entia rationis, ut in præfatione declarauimus, non potest collocari nisi inter habitus rationales secundarios, non secus, ac grammatica, quæ sine ab ea distinguitur; grammaticæ enim finis, & scopus est regulas tradere rectæ, congruentisq; locutionis, quæ iuuentur ad omnium disciplinarum intelligentiam, audiendo, & docendo; Logicæ autem est præbere instrumenta utriusque philosophiæ parti inferuentia ad secernendum uerum à falso, bonumq; à malo. quoniam uero huiusmodi Logica instrumenta hoc nomine utilia sunt, uel quia faciunt ut melius, & facilius res disponantur, uel quia notificant illud, quod prius ignorabatur, idcirco in duas à nobis partes distribuuntur, quarum una inseruit ad singulas scientiarum, Artiumq; partes congrue disponendas, altera autem ad notificandum quæ prius ignorabantur. Pars instrumentaria inseruiens ad singulas scientiarum, artiumq; partes congrue disponendas, id facit aut resoluendo, aut componendo, aut diuidendo; si resoluendo, dicitur instrumentum resolutiuum, si componendo, compositiuum, si demum diuidendo, diuisiuum, licet magis proprie dicatur ordo resolutiuus, compositiuus, & diuisiuus; Pars autem instrumentaria scientiæ notificando inseruiens, id præstat uel cum ratione, uel sine ratione, si cum ratione, appellatur instrumentum demonstratiuum, aut demonstratio; si uero sine ratione dicitur instrumentum definitiuum, uel definitio. Ex qua habitus rationalis ipsius Intellectus partitione manifestissime apparet, esse Definitionem inter instrumenta Logica reponendam, & propterea à ueritate alienum, ut necesse sit, omne Logicum instrumentum, quod etiam Methodus nuncupari potest, illationis necessitatem habere.

*Ratione, & auctoritatibus comprobatur quod dictum est
de instrumento definitiuo.*

C A P. II.

- D**efinitionem, licet non ratiocinetur, esse Logicum instrumentum probatur ratione, & auctoritatibus confirmatur. ratio hunc in modum se habet, definitio consideratur à Logico, ergo definitio est Logicum instrumentum; Antecedens

cédens clarissimum est ex Aristotele in septimo diuinorum tex: com: quadrag^a simo secundo, & ex Auerroe super illo contextu; consequentia probatur, modus considerandi Logici est ut instrumentum notificandi ex Auerroe in prologo primi Post: & in Epit: Logici circa principium, sed nihil consideratur ab Artifice, quod recedat ab eius modo considerandi, ergo definitio, cum a Logico consideretur, non potest ab eo considerari nisi ut instrumentum notificandi, est igitur definitio Logicum instrumentum. Confirmatur hoc auctoritate philosophi in sexto Topic. cap. primo, & tertio, quibus in locis ait, definitionem facere ut cognoscatur substantia, siue accipiat substantia pro essentia, siue pro substantia contradistincta ab accidentibus. illud idem habetur in secundo Post: libro capite secundo: ubi philosophus ait (amplius, si definitio substantiæ quædam cognitio est, &c.) dixit, quædam cognitio, ut denotaret, non solum ratione, sed etiam sine ratione acquiri cognitionem. Et in eodem capite uolens philosophus inuestigare quo instrumentum quæstio Quid sit nota fiat, proponit primum non nulla examinanda, inter quæ ponit hoc; an idem possit sciri demonstratione, & definitione, ex quo manifestissime uidetur uelle philosophus, definitionem facere ut sciatur, atq; ideo esse Logicum instrumentum, alioquin Quæstio ab eo proposta præter rationem adducta fuisset, si definitio non faceret sciri, quæ scientia per definitionem nulla ex eius sententia in septimo Diuinorum contextu quarto melior, atq; præstabilior esse potest. Demum in primo de Anima, & in primo Diuinorum utrobique tex: com: 48. uult disciplinas omnes pro instrumento uti demonstratione, & definitione, inquit, (atqui omnis disciplina per præcognita aut omnia, aut aliqua est, & aut per demonstrationem, aut per definitionem.) quam philosophi sententiam secuti sunt Theophrastus, & Alexander, referente Eustratio in secundo posteriorum Commentario suo quadragesimo sexto, posuerunt enim & ipsi duas scientias, definitiuam scilicet, & demonstratiuam, & propterea duo instrumenta, nimirum, definitionem, & demonstrationem, ex qua philosophi ratione colligitur non esse ad mentem eius, ut omne Logicum instrumentum sit cum illationis necessitate. quare confirmatum redditur quod tradita habituum rationalium diuisio nobis ante oculos posuit, nempe, de definitionem esse Logicum instrumentum.

Ex aliorum sententia obiectiones quedam contra ea, quæ de definitione proxime dicta sunt.

C A P. III.

Nonnulli contra ea, quæ dicta sunt, instare nituntur, probando pluribus mediis, non esse definitionem inter instrumenta Logica connumerandam, & primo definitione methodi proprie sumptæ, quæ est, intellectuale instrumentum faciens ex notis cognitionem ignoti, seu intellectuale instru-

a mentum notificans quod prius ignorabatur. Intellectuale instrumentum Methodi genus est, quod ordinem quoque complectitur; facere autem ex notis cognitionem ignoti, vel notificare quod prius ignorabatur, est differentia, qua methodus proprie dicta ab ordine separatur; hæc enim methodus illationis necessitatem habet, alioquin non diceretur, notificans, cum notificare rem ignotam non possit esse sine illationis necessitate; ordo autem minime. Hac posita methodi proprie dictæ definitione, instant hunc in modum, definitio methodi proprie dictæ non competit definitioni, ergo definitio non est methodus proprie sumpta; Consequentia est clara per locum topicum à definitione ad definitum, Antecedens probatur, definitio non progreditur ex noto ad cognitionem ignoti cum illationis necessitate; quod est methodi proprie dictæ definitio, ergo definitioni non competit definitio methodi proprie dictæ; Antecedens probatur, si definitio progrediretur ex noto ad cognitionem ignoti cum illationis necessitate, ipsa esset terminus à quo notus, & quiditas, ad cuius cognitionem per definitionem ducimur, esset terminus ad quem ignotus; sed hoc est falsum, cum definitio, & quiditas non discrepent nisi ut significans, & significatum, non potest definitio esse nota; dum quiditas ignoratur, ergo definitio non progreditur ex noto ad cognitionem ignoti cum illationis necessitate. Secundo, eadem est ratio definitionis ad quiditatem ab ea significatam, & nominis ad rem, quæ ab ipso significatur, ergo si definitio est methodus, & instrumentum Logicum notificans quiditatem, nomen etiam methodus erit, & instrumentum. Logicum rem ipsam notificans, sed hoc est falsum, ergo definitio non est Logicum instrumentum, sed instrumentum tantum significandi; ut patet ex eius definitione ab Aristotele posita in primo Top. cap. 4. quæ hunc in modum se habet, (est autem terminus quidem oratio quid erat esse significans); ubi terminus pro definitione accipitur, & licet Aristoteles in sexto Top. cap. 3. nec non in primo libro de Anima, & in primo Divinorum utrobique tex. 48. comparans definitionem cum demonstratione dicat, quod definitio est ex notioribus, sicut demonstratio, non vult philosophus eodem modo definitionem, ac demonstrationem ex notioribus esse, nimirum cum illatione ignoti ex notis, sed solum in hoc communi vult earum similitudinem consistere, ut utraque ex notioribus constet, alio tamen, & alio modo, nam demonstratio cum illationis necessitate progreditur, definitio vero minime; quo fit, ut altera quidem sit methodus, & instrumentum sciendi, nempe, demonstratio, altera vero, videlicet definitio, nequaquam. Tercio, Aristoteles in primo de Anima. 4. & 5. con tex: querit, An sit aliqua communis methodus investigandi quid est in omnibus substantiis, methodos etiam aliquas nominat, subiungit enim, an sit demonstratio, an diuisio, an aliqua alia methodus; At vero si definitio, vel methodus definitiva esset proprium instrumentum, & propria methodus, qua notificatur, quid sit, uana certe esset questio Aristotelis eo in loco, non enim opus erat dubitare, & ad alias methodos confugere, cum in promptu esset communis methodus investigandi omnes rerum quiditates, nempe definitio

seu methodus definitiua; igitur uidit Aristoteles definitionem non esse methodum, uel instrumentum notificandi quid sit, sed esse illud, quod per methodum notificatur quando latet; nam quærere quid res aliqua sit, est definitionem eius quærere, proinde definitio quando est ignota finis est methodorum, non methodus; quando autem nota est, notum est etiam quid res sit, nec methodo indiget, qua investigetur; propterea ibi Aristoteles non ipsam definitionem, sed alias methodos nominat. Quarto, & ultimo, Aristoteles in secundo priorum cap. 23. uerba faciens de inductione, ait, omnia enim credimus aut per syllogismum, aut ex inductione. quæ sententia legitur etiam in primo Post. contextui. 33. secundum sectionem ueterem, in primo Rhetoricorum, & in sexto ethicorum utrobique cap. 4. itaque omnia credimus aut per syllogismum, aut ex inductione, definitio non est instrumentum ex noto faciens fidem ignoti, alioquin male dixisset philosophus, omnia credimus aut per syllogismum, aut ex inductione, cum etiam per definitionem credamus. Ad rationem in oppositum respondent, negando consequentiam, licet enim Logica sit disciplina instrumentaria, tamen non est necessarium, ut quidquid in Logica tractetur, instrumentum notificandi sit, sed uel instrumentum, uel saltem ad Logica instrumenta respectum aliquem habens; definitio igitur in Logica tractatur non ut instrumentum, sed uel tanquam principium, uel tanquam finis Logicorum instrumentorum. Ad Aristotelem uero locis citatis dicunt, definitionem facere ut cognoscatur, & sciatur sine illationis necessitate, idcirco non esse methodum, & instrumentum sciendi.

Soluantur tradita obiectiones.

CAP. IIII.

UT facilius intelligi possit quo tendant adductæ obiectiones, repetenda est diuisio Logicorum instrumentorum, quæ hunc in modum se habebat, Logicorum instrumentum aliud inferuit ad singulas scientiarum, Artiumque partes congrue disponendas, aliud ad notificandum quæ prius ignorabantur; instrumenti Logici inferuentis partium dispositioni, quod etiam ordo uocatur, aliud est resolutiuum, aliud compositiuum, aliud diuisiuum; instrumenti autem Logici scientiis inferuentis notificando, quod methodus quoque nuncupatur; aliud cum ratione, aliud sine ratione notificat; cum ratione notificat syllogismus, & omnes eius species, sine ratione uero definitio, ut patet per ea, quæ supra diximus in capite primo, & secundo. Hac posita Logicorum instrumentorum partitione, sumamus modo ex ea methodum cum suis speciebus, & uideamus quænam sit earum omnium ratio. dicimus itaque, rationem methodi in genere nullam aliam esse, nisi notificare; eius uero specierum diuersam esse, alia enim est notificare cum illationis necessitate, alia autem minime; prima competit syllogismo, eiusque speciebus, & inductioni, secunda uero definitioni. Si itaque generi attribueret aliquis rationem alicuius speciei eiusdem generis,

- a absque ullo dubio peccaret, cum ratio generis à suarum specierum rationibus diuersa sit, ut gratia exempli, alia est ratio animalis, quatenus animal est, & alia specierum eius, nempe, hominis, & equi, ut tales species sunt, peccaret praterea, si uellet speciem aliquam à genere suo remouere, eo quia non habet rationem alicuius alterius speciei eiusdem generis, ut si diceret, equum non esse animal, eo quia non est rationalis, peccaret (inquam) quoniam rationale esse, hominis, non animalis ratio est. cognitio methodi in genere, eiusq; specierum rationibus, facile percipi poterit, propositis obiectionibus minime probari, definitionem non esse methodum simpliciter, sed non esse methodum talem, nimirum ratiocinativam, quod nos quoque concedimus. Reliquum nunc est, ut formaliter ad rationes in oppositum respondeamus, & primo ad primam, negando Antecedens, & ad probationem dicimus, eam peccare, quoniam generi attribuit id, quod alicui speciei eiusdem generis competit, licet enim definitio non progrediatur ex noto ad ignoti cognitionem cum illationis necessitate, inde tamen non sequitur, eam non esse simpliciter methodum, sed solum non esse methodum ratiocinativam, quæ est una ex speciebus methodi simpliciter sumptæ progrediens ex noto ad ignoti cognitionem cum illationis necessitate; sicut enim equus est animal eo quia animalis definitionem habet, quæ est substantia animata sensitua, & si non est animal rationale, quæ definitio hominis est, ita definitio est methodus, cum methodi definitionem habeat, quæ est notificare quod ignotum est, quævis non progrediatur ex noto ad ignoti cognitionem cum illationis necessitate, quæ definitio est methodi ratiocinativæ. Ad secundam, concedimus totam rationem, quæ nihil aliud concluditur, nisi ut definitio significans rei quiditatem, eam sine illatione notificet, sicuti nomen sine ratiocinatione alterius nominis significationem notificat, ex hoc tamen non sequitur, definitionem inter Logica instrumenta connumerandam non esse, quia de ratione methodi, seu instrumenti Logici in genere scientiis inferuentis notificando, est simpliciter notificare, quod comprehendit & notificare cum illationis necessitate, & notificare sine huiusmodi illatione. Concedimus quoque interpretationem illam uerborum philosophi in sexto Top. cap. 3. nec non in primo de Anima, & in primo Diuinorum utrobique contextu 148. sed quando in calce inquirunt, (quo fit ut altera quidem sit methodus, & instrumentum sciendi, nempe demonstratio, altera uero, uidelicet definitio, nequaquam,) negatur hoc, quia repugnat philosopho in secundo Post. contex. 2. ubi querens an idem possit sciiri demonstratione, & definitione, indicat tam definitionem, quam demonstrationem facere, ut sciatur, atq; ideo methodum, ac Logicum instrumentum esse diuersa tamè ratione, nam demonstratio est Logicum instrumentum cum illationis necessitate, definitio autè minime. Pro solutione tertie obiectionis. subdatur per quarto, & quinto contextibus primi libri de Anima, aduertendum est, substantiam, & quod quid est rei sumi posse uel pro definitione, uel pro ipsius rei essentia, quæ per definitionem exprimitur; si sumatur primo modo, ignotaque fuerit, ad eius inuentionem non concurrat definitio, quia idem se ipsum uenari non potest; si uero consideretur secundo modo, tunc definitio, exprimendo de re
- b ignoti cognitionem cum illationis necessitate, inde tamen non sequitur, eam non esse simpliciter methodum, sed solum non esse methodum ratiocinativam, quæ est una ex speciebus methodi simpliciter sumptæ progrediens ex noto ad ignoti cognitionem cum illationis necessitate; sicuti enim equus est animal eo quia animalis definitionem habet, quæ est substantia animata sensitua, & si non est animal rationale, quæ definitio hominis est, ita definitio est methodus, cum methodi definitionem habeat, quæ est notificare quod ignotum est, quævis non progrediatur ex noto ad ignoti cognitionem cum illationis necessitate, quæ definitio est methodi ratiocinativæ. Ad secundam, concedimus totam rationem, quæ nihil aliud concluditur, nisi ut definitio significans rei quiditatem, eam sine illatione notificet, sicuti nomen sine ratiocinatione alterius nominis significationem notificat, ex hoc tamen non sequitur, definitionem inter Logica instrumenta connumerandam non esse, quia de ratione methodi, seu instrumenti Logici in genere scientiis inferuentis notificando, est simpliciter notificare, quod comprehendit & notificare cum illationis necessitate, & notificare sine huiusmodi illatione. Concedimus quoque interpretationem illam uerborum philosophi in sexto Top. cap. 3. nec non in primo de Anima, & in primo Diuinorum utrobique contextu 148. sed quando in calce inquirunt, (quo fit ut altera quidem sit methodus, & instrumentum sciendi, nempe demonstratio, altera uero, uidelicet definitio, nequaquam,) negatur hoc, quia repugnat philosopho in secundo Post. contex. 2. ubi querens an idem possit sciiri demonstratione, & definitione, indicat tam definitionem, quam demonstrationem facere, ut sciatur, atq; ideo methodum, ac Logicum instrumentum esse diuersa tamè ratione, nam demonstratio est Logicum instrumentum cum illationis necessitate, definitio autè minime. Pro solutione tertie obiectionis. subdatur per quarto, & quinto contextibus primi libri de Anima, aduertendum est, substantiam, & quod quid est rei sumi posse uel pro definitione, uel pro ipsius rei essentia, quæ per definitionem exprimitur; si sumatur primo modo, ignotaque fuerit, ad eius inuentionem non concurrat definitio, quia idem se ipsum uenari non potest; si uero consideretur secundo modo, tunc definitio, exprimendo de re
- d essentia, quæ per definitionem exprimitur; si sumatur primo modo, ignotaque fuerit, ad eius inuentionem non concurrat definitio, quia idem se ipsum uenari non potest; si uero consideretur secundo modo, tunc definitio, exprimendo de re

quod quid est, notificat illud. Hoc posito, ad obiectionem respondetur, definitionem esse proprium instrumentum, & propriam methodum, quæ absque illationis necessitate facit, ut rei essentiam, dum illam exprimit, cognoscant ighorantes eam, cum de qualibet re quæstioni Quid sit sola definitio satisfaciatur. Vt gratia exempli, cognosco ego simul hominis definitionem, & eius substantiam, seu quod quid est, possum tamen quæstioni ab aliquo factæ de homine quid sit satisfacere per eiusdem hominis definitionem, respondendo, est animal rationale, nec propterea uana est quæstio philosophi eo in loco, ubi quærens an sit aliqua communis methodus inuestigandi quid sit in omnibus substantiis, methodosq; nonnullas nominans, de definitione ne uerbum quidem, quia per Animæ substantiam, & quod quid est, intellexit ibi eius definitionem, quam per eandemmet definitionem (ut dictum est) indagare non possumus, quare ex industria philosophus in illis contextibus silentio definitionem præteriiuit. Ad alias Aristotelis auctoritates in oppositum, quibus innitur quarta, & ultima obiectio, dicimus, philosophum, quando locis citatis asserit, omne, quod cognoscitur, uel per syllogismum, uel per demonstrationem, uel per inductionem cognosci, intelligere de instrumentis ratiocinatiuis; nam iis in locis, & præcipue in ethicis loquitur de scientia, quæ per ratiocinationem acquiritur, progrediendo à noto ad ignotum cum illationis necessitate, & hac de causa non fecit ibi mentionem de definitione: at ubi oportebat loqui de quæstis quomodo terminentur, ut fecit in secundo Post, eam silentio non præteriiuit, sola enim definitio quæstioni quid sit, quæ, sicuti aliæ quæstiones, idcirco quæritur ut sciatur, satisfacere dicitur, cum ad interrogationem factam per quid, non demonstratione; nec aliqua alia ratiocinationis specie, sed sola definitione respondeatur. Quod uero ad impugnationem consequentiæ nostræ rationis, illa ex ea parte, qua dicit, definitionem ordinari ad demonstrationem ut eius principium, non uideatur esse ad modum tuta, quia hoc pacto considerata definitio non dicit quid, sed propter quid, quod à nobis non negatur: Ex altera uero parte, qua uult, definitionem, quatenus dicit quid, tractari in Logica pro ut finis Logicorum instrumentorum est, partim probatur, partim à ueritate recedit, quod manifestabitur infra, quædo examinabimus, nonnullorum ex recentioribus opinionem de philosophi consilio in secundo Post libro. Responsio demum ad Aristotelis auctoritatem locis citatis tantum abest ut destruat opinionem nostram, ut potius eam corroboret, quia etiam nos ex mente philosophi existimamus definitionem facere ut sciatur sine illationis necessitate; quando uero aiunt, propterea definitionem non esse methodum, & instrumentum sciendi, cum ueritate eorum dictum non convenit, ut patet ex habituum rationalium ipsius intellectus partitione superius tradita, & Aristoteli repugnat in secundo Post cap. secundo, ubi præsupponit definitionem facere ut sciatur, si enim definitio ex eius mente facit ut sciatur, sequitur eam esse Logicum instrumentum, quoniam non est rationi consentaneum, ut demonstratio debeat dici instrumentum Logicum eo quia parit scientiam, definitio uero minime, cum etiam ipsa, licet sine ratiocinatione;

- 3 Scientiam pariat, etenim tam Logicum instrumentum est quod sine ratione, quam quod cum ratione scientiam parit, cum de natura Logici instrumenti in genere solum sit notificare, quod cum ratione, & sine ratione esse potest.

*Græcorum ferè omnium, & Latinorum sententia, fundamenta ag-
exponuntur de philosophi consilio in secundo Post: libro.*

C A P. V.

- C**VM iam à nobis probatum sit inter Logica instrumenta esse definitionem collocandam, reliquum est, ut ad explicandum Aristotelis consilium in secundo Post: libro accedamus. in titulo huius Disputationis examinando propter eius claritatem nihil immorabimur, sed primo Aliorum opiniones referemus, secundo loco sententiam nostram aperiemus, tertio, & ultimo rationes nonnullas contra determinationem nostram in medium afferemus, eisq; satisfacere conabimur. Ex Græcis Ioannes grammaticus, ac Eustratius, & una cum illis tota ferè Latinorum schola hanc sequuntur opinionem, ut Aristotelis consilium in secundo Post: libro, sit agere de Medio demonstrationis pro ut est causa rei. Græcorum fundamentum huiusmodi est, postquam Philosophus abunde satis declarauit quæ aperienda erant de demonstratione, quid scilicet sit, per quæ fiat, & quomodo ab aliis syllogismis differat; rationi consentaneum erat, ut doceret, Medium in Syllogismo demonstratio esse causam rei, cum prius docuerit illud esse causam illationis. Quod quidem ita declaro, Medium dicitur esse causa illationis, quando eius ope aliqua conclusio inferitur, ut uidere est in his terminis ignotis. A. B. C. dum dicitur, omne B. est. A. omne. C. est. B. ergo omne C. est. A. nani. B. est causa ut inferatur hæc conclusio, omne. C. est. A. dicitur etiā Medium causa rei conclusa, cum à tali medio res conclusa habeat essentiam, ut gratia exempli, Animal rationale dicitur esse causa risibilitatis in genere causæ efficientis non ueræ, seu per emanationem, quæ concurrit cum forma, quoniam risibilitas emanat in essentia, & conseruatione a b animali rationali, sed aduertendum hic est, Medium à forma syllogistica habere, ut sit causa illationis, à materia uero necessaria, ut sit causa rei. Cum itaque demonstratio sit composita ex materia, & forma (nam forma demonstrationis est syllogismus, materia uero sunt principia cum omnibus conditionibus positæ à philosopho in primo Post: libro contex: V.) conueniens erat, ut Medium demonstrationis esset dupliciter causa, uidelicet, illationis, & rei, illationis, ex parte formæ, & rei, ex parte materiæ: ac de Medio demonstrationis, pro ut est causa illationis, actum est tum in primo Priorum, tum etiam in primo Post: libro contextu trigesimo primo, cum utrobique egerit Aristoteles de forma demonstrationis; ergo reliquum erat agere de illo, pro ut est causa rei, quod absoluit philosophus in secundo Post: libro, faciens ibi specialem tractatum de huiusmodi Medio, confirmant hoc Græci te

Simonio philosophi in principio illius secundi libri, nam si quatuor sunt quæstio-
nes ex Aristotelis sententia, & in qualibet quæstione Medium quærinus, non pos-
sumus non confiteri quin philosophi intentio sit in secundo. Post libro agere de
Medio pro ut est causa rei. Verum, quia contra se uidebant objectionem de de-
finitione, de qua ibi philosophus pertractat, respondet, per accidens id ab Aristo-
tele factum esse, pro ut scilicet demonstrationis Medium est definitio, nã omnis
demonstrationis principium est quod quid est, ut testatur reliquit philosophus
in primo libro de Anima contex. xi. At ea, quæ per se, non quæ per accidens cõ-
siderantur, sunt attendenda; cum itaq; per se de Medio, & per accidens philo-
sophus agat de definitione, (per se enim de ea agit in septimo Diuinarum) sequi-
tur ut completa philosophi intentio in secundo Post sit agere de Medio demon-
strationis pro ut rei causa est. Ex Latinis Albertus cognomento Magnus in fa-
uorem huius opinionis huiusmodi attulit rationem, Sicuti philosophus in libris
Priorum de syllogismo duo fecit, nam primo docuit quomodo construatur syl-
logismus, secundo quomodo abundare possimus in ratiocinando, id est, quomo-
do Medium inuenire possimus; abundantia enim in ratiocinando consistit in Me-
dii inuentione; ita duo docere debebat de demonstratione, primum, quomodo
construatur demonstratio; secundum, quomodo abundare possimus in demon-
strando; quod in medii demonstratiui inuentione consistit. Cum itaque debeat
philosophus hæc omnia præstare, concludit Albertus, eum complexisse proposi-
tum suum in secundo Post libro. Pro eadem opinione corroboranda D. Do-
ctor aliud habuit fundamentum, dicebat enim ex Aristotelis sententia in princi-
pio primi Post, Doctrinam demonstratiuam ex præexistenti fieri cogitatione;
quæ nihil aliud est; nisi demonstrationis principium, sed hoc duplex est complex-
um scilicet, & incomplexum, de complexo egit in primo libro, ergo in secun-
do de incomplexo; At incomplexum demonstrationis principium est Medium;
de Medio igitur agere est præcipua Aristotelis intentio in secundo libro Post-
riorum. Hæc sunt fundamenta, quibus ex Græcis Philoponus, ac Boetius,
tius, & Latini fere omnes arbitrati sunt; Aristotelis intentionem esse in secundo
Posteriorum libro de Medio demonstrationis pertractare, pro ut rei causa est.

Predicta opinionis Impugnatio.

C A P. VI.

HAEC opinio (pace tantorum uirorum scripserim) non uidetur attingere
mentem philosophi, si enim esset uera; sequeretur; Aristotelem in hac Disci-
plina diffinacum fuisse; quoniam instrumentum, quo ad ipsius quid sit cognitio-
nem ducimur, desideraretur; & ab eo prætermisum fuisset, quod Logica aduer-
saretur, cum ad eam spectet, ut perfecta dici possit, nobis instrumenta tradere,
quibus ad omnium quæsitorum cognitionem liceat peruenire; hæc autem duo

- a sunt demonstratio scilicet, ac definitio, nam demonstratione, An sit, Quale sit, & Propter quid sit ostenduntur, definitione uero notum sit Quid sit. si itaque eorum sententiam admittamus, ut in Posterioribus analyticis sola demonstratio tractetur, instrumentum definitium, quo quaestioni Quid sit satisfacere possemus, philosophus non tradidisset, quare mancus, reprehensioneque dignus foret. Confutata huiusmodi opinione, ad fundamenta, quibus innitebatur, respondendum est, & primo ad Graecorum fundamentum dicimus, illud falsum esse, quia de Medio, pro ut est causa rei, satis superque uerba fecit Aristoteles in primo libro Posteriorum, agendo enim de conditionibus principiorum demonstrationis, agit etiam de Medii conditionibus, non pro ut est causa illationis, quia de illo hae ratione egit in primo Priorum, sed pro ut est causa rei. Ad confirmationem respondemus, Aristotelem necessitate coactum, non ex professo facere ibi mentionem de Quaestis, & de Medio, ut infra explicabimus, ubi apparebit etiam quanti momenti sit eorum responsio ad obiectionem de definitione, de qua per se (ut dicunt) ab Aristotele agi in septimo Diuinorum, falsum est, cum ibi de definitione tractetur in ordine ad quod quid est. Quo uero ad Alberti rationem, dicimus, eam negotium non facessere, docendo enim philosophus conditiones, & omnia ad potissimam demonstrationem requisita in primo libro, docet etiam quo modo huiusmodi demonstrationis Medium, pro ut est causa rei, inuenire possimus, nam percepta doctrina, quam ibi philosophus tradidit, optime demonstratiuum Medium inuenire poterimus; Sed Medium non potest esse demonstratiuum, nisi sit etiam causa rei, ergo agendo in primo libro de conditionibus principiorum demonstrationis, agit quoque de Medio demonstratiuo, id est, de Medio pro ut rei causa est. At de syllogismo, non sat erat eum docuisse omnia ad syllogismi constructionem requisita, uerum debebat etiam docere quomodo in rationando abundare, id est, Medium syllogisticum adinuenire possimus; dum enim
- b agit de syllogismi compositione, de Medii Syllogistici inuentione minime agit; idcirco de syllogismo duo philosophus debebat tacere; sed dum agit de constructione demonstrationis quo ad eius materiam, id est, dum in primo libro agit de materiae demonstrationis inuentione, agit etiam de inuentione Medii demonstratiui, pro ut est causa rei, cum demonstrationis materia sit eius Medium; quare clare patet, similitudinem, quam inter syllogismum, & demonstrationem Albertus ponit, non esse admodum tutam, sed difficultatis aliquid pati, non secus ac Diui Doctoris fundamentum, uoluit enim tantus Vir a complexo incomplexum principium, seu Medium distinguere contra sententiam philosophi, qui demonstrationis materiam aliquando principia, aliquando Medium uocauit: tractando itaque philosophus in primo libro Posteriorum de principio complexo, tractat ibi quoque de incomplexo, & de Medio, quod est complexi pars praecipua; non est igitur Aristotelis intentio in secundo Posteriorum libro de Medio demonstrationis agere, pro ut rei causa est.

*Quorundam recentiorum opinio, eorumq; fundamentum de philosophi
consilio in secundo libro Posteriorum CAP. VII.*

EX recentioribus nostri temporis nonnulli huius videtur esse opinionis, ut Aristoteles in posterioribus analyticis duas tantum methodos tradiderit, de demonstratiua scilicet, & resolutiua, demonstratiua quidem primo, resolutiua uero secundo loco, & pro ut pendet a demonstratiua, cuius rei argumentum ex eo desumunt, quia in principio primi priorum, ubi philosophus tam in posterioribus quam in prioribus analyticis intentionem suam proponit, & in Epilogo sub calce secundi Posteriorum, ubi colligit ea omnia, quae dixit usque ad locum illum, unica demonstratiua methodum proposuit, eamque unam collegit, nullam de methodo resolutiua mentionem faciens, quamuis ab eo consideretur in Posterioribus analyticis. Huius ordinis ratio est, quia uolens philosophus nobis methodum, & instrumentum tradere, quo ad rerum cognitionem duceremur, perfectam cognitionem primum respicere debebat, quae ab eo instrumentum producit, quod naturam in eius operationibus imitatur; hoc autem est potissima demonstratio, quam illi methodum demonstratiua appellat; sicuti enim natura dum operatur procedit a causa, ita demonstratio potissima, dum in nobis aliquam rerum cognitionem generat, lumen igitur optimo in hac sua principali intentione solum quam sit methodus perfectam scientiam tradens considerauit, non omnino spernens nostrae infirmitatis considerationem, immo ad humani ingenii imbecillitatem oculos conuertens, uoluit etiam docere nos uiam, qua in eorum noticiam ducamur, quae licet secundum propriam naturam sint nota, nobis tamen ignota esse contingit; haec autem sunt causa, & principia, ideo de methodo quoque resolutiua loqui uoluit, quae nos ad principiorum cognitionem perducit. huius resolutiuae methodi duas ponunt species, demonstrationem scilicet ab effectu, & inductionem, quae efficacia inter se plurimum discrepant, demonstratio enim ab effectu usurpatur ad eorum, quae ualde obscura, & abscondita sunt, inuentionem, inducio uero ad eorum tantummodo inuentionem, quae non penitus ignota sunt, & leui eget declaratione. quoniam uero uidebant obiectionem de definitione aduersus latinos militare etiam contra sententiam suam, respondent, definitionem non considerari a Logico, nec in Logica tractari ut instrumentum sciendi, cum methodus, seu Logicum instrumentum non sit, sed uel pro ut ad praecipuam methodum, nempe ad demonstratiua tanquam eius principium dirigitur, uel pro ut est methodorum finis; de ea primo modo considerata agitur in primo, altero uero modo accepta in secundo posteriorum libro. fundamentum huius opinionis illud est, quod ad res omnes cognoscendas duae methodi sufficiunt, demonstratiua, & resolutiua, nam omne, quod cognoscendum proponitur, aut est substantia, aut accidens; substantia quidem tunc plene cognoscitur quando perfecta ipsius habetur definitio, haec si nota sit, nulla eget methodo ut inuestigetur; si uero ignota, per aliquam methodum uenanda est, per demonstrationem quidem ue-

rum neuter quiditativa rerum definitio est, non internus, ut patet per longum
 progressum apud Aristotelem in secundo posteriorum à principio secundi cōtex-
 tus usque ad decimū, neq; etiā externus, quoniā definitio contra sententiā philo-
 sophi in pri. Topicorū Ca. 4. esset cognitio, & scientia inhærentiæ passionis in subie-
 cto, ergo quiditativa rerū definitio methodi demonstratiuæ finis esse non potest,
 nisi dicant, definitionē esse finē methodi demonstratiuæ, prout ex ea elicitur, sed
 hoc dicere nihil est, quia definitio, quæ ex demonstratione p se elicitur, ē tantūmo-
 do essentialis definitio cū causa passionis demonstrata, non aut substantiæ defini-
 tio est, nisi p accidens, eo quia mediū, qd est causa passionis, ac dicitur propter qd,
 sēp est in potissima demonstratiōne subiecti definitio, ut, declarauimus in propria
 disputatione de medio. Præterea, licet in parte aliqua secūdi Posteriorū libri Ari-
 stoteles agat de definitione, ut ex demonstratione elicitur, id tamē p accidēs, d
 nō p se facit; cū n. in pri. lib. docuerit, tria quæ sita, nēp, An sit, Quale sit, & Pro-
 pter quid sit ostendi p demonstratiōnē, in secundo cōtextu secundi posteriorū in-
 cipit investigare quomodo qd est haberi possit, & in decimo cōtextu determi-
 nat, definitionē, & si de definito p demonstratiōnē minime probari potest, ex de-
 monstratiōne elici, quasi uelit innuere, si aliqua ex parte confert demonstratio ad
 cognitionē definitionis, id nō aliunde euenire, nisi quia ex ea elicitur. p accidēs
 itaq;, non p se in secundo posteriorū libro agit philosophus de definitione pro
 ut ex demonstratione elicitur, sed Artifex nō curat ea, quæ sunt p accidēs, ergo
 falsum est, Aristotele per se ibi agere de definitione prout elicitur ex demonstrati-
 one, cum de ea hoc nomine egerit in primo libro, nam tunc definitio ex demō-
 stratione optime elicitur, quando demonstratiōnis principia constant ex om-
 nibus suis conditionibus, si enim potissima demonstratiōnis principia non es-
 sent immediata, neq; causæ cur esset passio demonstranda, ex ea non posset
 elici perfecta eiusdem passionis definitio; uerum de conditionibus principiorum
 potissimæ demonstratiōnis per se agit in primo libro, eisq; in secundo nullas præ-
 stantiores addit, ergo in primo libro per se quoque singul agit de definitione,
 quæ ex potissima demonstratiōne elicitur. Cum iam explicatum sit, Recentiorū
 opinionem ratione sui non esse ex mente philosophi, reliquum est, ut illud idē
 declaremus ratione fundamenti, & primo ex rerum cognoscendarum natura,
 quæ duz sunt, specierum scilicet proprietates, earumq; specierū essentia; proprie-
 tates methodo demonstratiuæ optime percipiuntur, specierū uero essentia, & qui-
 ditas methodo resolutiua nequaquam, sed sola definitione cognoscitur, ut in su-
 perioribus dictum fuit; methodo enim resolutiua, quæ est demonstratio quia, ad
 inueniuntur solum ea principia, quæ postea in demonstratiōne à priori dicunt
 propter quid, passionisq; demonstrandæ causalem definitionem, quod illis con-
 cedimus; principia uero, quæ respectu definiti dicant quiditatiuam definitionē,
 demonstratiōne quia ab Aristotele non inuestigātur, ut infra declarabimus. præ-
 terea, quæstioni quid sit ignota nulla satisfacit methodus resolutiua, neque demō-
 stratiua, sed solum definitio, qua omnes substantias cognoscimus, ergo præter
 methodū demonstratiuā, & resolutiuam, datur etiā instrumentum definitiuum, d

a quo manifestatur; & nota sit quaestio quid sit, cum ex rerum cognoscendarum natura declaratum sit, non esse ex sententia philosophi Recentiorum opinionem asserentium duas illas methodos ad tradendam rerum omnium cognitionem sufficere, reliquum est, ut illud idem aperiamus ex ipso methodi, seu Logici instrumenti communiter accepti progressu ea, quae prius ignorabantur, notificandis. Dicimus itaque de ratione huiusmodi Logici instrumenti non esse, ut à causa ad effectum, & è conuerso progrediatur, sed solum ut notificet, quod fieri potest, & cum ratione, & sine ratione, si cum ratione, sit uere scientificus progressus, uel à causa ad effectum, uel ab effectum ad causam, & in hunc sensum Recentiores optime dicunt; si uero sine ratione, ut patet de definitione, eorum sententia non probatur, cum in rei definitione nullo pacto fiat huiusmodi progressus ratiocinationi accommodatus, quare decipiuntur (nisi fallor) Recentiores, quia id generatim tribuunt, quod uni eius speciei competit, suspecta itaque nobis uidetur haec opinio tam ex parte sui, quam ex parte fundamenti.

Opinio Auctoris de Philosophi consilio in secundo Post: libro.

CAP. IX.

Quoniam quae sciuntur, aliquo instrumento sciri oportet, idcirco quae de re aliqua quaeruntur, cum quaerantur ut sciatur, aliquo instrumento sciri oportet; At quae de re aliqua quaeruntur, ut (si fieri possit) sciatur, quatuor sunt, uidelicet, An sit, quid sit, Quale sit, & propter quid sit, ergo haec quatuor aliquo instrumento sciri oportet: demonstratione sciuntur An sit, quale sit, & propter quid sit, definitione uero quid sit, cum illis demonstratio, huius autem definitio satisfaciatur. Verum considerare instrumenta sciendi, ut instrumenta sunt, ad Logicum spectat in libris Posteriorum, ergo in illis demonstratio à priori, & à posteriori, nec non definitio considerari debent, cum sciendi instrumenta sint. Dixi demonstratio, nem à priori propter perfectam demonstrabilium cognitionem, quae à demonstratione per causam producitur, demonstrationem uero à posteriori propter ingenii nostri imbecillitatem, ad quam respiciens philosophus uoluit etiam demonstrationem Quia considerare, ut eius auxilio ad illorum cognitionem ducamur, quae secundum propriam naturam sunt nota, nobis tamè ignota, sicuti sunt causa, & principia. At quoniam in primo libro ex communi omnium consensu agitur de demonstratione, ut esse possit instrumentum absoluens quaesita, An sit, Quale sit, & Propter quid sit, sequitur ut in secundo agi debeat de definitione, quae possit esse instrumentum satisfaciens quaestioni Quid sit. Praeterea, ex Aristotelis sententia duo de qualibet specie considerare debemus, substantiam scilicet, & accidentia propria, quae omnia ex mente eiusdem philosophi in secundo Posteriorum non uno, sed duobus instrumentis cognoscuntur, demonstratione accidentia propria, substantia uero, seu essentia definitione. Haec duo instrumenta, non posse ab Alio, quam à Logico construi manifestum est, nam Logica est di-

disciplina instrumenta subministrans omnibus scientiis necessaria, cum per Aristotelem in primo Top. cap. nono Logica sit disciplina adminiculatrix, quo munere fungitur sola instrumentorum ope. de demonstratione (ut diximus) communis omnium sententia egit Arist. in primo Posteriorum libro, & in secundo ipsiusmet philosophi, atque Averrois testimonio de definitione pertractatum est, ut est instrumentum à demonstratione formaliter contradistinctum, notā faciēs quæstionem quid sit, & rei substantiam; nam philosophus in septimo Divinorum tex. comment. 42. ait, se alio pacto considerare ibi definitionem, quam fecerit in Analyticis: & Averroes in commento super illum contextum (prætermisiss multis aliis eius auctoritatibus) asserit, { considerare de definitionibus esse commune Logico, & philosopho, sed duobus diversis modis, Logicus enim considerat de definitionibus ut est instrumentum, quod inducit intellectum ad intelligendas quidditates rerum, philosophus autem ut significat naturas rerum. } Si Aristoteles de definitione ut de instrumento secundum Averrois interpretationem agit in Analyticis, sequitur, ut de ea agat uel in Prioribus, uel in Posterioribus; non in Prioribus, quia ibi agit de syllogismo in communi, licet eius principalis intentio sit agere de syllogismo pro ut forma demonstrationis est, ergo in Posterioribus, non in primo libro, quia in eo ex omnium Interpretum sententia philosophus agit de demonstratione, ergo in secundo.

*Ex aliorum sententia nonnulla obiectiones contra
opinionem Auctoris.*

C A P. X.

ADuersus hanc, quam sequimur, opinionem Nonnulli rationibus, & philosophi, Averroisq; auctoritatibus instant, & primo rationibus hunc in modum, si definitio esset substantiæ cognoscendæ instrumentum, & hac de causa in secundo Posteriorum ab Aristotele consideraretur, uel esset substantiæ ab accidentibus contradistinctæ, uel substantiæ pro omni essentia acceptæ, cum solum his duobus modis substantia sumi possit; sed utrumque consequens est falsum, ergo & Antecedens. Probatur falsitas utriusque cōsequentis, nam si definitio esset instrumentum duntaxat substantiæ primo modo, id est, substantiæ categoricæ à nouem accidentium generibus distinctæ, sequeretur, non esse accidentium definitionem, quod est contra Aristotelem in primo Topicorum cap. septimo; si uero definitio esset instrumentum substantiæ secundo modo, hoc est, substantiæ pro omni essentia acceptæ, tunc scopus definitionis non esset (ut uolumus) à scopo demonstrationis separatus, quia si in eo sensu definitio est instrumentum cognoscendi substantiam, id est, essentiam tam substantiæ, quam accidentis, nihil roboris haberet ratio nostra, quando, ex eo quod in speciebus duo sunt cognoscenda, substantia scilicet, & accidens, colligimus, duobus instrumentis re distinctis ad eorum notitiam acquirendam opus esse; quoniam dicere possent, duo quidem esse

- ^a cognoscenda, utraque tamen unico instrumento cognosci, nempe definitione, quare demonstratio superuacua erit. Secundo, si Aristotelis intentio esset agere in secundo libro de definitione ut de instrumento à demonstratione distincto, oportebat hunc librum non resolutiuum, sed definitiuum inscribi, uel de definitione, aut aliquo alio modo, ut inscriptio esset intentioni consentanea; nam uidetur uacare ratione ut in alterius methodi traditione altera inscribatur, & precipue cum diuersæ sint specie inter se methodus resolutiua, & definitiua. Tertio, si in secundo Posteriorum ageret philosophus de definitione tamquam de instrumento à demonstratione distincto, secundus liber deberet præcedere primum, quare philosophus esset inordinatus. Probatur consequentia, Quæstio quid sit præcedit quæstionem Propter quid sit ex Aristotele in secundo Posteriorum, nã
- ^b Propter quid sit præsupponit Quale sit, & hoc præsupponit Quid sit, ergo propter quid sit præsupponit quid sit, igitur quid sit præcedit propter quid sit, sed
- ^d quid sit ad definitionem, de qua per nos agitur in secundo libro, & propter quid sit ad demonstrationem pertinet, de qua agitur in primo, ergo secundus Posteriorum liber præcederet primum, quare philosophus esset inordinatus, si in secundo ageret de definitione tamquam de instrumento à demonstratione contradistincto. Quarto si in secundo libro de definitione ageretur ut de altero instrumento re distincto à demonstratione, liber Posteriorum nõ esset unus liber, quia duas haberet subiectas materias, seu duos diuersos scopos, quorum neuter ad alterum dirigeretur, nam demonstratio ad substantiæ definitionem nihil confert, substantiæ uero definitio, quatenus ad substantiæ cognitionem refertur, nihil confert ad demonstrationem, confert quidem dum ad accidentia refertur tamquam ipsorum causa, sed dum substantiam cognoscendam respicit, eo uno munere fungitur declarandi quid sit substantia ipsa definita, in cuius muneris functione nullam cum demonstratione ipsa rationem habet. Quinto, & ultimo, si in secundo Posteriorum philosophus ageret de definitione tamquam de altero instrumento penitus à demonstratione distincto, certe non careret reprehensione, consequentia probatur, quia dum ibi proponit de definitione agendum tamquam de instrumento à demonstratione distincto, scriptus ad tractationem demonstrationis reuertitur, & has tractationes confundit, postquam enim longo sermone egit in secundo libro de definitione, ad demonstrationem redit, & docet quomodo ipsius Medium possit esse quodlibet ex quatuor causarum generibus; deinde iterum ad definitionem reuertitur, postea iterum ad demonstrationem, qui procedendi modus argueret philosophum maxima reprehensione dignum fore, si in secundo Posteriorum libro de definitione tractaret à demonstratione contradistincta; debuisset enim in primo libro totum de demonstratione sermonem absoluerè, deinde in secundo seorsum de definitione loqui, si (ut nos asserimus) duo distincta instrumenta sunt demonstratio, & definitio.

CAP. XI.

VT ordinatim ad propositas rationes respondeamus, ad primam negamus falsitatem secundi consequentis, ad probationem, quod, posita ueritate nostræ opinionis, non separaremus, sicuti uelle uidemur, scopum definitionis à scopo demonstrationis, ratioq; nostra nihil roboris haberet, quando ex eo quod in speciebus duo sunt cognoscenda, substantia scilicet, & accidens proprium, colligimus, duobus instrumentis re distinctis ad eorum notitiam acquirendam opus esse, negamus hoc: ad probationem, negamus, substantiam, & accidens posse tantummodo unico instrumento, nempe definitione cognosci, demonstrationemq; superuacaneam fore, cuius negationis ratio est, quia accidens considerari potest uel in se quo ad eius essentiam, & ut definibile, uel pro ut subiecto inhæret, & ut demonstrabile; si consideretur primo modo, definitione cognoscitur, si uero secundo modo, demonstratione, cum simplici quæstioni (ut dictum est) definitio, complexa uero demonstratio satisfaciatur: quando igitur dicimus, substantiam de finitione, & accidens demonstratione cognosci, per substantiam, tam accidentis, quam substantiæ propriæ dictæ essentiam, per accidens autem, eius inhærentiam intelligimus; quamobrem scopus definitionis separatur à scopo demonstrationis, & propterea, superuacanea non erit demonstratio, sed ualde necessaria non secus ac definitio, cum demonstrabile, ut demonstrabile, tantummodo per demonstrationem, & definibile, ut definibile, per solam definitionem habeatur ex Aristotele in secundo Posteriorum contextu secundo. Ad secundam rationem respondemus, si absurdum esse uideretur, tractatum de definitione inscribi debere resolutiuum, quia diuersæ inter se specie sunt methodus resolutiua, & definitiua, eadem ratione deberet absurdum uideri, tractatum de demonstratione inscribi resolutiuum, cum diuersæ inter se specie sint methodus demonstratiua, & resolutiua; sed hoc absurdum non est, ergo nec illud. Cur autem libri Posteriorum inscripti fuerint resolutorii, licet in illis de demonstratione, & definitione agatur, posterius suo loco aperiemus, pro solutione tertiæ rationis aduertendum est, Quid, & Propter quid considerari posse uel ex rei natura, id est, in se, ut talia quæsitæ sunt, uel ex nostro modo cognoscendi; si considerentur primo modo, absque ullo dubio Quid præcedit Propter quid, eo quia Propter quid supponit Quale, & hoc supponit Quid; si uero considerentur secundo modo, Propter quid præcedit Quid, cum per propter quid uicamur in cognitionem ipsius Quid tam substantiæ, quam accidentis proprii, sed huius per se, illius uero per accidens; Præterea, accidentium cognitio, quæ per propter quid habetur, multum confert ad cognoscendum Quid. Hoc posito, formaliter ad rationem respondemus, negando consequentiam, Ad probationem primo dicimus, illam ex rei natura esse ueram, ex nostro autem modo cognoscendi, quem respexit philosophus, esse falsam. Secundo respondemus, philosophum ex naturæ ordinæ, ut diximus,

omnibus in primo contextu peractis, in textu secundo inuestigare incipit quia
 a via quæstio Quid sit mōstrari possit, cū de reliquis quæstionibus clarum sit, eas
 per demonstrationem ostendi; & usque ad textum octauum diligentissime p-
 pendens oēs modos imaginabiles, quibus fieri potest ut ipsum quid sit manifeste
 tur, singulos tamquam inuitiles reiicit, syllogismum scilicet demonstratiuum du-
 plantem, diuisiuium, definitiuum, in cuius propositione maiori accepta fuerit defi-
 nitionis definitio, syllogismum conditionalem, pro cuius antecedente unius con-
 trarii definitionem assumimus ad habendam alterius contrarii definitionem, in-
 ductionem, sensum, & demum ipsammet definitionem. in octauo determinat, licet
 ipsius quod quid est non sit syllogismus, & demonstratio, sine demonstratione co-
 gnosci non posse ipsum quid sit, cuius est causa alia; quasi philosophus innuere
 uellet, ut si aliqua in parte demonstratio sit utilis ad habendum quid sit, cuius
 est alia causa, in hoc solum sit utilis, quod eius auxilio innotesceat, eo quia ex de-
 monstratione elicitur; propterea inferre non possumus, philosophi consilium es-
 se in secundo posteriorum uelle de definitione agere pro ut elicitur ex demon-
 stratione, quia per accedens quasi coactus de ea sic considerata ibi philosophus
 uerba facit. Cum itaque dixerit, non licere sine demonstratione cognoscere ipsū
 b quid sit, cuius est alia causa, in nono contextu declarat quare dixerit, cuius est
 alia causa, hanc distinctionem faciens, ut scilicet rerum alia alteram causam habe-
 ant, alia uero minime, cuius distinctionis utrumque membrum explicat. Et quoniā
 in calce illius cōtextus dixerat, definitionem esse ipsius quod quid est orationē,
 quæ quidē oratio multis modis dicitur una, in decimo contextu ponit quot mo-
 dis oratio dicatur una, ut inde docere posset quomodo definitio sit una oratio,
 ibique oēs definitionis species enumerat, quæ faciūt pro demonstratione, ut cōmō-
 dius intelligi possit, cuiusnā rei sit illud quid est, qđ eatenus demonstratione co-
 gnoscitur, quatenus ex ea elicitur, & cū determinauerit, quid est, qđ ex demōstra-
 tione elicitur, ēē rei causā aliam habentis, quæ quidem causā principium, & me-
 dium demonstrationis est, quærere coactus fuit an hæc causa, quæ demonstra-
 tionis principium, & medium sit, ex omni causarum genere desumi possit
 c, quam speculationem statim in undecimo contextu aggreditur, ubi cum
 ostenderit, per quatuor diuersas causas diuersos effectus demonstrari posse,
 in duodecimo declarat quomodo per diuersas causas idem effectus demonstra-
 stratur; in cuius fine cum docuerit quomodo per causam, quæ est simul
 cum effectu, aliquid demonstratur, rationi consentaneum erat, ut decla-
 raret quomodo demonstratur in causis, & causatis non simul existentibus,
 quod absoluit in decimo tertio contextu, in quo dictum est, materialem,
 & efficientem causam tempore suos effectus præcedere, quāobrem in de-
 cimo quarto obiter quærit quomodo adinuicem iungantur, ita ut post
 factum esse, sit etiam ipsum fieri in rebus, quærit (inquam) quid sit illud,
 quod causam causato, rem scilicet factam ei, quæ sit, continuare possit,
 propositam quæstionem optime dissoluens. cum uero declarauerit quomodo
 d demonstrationis medium accipiatur quando causa non est simul cum causato
 b

- ^a in his, quæ fiunt in rectum, id est, in iis, quorum alterum alterius causa est, non autem è contra, ut gratia exempli, Domificator est causa domus, è conuerso uero minime: rationi consonum uidebatur, ut illud idem demonstraret in his, quæ circulariter fiunt, hoc est, in iis, quorum alterum alterius causa est, & è contra, ut patet de terra madefacta, & de pluuiâ, quod in decimo quincto contextu de terminat philosophus, qui licet in superioribus contextibus de causis, pro ut medii naturam in demonstrationibus obtinent, multa dixerit, uoluit etiam in decimo sexto unum aliud addere, uidelicet, pro medio sumi posse causas ipsas uariatas, ut effectus uariari contingit; cum enim effectuum alii sempiterni, necessariiq; sint, alii uero ut plurimum, eodem modo ipsorum causas uariari necesse est, ut illa, quarum effectus necessarii sunt, necessaria, illæ autem, quarum effectus sunt ut plurimum, ut plurimum etiam sint, nam si essent necessaria, effectus quoque contra suppositum necessarii essent. His peractis, in contextu decimo septimo, & infra usque ad medietatem uigesimali secundi Aristoteles ex professo agit de inuentione prædicatorum quiditatuorum, atq; ideo de inuentione quiditatiæ definitionis in ordine ad definitum, ut esse possit instrumentum, quo satisfaciamus quæstioni quid sit, idq; non sine ratione, cum enim in primo Posteriorum tractauerit de inuentione demonstrationis, cuius ope tria quæsitâ ostenduntur, uidelicet, An sit, Quale sit, & propter quid sit, ei necessarium fuit in secundo libro aggregi proprium tractatum de inuentione definitionis, tamquam de altero instrumento, quod satisfaceret quæstioni Quid sit, cui nulla demonstratio satisfacere potest, quo in negotio pertractando qua methodo progrediatur paulo inferius explicabimus. sed quispiam & optime contra sententiam nostram hunc in modum instare posset, si inter modos imaginabiles ad habendum quid quid est, quos reiecit philosophus, reponitur etiam definitio, quorsum de eius inuentione ita agit, ut esse possit instrumentum, quo manifestum redatur quid sit? Ad huiusmodi instantiam respondemus, philosophum in hunc sensum reicere definitionem, ut scilicet ex ea tamquam ex instrumento ratiocinatio non concludatur quid sit, in alium uero sensum, ut scilicet definitio sit instrumentum simplici Quæstioni Quid sit satisfaciens, eam minime excludere, sed penitus admittere, definitio enim uel qualibet eius pars ad quæstionem Quid sit respondetur. Cum itaque à decimo nono contextu usque ad uigesimali secundum de methodi diuina utilitate pro definitione inuenienda ex propria sententiâ satis, superq; disputauerit, nactus hæc occasionem, de eadem diuisione in altera parte uigesimali secundi contextus, & in toto uigesimo tertio uerba facit pro ut est utilis etiam ad omnium problematum causas inueniendas. Hac factâ problematum mentione, cum eorum plurima, quæ ex parte terminorum diuersa sunt, ratione medii eadem esse possint, cogeatur philosophus id aperire, quod determinat in contextu uigesimo quarto. Et licet superius uerba fecerit de causis, & causatis, quæ simul sunt, nec non de his, quæ non sunt simul, & docuerit quomodo in iis ex necessitate consequentia fiat, nunc in uigesimo quincto contextu de causis, & causatis, quæ sunt simul, idem repetit, & exquisitè magis, quia huiusmodi

speculatio ad problematum causas inveniendas multum confert; dubitat igitur an existente causato, ex necessitate sit causa, sicuti existente causa, ex necessitate supponitur esse causatum. Si dicatur, causato existente, non esse eius causam illam, quæ pro causa ponebatur, tunc huiusmodi causati aliam causam ponere necessarium erit, quare eiusdem effectus plures causæ dabuntur, quod tamen à propria demonstratione alienum est: si autem dicatur, existente causato, causam esse, & e conuerso, tunc causa, & causatum inuicem demonstrari poterunt, quare in demonstrationibus dabitur circulus; quæ omnia (ut sui moris est.) exëplis illustrat, difficultatesq; propositas diligenter. dissoluit. His omnibus explicatis, in contextu uigesimo sexto colligit quæ proposuit in principio. primi priorum, ubi ponens intentionem suam in illis, & in Posterioribus, eamq; in Epilogo repetens, de definitione nihil dicit, non quia omnia, quæ usque ad locum illum docuerat, ad demonstrationem pertineant, cum in secundo Posteriorum per se de inuentione definitionis, ut esse possit instrumentū satisfaciens quæstioni quid sit, & per accidens (ut declarauimus) de attinentibus ad demonstrationem egerit; sed quoniam definitionem secundo loco considerauit, non quia ad demonstrationem uel ut principium, uel ut finis dirigatur, probatum etenim est, neutro horum modorum definitionem ut dicit quid ad eam dirigi, uerum quia minorem habet uim, & efficaciam notificandi, quàm demonstratio. Vel dicere possumus, cum in proæmio primi Priorum definitionem non proposuisse, at solum de demonstrationem, quia eius intentio erat agere de syllogismo non in ordine ad definitionem, cum ad eam syllogismus nihil conferat, nec ad syllogismum definitio, sed in ordine ad demonstrationem, quæ principalis, & præcipua eius species est, ex hoc tamen non sequitur, ut non possit in posterioribus agere etiam de definitione, tamquam de instrumento quæstioni quid sit satisfaciens, cum ad Logicum spectet omnia instrumenta docere, quibus satisfacere possimus omnibus quæsitis; & quoniam in Epilogo ea solum colligere debemus, quæ in proæmio proposuimus, hinc factum est, ut Aristoteles in eo quoque de definitione nullam mentionem fecerit, quamuis in secundo posteriorum libro de inuentione de finitionis egerit, ut esse possit instrumentum simplici quæstioni quid sit satisfaciens. Absolutis iis omnibus, quæ pertinent ad modum sciendi ex præexistente aliqua cognitione, in contextu uigesimo septimo, & ultimo agit de principiorum cognitione, cuius rei ratio est, quoniam philosophus, eo quod ordine resolutiuo demonstrationis materiam in primo Posteriorum uenari intendebat, definiens scire simpliciter, dixit, illud esse rem per causam cognoscere, quamobrem potuisset aliquis huiusmodi definitionem euertere, tacite instando, dari etiam aliquod scire simpliciter sine causa; quam tacitam obiectionem animaduertens, ei statim occurrit, inquit, si igitur & alter est sciendi modus, posterius dicemus; ex quo loco elicitur, Aristotele de illo sciendi modo dubiū fuisse, attamen in cōtextu sexto eiusdem primi libri asseritiue posuit, dari duos sciendi modos, unū, qui ex aliqua præexistenti cognitione sit, alterum, uero sine ulla præcedenti cognitione, lumine scilicet intellectus; quod ex industria fecit, cum enim in calce quinti

- a** contextus supposuerit principia debere esse scita, aliter male probare potuisset ea esse notiora, & magis scita conclusione, absque ullo dubio eius ratio petiisset principium, nisi statim ibi, & in sexto contextu declarasset quomodo scirentur, propterea quod supposuisset quod debebat probare propter Aduersarios euer- tentes principiorum cognitionem, & propterea omnem scientiam, quæ sit ex an- tecedenti cognitione. quo in loco hanc materiam haud exquisitè tractauit ut occasio postulare uidebatur, tum quia huius reinspectatio, propter diuersas cir- ca illam Philosophorum sententias, longiori, seu iunctaq; explicatione indigebat; tum etiam, quia pollicitus fuerat in contextu quinto se esse declaraturum hunc sciendi modum post expeditam tractationem modi sciendi per causam, quam obrè post eorum Epilogum, quæ proposuit in principio primi Priorum, aggredi- tur quod pollicitus fuerat. Ex quibus omnibus hæcenus ab Aristotele peractis clare patet, eum ex accidente in hoc secundo libro de iis, quæ ad demonstratio- nem pertinent, uerba fecisse, quare (ut opinor) reprehensione dignus minime ui- detur esse; hac tamen in re, sicuti in cæteris omnibus, si quis meliorem sententiã excogitauerit, eam non inuitus amplectar.
- b**

*Aristotelis auctoritate in toto secundo Posteriorum libro opinio
Auctoris falsa ostenditur.*

C A P. X I I.

- C**Um rationibus aduersus opinionem nostram obiectio facta, reiectaq; fuerit, Aristotelis nunc auctoritate in toto illo secundo libro, singulas partes bre- uiter expendendo, eiusdem opinionis falsitatem clare, & efficaciter ostende- re facile erit, si nullus enim in eo libro locus inuenietur, in quo Aristote- les de definitione agat ut de instrumento ducente ad cognitionem Quid sit, hoc uno argumento sententia nostra satis, superq; confutata erit. Dicunt itaque, totum illum secundum librum percurrendo, Aristotelem ab initio eius li- bri usque ad contextum quadagesimum septimum secundum Auerrois partitio- nem diligentem tractationem facere de definitione, & de uia ducente ad cog- nitionem quid sit, considerandum igitur est quæ nam sit illa uia, & de quam defi- nitione loquatur in ea parte philosophus; certe uel cæcus inspicere posset, totã illam tractationem esse de definitione accidentium, non de substantiæ definitio- ne, quia autem ducentem ad eiusmodi definitionem non esse aliam, quàm de- monstrationem potissimam, hæc enim in definitionem ipsius accidentis demon- strati conuertitur, & ita nos ducit ad cognoscendum quid sit accidens unum quod- que; ergo in ea parte Aristoteles non loquitur de definitione substantiæ, immo
- d** eius considerationem reiecit in contextu quadagesimo secundo, & quadagesi- mo septimo, dicens, eam esse principium indemonstrabile; quare, si ignoretur, nō potest per demonstrationem indagari, sed aliqua alia uia, quam ipse ibi nō con-

siderat, quia in ea parte loquitur solum de illa definitione, quæ per demonstratio-
nem innotescit, hæc autem est definitio affectionis, ut in ea parte manifestissi-
mum est, & ut asserit etiam Auerroes in primo commentario sexti Metaphysica-
rum libri; similiter clarum est, viam ducentem ad cognoscendum quid sit in
accidentibus non esse definitionem, sed demonstrationem, in fine enim primi ca-
pituli proponit Aristoteles declarandum quomodo per demonstrationem decla-
retur quid sit, & in contextu quadragesimo septimo colligit se declarasse quo-
modo sit demonstratio ipsius quid sit, & quomodo quod quid est monstretur;
sed totam illam partem legentibus manifestum est, Aristotelem nihil aliud doce-
re, quam quomodo demonstratio ducat ad cognitionem ipsius quid sit, non est
igitur definitio instrumentum ducens ad cognoscendum quid sit, sed demonstra-
tio. deinde Aristoteles in contextu quadragesimo octavo incipit tractationem
de generibus causarum, & docet eorum quodlibet posse in demonstratione me-
dium esse; & in ea causarum consideratione versatur usque ad contextum sexage-
simum octauum, quæ tota tractatio absque ullo dubio de demonstratione est, b
quia nihil dicitur ibi de definitione. postea in contextu sexagesimo nono incipit
declarare viam uenandi prædicata essentialia, quæ prædicantur in eo quod quid
est, & constituunt eam definitionem, quæ est principium indemonstrabile; nec
magis est definitio substantiæ, quam accidentis, prædicata enim, quæ vocantur
quiditativa, non possunt demonstrari de illo, de quo in eo quod quid est prædi-
cantur, siue substantias, siue accidentia definienda consideremus, quemadmodum
enim non possumus per causam demonstrare hominem esse rationalem, uel esse
animal, uel esse corpus; ita neque albedinem esse colorem, uel esse qualitatem, ne-
que eclipsim esse priuationem luminis, neque tonitrum esse sonum; possumus qui-
dem per causam demonstrare priuationem luminis de Luna subiecta, sed non de
eclipse; & accensionem de sanguine cordis, sed non de ira, nisi idem de se ipso de-
monstremus. Cum igitur ea, quæ prædicantur in quid tam in genere substan-
tiæ, quam in generibus accidentium, demonstrari non possint, tamen ignota es-
se contingat, docet ibi Aristoteles qua uia debeant inuestigari, an uia diuisiua, c
ut censuit Plato, an aliqua alia methodo; quare tota illa tractatio est de illa defi-
nitione, quam Aristoteles antea in contextu quadragesimo secundo reiecerat,
dicens, eam esse principium per se notum in scientia, uel si ignorari contingat,
non posse per demonstrationem innotescere, sed per aliquam aliam methodum,
quam in ea parte querit; instrumentum igitur idoneum ad uenandum quid sit
non est ipsa definitio, quandoquidem hæc ignota proponitur, & queritur instru-
mentum, quo inuestigetur; sed instrumentum est ipsa uia diuisiua, uel uia compo-
sitiua, per quam docet ibi Aristoteles quomodo eiusmodi prædicata uenari de-
beamus, & horum inuestigatio est inuestigatio ipsius definitionis ignotæ, quia ue-
nari ipsum quid sit, & uenari definitionem idem significat; quare nihil inanius est, d
nihil ab Aristotele alienius, quam dicere, definitionem esse methodum, & instru-
mentum, quo ipse in ea parte docet uenari prædicata in quid, ut patet tum le-
gentibus uerba Aristotelis eo in loco, tum rem ipsam per se considerantibus; ergo

- a in ea quoque parte, quæ à contextu sexagesimo nono usque ad octuagesimum quartum protenditur, manifestum est cum Aristoteli non loqui de sola definitione substantiæ, tum etiam non considerare definitionem ut methodum, & instrumentum, quo venemur ipsum quid sit. hinc sequitur, nullum esse locum in eo secundo libro, in quo Aristoteles de definitione substantiæ seorsum loquatur, & nullum etiam esse locum, in quo consideret definitionem ut instrumentum ducens ad cognitionem ipsius quid sit; quia post illum contextum octuagesimum quartum usque ad finem libri nil aliud dicit de definitione, ibi enim ad demonstrationem reuertitur, & loquitur de scientia ipsius Propter quid sit per cognitionem causæ usque ad contextum centesimum, in quo epilogum facit, & dicit, se de syllogismo, ac demonstratione docuisse, de definitione autem nihil dicit;
- b quia re vera omnia, quæ usque ad illum locum docuerat, ad demonstrationem pertinuerant. demum in postremo capite eius secundi libri loquitur Aristoteles de principiis, ac de eorum cognitione, & declarat qua uia sit in nobis acquisita primorum principiorum noticia, & uiam dicit esse inductionem. falsa igitur est, & ab Aristotele alienissima sententia eorum, qui dicunt in secundo illo libro considerari definitionem ut instrumentum cognoscendi substantiam, uel cognoscendi quid sit generaliter acceptum, cum in eo libro nullus locus appareat, in quo id fiat, hoc enim & ipsius Aristotelis testimonio, & rationibus ex ipsius tractatione desumptis apertissime demonstratum est.

*Soluitur assignata instantia ex Philosophi progressu in
toto secundo Posteriorum libro.*

CAP. XIII.

- c R Espondentes ad præcedentem instantiam, negamus nullum esse locum in secundo posteriorum libro, in quo Aristoteles agat de definitione, ut de instrumento ducente ad cognitionem ipsius quid sit; hoc est, de definitione, quæ esse possit instrumentum satisfaciens quæstioni simplici ipsius quid sit, quia id præstat in contextu decimo septimo secundum ueterem sectionem, atq; etiam in ira, & licet in hoc secundo libro philosophus loquatur de iis, quæ ad demonstrationem pertinent, ex accidente id facit, non per se, ut disputatum fuit; ex professo uero, & per se intendit agere de definitione, quæ esse possit instrumentum satisfaciens quæstioni simplici ipsius quid sit, cui nulla, ut superius probatum fuit, satisfacere potest demonstratio; qua in re non recedit philosophus à se ipso dum in primo libro de demonstratione pertractat. idq; ita declaro, omnes communiter sentiunt, Aristotelem in primo libro agere de demonstratione pro ut est instrumentum satisfaciens quæstioni complexæ, & tamen ibi solum agit de inuentione demonstrationis potissimæ quatenus ad eius materiam pertinet, quæ prædictæ
- d quæstioni satisfacere possit, nam perquirendo condiciones principiorum potiss.

max demonstrationis, perscrutatur ipsammet demonstrationem, quæ ab illis con- a
 ditionibus, non à forma syllogistica habet ut demonstratio sit. à pari in secundo
 Posteriorum loco citato agendo philosophus de inuentione prædicatorum qui-
 ditatiuorum, nempe generis, & differentiar, ex quibus efficitur definitio quidita-
 tiua, dicitur etiam agere de inuentione definitionis quiditatiuæ in ordine ad de-
 finitum, ut esse possit instrumentum satisfaciens simplici quæstioni quid sit. Quæ-
 do igitur dicimus, Aristotelem agere in secundo Posteriorum de definitione pro
 ut est instrumentum rei essentiam, & quiditatem notificans, consilium nostrum
 non est, ut dicamus, (sicuti uidetur uelle instantia) definitionem esse methodum,
 & instrumentum, quo philosophus eo in loco docet indagari prædicata in quid,
 quia tunc definitio quæreret se ipsam, quod absurdum est; sed uolumus, Aristo-
 telem, dum agit de inuentione prædicatorum quiditatiuorum, agere de inuen-
 tione definitionis quiditatiuæ, & propterea de quiditatiua definitione, ut esse pos-
 sit methodus, & instrumentum, quo simplici quiditatis quæstioni responderemus, d
 sicuti in primo libro, dum agit de inuentione demonstrationis, dicimus eum age-
 re de demonstratione, ut eius ope complexis quæstionibus, & simplici quæstioni b
 An sit satisfacere possemus. Methodus, qua philosophus quærît definitionem
 in ordine ad definitum, quod potest esse substantia, & accidens, non est sola diui-
 sio, ut uidebatur uelle Plato, nec sola demonstratio, ut asserbat Hippocrates;
 non est sola diuisio, quia committeretur petitio principii, nam sumeretur quod
 deberet probari, ut si quis gratia exempli diuidendo substantiam, diuideret eam
 in corpoream, & incorpoream, postea acciperet uel corpoream, uel incorpoream
 substantiam, id sumeret, quod ab eo esset probandum; utilis tamen est diuisio,
 quia per eam ordo partium definitionis habetur, quænam scilicet primo, & quæ
 posteriori loco ponenda sit, nullaq; prætermittitur. Non sat est etiã tantummo-
 do demonstratio, quia idem sequeretur absurdum, cum demonstrationis princi-
 pium ex Aristotele in primo libro de Anima tex: com: undecimo sit quod quid
 est; quare sumeretur illud, quod esset probandum; sed requiritur aggregatum
 ex utraque, facta enim diuisione, demonstratur non perfecta demonstratio, c
 sed syllogismo faciente aliquam fidem, non esse definibile sub uno diuisionis me-
 bro, quare probatum redditur, sub altero contineri, quando fuerit facta diuisio
 (ut decet) per membra contradictorie opposita, & ita deinceps deuenitur usque
 ad proximum genus, & proximam differentiam; demum connectimus simul
 omnia diuisionum membra per demonstrationem comprobata, quæ partium cõ-
 nexio non est methodus, & hoc pacto inueniuntur partes constituentes cuiusli-
 bet definiti definitionem. fit itaque primum diuisio generis generalissimi illius
 prædicamenti, in quo definitum continetur, deinde succedit demonstratio, ter-
 tio, & ultimo loco ea partium connexio, quæ per demonstrationem comprobã-
 tur. ut gratia exempli, si homo definiri debeat, qui est in prædicamento substan-
 tiæ, corpus generabile, & corruptibile, quod est ex mente commentatoris genus
 generalissimum illius prædicamenti, primo diuidendum, est per differentias op- d
 positas, quæ sunt animatum, & inanimatum, in quarum altera collocatur homo:

- a. deinde cum probatum fuerit, hominem non esse inanimatum, relinquatur probatum, animatum esse, quæ differentia applicata corpori facit corpus animatum; quod etiam diuiditur per alias differentias oppositas, à quibus omnibus homo non recedit, diuiditur, inquam, per sensitium, & insensitium, & cum explicatum fuerit hominem non esse insensitium, apparet eum sensitium esse, quæ differentia iuncta corpori animato efficit corpus animatum sensitium, quod animal est, & proximum hominis genus, commune tamen omnibus aliis specialissimis speciebus sub eodem animali contentis: diuiditur postea animal per oppositas differentias in eo potentia latentes, quarum unius definibile est particeps, uidelicet, per rationale, & irrationale; posita probatione, ut homo non sit irrationalis, relinquatur, eum esse rationalem, quæ hominis differentia si esset ultima, non posset amplius aggregatum ex animali, & rationali per alias differentias diuidi, quare ex ea tanquam ex contrahente, & ex genere tamquam ex contrahibili fieret
- b. quidratia hominis definitio; uerum si rationale non esset ultima hominis differentia (latent enim ut plurimum ultimæ rerum differentiæ) tot essent à nobis intra genus accipiendæ, à quibus definibile alienum non sit, quot simul iunctæ ultimam eius differentiam circumscriberent. cum itaque rationale ex mente Platonis ultima hominis differentia non sit, animali appositum hominis definitionem non efficit, sed genus nomine carens, quod licet inquit prædicetur, sicuti definitio, ab ea tamen differt, quia definitio cum definito conuertitur, genus uero nomine carens communius est. dixi genus nomine carens, quia genus in duplici differentia est, nominatum unum, alterum nomine carens; nominatum genus illud est, quod solo nomine profertur, nulla ei addita differentia, ut animal; genus uero nomine carens est aggregatum ex genere nominato, & una, uel pluribus differentis, ut animal rationale, quod cum latius pateat, quàm homo, rursus diuidendum est per mortale, atq; immortale, & cum probatum fuerit, hominem non esse ut mortalem, manifestissime apparet, cum mortalitati subiacere; applicetur, deinde mortale animali rationali, si aggregatum, quod oritur ex animali rationali, & mortali, cum homine conuertetur, ut uere conuertitur, eius definitio erit, sin minus, erit genus nomine carens, quod est deinceps diuidendum, quousque aggregatum ex genere, & differentiis cum definito conuertatur. Et in hunc sensum uera est philosophi sententia asserentis, ea, quæ ponuntur in definitione, per se communiora esse, quàm definitum, ac de eo in quid prædicari, quando scilicet ultima differentia latet, eiusq; loco sumitur aggregatum ex pluribus differentiis ultimæ æquivalentibus. Nec conturbent nos aliqua definitionis partes, uidelicet, differentia, cum dictum sit, ea, quæ in definitione collocantur, in eo quod quid est de definito prædicari; ne forte confiteri cogamur eas in quale quid non prædicari, propterea quod differentia à genere separata optime in quale quid prædicantur, at generi coniuncta, cum uel genus nomine carens, uel definitionem faciant, non possunt prædicari nisi in quid. Ecce quomodo per diuisionem habetur ordo in partibus definitionis, ita ut una, uidelicet, minus communis alteri communiori succedat, nec ulla prætermittitur. hæc methodus in-
- seruit

seruit ad inuestigandam definitionem non solum speciei specialissima, sed etiam a subalterna, ad cuius iterum definitionem indagandam, aliam ei propriam, non autem speciei specialissima ponit methodum, quæ est aggregatum ex methodo diuisiua, & compositiua hunc in modum se habens. primum debet species illa subalterna diuidi in alias species infra se positas, si non in omnes, saltem in aliquas; deinde accipiendæ sunt earum specierum definitiones acquisitæ per priorem methodum, & diligenter considerandæ sunt, an habeat in se aliquid commune; cum cognitum sit, eas in aliquo communi conuenire, & hoc non aliunde, nisi methodo compositiua à singularibus progrediendo, sumendum est postmodum genus generalissimum illius prædicamenti, in quo definibile, & eius species collocantur, cui si appositum fuerit illud commune per methodum compositiua inuentum, efficietur ex huiusmodi aggregato quiditatiua speciei subalterna definitio. Vt gratia exempli, si quispiam inuestigare uellet definitionem animalis, quod est species subalterna, deberet primo animal in suas species diuidere, nempe, in hominem, equum, & leonem; præterea, essent ab eo ex prima methodo accipiendæ illarum specierum definitiones, ut scilicet homo sit corpus animatum sensitiuum rationale, equus uero corpus animatum sensitiuum irrationale inhiabile, & leo corpus animatum sensitiuum irrationale rugiens; quibus definitionibus ita acceptis, deberet ulterius uti methodo compositiua, à singularibus (ut diximus) uniuscuiusque speciei progrediendo, ex qua quidē methodo manifestissime apparet, illud commune esse animatum, & sensitiuum, cum in animato, & sensitiuo conueniant indiuidua omnium animalis specierum; demum cum cognitum fuerit, earum specierum genus generalissimum esse corpus generabile, & corruptibile, ei commune illud, quod inuentum erat in illis definitionibus methodo compositiua, addere deberet, & ita inuenta esset animalis definitio. uide licet, corpus animatum sensitiuum. Ad cognoscendū postea an uniuocum, uel æqui uocum sit quod definiendum proponitur, uidendum est quomodo se habeat commune illud, quod speciei subalterna definibilis ratio est, si. n. unū & idē fuerit in omnibus suis speciebus, earumq; indiuiduis, non potest definibile illud non esse uniuocum, cum eius nomen, & ratio de suis inferioribus prædicentur; ut patet de animali respectu suarum specierum, sub illisq; contentorum singularium, de quibus oībus uniuoce prædicatur, quia idem est nomen, & eadem animalis ratio in omnibus suis speciebus, earumq; indiuiduis. Si uero id, quod unius speciei indiuiduis commune est, idem non fuerit cum eo, quod alterius speciei indiuiduis commune est, definibile secundum nomen de suis inferioribus prædicabitur, non autem secundum eandem illius nominis rationem. Vt gratia exempli, si quispiam scire uellet quæ nam magnanimi definitio esset, omnes illos, qui hoc nomine digni iudicati essent, quales fuerunt Ajax, Achilles, Alcibiades, Lyfander, & Socrates, proponere deberet, inter quos facile comperiret, Aiace, Achillem, & Alcibiadem appellatos fuisse magnanimos, quia iniuriam ferre non poterant; Lyfandrum uero, & Socratem, quoniam in rebus fortunæ cum prosperis, tum aduersis æque se se habebant. Si itaque ratio,

a per quam Ajax, Achilles, & Alcibiades magnanimi dicti fuerunt, non est eadem cum illa, per quam Lyfander, & Socrates magnanimi fuerunt uocati, sed penitus diuerfa, fequitur, Magnanimum esse nomen multiplex, & propterea uno modo definiri non posse, posita methodo inueniendi partes essentialis definitionis tam accidentis proprii, quam substantiæ, quod quidem munus ad eam disciplinam pertinet, quæ considerat essentialem rerum definitionem ut est instrumentum quæstioni quid sit satisfaciens; aduertendum est, illas definitiones differre, quia ex Aristotelis sententia in secundo posteriorum libro capite nono, & in octauo Diuinorum tex: Com: decimo tertio essentialis proprietatum definitio causam extrinsecam proximam habet, à qua fluit, essentialis uero substantiæ definitio nequaquam.

Auerrois quoque opinionem Auctoris aduersari.

C A P. XIII.

b

c **C**Aeterum opinionem hanc nostram ab Auerrois quoque sententia dissentire ostendere nituntur, primo quidem, quoniam multis in locis Auerrois sententia est, primum posteriorum librum ad secundum dirigi, demonstrationemque propter definitionem tractari, ut legere est in Commentario undecimo primi Post: & in trigesimo octauo secundi, aliisque pluribus in locis; atqui demonstratio ad substantiæ definitionem non dirigitur, cum ad eam nihil penitus conferat, quædoquidem ad solam accidentium cognitionem conducit; sed potius è contrario substantiæ definitio demonstrationi inseruit, & ad eam dirigitur tamquam eius principium; itaque hunc in modum argumentantur. Illa definitio in secundo posteriorum libro tractatur, ad quam dirigitur tractatio de demonstratione in primo, sed ad substantiæ definitionem non dirigitur demonstratio in primo, ergo secundus liber non est de definitione substantiæ, sed est potius de definitione accidentis, ad hanc enim dirigitur demonstratio, quæ re ipsa ab ea non distinguitur, quia differunt sola terminorum positiones; cum igitur neque ad definitionem substantiæ dirigatur demonstratio, neque ad definitionem late acceptam, quæ & definitionem substantiæ, & definitionem accidentis complectitur, sed ad solam accidentis definitionem, sequitur, Auerroem non existimasse, tractari in eo secundo libro de definitione, ut de instrumento cognoscendæ substantiæ, neque ut de instrumento cognoscendi quid sit generaliter sumptum. Secundo, in sua præfatione in primum librum Posteriorum Auerroes rationem reddens cur in uno, & eodem libro de demonstratione, ac de definitione Aristoteles tractauerit, inquit, non esse inter eas magnum discrimen, ut diuersos, ac separatos tractatus postulauerint; sed hoc Auerrois dictum de definitione substantiæ minime uerum est, hæc enim est diuersa penitus à demonstratione, ergo hæc non est illa definitio, de qua putat Auerroes Aristotelem agere in secundo Posteriorum, neque etiam putat tractari in eo libro alterum instrumentum

re distinctum a demonstratione, sed potius idem re, differens autem solo ter-
minorum situ. Tertio & ultimo, alia sunt verba in eo proœmio Auerrois
expendenda, quando dicit, postquam Aristoteles in Prioribus analyticis egit
de forma demonstrationis, vult in Posterioribus agere de eius materia, ma-
teria autem demonstrationis sunt propositiones veræ, quæ quidem & in
primo, & in secundo libro Posteriorum analyticorum considerantur, alia
tamen, & alia ratione, in primo quidem quatenus ducunt hominem ad perfec-
tam verificationem, in secundo autem quatenus sunt definitiones, & ducunt
hominem ad perfectam formationem; est autem verificatio apud Auerroem
cognitio quasitorum complexorum, quæ per demonstrationem, quatenus de-
monstratio est, iunotescent; formatio vero est conceptio naturæ, siue quiditatis;
quæ per definitionem significatur; sententia igitur Auerrois est, propositiones
veras, idest, necessarias tam in primo, quàm in secundo posteriorum libro tracta-
ri, sed in primo quatenus ducunt ad cognitionem ipsius propter quid sit, in se-
cundo autem quatenus tradunt etiam cognitionem ipsius quid sit. dicant ergo
Auerroistæ, an Auerroes intelligat propositiones necessarias tractari in eo secū-
do libro pro ut sunt definitiones subiecti, an accidentis; si subiecti, aduersantur
Auerrois, qui in primo libro Posteriorum commentario undecimo, & in quæstio-
ne sua de medio demonstrationis confutat eorum sententiam, qui dicunt, me-
dium esse definitionem subiecti, & probat esse definitionem semper, & ex necessi-
tate maioris extremi, non minoris, nisi raro, & ex accidenti; atqui dum dici-
mus propositiones demonstrationis, dicimus terminum medium, ergo quære-
re an propositiones sint definitio maioris, an minoris extremi, nil aliud est,
quam quærere, an medium sit definitio huius, vel illius; quando igitur Auerroes
dicit, propositiones, quæ materia demonstrationis sunt, considerari in secundo
libro Posteriorum pro ut sunt definitiones, & ducunt ad cognoscendum ipsum
quid sit, intelligit accidentis, non subiecti definitionem, ergo, non est verum ut in
eo secundo libro ex Auerrois sententia agatur de definitione tamquam de in-
strumento substantiæ cognoscendæ, neque generaliter cognoscendi quid sit, quia
definitionem substantiæ minime respexit Auerroes in declarando Aristotelis scō-
po in illo secundo libro, sed solum definitionem accidentis; non est etiam verum,
ut Auerroes putet, definitionem ibi tractari tamquam instrumentum re di-
stinctum a demonstratione, cum enim dicat easdem propositiones
demonstrationis ducere ad cognoscendum, & propter quid sit, & quid sit, dicit unum instrumentum esse, quod præ-
stat utramque cognitionem, & vocatur tum de-
monstratio, tum definitio, ut ipse quoque Aristoteles asserit in tex: Com-
mentario in Posteriorum, quadragesimo quinto secundi

a *Respondetur obiectioni fundata super nonnullis Auerrois auctoritatibus.*

C A P. X V.

Auerrois auctoritates opinioni nostræ fauere potius, quàm aduersari existi-
 amamus, & primo primam in commentariis undecimo primi, trigesimo octa-
 uo secundi Posteriorum, aliisque pluribus in locis, ea, scilicet, quæ in primo dicta
 sunt, esse dicta propter secundum. pro exquisita huius Auerrois sententiæ intel-
 ligentia aduertendum est, compositum, quando resoluitur, non posse resolui nisi
 in ea, ex quibus componitur; cum itaque potissima demonstratio ex conclusio-
 ne, & principio componatur, in ea resoluitur; sed conclusio est potentia, non actu
 b essentialis definitio passionis constans ex eius proximo genere, & proxima dif-
 ferentia; principium uero actu est quiditatiua subiecti definitio, eiusque demon-
 strandarum passionum definitio causalis, cum à quiditatiua subiecti definitione
 eius accidentia propria habeant ut sint; non est igitur resoluenda demonstratio
 in totam passionis definitionem, quæ constat ex causali, & essentiali definitione,
 quia huiusmodi definitio non est pars potissimæ demonstrationis, sed ipsamet de-
 monstratio, at idem in se ipsum non resoluitur. Hoc posito, hunc in modum ar-
 gumentemur; illa definitio ex sententia commentatoris tractatur in secundo po-
 steriorum libro, in quam resoluitur demonstratio, de qua agitur in primo, uerum
 demonstratio, de qua agitur in primo, resoluitur in subiecti, eiusque; propriorum
 accidentium, essentialē definitionē, cū ex illis (ut dictum est) componatur, ergo
 in secundo Posteriorum libro ex mente commentatoris tractatur essentialis utri-
 usque definitio, subiecti scilicet, & eius passionis demonstrandæ. Ex qua ratioci-
 natione clare patet, cum ueritate non conuenire minorem propositionem.
 c Aduersariorum rationis, optimeque assersisse Auerroem, ut ea, quæ dicta sunt in
 primo, sint dicta propter secundum. Altera Commentatoris auctoritas opinio-
 ni nostræ mirum in quadrat, quia nulla definitio est re distincta à demonstratio-
 ne, de tota propriorum accidentium definitione, clarum est, eam à demonstratio-
 ne re non distingui, cum in utraque iidem termini reperiuntur uariati solum secū-
 dum situm; manifestum etiam est de subiecti definitione, quæ licet à demonstra-
 tione differat ratione formæ, ac finis, ratione materiæ ab ea non differt, cum me-
 dium, quod materia demonstrationis est, in potissima demonstratione sit semper
 subiecti definitio, cui Dicto sententia Auerrois non repugnat, quando ait, raro me-
 diū in demonstratione esse subiecti definitionem, quia ex eius sententia raræ etiā
 sunt potissimæ demonstrationes; quasi innuere uelit non semper, sed raro in
 demonstratione esse medium subiecti definitionem; quia non in omnibus de-
 monstracionibus medium est subiecti definitio, sed solum in illis, quæ raro
 d inueniuntur propter exquisitam earum perfectionem, ut sunt potissimæ
 b demonstrationes; recte igitur loco citato dixit Auerroes non esse scilicet inter

demonstrationem, de qua agitur in primo, & definitionem, de qua tractatur in se-
 cundo, magnum discrimen. Et quando diximus alias, definitionem, de qua agi-
 tur in secundo Posteriorum libro, esse instrumentum à demonstratione, de qua
 agitur in primo, re distinctum, intelleximus, eam esse instrumentum à demonstra-
 tione vere distinctum, quia licet materialiter sint idem, formaliter tamen differ-
 runt, quare duo, non unum, instrumenta sunt diuersis quæsitis satisfaciencia. Vl-
 tima etiam Commentatoris auctoritas non secus, ac secunda, nobis uidetur faue-
 re; quando uero Aduersarij petunt, cuiusnam in secundo Posteriorum libro de
 demonstrationis principia significant quid sit, uel subiecti, uel passionis; responde-
 mus, ea significare quid sit subiecti, quoniam in potissima demonstratione me-
 dium semper est quiditativa subiecti definitio, licet consideretur ut propter quid
 passionis, cuius significant etiam quid sit principia illa non proprie, cum eius ne-
 que genus, neque proxima differentia sint, sed quia sunt causa eius quiditatis, un-
 de motus Auerroes dixit, medium esse quiditatem extra quiditatem. Ad obie-
 ctionem uero respondentes, negamus, Auerroi opinionem nostram aduersari, li-
 cet enim in primo Posteriorum commentario undecimo, & in propria quæstio-
 ne de medio demonstrationis eorum sententiam confutet, qui dicebant, medium
 esse subiecti definitionem, id facit Auerroes, quia illi uolebant, medium in potis-
 sima demonstratione esse per se subiecti definitionem, & per se causam utriusq; ex-
 tremi, at nos cum eo asserimus, medium in potissima demonstratione esse per ac-
 cidens quiditatiuam subiecti definitionem, quia non consideratur ut eius quidi-
 tatiua definitio, sed solum ut causalis definitio passionis demonstranda; optime
 igitur dixit Auerroes, easdem propositiones, quæ in primo libro designant pro-
 pter quid, in secundo designare quid sit commune ad substantiam, & accidens,
 proprie quidem ratione substantiæ, ratione uero passionis demonstranda; non
 adeo proprie, sed quatenus (ut diximus) sunt causa eius quiditatis. allata iam re-
 sponse ad omnes Auerrois auctoritates, reliquum esset, ut ostenderemus, eas
 ad totam passionis definitionem non tendere, cum in secundo Posteriorum nō
 agat ex professo Aristoteles de illa definitione, quæ ex demonstratione elicitur,
 ut est tota passionis definitio, uerum quia de hoc supra contra Recentiorum
 opinionem disputauimus, ab huiusmodi negotio super sedentes, ad locum illu-
 lum Lectorem dimittimus.

*Soluuntur rationes, & auctoritates euertuntur, in quibus
 opinio Auctoris fundata fuit.*

C A P. XVI.

CVM in plerisque superioribus capitibus & Aristoteli, & Auerroi opinionem
 nostram repugnare probauerint Aduersarij, nunc, ut eius falsitas luce cla-
 rior appareat, rationibus, & auctoritatibus, quibus erat innixa, huc in mo-
 dum respondent, & primo primæ rationi, concedendo, definitionem, ut di-

- a cit quid, à Logico considerari, non tamen ut instrumentum, sed ut finem instrumentorum, & methodorum, demonstratiuæ scilicet, & resolutiuæ. Secunda uero rationi, concedendo id, quod nos asseruimus, duo scilicet esse in speciebus cognoscenda, substantiam, & accidens proprium; sed quando postea inferimus, ergo de definitione in Logica agendum esse, ut de instrumento substantiæ cognoscendæ; hanc consequentiam negant; nam debet quidem Logicus agere de instrumento, quo substantia ignota notificatur, sed illud non est definitio, at methodus resolutiua. Ad Aristotelis auctoritatem in septimo Diuinorum tex: com: 42. eodem modo respondent, quo respondent ad primam rationem; Verbis autem Auerrois in principio commenti super eo contextu duos sensus tribuunt, primum quidem, Auerroem nominare definitionem in numero plurali, cum dicat, (de definitionibus,) deinde instrumentum in numero singulari, quare non uidetur appellare definitionem instrumentum, sed solum dicere, definitiones considerari à
- b Logico quatenus datur instrumentum aliquod Logicum, quod ducit intellectum ad cognoscendas quidditates rerum, idest, earum definitiones, quasi dicat, definitionem à Logico considerari quatenus per instrumentum Logicum innotescit; instrumentum autem est demonstratio. Secundum uero sensum uerbis illis tribuunt, concedendo, Auerroem uocare definitionem instrumentum Logicum, non tamen ut sit re distinctum à demonstratione, sed quatenus est idem, quod demonstratio, nam demonstratio est definitio, & definitio est demonstratio, ideo definitio qua ratione potest uocari demonstratio, eadem ratione potest dici instrumentum, quo ducimur ad cognoscendum ipsum quid sit, demonstratio enim ducit ad cognoscendum ipsum quid sit. hanc esse Auerrois mentem patet considerantibus alia eius uerba in eodem loco, non potest enim dicere definitionem extra demonstrationem sumptam, & ab ea distinctam, instrumentum esse, quod declaret rei quiditatem, quia statim considerationem hanc primo philosopho attribuit;
- c dicens, (philosophus autem quatenus significat quidditates rerum,) definitio enim respectu naturæ, & quiditatis rerum non est nisi eius significatrix, sed ad ipsius rerum quiditatis ignotæ cognitionem nos ducere non potest; hac igitur ratione asserit Auerroes eam à primo philosopho considerari, non à Logico, quare ut instrumentum significandi quiditatem est considerationis metaphysicæ; quo fit ut eadem ratione à Logico considerari non possit, sed aliqua alia.

*Examinatur Aduersariorum responsio ad Commentatoris
auctoritatem in septimo Diuinorum Commento
quadragesimo secundo.*

CAP. XVII.

- d Q Vantum utrique nostræ rationi Aduersariorum solutiones satisfaciant, quantum sit ponderis eorundem responsio ad prædictam Aristotelis auctoritatem hoc in loco necessarium esset examinare; quoniam uero hæc omnia tamquam

falsa in capite octauo à nobis reiecta fuerunt, ad illud caput Lectorem remittimus. ^a
 Quod uero attinet ad Commentatoris auctoritatem, nec prima, nec secunda
 responsio arridet, non prima, quia licet Auerroes nominet definitiones in nu-
 mero plurali, & instrumentum in numero singulari, propterea non tollitur quin
 ex eius sententia definitio sit instrumentum, sicuti non sequitur quin definitio si-
 gnificet rerum naturas, quamuis definitiones nominet in numero plurali, & si-
 gnificat, in numero singulari, quando ait; Philosophus autem de definitionibus
 tractat pro ut significat naturas rerum, uult igitur dicere Commentator, Logi-
 cum considerare de definitionibus, pro ut definitio instrumentum est, quod indu-
 cit intellectum ad intelligendum quiditates rerum, philosophum autem conside-
 rare de definitionibus, pro ut definitio significat naturas rerum. Insuper, si defini-
 tio à Logico consideraretur quatenus per instrumentum Logicum, id est, per de-
 monstrationem nota sit, quæ Logicum instrumentum est, frustra philosophus
 ageret in secundo libro de inuentione definitionis. Præterea, dato hoc, ut defi-
 nitio per demonstrationem nota fiat, quomodo per illam nota fiet. Certe uel
 quia per demonstrationem concluditur, uel quia ex ea elicitur, non primo, ut pa-
 tet per ea, quæ dicit Aristoteles in secundo Posteriorum à secundo contextu
 usque ad decimum, ergo secundo modo, sed hoc pacto de definitione tractatur
 in primo libro dum agitur de inuentione demonstrationis, quia eatenus defini-
 tio hoc modo consideratur, quatenus demonstrationis, de qua agitur in primo,
 perfectionem indicat; nam si de definitione hoc modo considerata tractaret phi-
 losophus in secundo libro, rationi consonum uidebatur, ut agens ibi de inuentione
 definitionis, ageret de eius definitionis inuentione, quæ ex demonstratione eli-
 citur, sed consequens est fallum, ergo & antecedens; falsitas consequentis clara
 est iis, qui legerint Aristotelem in secundo Posteriorum à contextu decimo sep-
 timo usque ad uigesimum secundum, & ab Aduersariis etiam conceditur asse-
 rentibus, definitionem, de cuius inuentione agitur in secundo Posteriorum, esse
 se principium indemonstrabile ipsius demonstrationis, non est igitur definitio,
 quæ ex demonstratione elicitur, quia huiusmodi definitio non est demonstratio
 nis principium indemonstrabile, sed ipsamet demonstratio solo situ differens. ^c
 Nec; etiam satisfacit secunda responsio, quia licet eadem oratio ex sententia phi-
 losophi in secundo Posteriorum contextu decimo possit fieri demonstratio, &
 definitio, non sequitur idcirco, demonstrationem esse definitionem, & definitio-
 nem esse demonstrationem, immo oppositum, ut testatum reliquit philosophus
 in eodem libro contextu secundo circa finem; nisi dicatur, demonstrationem, ac
 definitionem esse idem materialiter, sed hoc modo non considerantur ab Aristote-
 le, quoniam hac ratione etiam Clauis, & serra, nec non scapulum, & naui sunt
 idem, at solum ut formaliter differunt, & formaliter sunt, instrumenta contradi-
 stincta, quæ non uersantur circa unum, & idem obiectum, sed circa diuersa, ut
 patet in secundo Posteriorum loco citato. Cum itaque definitio formaliter de-
 monstratio esse non possit, & demonstratio nullo pacto conducat ad cognoscen-
 dum ipsum quid sit, ut manifestum est per ea, quæ in superioribus dicta sunt; nõ ^d

A congruenter dicitur, definitionem, qua ratione potest uocari demonstratio, eamdem ratione posse dici instrumentum, quoniam ducimur ad cognoscendum ipsum quid sit, cum demonstratio (ut dictum est) ad cognoscendum ipsum quid sit non conducatur. Non obscurum est igitur, definitionem extra demonstrationem sumptam ab eaque formaliter distinctam instrumentum esse, quod rei quiditatem notam facit; hac enim solum de causa philosophus agit in secundo Posteriorum de eius inuentione, ut scilicet esse possit instrumentum satisfaciens quaestioni ipsius Quid sit, quod notum facit dum illud significat; qui modus aliquid considerandi ut instrumentum notificandi tam sine ratione, quam cum ratione Logico, non Metaphysico proprius est, modus enim considerandi Metaphysici est quatenus ens, seu sub ratione entis. quando igitur Auerroes dicit, definitionem considerari a Metaphysico quatenus significat rerum quiditates, non intelligit, istum modum considerandi definitionem esse modum considerandi Metaphysicam, aliter non posset Metaphysica non dici instrumentaria, licet definitio non ratiocinetur, sed intelligit, ut, quemadmodum demonstratio a Logico considerata quatenus est instrumentum, quod constat ex principiis immediatis, & secundum quod ipsum, largiens inhaerentiam propriae passionis in subiecto, potest etiam a philosopho considerari; ut eius ope aliquid aliud addiscat, uidelicet, existente demonstratione in strumento ex principiis immediatis, & secundum quod ipsum, non licere transcendere de genere in genus demonstratiue; ita definitio a Logico considerata prout est instrumentum quiditatis rerum significatrix, a Metaphysico quoque sic considerata usurpetur, ut eius auxilio rerum quiditatis, & naturam, quam per se considerat Metaphysicus, conditiones, & proprietates nonnullas inuestigare possit; quare Logica cum Metaphysica consideratione non confunditur.

De librorum inscriptione Ioannis grammatici opinio.

CAP. XVIII.

Absoluta prima huius secundi libri parte, reliquum est ut breuiter declaremus cur secundus liber resolutorius appelletur, quia de primo non tam uehementer Aristotelis expositores altercantur. Ioannes grammaticus duas causas uidetur asserere, quarum altera est, quod cum demonstratio dicatur resolutio, pars autem demonstrationis sit praesens tractatus ueluti docens de medio demonstrationis, hinc fit, ut etiam secundus Posteriorum liber appelletur resolutorius, sicuti & primus, qui dicitur resolutorius, quoniam demonstratiua methodus, de qua in eo agitur, resolutionis est species, ex resolutione enim nobis principia demonstrationis inueniuntur a prioribus nobis ascendentibus ad priora natura, uidelicet, ad causas; primo enim cognoscimus sensu Lunam deficere, Intellectus autem postea ratiocinando causam inuenit, propterea quod dicit, Luna deficit; sed quod deficit obstruitur, ergo Luna obstruitur. Haec est resolutio ex causatis

causatis in causas progrediens, deinde demonstratio ex causis in causata descendit hunc in modum, Luna obstruitur, sed quod obstruitur deficit, ergo Luna deficit, idem de terræ motu dicere possumus, ut terra mouetur, sed quod mouetur siue concutitur, spiritum habet in cauernis inclusum, ergo in terra spiritus includitur, sed spiritu incluso, sit terræ motus, ergo in terra sit terræ motus. Altera causa est, quia in demonstratione principalitatem sibi uendicat terminus medius, nam medio non existere, nec erit quidē demonstratio, ut patet in calce uigésimi quinti cōtextus primi posteriorum libri, sed medius terminus est definitio, quæ resolutione inuenitur, resolutorius igitur secundus Posteriorum liber appellari debet non secus, ac primus secundum Ioannis grammatici sententiam.

Supra notata opinionis explicatio.

Cap. XIX.

Hæc Philoponi sententia quodam modo uera est, quodā autem modo falsa, ex ea parte uera est, dū inquit, demonstrationem esse resolutionē, sed aliqua indiget explicatione, nam clarū est demonstratiōē Quia esse resolutionē, at mediū, de quo ex eius sententia Aristoteles agit in secundo libro, non est mediū demonstratiōis quia, sed eius, quā in primo libro philosophus principaliter tractat, hæc autē ex cōmuni omniū opinione non est demonstratio Quia, sed propter quod, quæ resolutio esse non uidetur, quoniā resolutio ex Themistij sententiā in primo posteriorū capite uigésimo sexto, & Auerrois in Prologo primi posteriorū, nec non in cōmēto nonagesimo tertio eiusdem primi libri dicitur contraria compositioni naturæ, demonstratio uero propter quid, seu à causa proxima tantum abest, ut sit contraria compositioni naturæ, ut etiam naturæ compositioni sit similis. recte igitur Philoponus non uidetur loqui, dum ait, hac de causa secundum posteriorum librum resolutorium inscribi, quoniam in eo agitur de medio demonstrationis, quæ resolutio est. quomodo autem pro Philopono demonstratio propter quid sit resolutio, aduertendum est, huiusmodi demonstrationem considerari posse uel quo ad nostram intentionem, uel quo ad progressum, quem in ea facimus; si respiciamus intentionem nostram, quam (nisi fallor) Philoponus respexit, absq; ullo dubio resolutio nuncupari debet, quia per eam nihil aliud habemus, nisi effectum, seu conclusionem esse propter causam; si uero respiciamus progressum, quem in ea facimus, sicuti fortasse cum Themistius, & Auerroes considerant, non potest non appellari Compositio, cū in ea à principiis, & à causa ad effectū, & cōclusionem progrediamur. à pari de demonstratione quia dicēdū est, sed contrario modo, si enim respiciamus intentionem nostram, dicitur compositio; quoniam hac solum de causa in ea ab effectū progredimur, ut retrocedendo à causa per effectum inuenta, habeamus eiusdem effectus uerum propter quid, si autem respiciamus progressum, quem facimus, appellari de-

^a bet resolutio, cum progrediamur ab effectu ad causam, qui progressus resolutio est. Ex qua ratiocinatione perspicue patet, eos in errore uersari, qui absolute dicunt, demonstrationem propter quid non esse resolutionem, & demonstrationem quia non esse compositionem, sed solum methodum resolutionem. Ex ea uero parte falsa est, dum asserit, de medio demonstrationis Aristotelem agere in secundo Posteriorum, ut in prima huius libri parte satis, superq; probatum fuit.

Opinio Auctoris.

C A P. X X.


CVM horum librorum inscriptio in duas partes distribuatur, inscribuntur enim posteriores resolutorii, utramq; in iuniorum gratiam explicare operæ precium esse duximus, & primo primam, cur scilicet dicantur posteriores. pro cuius rei noticia aduertendum primum est, demonstrationem constare ex eo, quod habet proportionem cum materia, nempe ex principiis necessariis, & ex eo, quod cum forma proportionem habet, nimirum ex syllogismo, qui demonstratione communior est, ut testatur philosophus in principio quarti capitis primi libri priorum, ualet enim dicere, est demonstratio, ergo syllogismus, non autem e conuerso; cuius rei ratio est, quia demonstratio solum circa materiam necessariam uersatur, syllogismus uero ad unamquamque materiã applicari potest. & quamuis in libris priorum communiter accipiat, consideratur tamen principali intentione in ordine ad demonstrationem, ut uelle uidetur philosophus in principio primi libri, & in principio quarti capitis eiusdem libri, nec non in contextu uigesimo sexto secundi libri posteriorum, quibus in locis de syllogismo, ac demonstratione solum facta fuit mentio ab Aristotele; cuius rei satis probabile argumentum sumi etiam posset ex modo procedendi, quo philosophus uti solet, nam in oibus aliis ferè libris Logicæ disciplinæ syllogismi definitionem repetit, in posterioribus uero minime, quasi uel inuere, se ibi, uidelicet in prioribus, syllogismum considerare in ordine ad demonstrationem. præterea aduertendum est, in libris posteriorum demonstrationem ab Aristotele primo loco considerari, secundo autem definitionem, quia demonstratio efficacius aliquid notum facit, quam definitio, licet definitio circa nobilior obiectum uersetur; hinc factum est, ut neque in proœmio priorum, neque in epilogo posteriorum de definitione mentionem fecerit, quamuis de ea, ut de instrumento satisfaciens, te quaestioni ipsius quid sit, tractet philosophus in secundo posteriorum. His positis, dicimus, illos iure optimo priores, hos uero posteriores inscriptos fuisse, cum in libris priorum agatur de parte demonstrationis communiore, in posterioribus autem de parte minus communi. Declarata prima inscriptionis parte, ad secundæ explicationem accedimus, dicentes, nullam de primo libro inter Aristotelis interpretes controuersiam esse, omnes enim arbitrantur, cum

resolutorium inscribi, quia ibi philosophus ordine resolutiuo potissimae demon-
strationis principia perscrutatur; de secundo autem maxime dubium est, quem
non secus, ac primum, resolutorium inscribendum esse opinamur, uel quia
methodus compositiua, qua quidem methodo in eo libro prædica-
ta quiditatiua, & propterea quiditatiua definitio in ordine ad
definitum ab Aristotele quaeritur, quadam ratione est
resolutio, quatenus scilicet in ea à magis composito
ad minus compositum, ut à specie ad genus pro-
gredimur; uel quia in eo agitur de defini-
tione, quæ resolutio dicitur, omnis .n.
definitio resoluit definibile in sua
principia, ut ex quincto con-
textu primi libri Physico
rû maxime notum, ac
manifestum
est.

*Laus iterum, Honor, & Gloria Deo Optimo
Maximo, Qui Trinus, & unus est.*

F I N I S.





BERNARDINI PETRELLAE
LOGICARVM DISPVTATIONVM
Liber Tertius

DE EA DEMONSTRATIONIS SPECIE, QVAM POTISSIMAM nuncupant.

P R A E F A T I O.



Vperiore libro satis (nisi fallor) de iis rebus disputauimus , de quibus in posteriora analytica nos praefari oportebat; nunc institutum nostrum aggredientes, dicamus, eorum, quae de qualibet specie sciri possunt, duo genera esse, substantiam scilicet, seu essentiam, & eius proprietates, quae omnia ex sententia philosophi in seculo Posteriorum sub initium non uno, sed duobus instrumentis cognoscuntur, nam definitione substantia, demonstratione uero notae fiunt proprietates, quae fluunt a forma, non autem accidentia communia, quae ortum ducunt a complexione. ut igitur Iuuenes, in quorum gratiam, & utilitatem scribimus, maxima cum facilitate duo illa genera eorum, quae de qualibet specie sciuntur, percipere possint, de demonstratione primum, postea de definitione compendiosam eis traditionem facere decreuimus, ne latum quidem (ut aiunt) unguem a philosophi sententia in posterioribus analyticis recedentes. Quatenus itaque ad demonstrationem pertinet, dicimus, cum ea praedicetur de potissima, propter quid tantum, & quia, intentionem nostram in praesenti disputatione non esse, de demonstratione quia, & propter quid tantum agere, sed solum de potissima, quo ad eius materiam, quae nihil aliud est, nisi principia illis coarctata conditionibus, de quibus primo posteriorum libro philosophus uerba facit.

Ordine resolutiuo, ex notione scilicet ipsius scire simpliciter principiorum potissima demonstrationis condiciones inuestigantur.

C A P. I.

CVM demonstratio sit causa instrumentaria scientiae, instrumentique huius conditiones a fine ortum ducant, ut uidere est de acumine, & duritie ensis, quae

ab eo emanant quatenus est factus ad incidendum, conditiones principii potissimæ demonstrationis requisitas cognoscere non possumus, nisi prius exquisitè per definitionem fuerit nobis notus eiusdem demonstrationis finis, uidelicet, scire simpliciter; nam sicuti datur demonstratio, quæ per prius de potissimæ, per posterius uero de propter quid tantum, & ultimo de quia dicitur, ita datur scire pro ut demonstrationis effectus est, quod per prius dicitur de ipso scire potissimæ demonstrationis, per posterius de ipso scire demonstrationis propter quid tantum, postremo de ipso scire demonstrationis quia. & sicuti per excellentiam inter species demonstrationis perfectissima uocatur demonstratio potissimæ, ita eius effectus inter alios reliquarum demonstrationum dicitur effectus potissimus, id est, scire simpliciter. Ordine itaque resolutiuo progredientes, incipimus à definitione ipsius scire simpliciter, quæ hunc in modum se habet, (Scire autem arbitramur unumquodque simpliciter, & non sophistico modo, qui est secundum accidens, cum causam existimamus cognoscere, propter quam res est, quod illius causa est, & non contingere hoc aliter se habere) in hac definitiua propositione subiectum hæc sunt, uidelicet, (scire autem arbitramur unumquodque simpliciter, & non sophistico modo, qui est secundum accidens;) prædicatum uero alia omnia, scilicet, (cum causam existimamus cognoscere, propter quam res est, quod illius causa est, & non contingere hoc aliter se habere.) pro intelligentia eorum, quæ se habent ex parte subiecti, aduertendum est, in modo sciendi sophistam omnino conatu philosophi personam simulare, proficetur enim rem per causam cognoscere non secus, ac philosophus, re tamen ipsa ei dissimilis est, nam philosophus, qui est uere sciens, cognoscit rem per causam essentialem, à qua res habet ut sit; sophista uero, qui cum minime sit, uideri tamen uult sciens, cognoscit rem per causam accidentalem, propter quam res ipsa non est, ab accidentibus enim, in quibus sophista sese inuoluit, substantiæ non habent ut sint. Si itaque modus sciendi sophisticus, qui propter adductam rationem secundum accidens est, à modo sciendi simpliciter contradistinguitur, necessario sequitur, cum scire simpliciter ab omnibus accipiatur pro ipso scire proprie, & perfecte, ut scire sophistico modo, qui est secundum accidens, debeat intelligi pro ipso scire improprie, & imperfecte: pro notitia uero eorum, quæ sunt ex parte prædicati, notandum esse duximus, quatuor esse causarum genera, materiale scilicet, formale, efficiens, & finale; præterea, non ab omnibus rem habere essentiam, sed solum à causa formali, & ab efficiente coniuncta semper sub qualibet temporis differentiā cum tuo causato, quæ sapit naturam formæ, ut inferius apparebit; ultimo, (ut monet Auerroes in secundo Posteriorum com: 49.) causarum alias esse ueras, si ut sunt terræ interpositio respectu lunæ defectus, nec non animal rationale respectu risibilitatis, alias uero existimatas, nempe uultum Lunæ lucidum sursum euersum esse causam defectus eiusdem Lunæ, credebant enim nonnulli, Lunam habere partem anteriorem lucidam, & posteriorem opacam, ex quo inducebantur etiam ad credendum tunc Lunam deficere, quando eius pars lucida sursum uertitur. His positis, dicimus, definitionem à philosopho traditam ita esse intelligendam

- a (in communi scilicet philosophorum consuetudine positum esse, ut tunc scire opinemur unamquamque conclusionem simpliciter, idest, proprie, ac perfecte, sed non sophistico modo, qui est secundum accidens, hoc est, non improprie, & imperfecte, quando existimamus cognoscere non omnem causam, sed formalem tantum, seu efficientem semper effectui coniunctam, à qua ille emanat in ipso esse, & conseruari, ita ut tali causa posita, ponatur, & remota, remouetur effectus, nec non ut illa causa sit impermutabilis ad differentiam causæ existimatæ, quæ est permutabilis, quemadmodum causa accidentalis.) Scire simpliciter hunc in modum se habere patet peritorum, & imperitorum testimonio, nam imperiti existimant scire simpliciter ita se habere, uidelicet, per causam, propter quam res est, quod illius est causa, & non contingere hoc aliter se habere; periti uero non solum id existimant, sed etiam pro certo habent. Si itaque est scire ut posuimus, idest, posita ueritate traditæ definitionis ipsius scire simpliciter, necesse est, ut demonstratio simpliciter, uel potissima sit ex ueris, primis, immediatis, notioribus, prioribus, & causis conclusionis, idest, potissimæ demonstrationis principia debent esse ex necessitate uera, prima, immediata, notiora, priora, & causæ conclusionis, dixi ex necessitate, quia finis necessitatem inducit iis omnibus, quæ sunt ad finem, nam ex ultima particula posita in definitione scire simpliciter, quæ est, (& non contingere hoc aliter se habere,) propositiones potissimæ demonstrationis habent ut sint ueræ, sicut dicat aliquis, propositiones illas posse interdum esse falsas, ergo scire simpliciter non est rem cognoscere per causam, quæ non contingat aliter se habere. Ex altera uero particula, (propter quam res est,) habent propositiones ut sint primæ, & immediatæ; quoniam omnis causa formalis, uel quæ sapit naturam formæ, est causa immediata, & prima rei, quæ à tali causa in ipso esse, & conseruari fluit, ex quo dicitur, & optime, propositiones potissimæ demonstrationis debere esse causas ut res sit, & nostræ cognitionis, cum habeant in se formam, uel quod gerit uicem formæ, quæ est principium ut res sit, & cognoscatur à nobis, demum ex illa particula, quæ est, (quod illius causa est,) habet ut sint notiores, prioræ, & causæ conclusionis. Ecce quomodo ex fine noto manifestæ redduntur conditiones instrumenti ad eum finem comparati, quare propositiones cum omnibus his conditionibus erunt principia propria eius, quod demonstratur, quia sine his conditionibus syllogismus esse potest, demonstratio autem nequaquam, alioquin scientiam non pareret, quoniam catenus scientiam parit, quatenus huiusmodi conditiones habet.

Ex aliorum sententia nonnullæ obiectiones ponuntur contra ea, quæ scripta sunt in explicanda ipsius scire simpliciter definitione.

C A P. II.

- d SED Nonnulli hac in parte obiiciunt, nos Aristotelis methodum peruertere, maximamque reprehensione dignos esse, dum querere, ac declarare uolumus,

quodnam causæ genus in posita definitione philosophus significauerit; propterea a
 requod in explicando medium esse causam, Aristoteles hunc ordinem seruauit,
 primo quidem loco sub initium primi libri Posteriorum dixit, scire esse causam
 rei cognoscere, propter quam res est; in qua definitione nil aliud nomine causæ
 intellexit, quam proximam, & æquatam rei causam, quæ sola cum articulo, qui
 apud Græcos emphasim habet, *τὸ αἴτιον* appellari meretur, illamque in singulari
 numero protulit, quia hæc unius rei una est, non plures; ut ipse postea ostendit
 in calce secundi libri. causam uero remotam utique; *αἴτιον*, id est, causam esse Aristo-
 teles fatetur in tex: com: nonagesimo nono eiusdem libri, sed negat eam esse
τὸ αἴτιον. de hac igitur causa ita per excellentiam uocata loquitur philosophus
 in toto primo Posteriorum libro, nec non in secundo usque ad contextum qua-
 dragessimũ septimum secundum Auerrois partitionem: Sed quodnam genus
 causæ illud sit, cui hæc prærogatiua tribuatur, ut dicatur *τὸ αἴτιον*, & causa; pro-
 pter quam res est, nihil dixit in primo libro Aristoteles, neque in secundo usque
 ad illum quadragesimum septimum contextum, quia usque ad eum locum semper
 accepit nomen causæ generaliter, & illud solum nos intelligere uoluit, quod sci b
 licet quæcumque, & in quocunque causæ genere sit causa illa, propter quam res est,
 ex ea sola perfectam eius rei scientiam consequi possumus, nullam unquam men-
 tionem faciens materiæ, formæ, finis, & efficientis; particularem autem de singu-
 lis causarum generibus tractationem ad contextum quadragesimum octauum
 secundi libri, & alios sequentes remisit. Præterea, si philosophus causam propter
 quam res est, pro forma acciperet, ea esset uel subiecti, uel passionis demonstan-
 dæ, sed consequens est falsum, ergo & illud, ex quo sequitur, falsitas consequen-
 tis ex Auerrois sumitur in trigesimo nono, & quadragesimo secundo Commen-
 tariis secundi libri Posteriorum, ubi declarans Auerroes ea, quæ de potissima de-
 monstratione ab Aristotele dicuntur, inquit, eius medium semper esse causam ef-
 ficientem, uel finalem, nunquam formam; si potissimæ demonstrationis medium
 nunquam est forma, ergo causa, propter quam res est, non potest accipi nec pro
 forma subiecti, nec pro forma passionis demonstrandæ. ratio, quia motus fuit c
 Auerroes ad id pronuntiandum, fuit, quia uidebat, formam passionis in conclu-
 sione potius, quam in medio potissimæ demonstrationis contineri, subiecti uero
 formam & raro, & per accidens medium esse.

Proposita obiectiones soluantur.

C A P. I I I.

ANtequam propositas obiectiones dissoluamus, notandum est, passionem præ-
 ter propriam essentiam, quæ constat ex genere, & differentia, habere causam b
 extra essentiam, à qua ipsæ, & earum essentia producitur; quæ causa neque forma, d
 neque materia in qua rei demonstrandæ esse potest, quia amba sunt de eius pro-

- a pria essentia, extra quam (ut diximus) est causa illa, hinc factum est, ut in definitione ipsius scire simpliciter philosophus dixerit, (per causam, propter quam res est,) hoc enim modo loquendi significare uoluit. causam passionis effectricem, quæ denotatur per hanc præpositionem (propter). sed hæc causa effectrix non solum debet esse causa proxima, uerum etiam, sufficiens, esse enim potest causa proxima, & in suo genere causæ, adæquata, non tamen sufficiens, ut, gratia exempli, terræ interpositio est defectus in Luna causa proxima, & in suo genere causæ, uidelicet efficientis, adæquata, non autem sufficiens, etenim supponit aliam causam in alio genere causæ, Lunam scilicet esse ita dispositam, ut à Sole lumen recipiat, eiq; per diametrum opponi possit, cum agens debeat agere in passum recte dispositum, Luna enim cum sit materia in qua ipsius defectus, reducitur ad genus causæ materialis. Præterea, hæc causa passionis effectrix esse potest uel in eodem subiecto, in quo est passio, uel extra illud. hoc constituto, dicimus, per ~~ad istam~~ id est, per causam illam, propter quam res est, seu à qua res demonstranda emanat, non posse ab Aristotele intelligi nisi formalem subiecti causam, nam res demonstranda uel est propria passio, seu speciei aptitudo, uel eiusdē speciei actus. Si res demonstranda fuerit propria passio, absq; ullo dubio in potissima demonstratione medium, & causa erit subiecti definitio, cum à sola subiecti forma passionis habeant essentiam, non una ab altera, mediumq; sit illa causa, à qua res demonstranda essentiam habet; Si uero actus, fuerit, in eo demonstrando cum obiecto ad extra subiecti formā concurrat, quare subiecti ratio semper in potissima demonstratione erit medium, & causa, propter quam res est. hanc fuisse germanam Aristotelis mentem, declaro per eundemmet philosophum, & per eos, à quibus obiectiones contra sententiam nostram proueniunt; nam in decimo nono contextu primi Posteriorum secundum veterem sectionem affirmat Aristoteles, potissimæ demonstrationis conclusionem habere secundum quod ipsum, quod per Adversarios ad mentem philosophi est; quando subiectum per suam essentiam habet prædicatum, seu quando prædicatum competit subiecto per essentiam subiecti, &
- b non ex alia ratione. Si itaq; conclusionis prædicatum subiecto competit per essentiam subiecti, à qua habet ut sit, per essentiam subiecti de eodem subiecto demonstrabitur, ergo medium, & causa, propter quam est res demonstranda, in potissima demonstratione subiecti ratio erit. Insuper, philosophus in primo Posteriorum contextu trigesimo nono secundum veterem sectionem uult, ut demonstratio faciens maxime scire progrediatur per causam non causatam, sed causa non causata nulla alia est nisi ratio subiecti, quia quando demonstratur unum accidens de subiecto per aliud accidens, demonstratur per causam causatam, ergo demonstratio illa maxime scire non facit, & propterea non est potissima; intentio igitur philosophi loco citato est, ut medium in demonstratione faciente maxime scire, quæ potissima est, subiecti ratio sit, considerata tamen tamquam propter quid passionis demonstranda. Ecce quomodo philosophus se ipsum determinat de qua causa intelligat in illa ipsius scire simpliciter definitione, nam si in toto primo libro philosophus acciperet nomen causæ generaliter, uidelicet,

pro rei causa proxima, quæcumq; illa fuerit, non dixisset in primo posteriorū loco citato, demonstratiōem facientem maxime scire progredi per causam non causatam; præterea, sphaerica figura in demonstranda luminis in Luna accretione esset eiusdem Lunæ forma, & causa non causata, quod tamen, & optime, Aduersarii negant; consequentia probatur, & primo, sphaericam figuram esse Lunæ formam, nam per eos demonstratio illa est potissima, ergo eius conclusio per Aristotelem habet secundum quod ipsum, atq; ideo prædicatum inest subiecto per essentiam subiecti, ergo per subiecti essentiam demonstrari debet; sphaerica igitur figura, per quam luminis in Luna accretio potissima demonstratiōe demonstratur, esset ratio, uel forma Lunæ. Secundo, & ultimo, sphaericam figuram esse causam non causatam, propterea quod per Aduersarios huiusmodi demonstratio, cum sit potissima, facit maxime scire, sed per Aristotelem loco citato demonstratio, quæ facit maxime scire, per causam non causatam progreditur, ergo sphaerica figura, per quam luminis in Luna accretio demonstratur, illius accretionis esset causa non causata. hac posita (ut ego opinor) ueritate, philosophum, scilicet, non loqui generaliter de causa in primo Post. methodum Aristotelis non peruertimus, dum definitionem illam interpretantes, quærimus quodnam causæ genus in ea philosophus significare uoluerit, quia non est Aristotelis intentio in libris posteriorum tractatum facere de causis, ita ut in eo, progrediendo ordinæ doctrinæ; prius agat de causis uniuersaliter, deinde particulariter de singulis causarum generibus, sed eius intentio est, in primo libro inuenire conditiones principiorum illius demonstratiōis, quæ aliis perfectior est, in secundo uero inuenire quidditatiuam definitionis prædicatæ, ut ex illis conflata definitio esse possit commune instrumentum ad quid substantiæ, & ad quid accidentium, ut abunde in præfationibus eorum librorum declarauimus. & licet in secundo sæpe philosophus de causis uerba faciat, id quasi coactus facit, ut uidere est in illis præfationibus. intentionem autem suam in primo libro assequitur. philosophus ordine resolutiuo ex notione finis, qui necessitatem inducit illis, quæ sunt ad finem, non ex notione finis cuiuslibet demonstratiōis, sed solum eius, de qua intendit, quia finis cum agentis intentione proportionem habere debet. Cum itaq; philosophus (ut diximus) ordine resolutiuo inuenire intendat conditiones principiorum demonstratiōis propter quid simpliciter, quæ potissima dici solet, ab alio scire incipere non potest, quam à scire simpliciter, quod ab omni genere causæ non producit, sed solum à formali, non (ut paulo supra diximus) passionis demonstrandæ, quia forma rei demonstrandæ est de eius essentia, & potius in conclusione, quam in principio potissimæ demonstratiōis continetur, sed subiecti, à qua subiecti causa formali emanat res potissima demonstratiōe demonstranda. ne igitur Addiscentes crederent, omnia causarum genera esse causam illam, propter quam res demonstranda est, optime (nisi fallimur) definitionem illam interpretantes quærimus, quodnam causæ genus Aristoteles in ea significare uoluerit, quan-

- ^a do dicie, (propter quam res est), licet enim scientibus id notum sit, Addiscantibus fortasse ambiguum esse posset. Tantum igitur abest, ut maxima reprehensione digni simus, ut potius laudandi uideamur, cum ex Addiscantium mentibus ambiguitatem remouere conemur. Ad aliam aduersariorum rationem negamus consequentis falsitatem, ad probationem fundatam super Auerrois auctoritatibus in trigesimo nono, & quadragesimo secundo commentariis secundi libri Posteriorum, dicimus, Auerroem, quando locis citatis ait, potissimæ demonstrationis medium nunquam esse formam, intelligere passionis, non subiecti formam, cum asserat, & optime, formam in conclusione potius, quàm in medio demonstrationis contineri, nam forma subiecti nunquam in conclusione, sed semper in medio potissimæ demonstrationis continetur, cum ab illa passio demonstratione potissimæ demonstranda habeat ut sit, & conseruetur. & licet Auerroes dicat, raro, & per accidens medium in demonstratione esse definitionem subiecti, non aduersatur ei positio nostra, raro enim subiecti definitio in demonstratione medium est, quia raræ sunt, & raro fiunt potissimæ demonstrationes, in quibus per Aristotelis, & Auerrois fundamenta non potest esse medium nisi subiecti definitio, ut à nobis copiose dictum fuit in propria disputatione de medio potissimæ demonstrationis. dixit, per accidens medium esse subiecti definitionem, non quia sic uere per accidens, sed quia ut formalis definitio subiecti non consideratur; uerum ut causalis definitio passionis demonstrandæ.

Earum conditionum unaquaq; probatur.

C A P. IIII.

- ^c CONFIRMATA ex obiectionum solutione traditæ definitionis explanatione, ad singulas propositionum potissimæ demonstrationis conditiones probandas reuertendum est, quarum prima de se manifestissima est, quia si falsa conclusio, nimirum, diameter est commensurabilis costæ quadrati, uel homo est non risibilis; sciri non potest, sequitur, ut sciatur tantum uera, sed uerum demonstratiue non colligitur nisi ex ueris, idest, uerum non scitur ex falsis, alioquin falsitas esset causa scientiæ, quæ per demonstrationem habetur, atq; ideo esset causa ueritatis, quod est absurdum, ergo demonstratio est ex propositionibus ueris. dixi uerum demonstratiue, idest, ratione materiæ necessariæ, circa quam uersatur demonstratio, non colligi nisi ex ueris, quia syllogistice, hoc est, ratione formæ ex falsis quoque colligi potest, sicuti necessarium ex non necessario. Esse etiam demonstrationem ex primis, & immediatis, seu ex indemonstrabilibus, (idem enim sunt, & se inuicem explicant istæ duæ conditiones) ex eo patet, quia si potissimæ demonstrationis principia essent

mediata, & demonstrabilia, abiq; demonstratione sciri mini ne possent, quoniam
demonstrabilia, ut cuiusmodi, per demonstrationem habentur, sicuti per definitio-
nem habentur definibilia, ut definibilia, sed hoc est falsum, alioquin daretur pro-
gressus in infinitum, qui ab omni demonstratione remouetur, ergo potissimæ de-
monstrationis principia sunt immediata, & indemonstrabilia, lumine tamen intel-
lectus sciuntur. Principia illa esse causas conclusionis, ex hoc patet, quia tunc ali-
quid scimus, quādo eius causam cognoscimus, si itaque tunc conclusionem sci-
mus, quando eius causam cognoscimus, potissimæ demonstrationis principia
sunt causæ conclusionis, cum demonstratio in uirtute principiorum eam sciri fa-
ciat. ex quo probatur, illa esse quoque priora conclusionem hunc in modum, cau-
sæ sunt natura priores causato, sed potissimæ demonstrationis principia sunt cau-
sæ conclusionis, ut probatum est, ergo potissimæ demonstrationis prin-
cipia sunt priora cōclusionem. Ultimo, esse conclusionem notiora, hac ratio-
ne manifestum est; propter quod est unumquodq; illud magis est, sed per
principia nobis redduntur notæ conclusiones, ergo principia sunt nobis no-
tiora conclusionem, idest, illud cuius causa cognoscimus aliquid certa, & infallibi-
li cognitione, est infallibiliter, & magis notum, sed principia potissimæ demonstra-
tionis sunt illa, quorum causa cognoscimus conclusionem cognitione certa, &
infallibili, ergo principia potissimæ demonstrationis sunt infallibiliter, & magis
nota, quā conclusio. Sed quia priora, & notiora dupliciter sunt, natura scilicet,
& nobis, priora enim, & notiora nobis sunt sensui propinquiora, idest, effectibus; sim-
pliciter uero, seu natura priora, & notiora sunt uniuersalia, & causæ, quæ sunt à se
suis remotissimæ; demonstratio potissima non progreditur ex prioribus, & notio-
ribus quo ad nos, idest, uia innata nobis, uidelicet, ab effectibus, sed ex prioribus,
& notioribus natura, idest, uia, & ordine, quo natura progreditur in operando,
uidelicet, à causa ad causatum: ex hoc tamen non sequitur, ut illa causa, à qua
potissima demonstratio progreditur, nobis ignota esse debeat, immo nota, cum
omnis notitia sit nostra, non naturæ, quæ non cognoscit, quando igitur cognosci-
mus aliquid uia nobis innata, uidelicet, ab effectibus, dicimur illud cognoscere
per ea, quæ sunt nota quo ad nos; quando uero aliquid ea uia cognoscimus, qua
in eius constitutione natura progreditur, uidelicet, à causis, dicimur illud cogno-
scere per ea, quæ sunt nota natura, idest, nota nobis sequentibus in tali ratiocina-
tione ordinem naturæ in operatione, qui est (ut diximus) à causa ad causatum.
Hæ sunt conditiones requisitæ potissimæ demonstrationis principis, in quibus
implicite continetur etiam illa, quæ præcipua est, uidelicet, potissimæ demonstra-
tionis principia esse necessaria, nam si scire simpliciter, quod est finis demonstra-
tionis potissimæ, est rem per causam cognoscere, quæ non contingit aliter se ha-
bere, sequitur, potissimam demonstrationem non effici nisi ex principis, quæ
non possunt aliter se habere, sed quæ non possunt aliter se habere, necessaria sunt;
ut ex definitione necessarij patet, ergo potissima demonstratio non potest consti-
re nisi ex necessariis principis, per quæ syllogismus demonstratiuus à quolibet
alio distinguitur.

*Necessarij, ex quo potissima demonstratio constat, dictiq; de
omni posterioristici explicatio.*

C A P. V.

CVM necessarij latitudinem habeat, aliud enim est, quod uocatur accidē-
tale, seu secundum quid, aliud uero, quod appellatur essentialē, uel simplici-
ter; potissima demonstratio non constat ex necessario accidentalē, quod funda-
tum in terminis nō conuertibilibus efficitur ex parte unius tantum termini pro-
positionis, ex parte scilicet prædicati, quando genus de specie prædicatur, ut ani-
mal de homine, nam licet prædicatum subiecto necessarium sit, eo quia superiora
necessario sunt in inferioribus, non tamen prædicato subiectum ex necessitate
competit, cum inferiora accidant superioribus; sed constat ex necessario simpli-
citer, quod fundatum in terminis paribus, & conuertibilibus prouenit ex parte
b utriusq; termini propositionis, nam sicuti prædicatum est subiecto necessarium,
ita subiectum est necessarium prædicato, ut patet quando prædicatur tota defini-
tio de definito, uel ultima differentia, aut propria passio de subiecto; ex quo cō-
sequenter habemus potissimæ demonstrationis principia esse uera non contin-
genter, sed simpliciter. necessarium itaq; simpliciter tres condiciones requirit,
videlicet, dictum de omni, per se, & uniuersale; debent igitur potissimæ demon-
strationis principia tres illas condiciones habere, quarum defectu simpliciter ne-
cessaria non essent. Et quoniam uniuersaliora semper pramitti debent, cum in-
ter positas condiciones una sit alijs uniuersalior, ab uniuersaliori exordium su-
memus, sed uniuersalior conditio est dictum de omni, nam quando dicimus, cy-
gnus est albus, hæc propositio est de omni, cum omnibus cygnis, & in quolibet
tempore albedo competat, attamen non est per se, neque in primo, neque in se-
cundo modo, cum prædicatum non sit de quiditate subiecti, nec subiectum de
c conceptu prædicati; non habet etiam uniuersale prædicatum, quod significat
adæquationem sui cum subiecto, cum albedo solum cygnis non competat; à di-
cto igitur de omni posterioristico, tamquam à conditione magis cōmuni, quā
per se, & uniuersale, incipiemus, dicentes, dictum de omni posterioristicum esse,
quod utique non in aliquo quidem sit, in aliquo autem non, neque aliquando
quidem, aliquando autem non, id est, dictum de omni posterioristicum esse, quod
habet non solum subiecti uniuersitatem, cum de subiecto, & de omnibus sub eo
contentis prædicatum uere dicatur, sed etiam temporis perpetuitatem, cum
semper cuilibet subiecto idem prædicatum insit, ut homo est animal, hæc propo-
sitis habet dictum de omni posterioristicum, quia animal, de homine, & de om-
nibus particularibus hominibus prædicatur, præterea, sub qualibet temporis dif-
d ferentia homini, & omnibus sub eo contentis animal inest. Ex quo patet, dictum
de omni posterioristicum superare dictum de omni prioristicum, eo quia habet
temporis perpetuitatem, qua caret dictum de omni prioristicum cuius rei ra-

tio est, quia in posterioribus consideratur materia necessaria, à qua temporis p. a
Petuitas emanat, in prioribus uero nequaquam, cum in eis non de materia, sed
tatum agatur de forma syllogistica, à qua solū subiecti uniuersalitas ortū ducit.

*Ex aliorum sententia noua differentia inter illa duo dicta de
omni, eiusq; impugnatio.*

C A P. V I.

ALio discrimine prædicationem de omni posterioristicam à prioristica discere
pare, & eo quidem à paucis animaduerso Nonnulli opinantur, quòd scilicet
posterioristica solam propositionem significet, prioristica uero non solam
propositionem, sed totum denotet syllogismum. hanc opinionem ipsi confir- b
mant Auerrois testimonio super primo priorum pluribus in locis, & præcipue
in capite quinto, & uigesimo quarto, nam in quinto ait, dictum de omni duas
necessario postulare conditiones, unam, ut maior propositio semper sit uniuersa
lis, alteram, ut minor sit semper affirmatiua. in uigesimo autem quarto inquit,
dictum de omni esse in prima figura actu, in aliis uero non actu, sed potestate,
hinc optime Aristoteles in capite de prima figura non usus est alia ratione ad
modos utiles primæ figuræ confirmandos, quàm dictis de omni, ac de nullo, per-
dictum enim de omni duorum affirmantium modorum efficaciam ostendit, p
dictum autem de nullo duorum negantium, uult igitur Auerroes, dictum de
omni integrum significare syllogismum, non simplicem propositionem. Hæc opi-
nio (nisi fallor) peccat in utroq; dicto, primum enim cum ueritate conuenire
non uidetur, ut scilicet prioristica prædicatione de omni totum denotet syllogis-
mum; alioquin per locum topicum à definito ad definitionem dicto de omni
prioristico competeret syllogismi definitio, quod falsum est, nam de ratione syl-
logismi est, ut in uirtute principiorum ex necessitate conclusionem inferat, seu c
ut cum illationis necessitate aliquid notum faciat; de ratione uero dicti de om-
ni prioristici est, ut nihil sumi possit sub subiecto, de quo non dicatur prædicatū,
aut, sicuti prædicatum, de subiecto uerum est; ita de omni contento sub subiecto
uerum esse potest, quòd illationis necessitatem non indicat, neque ut medium
de minori extremo prædiceretur, qđ una cū prædicatione maioris extremitatis
de medio necessitas syllogistica illationis postulat, præterea, dictum de omni,
non secus ac dictum de nullo est radix, & principium, in quod syllogismus re-
soluitur, quoniam syllogismus in propositiones, propositiones, in terminos,
termini uero in dictum de omni, & dictum de nullo resoluntur, ergo de primo
ad ultimum syllogismus resoluitur in dictū de omni, & dictum de nullo; dictū
igitur de omni integer syllogismus esse nō potest, alioquin idem in se ipsum re- b
solueretur, atq; ideo se ipsum componeret, cum compositum in ea resoluatur, d
ex quibus componitur, quod est absurdum, ut scilicet, idem se ipsum componat

- a Nisi uelint, dictum de omni prioristicum esse totum syllogismum naturalem; qui radix est omnium artificialium syllogismorum affirmatiue concludentium, quos in libris priorum Aristoteles tractat, sed hoc dicere (quantum coniecere possum) nihil est, cum omnium tam naturalium, quam artificialium syllogismorum eadem sit ratio, omnis enim syllogismus, quicumque ille fuerit, uel naturalis, uel artificialis, est ratio, in qua quibusdam positis necesse est aliud euenire per ea, quæ posita sunt, quod dicto de omni prioristico minime competit; in se ipsumque non resoluitur neque naturalis, neque artificialis syllogismus, non est igitur dictum de omni prioristicum neque integer naturalis, neque integer artificialis syllogismus. Cum ueritate etiam non conuenit quo ad alterum dictum, ut scilicet prædicatio de omni posterioristica solam propositionem significet, totumque syllogismum non denotet, sicuti facit prioristica, concessio nunc tamquam uero, licet falsum sit, ut prædicatio de omni prioristica totum denotet syllogismum.
- b declaro, iacto prius hoc fundamento, ut scilicet agere de demonstratione, & agere de syllogismo ad materiam necessariam contracto, seu agere de materia necessaria formæ syllogisticæ subiecta idem sit, nam horum utrumque, uidelicet materia necessaria, & forma syllogistica, demonstratione communius est, cuiuslibet enim materiæ syllogismus applicari potest, circaque necessariam materiam non solum demonstratiuum, sed etiam definitiuum instrumentum uersatur, at demonstratio, & syllogismus ad materiam necessariam contractus conuertuntur. hoc posito fundamento, dicimus, cum demonstratio aggregatum sit ex syllogismo, & materia necessaria, rationi consonum non uideri, ut posterioristica prædicatio de omni solam propositionem significet, nam si à subiecti uniuersitate prioristica prædicatio de omni habet, ut totum denotet syllogismum, sequitur ut etiam posterioristica, cum ipsa quoque præter temporis perpetuitatem, subiecti uniuersitatem habeat, non solam igitur propositionem significat, sed totum quoque syllogismum denotat posterioristica prædicatio de omni, si prioristica prædicatio de omni denotet ipsa quoque totum syllogismum. Quod uero attinet ad Auerrois auctoritates, dicimus, eas opinioni nostræ potius fauere, quam obesse, nam in capite quinto per ea uerba non uult, ut maior propositio semper uniuersalis, & minor semper affirmatiua; sint ipsius dicti de omni propositiones, sed ut illorum syllogismorum, in quibus actu repetitur dictum de omni, sicuti sunt syllogismi primæ figuræ, maior propositio sit semper uniuersalis, & minor semper affirmatiua. ex quo capite, quemadmodum ex uigesimo quarto, nec non ex capite de prima figura ipsiusmet philosophi, non elicitur, dictum de omni integrum syllogismum esse, seu totum syllogismum denotare, sed actu reperiri in syllogismis primæ figuræ, affirmatiue concludentibus, potestate uero in syllogismis aliarum figurarum, quod nemo sanæ mentis negare potest, cum omnium syllogismorum affirmatiue concludentium sit radix, & fundamentum.
- d

De eo, quod per se est.

CAP. VII.

ORatione iam absoluta dicti de omni posterioristici, sequitur id, quod est per se ipso uniuersali communius, ualet enim dicere, est uniuersale, ergo per se; sed non è contra, est per se, ergo uniuersale, quia hæc propositio, homo est animal, est per se in primo modo, & tamen uniuersale prædicatum non habet, quoniam animal cum homine non conuertitur, quam terminorum conuertibilitatem uniuersale posterioristicum requirit, ut suo loco explicabitur; est itaque huiusmodi uniuersali communius ipsum per se, quod nunc diuiditur in quatuor modos, quorum primus, secundus, & quartus sunt modi prædicandi, tertius uero, ut ita dicam, essendi modus est; & licet sint multo plures modi per se, ut patet in quinto Diuinorum libro cap. de per se, his tamen Aristoteles fuit contentus, ut ex tali diuisione appareret multiplex esse ipsum per se, neque omnes eius modos potissimæ demonstrationi accommodari posse. sed Aliqui hanc, quæ communis est, opinionem quo ad utrumque dictum reprehendunt, & quo ad primum, contendunt non esse rationi consentaneum, ut Aristoteles commisceat modos prædicandi cum modis essendi, quia consilium eius est de propositionibus demonstrationis, ac de earum necessitate loqui; non de rebus pro ut per se sunt extra animum, cum hoc Logici munus minime sit; propositiones igitur necessarias cum inquirat, prædicatioque per se detur, quæ gradum quandam necessitatis in propositione constituit, solas prædicationes per se debuit enumerare philosophus, ut necessarias, & ad demonstrationem idoneas seligeret, dimissis reliquis, alioquin absurda comparatio, & selectio fuisset; ueluti si quis præstantem philosophum quærens, fabrorum cum philosophis comparationem faceret, ex qua bonum philosophum seligeret, non debuit igitur in medium afferre modos essendi per se, sed modos tantum prædicandi, ut facta horum collatione, utiles ab inutilibus secerneret, quatenus uero ad secundum dictum pertinet, eam opinionem reprehendunt per modorum dicendi per accidens, quos ibi adduxit Aristoteles, considerationem, tres enim attulit modos dicendi per accidens, quatuor illis dicendi per se ex opposito respondentes; quamobrem quæruunt, cur Aristoteles non spreuit modos dicendi per accidens, si plures spreuit modos dicendi per se, quorum nullam facit mentionem; magis enim spernebantur modi dicendi per accidens, quam modi dicendi per se, uel, si modi per accidens prætermittendi non erant, multo minus modum aliquem per se omittere conueniebat. Horum reprehensio quo ad primum dictum non uidetur admodum tuta, quia cum per se, quod ipsum necessarium requirit, sit multiplex, & æquiuocum cogebatur philosophus per ea, quæ dixit in primo de celo tex. com. decimo supra centesimum, ponere non solum eius modos prædicandi, sed etiam essendi, licet modi essendi demonstrationem non ingrediantur, ex quo non sequitur, quod absurda comparatio, & selectio fuisset, quia modi essendi sunt per se, sicuti modi prædicandi

di, at faber in adducto exemplo non est philosophus, & ideo non est cum philosophis comparandus, ut ex illa comparatione aliquis bonum, & præstantem
A philosophum, quem quaerit, eligere possit. non est itaque par ratio de fabro respectu philosophorum, & de modo essendi per se ratione modorum prædicandi per se, quia licet modus essendi per se non sit modus per se prædicandi, est tamen per se, faber uero (ut diximus) non est philosophus. Ad id uero, quod in secunda reprehensione quaeritur quoad alterum dictum, existimo hunc in modum respondendi posse, cum philosophus posuerit aliquos modos dicendi per se, conueniens erat, ut etiam modos dicendi per accidens illis per se ex opposito respondentibus adduceret, qui quidem non erant hac de causa spernendi, quia habent modos dicendi per se oppositos; spreuit autem alios modos per se, quia non est necessarium in alicuius æquivoci distinctione omnia eius significata enumerare, sed utique necessarium erat ponere modos prædicandi, & modos essendi per se, ut ostenderet ipsum per se multiplex, & æquivocum esse.

B

*Ex aliorum sententia de noua modorum dicendi per se,
 & ex accidenti diuisione.*

CAP. VIII.

Diuisione hætenus à nemine cognita Nonnulli manifestare conantur, modos per se ab Aristotele consideratos esse omnes modos enuncianti, determinando prius, id, quod diuidendum proponitur, non esse modos essendi, neque modos enuncianti, quia modos docere, quibus simpliciter res sunt, non est officium Logici, & modos enuncianti considerare, atque distinguere ad librum de Interpretatione, non ad libros Posteriorum spectat; sed esse modos enuncianti in scientiis uisatos pro, ut à modis essendi deriuantur, & cum eis conueniunt, seu modos essendi pro ut inde uarii modi enuncianti deducuntur, quos omnes, nullo prætermisso, Aristotelem ibi recenseré hac diuisione à nemine (ut diximus) hætenus cognita manifestare conantur. In omni (inquiunt) propositione, uel prædicatum, & subiectum re ipsa non distinguuntur, uel sunt duæ res diuersæ, quarum altera in altera inesse, uel non inesse pronunciamus, id est, affirmamus, uel negamus, prædicatum à subiecto re ipsa non distinctum dicimus in ea propositione, quæ uocatur de secundo adiacente, ut homo est, quia ibi (est) non significat nisi existentiam rei extra animum, existentia uero non est aliquid reale, quod tamquam ab homine re ipsa distinctum in eo esse dicatur, sed nuda intentio animi est, & accidens (ut uocant) intentionale, non reale, quod quidem homini attribuimus, dum rem cum conceptione animi conferentes, dicimus, homo est. diuersum est prædicatum à subiecto, quando aliquid reale de subiecto prædicamus, ueluti cum dicimus, homo est animal, homo currit, & huiusmodi. Si itaque prædicatum à subiecto diuersum non sit, potest esse prædicatio tum per se, tum per accidens, nam, cum sola rei

la rei existentia enunrietur, si res, quæ esse dicitur, per se existat, enunciatio quoque dicitur esse per se, si uero res per se non existat, enunciatio quoque non est per se, sed dicitur esse ex accidenti; cum itaque substantia per se existat, quia nulli subiecto inhæret, per quod existat, accidens autem non per se existat, sed per subiectum, a quo suscipitur, quoniam omne accidens in subiecto hæret; hinc est, ut propositio illa, homo est, per se, hæc uero, album est, per accidens sit in tertio modo, in quo considerat Aristoteles modum essendi, quatenus ab eo deriuatur, ac nominatur modus enunciandi per se, uel per accidens. & licet soli primæ substantiæ attribuat Aristoteles ut per se sit, dicendo, substantia autem, & quæcumque; hoc aliquid significant, substantiam tamen uniuersalem non excludit, cum a substantia prima, & indiuidua non distinguatur, & utriusque eadem sit existentia; uoluit igitur Aristoteles cum substantia prima, & indiuidua omnem substantiam per se existere, quia nullam aliam conditionem ponit, quæ tertium illum modum constituat, nisi hanc unam, in subiecto non esse, quod omni substantiæ competit. Si uero prædicatum fuerit aliquid reale a subiecto diuersum, necesse est, ut sit uel subiecto iunctum, & inhærens, uel ab eo distinctum, & loco separatum. quando igitur prædicatum a subiecto disiunctum est, ut cum dicimus, eclipsis est obiectio terræ, oritur quartus modus dicendi per se, & modus per accidens, qui illi opponitur. per se est, quando relatio, & proportio inter prædicatum, & subiectum est essentialis, ita ut alterum causa sit, & alterum effectus, ueluti gratia exempli, si dicamus, aliquis iugulatus interiit ex iugulatione, eclipsis est terræ interiectio. per accidens autem est, quando relatio inter illa est accidentalis, ita ut neutrum alterius causa sit, ueluti, si dicamus, aliquo ambulante, coruscauit, coruscatio namque ab ambulante est loco disiuncta, & neutra alterius est causa. quando autem prædicatum subiecto iunctum est, necesse est, ipsum uel de essentia subiecti esse, uel ei tamquam accidens inhære. Si est de essentia subiecti, oritur primus modus dicendi per se, si uero subiecto tamquam accidens inhæret, uel erit proprium, quod essentiam consequitur, uel commune, quod cum essentia subiecti nullam afinitatem habet, cum uere neque eam constituat, neque ab ea constituatur; si erit proprium, oritur secundus modus dicendi per se, in quo proprium illud prædicatum accipit in sui definitione subiectum; si autem erit accidens commune, quod neutro modo subiecto inhæret, fit modus prædicandi ex accidente, qui duobus memoratis modis ex aduerso respondet, ueluti, si dicamus, animal est muscicum, uel animal est album.

Proposita modorum dicendi per se, et ex accidenti diuisio

impugnatur.

C A P. p I X.

RATIO, quæ sub initium præcedentis capitis redditur quare scilicet

- non debuit Aristoteles in posterioribus numerare, ac distinguere neque modos essendi, neque modos enūciandi, uidetur esse dubia, quia ibi philosophus non distinguit ipsū per se in modos essendi, & in modos enūciandi, ut modos, quibus res simpliciter sunt, modosque simpliciter enūciandi doceat, quia nemini dubiū est, illud non esse munus logici, & hoc ad librum Perihermenias, non ad libros posteriorum pertinere; sed ut ostendat ipsum per se multiplex, & æquiuocum esse, ac non omnes eius modos demonstrationem ingredi, quod Aueroes quoque notauit in primo posteriorum Com: trigesimo tertio. cum itaque coactus fuisset Aristoteles ea de causa diuidere ipsum per se in sua significata, rationi consentaneum erat, ut unumquodque significatum declararet quomodo sit per se, & quomodo ipsum per accidens sit a per se contradiunctum. Quatenus uero spectat ad diuisionem, existimamus eam posse pati aliquid difficultatis circa utrumque membrum, & primo circa primum, quia in propositione illa de secundo adiacente, uidelicet, homo est, id est, homo existit, existentia, cum sit accidens etiam intentionale, dicit quid diuersum a subiecto, quod est substantia, nec propterea sequitur, ut esse existentie simul cum subiecto
- B** ponat in numerum, sola enim realis compositio ex sententia philosophi ponit in numerum; sed concesso existentiam non dicere quid diuersum a subiecto, propositiones in tertio modo, quibus hoc competit, ut scilicet earum subiectum, & prædicatum re ipsa non distinguantur, non possunt esse nisi singulares, nempe, callias est, callias non est; sed propositiones singulares in scientiis non usurpantur, ergo falsum uidetur esse, ut omnes enūciandi modi, quos illa diuisione philosophus enumerat, in scientiis usurpentur. in tertio modo per se concesso nunc ut in eo efficiantur modi enūciandi, non posse reperiri nisi singulares propositiones, clare patet, quia philosophus ibi loquitur solum de re, quæ per se existit, hæc autem non potest esse nisi indiuidua, & singularis substantia, quoniam existentia est una ex proprietatibus indiuiduorum, per quæ postea omnibus aliis entibus competit, hinc optime dixit Aristoteles in Cap. de substantia, non existentibus primis substantiis, impossibile est aliquid aliorum remanere: quamobrem periculosum esse uidetur fundamentum, super quo noua hæc opinio innititur, uidelicet, omnem substantiam habere, ut in subiecto non sit; ex eo enim non potest inferri, ergo omnis substantia per se existit, alioquin contra præcepta philosophi una essent ueritas antecedentis, & consequentis falsitas, uerissimum namque est, omnem substantiæ competere in subiecto non esse, attamen falsum est, omnem substantiam per se existere, ut patet de forma substantiali, & de materia, quarum una absque altera extra animam per se non existit, & tamen utraque in subiecto non est. a ueritate itaque uidetur recedere, ut non esse in subiecto sit sola conditio, per quam tertium modum per se philosophus constituat; quod manifestissimum esse potest prædicamentibus uerba philosophi, quæ huiusmodi sunt, (Amplius, quod non de subiecto alio quodam dicitur, ut ambulans, aut album, cum & alterum quiddam sit ambulans, & album, Substantia autem, & quæcumque hoc aliquid significant, non alterum ali-

quid sunt, quàm quod quidem sunt, quæ quidem igitur non de subiecto alio, per A
 se dico, quæ uero de subiecto, accidentia: ex quo contextu indicat philosophus
 tertium modum per se constitui solum per ipsum non dici de subiecto. Nec re-
 spōdere possunt, Aristotelem hic accipere non dici de subiecto pro non esse
 in subiecto, quia frustra addidisset, (& quæcumque hoc aliquid significant,) pro
 pterea quod dicere sat erat, (substantia autem,) cum omni substantiæ (ut dictum
 est) commune sit in subiecto non esse. Præterea, aduersarentur Auerroi in com.
 33. primi posteriorum, ubi expresse hæc uerba habentur, (& quæ non insunt ali-
 cui, neq; dicuntur de aliquo subiecto, illa sunt per se,) quare ex eius sententia,
 præter ipsum non esse in subiecto, requiritur etiam non dici de subiecto, quæ
 conditio præcipua est ad constitutionem tertii modi per se. & quoniam uide-
 bant, uerba illa, quæ philosophus addidit, solum indiuiduam substantiam expri-
 mere, ideo dixerunt, licet soli primæ substantiæ attribuat philosophus ut per se
 sit, eo quia loquitur ibi de rei extra animum existentia, quæ nulla alia est nisi sub B
 stantia indiuidua, substantiam tamen uniuersalem, quæ pro natura comuni ac-
 cepta uniuersale in multis nuncupari solet, non excludit, propterea quod à sub-
 stantia indiuidua non distinguuntur, & utriusque eadem est existentia. Quæ uerba
 Auerroi loco citato repugnare uidentur, ubi ad tertium modum per se uult
 non solum requiri in subiecto non esse, quod omni substantiæ commune est, sed
 etiam non dici de subiecto, per quod substantia communis excluditur, cum ipsa
 de subiecto dicatur. Præterea, si substantia uniuersalis à singulari non distingue-
 retur, & utriusque eadem esset existentia, cælum non differret ab hoc cælo, quare
 tam qui dicit cælum, quàm qui dicit hoc cælum, diceret formam in materia, &
 tam qui dicit hoc cælum, quàm qui dicit cælum, diceret formam tantum, quod
 repugnat philosopho in primo cæli tex: com: nonagesimo secundo, ubi ait, qui
 dicit cælum, dicit formam, & qui dicit hoc cælum, dicit formam in materia; ex
 quo philosophus innuere uidetur, aliam esse rationem formæ, ut forma est, non C
 autem ut est opus intellectus, id est, non ut est uniuersale post multa, ac Logicū,
 aliam esse rationem formæ, ut in materia; quare homo, & Socrates, quamuis ma-
 terialiter sint idem, formaliter differunt, quia alia est ratio, per quam homo est
 homo, & alia, per quam Socrates est Socrates; si formaliter differunt, non est
 utriusque eadem existentia, cum existentia substantiæ indiuiduæ, non autem
 substantiæ communis naturam sequatur. quantum igitur coniecere possumus
 ex Aristotelis, & Auerrois uerbis in tertio modo per se non continentur nisi
 substantiæ primæ, alia uero omnia, nimirum, accidentia, & secundæ substantiæ,
 accidentia sunt, sed in hunc sensum, pro ut scilicet accidens à tertio modo per
 se contradistinguitur, quod perinde est, ac si dicatur, secundæ substantiæ, & ac-
 cidentia non sunt, per se in tertio modo, quia de subiecto prædicantur, cum
 tertio illi modo per se non solum esse in subiecto, sed etiam dici de subiecto re-
 pugnet; ut ex Auerroe colligitur in illo commento trigésimo tertio primi
 posteriorum. Quare melius fortasse dici posset, propositionem illam uni- D
 uersalem de secundo adiacente, uidelicet, homo est, non in tertio, sed

- in primo modo collocari, siue reducatur quæstio an sit ad problema generis, siue ad problema accidentis, si enim reduceretur ad problema generis, esset in primo modo per se, quia tunc prædicatum esset de essentia subiecti, si autem reduceretur ad problema accidentis, esset in eodem modo, nec non in secundo per accidens, quia nec prædicatum esset de quidditate subiecti, nec subiectum esset de conceptu prædicati, quarum conditionum altera (ut paulo infra uidebimus) primus modus dicendi per se, alteram uero secundus postulat. Quatenus autem spectat ad alterum iam adductæ diuisionis membrum, in quo separatur quartus à primo, & à secundo modo, arbitramur in eo aliquid difficultatis latere, quoniam quartus modus non semper constituitur, eo quia prædicatum alicuius propositionis sita subiecto distinctum, & loco separatum, propterea quod fieri potest ut aliqua propositio sit in quarto modo per se, & tamen prædicatum, & subiectum non sint loco distincta, ut uidere est de illa propositione, animal rationale est risibile, hæc enim propositio est in quarto modo, ut inferius suo loco declarabimus, attamen ambo, uidelicet, animal rationale, & risibile in homine sunt; Quare tutius (nisi fallor) modi prædicandi per se possent inter se distingui ratione diuersitatis causarum, in quibus fundantur, quoniam primus modus fundatur primo in causa formali, secundo autem in causa materiali ex qua, cum forma non possit sine huiusmodi materia consistere, secundus fundatur in causa materiali in qua, quartus uero in causa efficiente, & finali, quæ omnia in horum modorum explicatione inferius declarabimus; tertius ab illis distinguitur non, ratione diuersitatis causarum, sed quia est modus essendi, illi autem prædicandi,

*Auerrois testimonio modorum dicendi per se diuisio confirmata
impugnatur.*

C A P. X.

- C** Nova illa modorum dicendi per se diuisio ab illis confirmatur pluribus Auerrois auctoritatibus, nam in commentariis suis. 30. 32. 33. & 34. primi posteriorum expresse uult Auerroes, nullum enunciationis genus dari, quod sit in scientiis usitatum, præter ea, quæ Auctores prædictæ diuisionis commemorarunt, quandoquidem aut alicuius rei existentia enunciat, aut res de re prædicatur, eaq; uel ei coniuncta, uel disiuncta est. si autem aliquis alius afferatur ab interpretibus modus dicendi per se, ille facile posset ad aliquod illius diuisionis membrum redigi, sicuti & ipsi redigunt quintum modum per se à Themistio excogitatum in primo Posteriorum Cap. x. quando scilicet accidens de accidente prædicatur, nempe, superficies est colorata; quia si uera est diuisio prædicati inhererentis facta ab Aristotele, necesse est, uel colorem esse de definitione superficiei, & ita primum esse modum, uel colorem in sua definitione accipere superficiem, & ita esse proprietatem superficiei, proinde esse secundum modum, non

quintum; uel tandem neutrum esse de alterius definitione, & ita non esse modum dicendi per se, sed potius esse modum dicendi per accidens, cuius meminit Aristoteles. hæc sunt Auerrois auctoritates, quibus illi suam modorum dicendi per se nouam diuisionem corroborant. Quidquid sit de opinione Commentatoris circa hanc diuisionem, suppono eum fuisse huius sententiæ, ut quatuor sint modi enunciandi per se, nullumq; aliud enunciationis genus dari præter ea, quæ attulerunt prædictæ diuisionis Auctores, sed quomodo ex mente Auerrois asserere possunt in tertio modo per se esse propositiones in usu in scientiis, cum dicat Auerroes, quæ in tertio modo per se sunt, non esse in subiecto, nec de subiecto prædicari: hæc autem ex Aristotelis sententiâ in ante prædicamentis capite secundo non possunt esse nisi substantiæ indiuiduæ, quæ in scientiis nullo pacto usurpantur. quo uero ad Themistium de illo quinto modo dicendi per se, existimamus iure eum optimo impugnatum fuisse, quia illa propositio, de qua etiam philosophus mentionem fecit in quinto Diuinorum contextu uigesimo tertio sub initium, reduci potest ad secundum modum dicendi per se, cum sit color affectio superficiæ. Sed quid responderi poterit ad Aristotelem in eodem contextu circa finem, quando dicit, superficies est per se alba? hæc propositio usurpatur in scientiis, & tamen non est per se eo modo, quo determinatum est per se ab Aristotele in præsentī parte, quod inductiue probari potest, nam in primo modo non est, quia prædicatum non est de conceptu subiecti; non est etiam in secundo, quoniam secundus requirit terminos conuertibiles, cuiusmodi non sunt, superficies, & album, nam licet omne album sit in superficie, non tamen omnis superficies est alba; non esse etiam in tertio modo patet secundum eorum diuisionem, prædicatum enim est à subiecto re ipsa distinctum, quod repugnat illi tertio modo; manifestum est etiam non esse in quarto, quoniam eius prædicatum est iunctum subiecto, & ipsi in hærens, quod ex eorum sententiâ quarto modo non competit, ergo præter modos per se iam descriptos in primo, posterio- rum dantur etiam alii, quibus in scientiis utimur, & ad illos reduci non possunt, nisi uelint, propositionem illam esse per accidens in primo, & in secundo modo, sed hoc nihil est; quia per Aristotelem quæ per accidens sunt in illis duobus modis non sunt per se, sed propositio illa, uidelicet, superficies est alba, ab Aristotele dicitur per se. fortasse dicere possent, pro uno, & eodem intelligi, esse propositiones in usu in scientiis, & esse utiles demonstrationi, qualis non est propositio illa, sed tunc contra se habent, tertium modum non efficere propositiones, & si illas efficeret, non fore utiles demonstrationi, cum sint singulares, & binariæ. Præterea, quartus modus secundum suum totum ambitum non est utilis demonstrationi, de qua principaliter uerba facit philosophus in primo posteriorum, ergo in adducta diuisione non omnia membra huiusmodi demonstrationi utilia sunt; quamobrem non esse in hoc recedendum à communi opinione, de qua facta est mentio sub initium octauī capitis, cuius existimamus.

CAP. XI

Constituta ipsius per se diuisione in quatuor modos, ad singulos explicandos accedimus, & primo ad primum, dicentes, primum modum esse illum, in quo prædicatum est de quiditativa ratione subiecti, cui inest, & hoc erit ex sententia Commentatoris uel tota definitio, ut homo est animal rationale, uel partes eius, nempe, genus, & differentia, ut homo est animal, nec non homo est rationalis, aut pars generis, aut pars differentiae. Nonnulli declarantes quid per partem generis, & differentiae intellexerit Auerroes, dicunt, eum intellexisse genus remotum, & remotam differentiam, per simpliciter autem genus, & differentiam, proximum genus, ac differentiam proximam, genus enim remotum pars est essentialis proximi generis, ut corpus respectu animalis, cum in animalis definitione sumatur; Differentia uero remota non ita dicitur pars differentiae proximae, sed alia ratione, quandoquidem omnis differentia tam proxima, quam remota simplex forma est, quæ partibus caret; uerum quia per differentiam proximam res differt ab omnibus aliis rebus, per remotam uero non ab omnibus, sed ab aliquibus, ideo differentia remota dicitur pars differentiae, proxima uero dicitur simpliciter differentia, & alias omnes complectitur, uel saltem supponit, quia sine illis nullo pacto esse, aut excogitari potest. quod quidem remotum genus, & remota differentia eatenus de specie prædicantur per se primo modo, licet in eius definitione non exprimantur, quatenus in proximo genere, quod exprimitur, ætæ continentur, ut patet de corpore, & de animato, quæ explicite non ponuntur in hominis definitione, sed implicite pro ut in animali, quod in illa definitione nominatur, actu inclusa, & comprehensa sunt, idem enim est dicere animal, ac dicere corpus animatum sensitivum, si definitio idem est, ac definitum. Posita uerboqum Auerrois declaratio ex eo super hoc primo modo dicendi per se minime (nisi talimur) colligi potest, cum ibi aliam de partibus differentiae sententiam habere uideatur, inquit enim, (cum uero dicimus, quod prædicatum est per se, est, ut prædicatum sit in definitione subiecti, aut secundum quod est definitio perfecta, aut pars definitionis, quemadmodum acceptio linearum in definitione trianguli, nam trianguli definitio est, qui comprehenditur à tribus lineis: igitur linea in definitione trianguli procedit per modum partis segregantis, id est, differentiae. Et quemadmodum punctum, quod accipitur in definitione linearum, & hoc, quoniam linea definitur, cuius extrema sunt punctum, aut puncta: igitur punctum respectu linearum se habet per modum partis segregantis, quoniam differentia ipsius perficitur ex numero, & puncto: hoc est, quia sunt duo puncta.) hæc Auerroes, cuius uerba hunc habent sensum, uidelicet, in alicuius rei definitione sumi posse integram differentiam pluribus dispositionibus expressam, ut in trianguli definitione tres lineas, & in linearum definitione duo puncta, nam triangulus est figura plana tribus lineis comprehensa, nec non linea est Longitudo sine latitudine, cuius ex-

extrema sunt duo puncta, at si in definitione trianguli ponatur linea sine numero,
 & in definitione lineæ sine numero ponatur punctum, uidelicet, triangulus est
 figura plana à lineis comprehensa, & linea est longitudo sine latitudine, cuius
 extrema sunt puncta; linea, & punctum in definitione trianguli, & lineæ pro
 cedunt per modum partis differentia, & sunt in primo modo dicendi per se, sicu
 ti tota differentia, per partes igitur differentia non intelligit Auerroes differē
 tias remotas, idest, superiores in eodem prædicamento differentias, quas sup
 ponit proxima differentia, sicuti per partes generis intelligit genera remota usq
 ue ad generalissimum, sed intelligit uere partes, ex quibus integra differentia
 constituitur, easq; non secus, ac completam differentiam, uult esse in primo mo
 do dicendi per se, ex quo duo eliciuntur, unum, ut prædicatio sit naturalis, quæ
 est, quando de subiecto prædicatum enunciamus, sicuti extra animum re uera
 in eo inest, quando scilicet prædicamus accidens de substantia, & causam de cau
 satō substantiali, ut homo est albus, & homo est rationalis, re enim uera, & al
 bedo, & rationalitas in homine sunt. Prædicatio uero præter naturam opposito
 modo se habet, quando scilicet de subiecto enunciamus aliquod prædicatum,
 quod extra animum re uera in eo non inest, sicuti album est homo, uel rationale
 est homo, neque enim albedini, neque rationalitati inest homo, sed è contra.
 Alterum, quod elicitur ex primo modo dicendi per se, est, omnia prædicata
 primi modi esse formalia, & quiditatiua prædicata, quæ in singulis prædicamē
 tis reperiuntur, cum in uno quoq; prædicamento ex philosophi sententia in pri
 mo Topicorum Cap. septimo sit quod quid est. hinc patet primum modum
 fundari in causa formali principaliter, consecutiue autem in causa materiali ex
 qua, tamquam in uehiculo deferente formam, quæ sine huiusmodi materia sub
 sistere non potest, asserere itaque, ut multi faciunt, materiam ex qua, quæ est al
 tera pars compositi, non secus, ac formam, esse in primo modo dicendi per se,
 in quo (ut dictum est) omnia prædicata sunt formalia, & de quiditatiua ratione
 subiecti, est asserere quiditatem rei constare ex tali materia, & forma; quæ senten
 tia repugnat Aristoteli pluribus in locis, & præcipue in secundo Physicorum ca
 pite de causis, in septimo Diuinorum contextu trigesimo quarto, & in tertio de
 Anima contextu nono; nam in secundo Physicorum loco, citato distinguens
 philosophus causas inter se, determinat, omnes partes definitionis esse formam.
 nec dici potest, sicuti omnes ferè Latini uidentur uelle, philosophum intelligere
 de forma totius, quia ibi loquitur de illa forma, quæ contradistinguitur à ma
 teria ex qua, hæc autem est forma partis, non forma totius, quia cum per illos
 forma totius sit aggregatum ex materia, & forma partis, tantum abest, ut hæc
 forma totius distinguatur à materia ex qua, seu à materia partis, ut potius eam
 contineat. ex sententia igitur philosophi in eo, capite de causis Materia non po
 test esse pars definitionis, & propterea quiditatis, cum definitio rei quiditatem de
 claret. in septimo uero Diuinorum, & in tertio libro de Anima affirmat in qui
 busdam idem esse quiditatem, & habens quiditatem, in aliquibus autem differre,
 ergo in habente quiditatem, quod constat ex materia, & forma, necesse est ut sit

aliquid, per quod quiditas differat ab habente quiditatem, sed hoc non potest esse nisi materia ex qua, ergo huiusmodi materia non est pars quiditatis, alioquin
A idem esset quiditas, & habens quiditatem in omnibus, si in habente quiditatem nihil esset, quod poneret discrimen inter quiditatem, & habens quiditatem. Nec urget quod dici solet de genere in definitione substantiæ compositæ, quia licet in ea genus vicem materiæ gerat, non idcirco est materia, sed forma communis, quæ comparata formæ propriæ, cum sit in potentia ad illam, sicuti materia ad formas, iure optimo dicitur gerere vicem materiæ. non est igitur materia pars quiditatis, intelligendo unâ cum philosopho locis citatis quiditatem pro forma, at si quiditas intelligatur pro composito ex materia, & forma, non erit absurdum dicere, materiâ esse partem quiditatis, cum enim quiditas, quæ ab uno, & ad unum dicitur, se habeat ut nomen, quod ut sua duo indicat, formam scilicet, & compositum, sed primo formam, & secundo compositum, non mirum esse debet, si quiditas quoque duo indicet, quiditatem scilicet pro forma, & hanc primo, cuius pars non potest esse materia, nec non quiditatem pro composito ex materia, & forma, & hanc secundo, cuius partem esse materiâ non est incongruum.

B

De secundo modo dicendi per se.

C A P. XII.

Secundus modus dicendi per se est, in quo subiectum est de conceptu prædicati in eodem subiecto existentis, ut gratia exempli, quando dicimus, homo est risibilis, linea est recta, vel curva, & numerus est par, aut impar, nam in definitione risibilitatis ponitur homo, cui inest, in definitione recti, vel curvi collocatur linea, in qua insunt, & in definitione paris, aut imparis ingreditur numerus, cui inexistunt; hinc factum est, ut philosophus dixerit, per se esse in secundo modo, quibuscumque inexistentium ipsis, ipsa sunt in oratione quid est declarante, id est, per se in secundo modo sunt, quando ipsa, hoc est, quando subiecta sunt in oratione ipsum quid est declarante, id est, quando subiecta sunt de quiditativa definitione quibuscumque inexistentium ipsis, id est, omnibus prædicatis, quæ in illis subiectis inexistunt. unde patet in secundo modo dicendi per se non esse prædicata nisi accidentia propria, cum in eorum prædicatorum definitione ponatur subiectum ut differentia. quæ quidem propria accidentia, cum suorum subiectorum essentiam sequantur, essentialia accidentia nuncupari solent, dupliciaque sunt, alia enim unica dictione proferuntur, ut risibile respectu hominis, alia vero dictionibus oppositis, ut par, & impar respectu numeri. manifestissimum etiam est, in hoc modo non secus, ac in primo, esse naturales prædicationes, cum in utroque modo prædicatum subiecto inexistat. quare iniuria sane quidem omnibus Aristotelis expositoribus attribuunt nonnulli, ut ex eorum sententia philosophus unâ duntaxat primi modi dicendi per se conditionem statuatur, videlicet, prædicatum esse

esse de subiecti definitione, unamq; secundum subiectum, scilicet, esse de conceptu
 prædicati; quia si omnes sentiunt, prædicationes per se potissimam demonstra-
 tionem ingredientibus esse ex mente philosophi naturales, ex eius quoque senten-
 tia affirmare coacti sunt, utriusq; modi prædicatum subiecto inesse debere, quod
 tamquam præceptum in hoc contextu ab Aristotele traditum supponentes, alio-
 quin, asserere non potuissent, prædicationes per se esse naturales, quærun-
 dat modum, quo prædicata in primo, & in secundo modo debeant inesse, in pri-
 mo, ut sint de quiditate subiecti, in secundo, uero, ut subiecta sint de eorum defi-
 nitione. Ecce, ipsos etiam ex mente philosophi, duas utriusque modi conditiones
 statuere, unam explicite, alteram implicite. Quæ cognitæ ab omnibus, ferè Ari-
 stotelis explicatoribus ueritate, non potuerunt uerba illa (*ὅτι αὐτὰ καὶ ἐν τῇ ὁρί-
 σει*, & quæ sequuntur), sic exponere, ut eis attribuitur, uidelicet, quæcumque præ-
 dicata insunt in definitione, ita ut uerba illa (*ἐν τῇ ὁρίσει*) id est, in definitione, si-
 gnificent id, in quo prædicatum inesse dicitur, quoniam supponitur ab illis (ut
 diximus), prædicata in utroque modo inesse subiecto, non in definitione, cum na-
 turaliter definitionem inesse, non subiecti ab omnibus, ex sententia philosophi cō-
 cedatur; sed exponunt, omnia prædicata, quæ naturaliter de subiecto prædican-
 tur in eo quod quid est, ita ut in eius definitione sumantur, esse in primo modo
 dicendi per se, & quæ de subiecto naturaliter prædicantur, ita ut in eorum defini-
 tione ponatur subiectum, esse in secundo modo. Cum itaque in utroque modo
 sint prædicationes naturales, clare patet, primum modum nunquam secundum,
 nec secundum unquam, posse fieri primum, alioquin in illis daretur prædicatio
 præter naturam, si enim hæc propositio in primo modo, uidelicet, homo est ani-
 mal rationale, quæ habet naturalem prædicationem, per terminorum conuersio-
 nem fieret in secundo, ut animal rationale est homo, absque ullo dubio in ea fie-
 ret prædicatio præter naturam.

De causa, super qua fundatur secundus modus dicendi per se.

C A P. X I I I.

HIS hac ratione explicatis, uidendum nunc est in quo genere causæ funde-
 tur hic secundus modus, in causa enim materiali ex qua, & formali minime,
 quia solum ad primum modum pertinent, principaliter (ut diximus) una, altera
 uero ex consecutione; nec etiam in causa efficiente, & finali, quoniam solum
 quartum modum constituunt, ergo, in nulla, secundus igitur modus essentialem
 terminorum connexionem non habebit, quamobrem eius propositiones non erunt
 per se. Soluit D. Thomas hanc dubitationem pro cuius solutionis intelligentia
 aduertendum est, materiam duplicem esse, unam internam, quæ est altera pars
 compositi, nuncupaturq; materia ex qua, altera uero externam, quæ dicitur mate-
 ria in qua, seu subiectum actu existens ex materia, & forma compositum, ut homo,
 qui compositus est ex substantia animata sensitiva, & rationalis qualitate, quæ
 respectu hominis forma, respectu uero hominis proprietatum est causa effe-

Atrix; quare accidens proprium à subiecto ex duplici genere causæ fluere uide-
 A tur, primum quidem ut à materia in qua, deinde ut ab efficiente. hoc posito, in-
 quit D. Doctor, omnem propositionem, in qua de subiecto accidens proprium
 prædicatur, esse per se duobus simul modis, secundo, & quarto, propter illam
 duplicem derivationem accidentis proprii à subiecto, nam quatenus oritur ab
 eo ut à causa efficiente, eatenus est per se quarto modo, quatenus autem ab eo-
 dem subiecto nascitur ut à materia externa, eatenus per se est secundo modo, qui
 hoc discrimine à primo discrepat, quia ad primum pertinet materia interna eo
 modo, quo diximus, ad secundum autem pertinet materia externa. affirmat ita-
 que D. Thomas, secundum modum fundari in materia externa, quæ reducitur
 ad genus causæ materialis, & cum suis proprietatibus nexum facit essentialem.
 Nonnulli contra tantum uirum insurgunt, ac dicunt, eum absq; ullo dubio hac
 in re falsum esse, quia si sola pendentia accidentis proprii à subiecto ut à mate-
 B ria externa facit essentialem connexum, & secundum modum dicendi per se con-
 stituit, sequitur, omne accidens, etiam commune, de subiecto prædicari secundo
 modo dicendi per se, quoniam non minus accidens commune, quam proprium
 à subiecto pendet tamquam à materia externa, neq; apparet cur subiectum ma-
 gis dicatur materia accidentis proprii, quam communis; itaque si duas has in-
 ter se conferamus propositiones, homo est risibilis, & homo est albus, eo tantum
 discrimine different, quia illa erit per se duobus modis simul, secundo, & quar-
 to; hæc uero secundo solum, non quarto, quod est manifeste falsum, & nega-
 tum ab Aristotele, qui accidentia communia dixit prædicari de subiecto per ac-
 cidens, non per se, & ab eis uoluit constitui modum prædicandi ex accidenti, qui
 ex aduerso respondet primis, ac secundo modis dicendi per se. præterea, statuit
 Aristoteles propriam esse, ac præcipuam secundi modi conditionem, non quartam, ut
 subiectum ponatur in definitione prædicati, ergo quidquid in causa est ut prædica-
 C tum sumat in sua definitione subiectum, illud omne ad secundum modum pertinere
 dicendum est, non ad quartum; quid igitur in causa est, ut risibile sumat in sua de-
 finitione hominem subiectum? non ne quia homo est illius accidentis causa? uti-
 que, sed quænam causa? materia ne, an effectrix? si materia, ergo etiam album su-
 met in sua definitione hominem, eadem n. ratio uiget, cum subiectum sit materia ex-
 terna et ratione accidentis communis, quare etiam accidens commune inerit in
 subiecto per se; quod quidem nemo crederet; si effectrix, ergo hæc facit ut subie-
 ctum sumatur in definitione accidentis, proinde secundum modum constituit,
 non quartum, alia namque pendentia à subiecto præter eas duas non remanet,
 ut etiam D. Thomas fatetur, ergo pendentia à subiecto ut à causa effectrice ad
 secundum modum pertinet, quia sine hac non seruatur propria illius modi
 conditio, ut, scilicet, subiectum sumatur in definitione prædicati. Confutata
 D. Thomæ opinione, dicunt, eum in hoc recte sensisse, quia putauit duobus
 D tantum modis accidens proprium à subiecto pendere, sed in eo deceptum es-
 se, quoniam dixit, alteram pendentiam constituere secundum modum, al-
 teram uero quartum, nam utramq; ad secundum modum pertinere,

neutram ad quantum constanter asseuerant idq; Aristotelem ipsum significasse affirmant per duas illas secundi modi conditiones, quæ antea declarata fuerunt, quoniam enim subiectum est materia externa accidentis, ideo dixit, prædicatū in subiecto propositionis extra animum inexistere, hæc tamen conditio non est propria secundi modi dicendi per se, cum competat etiam prædicationi ex accidenti, quoniam uero idem subiectum est etiam causa effectrix eiusdem accidentis prædicati, ideo dixit, subiectum sumi in definitione prædicati, quæ est propria secundi modi conditio, quam si ab eo auferamus, & quarto modo tribuamus, nulla secundo modo remanebit propria conditio, quæ à reliquis modis distinguatur.

A prædictis obiectionibus D. Thomas defenditur.

C A P. XLIII.

Si uerba D. Thomæ recte intelligantur, tantum abest ut hac in re deceptus sit, ut potius ueritatem sit maxime assecutus, dum enim dicit, accidens propriū fluere à subiecto, non excludit causam efficientem, quoniam per subiectum intelligit materiam in qua, id est, subiectum ex materia, & forma compositum, quæ quidem forma est etiam causa efficiens proprietatum eiusdem subiecti, ut patet de homine, qui compositus ex materia, & forma, dicitur subiectum, de quo accidens proprium per se prædicatur, nempe, risibile esse, accidentaliter uero accidens commune, uidelicet, album esse, quoniam illud speciei; hoc autem indidui principia sequitur; quando igitur D. Doctor inquit, accidens proprium pendere à subiecto, sensus eius dicti est, accidens proprium fluere ab efficiente in materia; quando uero ait, illud pendere ab eodem subiecto ut à causa efficiente, non intelligit subiectum compositum, sed solam subiecti formam, quæ (ut diximus) proprietatum effectrix est, quia homo sumptus pro forma solum, est etiam effectrix risibilitatis. Cum itaque subiectum, uidelicet, homo, ratione suarū proprietatū possit capi duobus modis, uel pro composito ex materia, & forma, uel pro forma tantum, quod perinde est, ac si dicatur, uel pro efficiente in materia, uel pro efficiente absq; materia; hinc est, ut D. Thomas dixerit, accidens proprium pendere à subiecto in duplici genere causæ, materialis scilicet, & efficientis, licet re uera sit una pendentia, uidelicet, à forma, quæ iuncta materiæ ex qua facit in ordine ad specificas proprietates unum causæ genus, quod materia externa, seu materia in qua nuncupatur, ad genusq; causæ materialis reducitur; separata uero à materia facit aliud causæ genus, qd efficiens appellatur. Si itaque accipiat hunc subiectū proprie, id est, pro composito ex materia, & forma substantia D. Th., fundat secundum modum dicendi per se ratione priorum accidentiū, quæ essentialia subiecti principia sequuntur, & cum subiecto conuertuntur, ut postulat secundus ille modus, non autem ratione accidentium communium, quæ nec,

- A** essentialia subiecti principia sequuntur, nec cum subiecto reciprocantur, sed solum ab eius complexione fluunt; si uero accipiat subiectum pro forma solū, quæ ratione proprietatum est (ut diximus) causa efficiens, constituit quartū modum, non in conclusione, ut uidetur uelle. *D. Doctor*, quia ibi consideratur ut compositum, seu ut efficiens in materia, & proinde constituit secundum modū, sed in maiori propositione, quod inferius aliqua probabilitate (nisi fallimur) contra communem opinionem explicabimus, hac posita. *D. Thomæ* uerborum intelligentia, ad rationes in oppositum formaliter respondemus, & primo ad primam, negando consequentiam, ut scilicet omne accidens, etiam commune, de subiecto prædicetur per se secundo modo. Ad probationem, concedimus, oīa accidentia deriuari à subiecto tamquā à materia externa, sed deriuatio non est oībus eadē, nā propria deriuatur à subiecto per se, communia uero per accidens, sicuti subiectum est proprium externa materia per se, communium uero per accidens, ex quo patet, ut alio discrimine differant illæ duæ inter se collatæ propositiones, uidelicet, homo est risibilis, & homo est albus; differunt quidem, quoniā prædicatum primæ per se conuertibiliter de subiecto dicitur, & ab eo essentialiter emanat, hinc optime propositio illa ponitur in secundo modo dicendi per se; prædicatum uero secundæ per accidens de subiecto non conuertibiliter affirmatur, & cum eo nexum essentialē non habet, hinc falso dicitur, eam esse in secundo modo dicendi per se, cum nullo pacto sit per se, ut apparet per ea, quæ diximus sub capitis initium, & ex diuersis responsionibus, quæ ad illas dari solēt; si quis enim interrogaret nos, quare homo est risibilis, & quare homo est albus? Ad primam responderemus, quia homo, ergo risibile per se inest homini, in diuersis tamen modis, prout ex mente. *D. Thomæ* diuersimode accipitur homo, si enim accipiat pro composito ex materia, & forma, inest ei in secundo modo, si uero sumatur pro forma tantum, inest in quarto. Ad secundam respondemus, quia Socrates est albus, ergo accidit homini ut sit albus, non autem ut sit risibilis; si itaque propositio illa, homo est albus, non est per se, non erit etiam in secundo modo, cum destructo magis uniuersali, destruat quoque minus uniuersale. Ad secundam uero rationem respondentes, concedimus ex mente philosophi, propriam esse, ac præcipuam secundi modi conditionem, non quarti, ut subiectum ponatur in prædicati definitione, quando scilicet subiectum sumitur pro materia in qua, & in prædicati definitione ponitur ut differentia, at quando accipitur solum pro forma subiecti, ut tamen est passionis causa effectrix, & in prædicati definitione tanquam externa causa ponitur, quarti modi conditio est, ut infra à nobis copiose declarabitur, quando examinabimus in quo modo dicendi per se sit maior propositio potissimæ demonstrationis, non recte igitur (quantū coniecere possumus) inferre uidentur, ergo quidquid in causa est, ut prædicatum sumat in sua definitione subiectum, illud omne ad secundum modum pertinere dicendū est, nō ad quartum. Quando uero ad id probandum subdunt, quid igitur in causa est, ut risibile sumat in sua definitione hominem subiectum? Respondemus cum illis, quia homo illius accidentis causa est; quando posita quærun-

quænam causa sit homo suarum proprietatum, respondetur pro D. Tho. **A**
 ma, uel ut tantum effectrix, uel ut efficiens in materia; ut tantum effe-
 trix, si accipiat homo solum pro forma substantiali, quæ ut effectrix pro
 priarum passionum, à materiaq; seiuncta efficit quartum, non secundum mo-
 dum, ut inferius apparebit; quamuis enim hæc effectrix causa faciat ut su-
 biectum sumatur in accidentis proprii definitione, non sequitur, ut proinde se-
 cundum modum constituat, nisi quando est annexa materiæ, cum ex duabus su-
 biecti partibus sola forma in causa sit, ut totum subiectum sumatur in definitio-
 ne priorum accidentium; ut uero efficiens in materia, si accipiat homo
 pro toto subiecto, ex hoc tamen non sequitur quod illi inferunt, ergo etiam al-
 bum sumet in sua definitione hominem, quia non eodem modo eadem uiget ra-
 tio, ut supra dictum est; non fuit igitur deceptus. D. Thomas quando dixit,
 alteram pendentiam accidentis proprii à subiecto constituere secundum mo-
 dū, alteram uero quartū. Quod demum ad Aristotelis confirmationem spectat, **B**
 ab eo nihil aliud loco citato habemus, nisi efficiens in materia constituere secun-
 dum modum dicendi per se, id est, subiectum actu existens, quod nihil aliud est,
 quam efficiens in materia, sumi in definitione prædicati, quam conditionem fate-
 mur esse propriam secundi modi, nec ab eo illam auferimus, & quarto tribuimus
 eadem ratione, alioquin nulla propria conditio secundo modo remaneret, quæ
 à reliquis distingueretur, sed eam utrique modo diuersa tamen ratione adapta-
 mus, in secundo enim ex mente philosophi dicimus subiectum propositionis, &
 rei, quod est efficiens in materia, seu subiectum ex materia, & forma compositū
 sumi in definitione accidentis proprii ut differentiam, & propterea ut eius pars
 essentialis, in quarto uero subiectum propositionis solum, quod est altera
 pars compositi, uidelicet, forma subiecti, sumi in definitione eiusdem accidentis
 proprii ut propter quid, & causam extra ueram eius essentialis, unde patet, hos
 duos modos non confundi, ut infra declarabitur. Ex iis igitur, quæ hucusque di-
 cta sunt, colligitur, quæcumque non sunt prædicata uel primi, uel secundi mo-
 di dicendi per se, accidentia esse in hunc sensum, quatenus scilicet à primo, & à se-
 cundo modo distinguuntur, ut gratia exempli, animal est musicum, seu, animal
 est album; nam musicum, & album, quæ sunt prædicata, non ponuntur in defini-
 tione animalis, quod est subiectum, hinc patet, propositiones illas non esse in pri-
 mo modo dicendi per se, neque etiam esse in secundo, quia subiectum non ponit-
 ur in definitione prædicati, id est, animal non ponitur neq; in musici, neque in al-
 bi definitione.

De tertio, & quarto modis per se.

C A P. X V.

Explicatis duobus modis per se, primo scilicet, & secundo, reliquos aggredi-
 mur, & primo tertium, quem dicimus non efficere prædicationem, in eo
 enim ex sententia philosophi id collocatur, quod de subiecto non dicitur, ut sub
 stantia prima, quæ de subiecto non prædicatur; quare nec substantiæ secundæ, **D**

- A** nſque ulla accidentia ſunt in hoc tertio modo, nam de ſubſtantiis ſecundis, & uni-
verſalibus accidentibus clariffimum eſt, cum de ſubieſto, id eſt, de ſibi inferiori præ-
dicentur, eſt etiam manifeſtum de ſingularibus accidentibus, quæ licet univoce
prædicatione de ſubieſto, id eſt, de ſibi inferiori non prædicentur, quod requirit
prædicatione univoce, prædicantur tamen de ſubieſto, id eſt, de ſubſtancia prima de
nominativa prædicatione, quæ eſt, quando forma accidentalis, ſeu inherens, ex-
terna, vel interna de ſubieſto prædicatur, veluti quando dicimus, Socrates eſt al-
bus, riſibilis, & huiusmodi, quæ quidem igitur de ſubieſto non dicuntur, ſunt per
ſe in tertio modo, quæ vero de ſubieſto dicuntur, accidentia ſunt, non ut vero
accidentia ſint ea omnia, quæ de ſubieſto dicuntur, alioquin ſubſtancia ſecunda
eſſent accidentia, quod falſum eſt, ſed dicuntur eſſe accidentia, quatenus ab iis
contradiſtinguuntur, quæ ſunt per ſe in hoc tertio modo, de quo in præſentia
hæc ſufficiant, cum ſatis, ſuperq; de eo in capite decimo diſputatum fuerit. His
vera eorum cognitione, quæ ad tertium modum ſpectant, ad quartum, & ultimum
explicandum accedimus, afferentes, eam eſſe, in quo ponuntur cauſæ extrinſecæ
ratione eſſentiæ eorum effectuum, quos producant, ut patet de animali rationa-
li, & terræ interpoſitione, quæ dicuntur eſſe extra eſſentiam riſibilitatis, & eclipsiſ;
hæ autem extrinſecæ cauſæ ſunt efficiens, & finalis, quæ cauſa efficiens duplex eſt;
B una vera, altera non vera, cauſa efficiens vera ea eſt, quæ non ſemper eſt effectui
annexa, ut videre eſt de ſtatuario ratione ſtatui; non verã autem eſt, quæ ſem-
per cum effectui ſub qualibet temporis differentia eſt coniuncta, talisq; nomine
nuncupatur, non quia ſit falſa, ſed quoniam recedit à natura cauſæ efficientis ve-
ræ, ut manifeſtum eſt de animali rationali reſpectu riſibilitatis, nec non de terræ
interpoſitione reſpectu Lunæ defectus, nam poſito animali rationali, terræq; inter-
poſitione, ponitur riſibilitas, atq; Lunæ defectus, & e contra; nec non remoto a-
nimali rationali, terræq; interpoſitione, remouetur riſibilitas, ac Lunæ defectus,
& e conuerſo. hæc non vera cauſa efficiens conſiderata ut efficiens, vel ſit cum
effectui, quem producit; eadem ſubieſto, atq; ideo interna, ut animal rationale
cum riſibilitate in homine; vel ſit ſubieſto diuerſa ab eo, id eſt, ſubieſto ſeparata,
& propterea externa, ut terræ interpoſitio cum Lunæ defectu, nunquam amittit
naturam cauſæ efficientis; proinde non ſecus, ac vera, ponitur in quarto modo,
C qui licet à primo, ſecundoq; diſtinguatur, quoniam primus principaliter (ut di-
ctum eſt) fundatur in cauſa formali, conſequenter autem in cauſa materiali ex
qua; ſecundus in cauſa materiali in qua; ipſe vero in cauſa efficiente, quæcum-
que illa fuerit, ac finali, ad utrumq; tamen reducibilis eſt, ut infra apparebit.
nec ſententiæ noſtræ repugnat Averrois auctoritas in primo Poſt. Com. trigeſi-
mo quarto, ubi videtur velle, ab efficiente interno conſtitui ſecundum modum,
ab eo enim nihil aliud habemus, niſi efficiens internum unã cum materia ex qua
ſecundum modum conſtituere, quod etiam nos concedimus, efficiens autem in
eternum, ut conſideratur ſine materia ex qua, quem modum dicendi per ſe con-
D ſtituat, non habetur in illo Commento. ad vero in demonſtratione poſſiſſima
decur huiusmodi internum efficiens ſine materia ex qua conſideratum, inferius

aperiemus; nunc satis sit, ut omnes causæ efficientes per se in hoc quarto modo sint illæ, à quibus prouenit effectus, ut gratia exempli, statuarius dicitur esse per se causa efficiens statuæ, & animal rationale risibilitatis, cum à statuario statua, & ab animali rationali proueniat risibilitas. causæ uero per accidens his per se causis respondentēs sunt illæ, à quibus effectus non prouenit, ut policletus, homo, animal, album, musicum, & similia, cum ab eis statua non proueniat, nec risibile ab albo, musico, calido, frigido, & huiusmodi, sed illa statuarius, & hæc animal rationali accidunt. Aristoteles in causis per se exemplificauit de iugulato, qui iugulatione perit, in causis uero per accidens de ambulante, & coruscatione, accidit enim ut aliquo ambulante coruscauerit, non autem ut iugulatus iugulatione intereat.

Declaratur contextus decimus primi libri Posteriorum.

C A P. XVI.

Quoniam non omnes modi prædicandi per se potissimam demonstrationem ingrediuntur, munus philosophi erat post enumerationem eos eligere, qui huiusmodi demonstrationi conueniunt, quod præstat Aristoteles in decimo contextu primi Posteriorum, quem non erit ab repro instituti nostri ratione frin præsentia interpretabimur. inquit ibi philosophus, (Quæ igitur dicuntur in simpliciter scibilibus per se sic, ut insint prædicatis, aut illa insint subiectis, & per ipsa sunt, & ex necessitate.) per quæ uerba uidetur innuere, non fac esse, ut ea per se, quæ inferuiunt potissimæ demonstrationi, sint solum per se, idest, habeant dumtaxat nexum causæ, & causati, quia omnia prædicata per se eo modo, quo determinata sunt per se ab Aristotele, eum habent, sed ut etiam sint ex necessitate, idest, ut habeant nexum illum necessarium. per simpliciter scibilia non intelligit solum conclusiones, ut D. Thomas uidetur affirmare, neque tantum propositiones, ut asserit Ioannes grammaticus, sed totam simpliciter demonstrationem, quod in simpliciter scimus, per simpliciter demonstrationem scimus; sensus itaque uerborum philosophi huiusmodi est. quæ sumuntur in potissimis demonstrationibus per se sic, idest, hunc in modum, ut, scilicet, subiecta insint prædicatis, hoc est, ut subiecta habeant essentiam à prædicatis, ex quo oritur primus modus, in primo enim modo definitum, quod est subiectum, habet ut sit à tota definitione, uel ab eius partibus, quæ sunt prædicatum, ut homo ab animali rationali habet essentiam, ab animali inchoatiue, completiue autem a rationali differentia; aut illa scilicet prædicata insint subiectis, idest, habeant essentiam à subiectis, ut risibile ab homine, & ab animali rationali, ex quo non solum secundus, uerum etiam quartus modus efficitur, non tamen semper, sed solum quando causa efficiens non uera adest, cum ipsa ponatur in suorum effectuum definitionibus; hæc (inquam) per se, quæ potissimis demonstrationibus accommodantur, per se sunt, idest, ha-

- A** bent nexum causa, & causati, & ex necessitate, hoc est, habent nexum illum, ut
 cessarium. prædicata in his modis per se habere nexum causa, & causati necessa-
 rium, probat statim philosophus dum ait (non enim contingunt non inesse, aut
 simpliciter, aut opposita, ut lineæ rectum, aut curuum, & numero impar, aut
 par.) ratio hunc in modum formetur, Quidquid non contingit non inesse, aut
 simpliciter, aut opposita, necessario inest, sed prædicata dictorum modorum per
 se non contingunt non inesse, aut simpliciter, aut opposita, ergo prædicata dicto-
 rum modorum per se necessario insunt, maior ueritatem habet eo quia Aristoteles in
 secundo libro Perihermenias capite quarto præcipit, ut propositionem de mo-
 do possibili & contingenti negatam de modo & dicto sequatur, propositio de
 modo impossibili affirmata de modo, & negata de dicto, quam sequatur propo-
 sitio de modo necessario affirmata de utroque, quare ex eius sententia dici po-
 test, non possibile est non esse, non contingens est non esse, impossibile est non es-
 se, necessarium est esse, ergo de primo ad ultimum, quidquid non contingit non
 inesse aut simpliciter, aut opposita, necessario inest. per simpliciter prædicata intel-
 ligit ea, quæ unica dictione proferuntur tam in primo, quam in secundo modo
 dicendi per se, ut animal, risibile, & similia; per opposita uero intelligit ea, quæ op-
 positis dictionibus pronuntiantur, ut rectum, aut curuum simul, nec non simul par,
 aut impar. minor, quæ ponitur in contextu, primum exemplis declaratur, non
 quo ad simpliciter prædicata tam primi, quam secundi modi, quia omnes uno
 ore fateantur, non contingere ea non inesse subiecto, sed quo ad prædicata secun-
 di modi, quæ oppositis dictionibus proferuntur, licet enim sint per se, non uidentur
 tamen subiectis suis inesse necessario, cum possint subiecta permanere sub utroque
 quæ opposito seorsum accepto, ut linea sub recto, & curuo, nec non numerus
 sub pari, & impari, cuius rei ratio est, quoniam non sunt uera subiecta, sed coru-
 pta.
- C** genera, non enim linea est uerum subiectum recti, alioquin omnis linea esset re-
 cta; nec uerum curui subiectum, alioquin omnis linea esset curua, similiter dicen-
 dum est de numero: sed linea est genus ad uerum recti subiectum, & ad uerum
 subiectum curui, numerus quoque genus est ad uerum paris, & ad uerum impar-
 is subiectum. Si itaq; linea potest esse curua, non inest ei ex necessitate rectum;
 & si potest esse recta, ei necessario curuum non inest, eodem modo se res habet de
 numero ratione paris, & imparis; at si coniunctim cum particula disiunctiua hæc
 contraria accipiuntur, non contingunt non inesse subiecto, idest, necessario in-
 sunt subiecto, propterea quod ex illis unum efficitur proprium. Minor propo-
 sitio, quæ exemplis declarata fuit, ratione quoq; probatur in statim subsequenti-
 bus uerbis, (est enim contrarium, aut priuatio, aut contradictio in eodem gene-
 re; ut par, quod non impar in numeris, in quantum sequitur.) pro intelligentia
 huius probationis iuniores memoria repetere debent quæ dicta sunt ab Aristo-
 tele in post prædicamentis capite de oppositis, ubi affirmat, oppositionem contra-
 riorum medio carentium similem esse priuatiuæ, & contradictoriæ oppositioni,
 sicut enim in oppositione priuatiuæ seruatis eius conditionibus, & in oppositio-
 ne contradictoria oppositorum alterum necessario inest subiecto, ita in opposi-

tione contrariorum, quæ medio carent; cuius rei ratio est, quia eorum alterum
 non solum est alteri contrarium, sed etiam gerit vicem sui contradictorii, ut ui-
 dere est de pari, & impari, nec non de recto, & curuo, nam par non solum est im **A**
 pari contrarium, & rectum curuo, sed etiam contradictorium, idem enim valent
 par, & non impar in numeris, nec non rectum, & non curuum in lineis, quamob-
 rem Aristoteles in textu dixit, (ut par, quod non impar in numeris, in quantum
 sequitur,) id est, certe consequitur in numeris par, quod non impar, seu, in nume-
 ris idem certe significant par, & non impar; sicuti igitur contradictoria sunt im-
 par, non impar, curuum, & non curuum, ita par, & impar, nec non rectum, & cur-
 uum. his positis, dicit philosophus, illa per se, quæ prædicantur per opposita, id est,
 per contraria medio carentia, ut patet exemplis in contextu positis, non contin-
 gere non in se subiecto, quia contrarium est aut priuatio, aut contradictio in
 eodem genere, id est, in eodem subiecto. inuento medio, minor illa propositio hoc
 syllogismo concludi potest, quidquid est aut priuatio, aut contradictio in eodẽ
 genere, non contingit non in se subiecto, sed contrarium immediatum est aut
 priuatio, aut contradictio in eodem genere. ergo contrarium immediatum nõ **B**
 contingit non in se subiecto; quoposito syllogismo, prosyllogismo utendum
 est sic, contraria immediata non contingunt non in se subiecto, ut probatum
 est, sed illa per se, quæ prædicantur per opposita, sunt contraria immediata, ut ex
 exempla indicare videntur, ergo illa per se, quæ prædicantur per opposita, non
 contingunt non in se subiecto. probata minore illa propositione, ex dictis hæc
 conclusionem philosophus colligit, (quare si necesse asserere, aut negare, necesse
 est per se in se.) quorum verborum sensus est, si de quolibet necesse est ut uel af-
 firmatio, uel negatio sit uera, ita uerum est, ut ea per se, quæ prædicantur per op-
 posita, necessario insint subiecto. clare itaque patet ex nostra interpretatione,
 quæ communis est, selectionem fieri ab Aristotele in hoc decimo contextu eo-
 rum modorum per se, qui potissimam demonstrationem ingrediuntur, quoniã
 non omnes hoc munere funguntur ut eam ingrediantur, sed illi solum, quorum
 nexus causæ & causati est necessarius, seu definitiuus, hi autem sunt, primus, secū-
 dus, & quartus, qui cum primo, & secundo concurrit, quando accipitur causa ef-
 ficiens non uera, hæc enim siue prædicetur de causato, siue causato subiiciatur,
 semper ponitur in tota essentiali definitione causati, ut infra declarabitur, non
 autem quando sumitur causa efficiens uera, quia tunc quartus modus in huius-
 modi causa fundatus non posset concurrere nec cum primo, nec cum secundo
 modo dicendi per se, idcirco nõ esset utilis prædictæ demonstrationi; & quam-
 uis huiusmodi causæ efficientes effectum non concomitantes sint iis multo
 plures, quæ semper effectui sunt annexæ, non est tamen assertiue dicendum, Ari-
 stotelem in declarandis modis dicendi per se, utilibus in decimo contextu de
 quarto absolute nullam mentionem fecisse, quia & si uerum est de
 causa efficiente uera, est tamen falsum de causa efficiente **D**
 non uera, ut clarius apparebit in capite
 octauo quarti libri.

A *Ex aliorum sententia impugnatur communis interpretatio super decimo contextu primi posteriorum sub initium, eaq; defenditur.*

CAP. XVII.

Communis interpretatio, quam nos secuti sumus in explicatione eorum verborum, quæ sub initium decimi contextus leguntur, uidelicet, (Quæ igitur dicuntur simpliciter scibilibus per se sic, ut insunt prædicatis, aut illa insunt subiectis, & per ipsa sunt, & ex necessitate,) hæc est, illa, quæ sunt per se aut primo, aut secundo modo, & per se sunt, & necessaria. quam interpretationem nonnulli impugnant, eo quia in ea est nugatio manifesta, cum idem de se ipso prædicetur, dum dicitur, quæ sunt per se sunt per se, cuius erroris in causa fuit praua græcorum uerborum in latinum sermonem conuersio, ubi n. Aristoteles ait (δι' αὐτὰ τὰ ὅτι, καὶ ἐξ αὐτῶν) non bene dicitur latine (& per ipsa sunt,) sed dicendum est (propter ipsa) id enim occasione dedit existimandi, uerba illa (per ipsa) significare per se; sed clarum est, eam præpositionem (διὰ) ibi significare, propter, ut eandem acceperat Aristoteles in contextu præcedenti loquens de quarto modo dicendi per se, dixerat enim, (quod propter ipsum inest unicuique, est p se, quod uero non propter ipsum, accidens,) ubi dictio illa, propter, significauit causam, nam sensus fuit, quando terminorum alter alterius causa est, dicitur esse per se, sed quando neuter est causa, ex accidenti esse dicitur; quare etiam in principio sequentis contextus eadem dictio significat causam, ut etiam ipse illorum textuum connexus omnino requirit; nam scopus Aristotelis in illa enumeratione modorum dicendi per se nullus alius fuit, quam inuenire propositiones summe necessarias, ergo, modis illis omnibus expostis, debuit docere qui nam modi necessitatem habeant, & qui non habeant, & illos quidem accipere, hos autem dimittere, quod quidem facit in illo contextu decimo secundum sectionem ueterem, cum enim in quarto modo dicendi per se dixisset inesse causam, & id, quod est propter ipsum, statim subiungit, duos priores modos dicendi per se non modo significare causam, sed etiam habere necessitatem, ut sensus sit, illa quidem, quæ dicuntur per se quarto modo, propter ipsa sunt, sed necessitatem prædicationis non habent; illa uero, quæ dicuntur per se primo, uel secundo modo, & propter ipsa sunt, & necessaria; illis igitur solis duobus modis necessitatem tribuit, & alios reiecit, ut communis interpretationis defensio facilius percipi possit, animaduertendum est, non esse nugationem, quando genus de speciebus, uel multiplex aliqua uox de suis significatis prædicatur, quia tunc communius de minus comuni prædicatur, bona n. prædicatio est, quando dicitur, animal rationale est animal, uel, canis latrabilis est canis, quia in plus se habet animal, quam animal rationale, & canis, quam canis latrabilis. hoc posito, dicimus, in comuni illa interpretatione nullam esse nugationem, quia non ait, quæ sunt per se esse per se, ut ei imponitur, sed asserit, quæ sunt sic per se

ut insint prædicatis, aut illa sint in subiectis, & per ipsa esse, idest, & per se esse, & ex necessitate, quæ communis interpretatio nihil aliud ianueri uidetur, nisi ut ea, quæ sunt per se uel in primo, uel in secundo modo, addimus nos, uel in quarto reducibili ad primum, & secundum, & per se sint, & ex necessitate, in qua prædicatione non idem de se ipso, sed uox multiplex de aliquibus suis significatis, & propterea communius de minus communi prædicatur, quare tantum abest, ut in ea sit negatio, ut potius sit bona, & naturalis prædictio, cum in subiecto illius propositionis sit (per se) contractum, & in prædicato communiter acceptum. Quatenus uero ad id, quod aiunt, non debere latine legi, per ipsa, sed propter ipsa, quia clarum est, eam præpositionem (*διὰ*) in illis uerbis significare (propter), ut eandem acceperat Aristoteles in contextu præcedenti, sed ibi dictio illa significauit causam. nam sensus fuit, quando terminorum alter alterius causa est, dicitur esse per se, sed quando neuter est causa, ex accidenti esse dicitur, quare etiam in principio huius decimi contextus eadem dictio significat causam; non uidetur mihi ratio adeo ualida, quoniam cum dicitur (per ipsa, seu, per se) ut affirmat communis interpretatio, significatur etiam, terminorum alterum alterius causam esse, propterea quod in omnibus significatis ipsius (per se) est nexus causa, & causati, hunc itaque sensum communis interpretatio habere uidetur, ea scilicet, quæ sunt per se sic, ut insint prædicatis, aut illa sint in subiectis (quibus uerbis comprehendit philosophus primum, secundum, & quartum modum, non totum, sed eius partem, nimirum, quando causa efficiens est semper annexa causato), & per se esse, idest, habere nexum causa, & causati, atque ex necessitate, hoc est, habere nexum illum necessarium, ratione cuius excluditur à potissima demonstratione quartus modus, quando, scilicet, sumitur causa efficiens uera, quæ non est semper coniuncta cum causato, in quibus modis per se non sine artificio progressus est philosophus, ut denotaret, diuersum in illis esse huiusmodi nexum causa, & causati, nam de primo dixit, prædicata esse de quiditate subiecti, quia in illo est nexus causa formalis, & causati principaliter, consequenter autem causa materialis ex qua; de secundo, subiecta esse de essentia prædicati, quoniam in eo est nexus causa materialis in qua, & causati; de quarto uero, quod quidem propter ipsum inest unicuique; per se dico, propterea quod in eo est nexus causa externa, & causati; quare optime philosophus apposuit ibi præpositionem illam (*διὰ*) dum dicit, *Ἐν δὲ ἑκάστῳ τῶν πρῶτων, τὸ μετὰ τὸ αὐτὸ ὑπάρχειν, ἡ καὶ αὐτὸ, (& quæ sequuntur), idest, item alio modo, quod quidem propter ipsum inest unicuique, per se, & cætera, nam dictio illa (propter) ut plurimum denotat causam efficientem, & finalem, ut propter terræ interpositionem fit priuatio luminis solis in luna, propter animal rationale est aptitudo hominis ad ridendum, propter solum pater amat præceptorem, & huiusmodi. Si igitur in principio huius decimi contextus debet accipi præpositio illa (*διὰ*) sicuti sumpta fuit in calce noni, & ibi (ut omnibus clarum est) sumpta fuit, ut significat causam efficientem, & finalem, sequitur etiam hic eam accipi, ut significat huiusmodi causas, quando igitur philosophus ait, Quæ sunt per se sic, ut insint prædicatis, aut illa sint in*

- subiectis, propter ipsas sunt, & ex necessitate,) sensus illorum verborum esset, **A** primum, & secundum modum, non secus ac quartum, habere nexum causae efficientis, ac finalis, & causati, quod non videtur cum veritate convenire: quare fortasse melius dici posset, Aristotelem in principio huius decimi contextus accipere (*διὰ*) pro (*κατὰ*) , ut (*δι' αὐτὴν*) pro (*καθ' αὐτὴν*) idest, propter ipsa, pro, per ipsa, seu pro per se, ut ferè omnes communiter interpretantur, cuius interpretationis auxilio, & eorum verborum sensus, & scopus optime colligitur contra illorum sententiam, qui asserunt, eorū verborum neque sensum, neque scopum ab aliquo hactenus plene intellectum fuisse. (*διὰ*) vero non solum cum casu generandi accipi pro (*κατὰ*) , idest, significare (per), sed etiam cum casu accusandi, patet apud eisdem, qui convertentes in latinum sermonem verba illa philosophi in calce decimi noni contextus, uidelicet, (*Δι' αὐτὸ ἀπὸ θεοῦ καὶ τὸ μέσον τῆς τρίτης, & τὸ πρῶτον τοῦ μέσου ὑπάρχειν.*) inquirunt, per se igitur oportet & medium tertio, & primum medio inesse. Ecce, eos accipere (*δι' αὐτὸ*) pro (*καθ' αὐτὸ*) . & hæc **B** pro communis interpretationis tutela diximus, si quis tamen hac in re melius iudicaverit, approbare non verebimur. Demum sumunt quod negligunt, nam si ex eorum sententia Aristoteles vult modos per se necessitatem habentes seligere à non habentibus, & in hoc decimo contextu probat modos per se potissimā demonstrationi ingredientes non solum habere nexum causae, & causati, quæ conditio communis est omnibus modis per se prædicandi, sed etiam habere nexum illum necessarium, quæ conditio solum primo, & secundo modo dicendi per se convenit, & quarto non semper, sed quando cum illis concurrat, ergo in hoc decimo contextu modos demonstrationi utiles ab inutilibus seligit.

De tertia conditione ad necessarium essentiale requisita, uidelicet, de universali posterioristico.

- C** *Explicata secunda conditione ad necessarium essentiale requisita, reliquum est, ut tertiam, & ultimam declaremus, uidelicet, prædicatum uniuersale, in quo posita est tota essentia potissimæ demonstrationis; quare pro eius intelligētia aduertendum est, uniuersale in duplici differentia esse, unum pro prima intentione, alterum pro secunda. relicto uniuersali pro prima intentione, quæ ad Logicum non spectat nisi pro ut in ea fundatur secunda, accipimus uniuersale pro secunda intentione, quæ dicitur etiā ens rationis, & à Logico principaliter consideratur. Sed hoc uniuersale, cum sit multiplex, non æque in omnibus Logicæ partibus accipitur; ut igitur cognosci possit quæ*

- D** *nā sit illa uniuersalis significatio à posterioristico considerata, non erit ab re in medium afferre quæ sint huius uniuersalis significatā in communi, dici-*

mus itaq; uniuersale hoc Logicum sumi aliquando pro natura quadam com-
muni nata apta de pluribus prædicari, de quo uniuersali egit Porphyrius in
prædicabilibus, & Aristoteles in libro perihermenias; uel accipi interdum pro A
signo distributiuo uniuersalitatís, quod solet appellari nota quantitatis, sicuti
est, omne, & nullum, de quo egit philosophus in eodem libro perihermenias; de
quod sumi pro prædicato primo, idest, pro eo, quod dicit conuersionem prædi-
cati cum subiecto, & hoc appellatur uniuersale posterioristicum, de quo uerba fe-
cit philosophus in primo Posteriorum contextu undecimo, attribuens ei tres cõ-
ditiones, uidelicet, dictum de omni, per se, & secundum quod ipsum, ut earum
ope illud separaret à quolibet alio Logici uniuersalis significato, ne intellectus
addiscētium redderetur confusus, si ante eius diuisionem, cum multiplex sit, illud
definiuisset; unde apud me aliquid difficultatis patitur communis interpretatio,
ut, scilicet, duas prædicati uniuersalis definitiones in undecimo illo contextu
philosophus posuerit absque eius distinctione ab aliis uniuersalis Logici signifi-
catis. distinctio itaque uniuersali posterioristico à quolibet alio Logici uniuersa-
lis significato, rationi consentaneum est, ut illud cum Aristotele definiamus,
dicentes, (uniuersale posterioristicum esse tunc, quando in quolibet, & primo B
monstratur.) ex qua definitione elicitur, duas conditiones requiri ad prædica-
tum uniuersale posterioristicum, quarum prima est, ut conuertatur cum subie-
cto, nam si in quolibet est, apparet, illud non esse minus commune, quàm subie-
ctum, præterea, si primo monstratur, signum est, subiectum non esse minus com-
mune, quàm prædicatum, patet itaque uniuersale posterioristicum dicere conuer-
sionem prædicati cum subiecto. Secunda conditio est, ut de subiecto demonstre-
tur, ex hoc tamen non sequitur, definitionem subiecti non esse prædicatum uni-
uersale, quamuis de subiecto non demonstratur, ut suo loco declarabimus,
quia uniuersale, quod cum Aristotele definiuimus, est uniuersale conclusionis,
hinc colligitur, ei duas istas conditiones requiri; at in principiis sat est, ut uni-
uersale dicat conuersionem prædicati cum subiecto, supponendo tamen sem-
per prædicationem per se, quo circa manifestissime apparet, prædicationem
generis uel de altera separatim, uel de utraque simul differentia diuidentem non C
esse uniuersalem, quia neque genus de differentiis suis diuidentibus, neque
huiusmodi differentie de genere prædicantur per se eo modo, quo determi-
natum est per se ex sententia philosophi in superioribus capitibus. sed aduer-
tendum est, hæc tria, uidelicet, uniuersale, secundum quod ipsum, & pri-
mum, concurrere in unum, & idem, nam quod competit alicui secundum
quod ipsum, competit etiam eidem uniuersaliter, & primo, ut gratia exem-
pli, risibile competit homini secundum quod ipsum, ergo uniuersaliter, ac pri-
mo, & è conuerso, risibile competit homini primo, ergo uniuersaliter, & secundum
quod ipsum. Facta mentione de prædicato primo, non est silentio prætereunda
dum, prædicatum primum dici tale duplici primitate, subiecti, scilicet, & causæ:
primitas subiecti est, quando inter subiectum, & prædicatum non cadit aliud D
subiectum medium, cui primo competat illud prædicatum, ut quando di-

- cius, homo est risibilis, hæc propositio dicitur habere prædicatum primum primæ mirate subiecti, quia inter hominem, & risibile nõ cadit aliud subiectum medium, idest, alia media natura completa, cui competat primo risibile, at quando dicitur, Socrates est risibilis, illa propositio non habet prædicatum primum primæ mirate subiecti, quia inter Socratem, & risibile cadit aliud subiectum medium, scilicet, homo, cui primo competit risibile, deinde per hominem competit Socrati, & aliis individuis sub homine contentis. Et hæc primitas competit subiecto conclusionis, quæ est in secundo modo dicendi per se, ex quo clare patet, contra Alexandri, & Themistii sententiam, esse prædicationem primam, & universalem in secundo modo dicendi per se, primitas uero causæ est, quando inter causam, quæ est loco subiecti, & causatum accidentale, quod est loco prædicati, non cadit alia causa media, à qua prædicatum illud, uel causatum primo fluat, sicuti quando dicimus, animal rationale est risibile, hæc propositio habet prædicatum primum primæ mirate causæ, quia inter animal rationale, & risibile non cadit alia causa media, à qua primo risibile fluat. Ex iis, quæ hætenus dicta sunt de hac tertia conditione requisita necessario essentiali, colligitur, prædicationem generis de specie non esse universalem, cum animal nec secundum quod ipsum, nec primo de homine prædicetur, non secundum quod ipsum, cum homo secundum quod homo non sit animal, alioquin non esset animal nisi homo, quod falsum est, nec demum primo, cum inter hominem, & animal cadat aliud subiectum medium; cui primo competit animal, uidelicet, aliquod animal, cuius ope disponitur homo ad recipiendam propriam, & sibi determinatam formam.

Ex aliorum sententia prædicationem generis de specie primam, & universalem esse, probatur unica ratione, ad eamque nonnullorum responsio ponitur.

C A P. X I X.

C

- L**ect. verissimum, & ex mente Cõmentatoris, ac philosophi sit, genus non posse uniuersaliter, & secundum quod ipsũ de specie prædicari, non desunt tamẽ qui pluribus rationibus oppositum probare nituntur, inter quas una solũ efficacior in præsentì capite ponitur, quæ huiusmodi est. In hominis conceptu conceptus animalis essentialiter includitur, & in natura hominis natura animalis ut hominis essentialitẽ constituit, ergo homo quatenus homo est animal, hæc enim negatio, sequetur, hominem per aliquod externum esse animal, non per internam rationem, quod tamen falsum est. Nonnulli huic rationi respondentes, dicunt, duplicem esse significationem huius uocis (quatenus,) potest. n. sumi late, & satis improprie, potest et sumi stricte, quæ est propria eius significatio; late quidẽ, & ample sumitur, quando nil aliud significat, quàm internum principium, seu internam rationem, proinde exclusionem principii externi, & externæ rationis, in qua acceptione propositio hæc est uera, homo quatenus homo est animal, sic. n. nihil aliud significare uo

lunus,quàm hominē ex interna rationē esse animal,nō ex aliquo externo principio,quod quidē uerissimū est,quoniā homo p internā rationē est sentiens, & animal; in hoc igitur sensu Aduersariorū rationē concedendā esse fatentur. altera A eius uocis significatio maxime propria, ut ipsius uocabuli cōsideratio potest ostēdere, est, ut dicat, eandē esse utriusq; termini rationē, ut si dicamus, homo quatenus homo est risibilis, uera est hęc propositio ēt in secunda acceptione, qā significat, eandē esse rationē, qua homo est homo, & qua est risibilis, p propriā. n. formā habet homo ut sit homo, & p eandē habet ut sit risibilis, uere igitur homo quatenus homo est risibilis, quia ex eodē principio pēdet risibilitas, ex quo pēdet humanitas; sed hęc nō est uera, homo quatenus homo est animal, quia non ex eodē principio homo habet ut sit animal, ex quo habet ut sit homo, siquidē per sensū est animal, homo uero nō p sensū, sed per rationē; non igitur qua ratione ē homo, eadē est animal, sed alia, & alia ratione, itaq; homo non quatenus homo ē animal, quare secundū hanc propriā significationē Aduersariorū argumentū nō cōcludit contra philosophū, & cōmentatorē, qui in hac significatione acceperunt eā conditionē (quatenus ipsum.) hāc distinctionē ipsi, quādo Logicā publice interpretabātur, inuenerūt, eaq; illis plenissime satisfecit, quāquā. n. apud nullū q aliū eā ante id tēpus legerāt, tamē uidebāt, ipsā tum rei, tum ēt uocabuli significationi mirifice consentaneam esse; postea uero eis contigit, ut eandem legerent apud Ioannem gandauensem in quæstione decima secundi Metaphysicorum, quod eos (ut aiunt) summa lætitia affecit, cum uiderent eruditum illum uirum sua auctoritate ipsorum sententiam comprobasse.

Adducta responsio confutatur, aliāq; fortasse accommodatior in medium affertur. C A P. X X.

Distinctiones, quæ non sint desumptæ ab aliqua uel philosophi, uel grauissimorum peripateticorum auctoritate, uoluntariæ merito nuncupari possunt, cum in quouis homine quodlibet imaginari positum sit; inter quas locum habere uidetur posita distinctio de duplici huius uocis (quatenus) significatione, late, scilicet, & satis improprie, uel strictæ, & proprie; quoniam apud philosophum (ni fallor) secundum unam tantum, & illam propriam semper legitur, & præcipue cum res ipsa, & uocabuli significatio id mirifice postulent, nota enim reduplicationis in aliquo, nempe, in homine, dum dicitur, homo quatenus homo, & huiusmodi, non potest in eo denotare nisi illud principium, ratione cuius homo est homo, quod eius forma est, à qua sententia non uidetur recedere Ioannes gandauensis loco citato; nam existimantes eius Aduersarii non esse in animali plures formas substantiales distinctas, sed unam, & eandem dare esse uegetatiuum, & animal, id probabant auctoritate philosophi sub initium libri de iuuentute, & senectute, dicentis, (fieri enim nequit, ut animal, qua animal est, non uiuat.) si enim in animali una, & eadem forma non daret esse uegetatiuum, & animal, ex D necessitate animal, quatenus animal est, contra sententiam philosophi, non incl.

- set uiuere, quod pro uegetari accipitur. respondens Gandauensis ad hanc difficultatem, auctoritatem illam philosophi declarando, ait, animal secundum quod animal uiuere, dupliciter intelligi posse, uno modo, ut animal sit primum subiectum uitæ, & sic non intelligit Aristoteles, quia si hoc esset uerum, tunc quid quid uiueret, uiueret per animal, quia hoc dicit (secundum quod,) omnibus, scilicet, inesse per naturam eius, ut patet primo Posteriorum. alio modo intelligi posse, animal secundum quod animal uiuere, idest, ex necessitate uiuere, ita ut includat necessario principium, per quod uiuit animal, & sic est uerum, nam licet uegetatiua anima sit alia à sensitiua, tamen ex necessitate includitur in animali. Ecce, doctissimum Gandauensem accipere (secundum quod ipsum) semper eadem significatione, pro ut, scilicet, significat formam eius, cui applicatur, & hac de causa ait, duplicem habere sensum propositionem illam, quæ est, animal secundum quod est animal uiuit, unum, ut forma sensitiua, per quam animal est animal, supponat uegetatiuam, B à qua provenit uita, non autem è conuerso: alterum, ut eadem forma sensitiua, qua animal est animal, faciat animal subiectum primum uitæ; quare primo, non secundo sensu affirmat auctoritatem illam philosophi intelligi debere. hanc Gandauensis sententiam eandem esse cum sententia philosophi loco citato, indicant eiusdem philosophi uerba, dum inquit, (In hisce quidem, quibus utraque ista, esse animal (inquam) ac uiuere competunt, unam, & eandem esse partem necesse est, qua uiuunt, simul & animalis nuncupationem sortiuntur, fieri enim nequit, ut animal, qua animal est, non uiuat: at qua uiuit, hac esse animal, laud quamquam necesse est: neque enim idem est esse animal quod uiuere.) quorum uerborum sensus (quantum coniecere possum) huiusmodi est, illa, in quibus reperitur anima sensitiua, & uegetatiua, habent hoc, ut sensitiua supponat uegetatiuam, non autem è conuerso, hinc est, quod animal C ea parte, qua est animal, uiuit, idest, forma sensitiua, per quam animal est animal, supponit uegetatiuam, à qua provenit uita; è contra autem, uegetatiua non supponit sensitiuam, cum plantæ uiuant quidem, sensu uero careant. hunc Aristotelis locum si illi diligenter ponderassent, optime animaduertissent, ei duplicem illam significationem huius uocis (qua tenus) accommodari non posse, nec ita facile dixissent, suam sententiam Ioannis gandauensis summæ eruditionis uiri auctoritate comprobata fuisse, cum aliter ipse sentire uideatur. sed nunc concedamus huius uocis (quatenus) duplicem posse dari significationem, late, scilicet, & strictè, prima significatio non nullas patitur difficultates, quoniam explicandum erat, cuiusnam, prædicati, scilicet, an subiecti, internum illud principium, seu interna illa ratio significata ab hac uoce (quatenus) esset principium, uel ratio; si enim prædicati, ut gratia exempli, quando dicimus, homo quatenus homo est animal, idest, homo D mo ex interna ratione animalis est animal, sequeretur contra suppositum, ut homo non, quatenus homo, sed quatenus sensitiuus esset animal; si uero subiecti,

subiecti, ut, scilicet, homo quatenus homo sit animal, id est, ut homo ex interna ratione hominis sit animal, tunc prima acceptio erat declaranda, quomodo, scilicet, homo quatenus homo possit esse animal, cum ex eodem principio non habeat ut sit animal, ex quo habet ut sit homo, sicuti declaratur à Gandauense quomodo animal quatenus animal uiuat, cum à diuersis principiis orientur esse animal, & uiuere. non erat igitur ponenda duplex illa significatio huius uocis (quatenus) ut eius uij Aduerlarij rationi contra Aristoteles, & Auerrois positionem satisfacere possent, quoniam eo modo dissolui potest, quò dissoluitur illa à celeberrimo Gandauense, ut, scilicet, homo quatenus homo sit animal, potest duplicem habere sensum, unum, ut homo ex necessitate sit animal, quia forma hominis, nempe, rationalitas, qua homo est homo, supponit formam sensitiuam, qua animal est animal, non autem è conuerso, quoniam forma sensitua non supponit rationalitatem, cum bruta animalia sensum habeant, ratione uero careant. alterum autem, ut homo sit primum subiectum, cui còpetat animal. posito eius propositionis hoc duplici sensu, ad argumentum in oppositum responderi potest, illud concludere in primo sensu, secundum quem Aristoteles, & Auerroes illam propositionem in præsentì parte non intelligunt, in secundo uero sensu nequaquam, eo quia ex sententia Auerrois inter hominem, & animal cadit aliud subiectum medium, cui primo competit animal, uidelicet, aliquod animal, cuius ope (ut diximus in calce decimi noni capitis) disponitur homo ad recipiendam propriam, ac sibi determinatam formam; & ex mente philosophi in hac tertià conditione requisita necessario essentiali prædicatum conuertitur cum primo subiecto, ut patet de hac passione trianguli, uidelicet, habere tres angulos æquales duobus rectis, quæ quidem passio nec cum figura, nec cum æquiriture conuertitur, at solum cum triangulo, quia eius primum est subiectum, sed hoc non reperitur in genere quando de specie prædicatur.

*Laus iterum, Honor, & Gloria Deo optimo Maximo.
Qui Trinus, & Vnus est.*

FINIS



BERNARDINI PETRELLAE LOGICARVM DISPVATIONVM

Liber Quartus.

B

*De ea demonstrationis specie, quam potissimam appellant
Auctoris institutum. CAP. I.*



V AE iam ab Aristotele disputata, atq; instituta sint, de dicto de omni, per se, & uniuersali, pro ut sunt conditiones necessario essentiali requisitæ, superiore libro declarauimus, quem de locis propositionum demonstratiuarum appellandum esse nonnulli existimarunt, quãdoquidem duo priores modi dicendi per se per tertiã conditionem, quæ dicitur prædicatio uniuersalis, limati, atq; correcti, sunt loci, unde & conclusiones demonstrandæ, & principia, per quæ demonstrantur, tamquam è duobus promptissimis fontibus hauriantur; sic enim & conclusiones, & principia demonstrationis summam habebunt necessitatem, quam quidẽ opinionem non credimus esse ex mente philosophi, propterea quod ueluti aurifodina non est aurum, quamuis aurum habeat, sed est ab eo diuersa; ita principiorum, idest, mediõrum, quæ argumenta sunt, locos à principijs, medijs, seu argumentis esse diuersos comperit est, at dictum de omni posteriori situm, per se, & uniuersale sunt de essentia argumenti, idest, medijs demonstratiui, cum medium non possit esse demonstratiuum, nisi sit uniuersale, atq; ideo per se, ac de omni, quæ duæ conditiones in tertia continentur, uidelicet, in uniuersali, cum ipsa tamquam minus communis cõtrahat ad se communiõres, ergo duo illi priores modi dicendi per se per tertiã conditionem limati, atq; correcti minime possunt esse loci, unde & conclusiones demonstrandæ, & principia, per quæ demonstrantur tanquam è duobus (ut auri) promptissimis fontibus hauriantur, alioquin locus esset de essentia argumenti, & aurifodina de essentia auri, quod non uidetur multum cum ueritate conuenire, at si aliqua sint, quæ in posterioribus dici mereantur loci demonstratiui, à quibus argumenta demonstratiua

sumi possint existimamus illa esse, uidelicet, dignitates, postulata, definitiones, ^A causam, & effectum, ex hoc tamen non sequitur, locos haud esse ab argumentis diuersos, cum argumenta alterius probationi adhibeantur, loci uero nequaquam, nam dignitas, definitio, & alia, quæ diximus esse locos demonstratiuos, si locorum nomen mereantur, alterius probationi non adhibentur, sed hæc dignitas, seu hæc definitio, & sic de reliquis. quare fortasse melius dici posset, ut, scilicet, dictū de omni posteriori siticum, per se, & uniuersale sint conditiones necessario essentiali requisitæ per quod essentialia necessarium principia, seu media potissimæ demonstrationis sunt demonstratiua. Declaratis itaque superiore libro omnibus illis conditionibus, reliquum est accommodare eas demonstrationis potissimæ principis, atq; conclusioni, ut inde manifestum reddatur, huiusmodi demonstrationem constare ex necessario essentiali, quod erat probandum. Et quamuis in ^E ultima conditione insint aliæ duæ, unde si probaretur, propositiones potissimæ demonstrationis esse uniuersales, esset etiam probatum, eas esse per se, & de omni, quia semper conditio minus communis contrahit ad se (ut diximus) conditionem magis communem; decreuimus tamen in iuniorum gratiam aperire, demonstrationem potissimam habere dictum de omni, per se, & uniuersale.

Ponuntur omnes termini potissimam demonstrationem ingredientes.

C A P. I I.

^A **U**T addiscentes finem, quæ summopere optant, facilius consequantur, aduertere debent, demonstrationem potissimam ex parte formæ, quæ syllogismus est, habere tres terminos, maiorem, scilicet, extremitatem, minorem, & medium terminum, uerum quia demonstratio est instrumentum, quod parit scientiam proprietatum, quæ speciebus insunt, scientiam uero essentialis earum proprietatū ^C minime, nisi quatenus huiusmodi essentialia ex demonstratione ipsa elicitur, hinc est, ut maior extremitas debeat esse propria passio, non passionis definitio essentialis, cuius rei ratio est, quia medium in potissima demonstratione est causalis definitio primi extremi, quare si essentialis definitio passionis per aliam eiusdem passionis causalem definitionem demonstraretur, necesse esset, ut in maiori propositione prædicaretur essentialis definitio de causali, sed propositio, in qua prædicatur definitio de definitione, non est per se nec in primo, nec in secundo modo, nec in quarto reducibili uel ad primum, uel ad secundum, circa quos modos uersatur potissima demonstratio, ergo demonstratio illa, in qua concluditur essentialis definitio passionis de passione per aliam eiusdem passionis causalem definitionem, non potest esse potissima, ut, gratia exempli, propter animal rationale est aptitudo hominis ad ridendum, sed risibilitas est propter animal rationale, ergo risibi- ^D litas est aptitudo hominis ad ridendum. huius demonstrationis maiorem

- A** propositionem, in qua prædicatur essentialis definitio de causali, non esse in primo modo, patet, quia in primo modo dicendi per se collocantur ea, quæ sunt de ratione dicente, hoc est hoc, quod non reperitur in maiore illa propositione, quia animal rationale nõ est proprie, uereq; aptitudo hominis ad ridendum, sed eius causa, & propter quid, quare sensus illius propositionis est, ut animal rationale sit causa, à qua fluit aptitudo hominis ad ridendum, præterea, in primo modo prædicatum est de quiditate subiecti, quod non reperitur in illa propositione, etiam si termini conuertantur, quia una definitio non est de quiditate alterius definitionis, non esse etiam in secundo modo manifestum est, quia animal rationale, quod est in ea subiectum, tantum abest, ut ponatur in essentiali definitione prædicati tanquam differentia, quod postulat secundus modus, ut potius definitionem illam non ingreditur, quia essentialis (ut dictum est) non potest esse alia
- B** essentialis, sed utique propter quid, & causa, à qua essentialis illa emanat, sicuti est animal rationale respectu aptitudinis hominis ad ridendum. demum non esse in quarto modo reducibili uel ad primum, uel ad secundum, patet, quia nec prædicatum est de quiditate subiecti, ex quo nõ reducitur ad primum, nec subiectum est de quiditate prædicati, quapropter non reducitur ad secundum. Erit itaq; in quarto modo ut quartus contra nonnullorum sententiam asserentium, quartum modum non considerari in unica propositione; potissima igitur esse non potest demonstratio illa, in cuius maiori propositione prædicatur essentialis definitio de causali, sed tantum propter quid; quare maior extremitas in potissima demonstratione erit propria passio, minor uero erit illius passionis determinata species, non passio ipsa, de qua concludatur eius essentialis definitio per aliam eiusdem passionis causalem definitionem, quia (ut diximus) demonstratio illa non est potissima; medius autem terminus non potest esse nisi quiditatiua definitio minoris extremitatis, id est subiecti, licet non sumatur ut quiditatiua subiecti definitio, sed ut causa efficiens non uera passionis, nam si propria passio habet ut sit à quiditatiua subiecti definitione, scireq; simpliciter ex Aristotele est rem per causam cognoscere, à qua res illa habet ut sit, medius terminus non potest esse nisi quiditatiua subiecti definitio, sumpta tamen ut causa efficiens non uera passionis, cui semper est annexa, ad differentiam causæ efficientis ueræ, quæ nõ semper comitatur effectum, ex quo patet, non esse ex mente philosophi eorum sententiam, qui dicunt, unam passionem per aliam potissima demonstratione ostendi posse, cum una non sit causa ut altera sit.

Ostenditur, omnes potissima demonstrationis propositiones habere prædicatum uniuersale, seu primum.

C A P. I I I.

- D** Constitutis potissimæ demonstrationis terminis, accipiamus loco exempli illam uulgatissimam, in qua concluditur, hominem risibilem esse propter

animal rationale, hoc pacto, animal rationale est risibile, homo est animal ratio- **A**
nale, ergo homo est risibilis. Omnes propositiones huius demonstrationis ha-
bent prædicatum primum, & uniuersale; dixi prædicatum primum, quia hæc di-
ctio (primum) non solum subiecto, sicuti (secundum quod ipsum) sed etiam præ-
dicato (quidquid dicant alii) accommodari potest, cum denotet prædicatum im-
mediatum, uel subiecti, uel causæ immedatione. Conclusionem illius demonstra-
tionis habere prædicatum primum primitate subiecti, non indiget probatione,
cui inter hominem, & risibile non cadat aliud subiectum medium, cui risibilitas
primo insit, sicuti manifestissimum est, eam non habere prædicatum primum pri-
mitate causæ, cum inter hominem, & risibile cadat causa media, uidelicet, animal
rationale, per quod risibilitas inest homini; est itaque conclusio illa mediata, &
immediata, mediata mediatione causæ, alioquin non posset demonstrari, immedia-
ta uero immedatione subiecti, aliter non haberet prædicatum uniuersale, quod **B**
præter nexum definitiuum requirit sui cum subiecto conuersionem. minore quo-
que, uidelicet, homo est animal rationale, habere prædicatum primum omni pri-
mitate clarum est, cum inter definitionem quiditatuam, & definitum nihil ca-
dat medii, idcirco habere prædicatum uniuersale. ultimo, maiorem proposi-
tionem habere & ipsam prædicatum primum primitate causæ compertissimum est,
cum inter animal rationale, & risibile non cadat alia causa media, à qua risibi-
litas habeat ut sit, & conseruetur. Cum itaque prædicatum primum, uel uniuersale
præter nexum definitiuum dicat semper adæquationem sui cum subiecto, col-
ligitur, prædicata prima, siue uniuersalia non esse nisi tria, uidelicet, totam defi-
nitionem, ultimā differentiā, & propriam speciei passionē, quoniam hæc solū tria
sunt termini pares, & conuertibiles; colligitur etiam, potissimam demonstratio-
nem non reperiri nisi in terminis conuertibilibus.

*Nonnulla ponuntur notanda, quibus facilius cognosci possit
in quo modo dicendi per se prædicta demonstrationis
propositiones existant.*

C A P. I I I I.

OMnes propositiones iam dictæ demonstrationis esse per se non indiget pro-
batione, quia quod est uniuersale, est etiam per se, sed non è conuerso; mi-
hi tamen explicare placet in quo modo dicendi per se unaquæq; propositio repe-
riatur. pro cuius rei faciliiori intelligentia aduertendum esse duximus ex mente
philosophi in secundo Posti cap: nono, & in octauo Diuinarum tex: com: decia-
mo tertio, accidentia propria præter essentialem definitionem habere etiam cau-
sam extrinsecam, à qua ipsa, & eorum essentia emanant; ut, gratia exempli, essen-
tialis definitio risibilitatis constans ex genere, & differentia, est aptitudo homi-
nis ad ridendum; aptitudo ad ridendum, quæ est forma risibilitatis, sumitur lo- **D**

- A** co generis, dictio uero illa (hominis) loco differentia, quia accidentia propria distinguuntur per subiectum, cui inhaerent, hinc est, ut definitio proprietatum, dicatur definitio per additamentum, quoniam datur per ea, quae sunt diuersorum generum, ut patet in praedicta definitione, in qua genus est accidens, & differentia substantia; causa uero extrinseca, a qua fuit essentialis haec definitio, est animal rationale. quare prolata huiusmodi definitio, uidelicet, aptitudo hominis ad ridendum una cum animali rationali, dicitur definitio essentialis cum causa, sine uero animali rationali, appellatur essentialis definitio sine causa, quod sane quidem non competit substantiis, quia illae praeter quiditatem definitionem non habent aliam causam extrinsecam, a qua earum essentia oriatur, sed causae essentiae substantiarum sunt in ipsismet substantiis. Ex qua ratiocinatione elicitur, causam extrinsecam proprietatum passionum non esse de earum essentia, sed solum essentiae causam, accipiendo essentiam proprie dictam, pro ut, scilicet, constat ex genere, & differentia proxima; si uero accipiatur essentia largo modo, pro ut amplectitur etiam causam, a qua fuit essentia proprie dicta, non est inconueniens, ut causa essentiae dicatur essentiae pars. Praeterea, aduertendum est, subiectum esse duplex, propositionis unum, alterum rei, uel inhaerentiae, subiectum propositionis est illud, de quo aliquid praedicatur, & hoc potest esse, uel solum forma, uel compositum ex materia, & forma; subiectum autem rei est, quod uere, & proprie subiicitur accidentibus, & proprietatibus, neque esse potest nisi compositum ex materia, & forma, quia subiectum rei, nimirum alicuius proprietatis, est quod ponitur in eius essentiali definitione ut differentia, sed subiectum, quod ponitur ut differentia in definitione essentiali proprietatum, est compositum ex materia, & forma, ut declarabimus, ergo subiectum rei non potest esse nisi compositum ex materia, & forma.
- B**

In quo modo dicendi per se reperiatur conclusio, & minor propositio praeposita demonstrationis.

C A P. V.

- H**IS ita constitutis, facile erit uidere in quo modo dicendi per se reponantur omnes propositiones praeposita demonstrationis; de conclusione, & minori propositione clare patet in quo modo dicendi per se contineantur, nam conclusio, uidelicet, homo est risibilis, est in secundo modo, quia subiectum propositionis, & rei ponitur in definitione praedicati, homo enim, cum de eo praedicetur risibile, est subiectum propositionis, est etiam subiectum rei, cum sit compositus ex materia, & forma, ac ponatur in essentiali definitione risibilitatis ut differentia, & propterea ut materia in qua, nam proprietates, quando definiuntur per additamentum, non possunt differentiae loco habere nisi materiam, in qua sunt, cum per eam ab aliis distinguantur; sed materia, in qua sunt proprietates, est
- D**
- C**

subiectum compositum ex materia, & forma, sicuti est subiectum illius conclu-
sionis, ergo subiectum, quod ponitur ut pars essentiae suarum proprietatum, de-
bet esse subiectum propositionis, & rei, non autem subiectum solum propo-
sitionis, quia non semper subiectum propositionis est de essentiali definitione prædica-
ti, ut inferius explicabitur. Ex quo elicitur, secundum modum dicendi per se su-
dari in genere causæ materialis in qua; dixi materiam in qua ad differentiam ma-
teriæ ex qua, quæ cum sit altera pars compositi, non est ens completum, & in
actu perfecto, sed potentia, nam compositum efficitur ex forma tanquam ex actu,
& ex tali materia tanquam ex potentia, quæ quidem materia ex qua non ponit-
tur in secundo modo dicendi per se; quia in huiusmodi materia non insunt pro-
prietates specificæ, uerum si in aliquo modo debet collocari, non potest collo-
cari nisi in primo, non principaliter, quia in eo prædicata sunt formalia, sed con-
sequenter, ueluti causa sine qua non potest forma subsistere, idest, ueluti uehicu-
lum deferens formam, licet Latini aliter sentiant, uolunt enim materiam ex qua
non secus, ac formam, esse in primo modo dicendi per se, cum ex eorum senten-
tia tota rei quiditas constet ex tali materia, & forma. quam opinionem philoso-
phi sententiæ repugnare superiore libro capite duodecimo a nobis disputatum
fuit. cum explicatum sit in quo modo dicendi per se sit conclusio, uidendum est
in quo modo sit minor propositio, uidelicet, homo est animal rationale; dicimus,
eam esse in primo modo, quia prædicatum non solum est de quiditate subiecti,
sed est ejus ipsamet quiditas, seu definitio quiditatiua; nec potest in alio modo re-
periri minor propositio potissimæ demonstrationis, quia non demonstratur pro-
pria passio de subiecto in huiusmodi demonstratione nisi per eiusdem subiecti de-
finitionem, quæ in primo modo primæ figuræ subiicitur in maiori propositione
passioni demonstrandæ, & in minori de subiecto prædicatur; nec obstat minorem
aliquando reperiri in secundo modo, quando, scilicet; demonstratur passio de
subiecto per aliam eiusdem subiecti passionem, quia demonstratio illa non est po-
tissima, ut suo loco declarabitur.

*In quo modo dicendi per se reperiatur maior propositio illius
potissima demonstrationis.*

CAP. VI.

CVM dixerimus in quo modo dicendi per se reperiatur conclusio, & minor
propositio illius uulgarissimæ demonstrationis, quam loco exempli accepi-
mus, reliquum est, ut uideamus in quo modo sit maior propositio, nempe, ani-
mal rationale est risibile. non est in primo, tum quia prædicatum non est de qui-
ditate subiecti, tum quia etiam in illa propositione non ponitur uera causa for-
malis risibilitatis. non est in secundo, quia subiectum non est de essentia prædica-
ti, nam animal rationale non est neque genus, neque differentia risibilitatis, non est

etiam in tertio, quia in eo collocantur solum substantiæ primæ, quæ significant
A hoc aliquid, & de subiecto non prædicantur. Erit igitur propositio illa in quarto modo, in quo collocantur causæ externæ, uidelicet, efficiens, & finalis, nam animal rationale quatenus est extra risibilitatem, & illam efficit, dicitur eius causa efficiens, dicitur etiam causa finalis, quia risibilitas reducit ad animal rationale, tanquam perfectibile ad suum perfectiuium. cum itaq; animal rationale respectu risibilitatis sit efficiens, & finalis causa, sequitur, propositionem illam esse per se in quarto modo, qui reduci potest ad primum, & secundum.

*Nonnullorum sententia, quæ etiam communis est, circa maiorem
 propositionem, ut sit in secundo, non in quarto modo
 dicendi per se.*

B *CAP. VII.*

EX altera parte nonnulli communem opinionem sequentes, asserunt, maiorem propositionem esse per se semper secundo modo, nec minus, quàm conclusionem, ut autem hoc facilius declarent, inquirunt, esse in memoriam ea omnia reuocanda, quæ dixerunt de duplici emanatione accidentis proprii à subiecto, nempe, tanquam à materia externa, in qua recipitur, & tanquam à causa, à qua producit, quam utranque emanationem constituere prædicationem per se secundi modi aduersus Diuum Thomam demonstrarunt. dicunt igitur in omni propositione per se secundi modi esse utranque emanationem, sed alteram tantum expressam, alteram uero implicitam, & occultam, utraque enim simul in eadem propositione exprimi non potest, quoniam uterque propositionis terminus unus esse debet, non duplex; cum itaque tam conclusio demonstrationis, quàm propositio maior sit per se secundo modo, inter eas hoc interest, quod, scilicet, in conclusione exprimat, pendencia accidentis à subiecto tanquam à materia recipiente, at pendencia eiusdem accidentis à causa manet implicita, atq; recondita; dum enim dicimus, homo est risibilis, exprimitur homo, in quo tanquam in materia externa recipitur risibilitas, causa non exprimitur, adest tamen, quia hominis appellatione comprehenditur, cum in homine insit, siue ea sit propria hominis forma, siue alterum accidens hominis proprium, hæc igitur pendencia ibi est uirtute quadam, & implicita, non actu, & expressa: contra uero in propositione maiori se res habet, in ea namq; exprimitur pendencia accidentis à causa, siquidem nomen causæ exprimitur; altera uero pendencia, ut à subiecto non exprimitur, sed tamen implicite, & uirtute quadam significatur; dum enim dicimus, rationale est risibile, rationalitatem exprimimus, quæ est causa risibilitatis, hominem autem non exprimimus, actu, is tamen potestate, & implicite subiecti intelligitur, ideo postea in minore actu subiungitur, dum dicitur, et homo est
 rationalis;

rationalis; propterea non esse ignorandum, inquit, quod, quando dicimus, rationale est risibile, non dicimus, accidens illud inesse in sua causa, risibilitatem, scilicet, in rationalitate, sed in subiecto, quod ibi uirtute comprehenditur, ideo uobis utimur significantibus non abstracta, sed concreta, non enim rationalitas est risibilitas, sed rationale est risibile. Et huius propositionis sensus nullus alius est, quam hic, cui subiecto inest rationalitas, eidem inest risibilitas, subiectum igitur in propositione maiori est homo potestate significatus, in conclusione uero idem homo actu expressus.

Hæc opinio, quæ communis est, impugnatur.

C A P.

VIII.

HÆC opinio, licet sit communis, non uidetur mihi undequaquam tuta, quare, cum philosophandi uia nemini sit interclusa, ueritatis amore ductus non verebor eam, quantum in me erit, hunc in modum impugnare; nemo sane mentis est, qui non intelligat, rationale significare formam hominis, & denotare materiam, uidelicet, carnes, & ossa, sed quaeritur pro quo intelligatur rationale in illa propositione; uidelicet, rationale est risibile, uel solum pro efficiente absque materia, idest, pro forma hominis, quæ risibilitatis est causa efficiens, uel pro efficiente in materia, idest, pro homine composito ex materia, & forma; si responderent, illud intelligi pro composito ex materia, & forma, multa sequerentur absurda, & primo, minorem potissimæ demonstrationis non esse per se, nam si rationale in subiecto maioris intelligeretur pro homine composito ex materia, & forma, intelligeretur etiam pro eodem in prædicato minoris, alioquin medium non esset idem in utraque propositione, atque ideo ratio esset in quatuor terminis; si itaque in ambabus propositionibus intelligeretur pro eodem, ergo dicere in minori, homo est rationalis, esset perinde, ac dicere, homo est homo, quæ propositio, licet sit uerissima, non est per se eo modo, quo determinatum est per se ex mente philosophi in primo posteriorum contextu nono. præterea, concessa huiusmodi sententia, medium non esset extra essentiam passionis demonstrandæ contra Auerroem in secundo posteriorum com. trigesimo octauo, & contra seipsum, asserunt enim alibi, omnem causam efficientem, quæcunque illa fuerit, uel interna, uel externa, esse extra essentiam effectus; deducitur consequentia; si rationale, quod pro medio sumitur, idem esset, quod homo, & homo est pars essentiae risibilitatis demonstrandæ, quia in eius definitione ponitur ut differentia, rationale quoque esset pars essentiae eiusdem risibilitatis, ergo medium non esset extra essentiam passionis demonstrandæ. Ultimo sequeretur, quando definimus risibilitatem per hominem, dum dicimus, risibilitas est aptitudo hominis ad ridendum, ut perinde esset, ac si diceretur, risibilitas est aptitudo rationalis ad ridendum, ergo frustra essentiali risibilitatis definitioni adderetur eius causa, alioquin fieret nugatio in tota risibilitatis definitione, quoniam idem bis repetetur, dicere enim cogeremur, risibilitas est aptitudo rationalis ad ridendum

- A** propter rationale, seu, risibilitas est aptitudo hominis ad ridendum propter hominem. Si uero responderent, ibi rationale intelligi solum pro efficiente absque materia, contra eorum determinationem maior propositio non esset, sicuti conclusio, in secundo modo dicendi per se, quoniam in secundo modo, non secus ac in primo, prædicatum debet inesse subiecto, quæ conditio non reperitur in ea propositione, rationale est risibile, quia ex eorum sententia neutrum alteri inest. cum itaq; rationale, seu animal rationale, licet de notet materiam, intelligatur in maiori propositione solum pro causa efficiente, quoniam de eo secundum huiusmodi significatum prædicatur risibile, melius fortasse erit dicere, maiorem illam propositionem esse in quarto modo dicendi per se, qui huiusmodi causam, & finalem postulat, pro ut tamen reducibilis est ad secundum. quomodo autem ad modum illum reducatur, declaro, & declaratio sumitur ex iis, quæ superius in quarto capite notauimus, si enim risibilitatis ratio sumatur proprie, id est, sine causa, propositio illa maior, quæ est, animal rationale est risibile, seu, rationale est risibile, non est per se in secundo modo, quia rationale non est neq; genus, neq; differentia risibilitatis, & propterea non est de eius propria ratione; uerum si eiusdem risibilitatis ratio accipiarur largo modo, pro aggregato, scilicet, ex uera essentia, & eius causa, tunc illa propositio est in secundo modo dicendi per se, quia eius subiectum est de ratione prædicati, non tamen ita proprie, sicuti conclusio, propterea quod subiectum conclusionis est compositum ex materia, & forma, atq; ideo est subiectum propositionis, & rei, seu in hærentiæ, & pars essentialis rationis prædicati, cum sit eius differentia, cui quidem subiecto uere passio dicitur inesse; subiectum autem illius maioris est solum subiectum propositionis, cum sit forma ratione hominis, & causa efficiens non uera, quæ sapit naturam formæ, ratione risibilitatis, in cuius integra definitione ponitur ut pars, pro ut, scilicet, est propter quid, & causa efficiens, à qua risibilitas, essentialisq; eius ratio fluit, & tali subiecto non inest proprie prædicatum, quæ conditio, uidelicet, prædicatum inesse subiecto, requiritur ad uerum secundum modum dicendi per se; sed dicitur ei inesse, quatenus ab eo emanat, & hac de causa maior propositio non est proprie in secundo modo, sed ad illum reducibilis, nam ad eum reducitur quartus modus, quando demonstratur propria passio de subiecto, ad primum uero modum, quando demonstratur essentialis passionis definitio de ipsa passione, non mirum, aptitudo hominis ad ridendum de risibilitate per animal rationale hunc in modum, propter animal rationale est aptitudo hominis ad ridendum, sed risibilitas est propter animal rationale, ergo risibilitas est aptitudo hominis ad ridendum. in hac demonstratione, licet potissima non sit, ut in superioribus demonstratum fuit, minor propositio est in primo modo, sicuti & conclusio, cum animal rationale, quod est prædicatum illius propositionis, sit de ratione risibilitatis, quæ subiectum est, si accipiatur tota ratio, id est, ratio cum causa, animal enim rationale est causa essentiæ risibilitatis. cum itaq; in quarto modo, sicuti
- D** in primo, & in secundo, sicut propositiones, necesse est, ut causa externa sit uel prædicatū, uel subiectū, si fuerit prædicatū, tunc quartus modus concurret cum primo,

sicuti enim in primo modo prædicatum ponitur in definitione subiecti, ita etiā **A**
 in quarto, qui tamen ab eo distinguitur, quoniam prædicatum in primo modo
 uel est quidditas subiecti, ut, homo est animal rationale, uel pars quidditatis, ut, ho-
 mo est animal, & homo est rationalis; in quarto uero prædicatum est semper ex-
 tra essentialem subiecti rationem proprie acceptam, ut patet in illa proposicio-
 ne; uidelicet, risibilitas est animal rationale, seu, risibilitas est propter animal ra-
 tionale, neque enim animal rationale est essentialis ratio risibilitatis, neq; pars
 eius, sed causa, à qua risibilitas, & eius essentia ortum ducunt; si autem causa illa
 externa fuerit subiectum, ut uidere est in illa propositione, animal rationale est ri-
 sibile, conuenit tunc quartus modus cum secundo, quia sicuti in secundo modo
 ponitur subiectum in definitione prædicati, ut, homo in definitione risibilitatis,
 ita in quarto animal rationale ponitur in eiusdem risibilitatis definitione;
 differt tamen quartus à secundo, quoniam in secundo modo subiectum su-
 mitur pro composito ex materia, & forma, idest, pro materia in qua, &
 est pars essentiae prædicati; in quarto autem sumitur solum pro efficiente **B**
 absque materia, & est extra essentialem prædicati definitionem. de sensu
 uero earum propositionum, rationale est risibile, & è conuerso, risibile est
 rationale, ut, scilicet, in quo subiecto inest rationalitas, in eodem inest risibilitas,
 & in quo subiecto inest risibilitas, in eodem inest rationalitas, quia neutrum re-
 uera alteri inest, sed utrunque alicui tertio, dubia res est, nam posita ueritate hu-
 ius dicti, sequeretur primo, risibilitatem non inesse subiecto actu existenti, quod
 est contra naturam accidentis; deducitur consequentia, rationalitas inest subie-
 cto materiali, ut ex ea, & huiusmodi materiali subiecto fiat compositum, at per
 eos in quo subiecto inest rationalitas, in eodē inest risibilitas, ergo risibilitas nō in-
 esset subiecto existenti in actu specifico, & perfecto, sed subiecto materiali, atq; ideo
 non esset prædicatū in secundo modo; secundo, & ultimo sequeretur, rationalita-
 tem esse accidens, quod est absurdum, nam licet rationalitas sit qualitas, non est
 pure qualitas, sed qualitas substantialis; probatur consequentia, risibilitas, cum
 fluat à forma hominis, non potest homini inesse nisi pro ut est in actu specifico, &
 perfecto, sed per eos in quo subiecto inest risibilitas, in eodem inest rationalitas, **C**
 ergo rationalitas inesset homini existenti in actu specifico, & perfecto, ergo esset
 accidens, quoniam quæ adueniunt enti in actu specifico, & perfecto existenti, acci-
 dentia sunt. Eius igitur propositionis, rationale est risibile, sensus (nisi fallor) ap-
 prior erit, ut, scilicet, rationalitas sit causa risibilitatis; eius autem, risibile est ratio-
 nale, ut risibilitas proueniat à rationalitate tanquam à sua causa effici-
 ente sibi coniuncta sub qualibet temporis differentia; omnes
 itaq; propositiones illæ sunt ueræ causaliter, & sunt
 in quarto modo dicendi per se, qui ad
 primum; & secundum (ut
 diximus) reduci
 bilis est.

A *Ex sententia nonnullorum Aristotelis artificium declaratur circa quartum modum dicendi per se.*

CAP. IX.

ICE T quartus modus potissimæ demonstrationi sit utilis, quia tamen est hoc ex accidenti, idest, raro, nam raro evenit, ut causa efficiens, quæ collocatur in quarto modo, cum effectu reciprocetur, & posita ponat, atq; ablata auferat, sicuti se habet terræ obiectio cum lunæ defectu, hinc fit, ut nonnulli affirmant, quartum modum ab Aristotele omisum fuisse in modorum utilium enumeratione, quam fecit in decimo contextu secundum sectionem veterem, quoniam in Disciplinis nulla ratio habenda est eorum, quæ ex accidenti sunt, & raro eveniunt, asserunt tamen, Aristotelis artificium expendentes, non omnino ab eo neglectum fuisse; siquidem in quarto capite primi libri Posteriorum postquam modos omnes dicendi per se, & per accidens enumerauerat, docet, duos priores habere necessarium terminorum connexum, de quarto nihil dicit; in sexto etiam capite probans, principia demonstrationis esse per se, ac necessaria, eos tantum duos modos considerat, ut in ea parte legere possumus, quæ incipiens à contextu quadragesimo quarto desinit in quinquagesimum sextum secundum sectionem Auerrois, in quo conclusionem faciens omnium, quæ dixerat, inquit (per se igitur oportet & medium tertio, & primum medio inesse.) quibus verbis significat se loqui de illis tantum prædicatis, quæ insunt in subiectis, non de disjunctis, proinde de duobus tantum prioribus modis, non de quarto.

B itaque Aristoteles pro illa tantum demonstratione regulas ibi tradit, quæ sit per internas causas, non de illa, quæ sit per externas, quoniam raro contingit, ut causa externa ad demonstrationem utilis sit; voluit tamen demonstrationem per causas externas reduendam esse sub regulas, & præcepta eius, quæ sit per causas internas, idq; ab Aristotele notatum, atq; præceptum fuisse primi illi animaduerterunt, & est (inquiunt) magnum philosophi artificium nemini cognitum; locus, in quo id testatum reliquit Aristoteles, est particula sexagesima quinta secundum Auerrois partitionem primi libri posteriorum, ubi loquitur de scientia, ac demonstratione eorum, quæ sæpe fiunt, cum enim in præcedente eius libri parte potissimæ demonstrationis condiciones docuisset, & eas tantum demonstrationes, quæ ex internis causis fiunt, respexisset, in his enim locum habent duo soli priores modi dicendi per se; postea videns facile eventurum esse, ut eas, quæ per externas causas fiunt, à genere demonstrationis repelleremus, admone-

C re nos voluit, eas quoq; esse veras demonstrationes, earumq; principia, si recte considerentur, esse necessaria non minus, quàm illa, quæ in aliis demonstrationibus assumuntur.

D

Impugnantur ea, quæ in superiore cap. dicta sunt.

A

CAP. X.

CVM in superioribus satis superq̃ probatum fuerit, quartum modum dicē
 di per se secundum partem, non secundum suum totum ambitum ingredi
 potissimam demonstrationem; non solum falsum remanet, ut nec in decimo, nec
 in decimo quinto contextibus de quarto modo nihil dicat, sed etiam uidetur
 funditus ruere illud philosophi artificium super contextum uigesimalum secun-
 dum iuxta ueterem sectionem, ubi Aristoteles ait, (eorum autem, quæ sæpe
 fiunt, sunt demonstrationes, & quæ sequuntur,) præcipue si consideretur ibi
 eius intentio, quæ ex communi omnium consensu est, ut respondeat cuidam ta-
 citæ obiectioni; cum enim in præcedenti parte, eo quia principia potissimæ de-
 monstrationis debent esse uniuersalia, seu necessaria necessitate essentiali, dixe-
 rit, non licere demonstratiue transcendere de genere in genus, esseq̃ demon-
 strationem æternorum, & perpetuorum; posset aliquis latenter hunc in mo-
 dum instare, eorum, quæ sæpe fiunt, demonstrationes, & scientiæ sunt,
 ergo non semper æternorum sunt demonstrationes, & scientiæ, quæ enim sæpe
 fiunt, perpetua non sunt. quare uidens philosophus huiuscemodi instantiam, ei re-
 spondet, sub demonstrationem, ac scientiam cadere ea, quæ sæpe fiunt, ut Lunæ
 defectus, & huius generis alia, non ea ratione, qua sæpe, sed qua semper modo
 quodam sunt; non enim huius particularis defectus demonstrationes, & scien-
 tiæ sunt, sed eius, qui uniuersalis est. hæc uidetur esse causa, qua ibi motus fuit A-
 ristoteles ad asserendum, eorum, quæ extra subiectum sunt, esse demonstrationes,
 & scientias, non ea, quam illi posuerunt, ut, scilicet, admoneret nos utilitatē quar-
 ti modi dicendi per se, quem prius despexerat, falsum enim est, illum prius fuisse
 despectum, cum ea, quæ in decimo, & in decimo quinto contextibus dixit
 Aristoteles, non solum primo, & secundo modo, sed etiam quarto ad utrumq̃ re-
 ducibili possint accommodari, quando, scilicet, demonstrationes fiunt ex causa
 efficiente non uera, quæ est effectui semper annexa, & propterea cum eo nexum
 habet necessarium, ut patet de terræ interpolatione ratione Lunæ defectus. sed
 admittamus nunc, eam esse causam, quam illi posuerunt, uelleq̃ Aristotelem eo-
 rum, quæ sæpe fiunt, esse demonstrationes, & scientias, unde quæso colligere pos-
 sunt, demonstrationem de Lunæ defectu per terræ obiectionem esse potissimam?
 Si dicant, eo quia facit ut sciatur per causam, propter quam defectus est, quod
 illius est causa, & non contingere aliter se habere; tunc inferam, ergo principia
 huiuscemodi demonstrationis (ut ipsi quoq̃ fatentur) erunt necessaria necessita-
 te essentiali, non secus ac principia demonstrationū, quæ ex internis causis fiunt,
 ergo in illa, sicuti in his, medium tertio, & primum medio inerit per se, cum ex
 eodem fundamento corollarium hoc inferatur, à quo tam externæ, quam inter-
 næ causæ necessitatem essentialem habent, ex definitione, scilicet, ipsius scire sim-
 pliciter, quod tamen illi negant, asserentes, philosophum in calce decimi noni co-

B

C

D

A textus, quando ait, (Per se igitur oportet & medium tertio, & primum medio inesse,) de illis tantum prædicatis, quæ insunt in subiectis non de disiunctis loqui, quæ interpretatio voluntaria est, nam posita huius interpretationis ueritate, non omnia principia demonstrationis de Lunæ defectu essent necessaria necessitate essentiali, cum minor illius demonstrationis ex eorum sententia paulo infra non sit per se ullo modo, non erit igitur uniuersalis, atq; ideo necessaria necessitate essentiali, quare potissima non erit contra eorum opinionem demonstratio illa, de eclipsi Lunæ, cum de natura potissimæ demonstrationis sit habere propositiones necessarias necessitate excludente omnem contingentiam.

Ex aliorum sententia accidentium à duabus causis emanantium necessitas declaratur per comparisonem causa externa cum interna.

B

CAP. XI.

Arbitrantes nonnulli accidentibus, tum à subiecto, in quo inhaerent, tum à causa, à qua producuntur, emanantibus, ut uidere est de Lunæ defectu, & huiusmodi aliis, causam effectricem, non subiectum, existendi necessitatem inducere, ut id, quod dicunt, facilius intelligatur, conferunt accidentia hæc cum illis, quæ ab interna causa fluunt, sic enim manifestior fiet eorum necessitas. dictum ab illis est, accidens proprium pendere à subiecto tanquam à duplici causa, uidelicet, ut à materia externa, & ut ab efficiente per emanationem, ueluti risibile ab homine, quia latet in homine causa effectrix risibilitatis, quæ est ipsa hominis forma; igitur si fieri posset, ut hæc duæ causæ risibilitatis à se inuicem separarentur, & esset in homine risibilitas, in quo rationalitas non inesset, necessarium non esset, hominem risibilem esse, sed posset non esse risibilis, quia respectus, quæ habet homo ad risibilitatem, est respectus subiecti recipientis, & potentie passiuæ, quæ dicitur esse potentia æque respiciens utrumque oppositum; homo itaq; quatenus est materia, & subiectum risibilitatis, nullam illi accidenti infert existendi necessitatem, sed tam habere, quam non habere illam potest, quoniam, igitur seiuncta causa effectrice non est necessarium hominem esse risibilem, si absque illa risibilis esse posset, ea sola est, quæ illi accidenti ut in homine insit necessitatem imponit; ideo risibilitas necessaria est homini non propter pendentiam ab eo ut à materia recipiente, sed propter pendentiam à causa sua effectrice, quæ eidem subiecto insita est. simili ratione in accidentibus, quorum causa effectrix externa est, si eam mente cum subiecto accidentis coniungamus, accidens semper inest non minus, quam illud, quod causam internam habet, & hac ratione eius inhaerentia fit necessaria propter uim causæ efficientis; pendent enim hæc quoque accidentia & à subiecto tanquam materia, & à causa producente; at in eo differunt, quia

subiectum, & causa producens non sunt coniuncta, ut in illis, sed disiuncta; itaque **A**
 si subiectum non accipiamus solum, ac nudum, sed unitum uirtute causæ efficien-
 tis, accidentia illa sunt ei necessaria; ut Lunam si consideremus cum obiectione
 terræ, necesse est in ea fieri eclipsim, sed non est necessarium dum solam Lunam
 respicimus. ergo accidentia hæc, quæ ratione subiecti non semper sunt, semper ta-
 men sunt habita ratione causæ, quia certam causam necessario consequuntur.
 Ex his autem sumitur facilis interpretatio quorundam uerborum Aristotelis in
 primo capite secundi libri Posteriorum, quæ licet à Græcis optime declarentur,
 multis tamen negotium facessunt; loquens ibi Aristoteles de quæstione illa cō-
 plexa, quæ uocatur propter quid, dicit, per eam quæri causam eorum, quæ per
 se, uel per accidens insunt alicui; uidetur itaq; illa, quæ per accidens prædican-
 tur, ad demonstrationem admittere, quod quidem nulla ratione uidetur esse cō-
 cedendum; Græci sic interpretantur; per se insunt, ut in homine risibilitas, per
 accidens uero, ut eclipsis in Luna; est enim ex accidenti dum solius Lunæ ratio **B**
 habetur, attamen est per se adhibita causæ externæ consideratione, per se (inquā)
 secundo modo, quia in definitione eclipsis ponitur Luna, at non poneretur, si nul-
 la esset extra Lunam causa, quæ Lunam cogeret obscurari, causa namque exter-
 na facit eclipsim necessario, & per se in Luna inesse. Est autem aduertendum, ne
 propter ambiguitatem in difficultates labamur, duo esse genera eorum, quæ nō
 semper fiunt, ideōq; ex accidenti fieri dicuntur; illa enim, quæ casu eueniunt, ex
 accidenti sunt, & sub scientiam, ac demonstrationem non cadunt, quoniam raro
 fiunt non solum habita ratione subiecti, sed etiam habita ratione causæ, nullam
 enim certam causam necessario cōsequuntur, quia fiunt præter intentionem cau-
 sæ efficientis, quæ per se aliud quidpiam efficere uolebat; eclipsis autem raro fit,
 & sub scientiam cadit, quia ratione tantum subiecti raro fit, sed semper ratione
 causæ: eorum igitur, quæ raro, & ex accidenti fiunt, alia sub scientiam cadunt,
 alia non cadunt.

Impugnantur ea, qua modo notata sunt.

C A P. XII.

EX impossibili illa suppositione, ut per comparisonem causæ externæ cum
 interna declarare possent necessitatem eorum accidentium, quæ extra subie-
 ctum sunt, tantum abest, ut propositum assequantur, ut potius oporteat eos op-
 positum colligere. Sed antequam id ostendamus, aduertendum esse duximus,
 alio pacto se rem habere, quando aptitudo, & quando actus de subiecto demon-
 stratur; in aptitudine enim demonstranda sumitur solum forma subiecti, quia ab
 illa tantum fluit tanquam à causa effeetrice, non ab obiecto extra, ut patet quan-
 do demonstratur risibile de homine per animal rationale hunc in modum; omne
 animal rationale est risibile, omnis homo est animal rationale, ergo omnis homo **D**
 est risibilis; nec nō quando demonstratur eclipsabile de Luna per ipsum recipere

- lumen à sole, eiꝰ diametraliter opponi, hac ratione; omne syꝑus recipiens lumen à sole, & cum sole ita se habens, ut possit ei diametraliter opponi, est eclipsabile, Luna est syꝑus recipiens lumen à sole, & cum sole ita se habens, ut possit ei diametraliter opponi, ergo Luna est eclipsabilis. in actu autem demonstrando concurrunt natura subiecti, & obiectum extra, quoniam ab illis emanat, ut uide re est de eclipsi Lunæ, quæ partim fluit à natura Lunæ, quateus, scilicet, Luna est nata apta recipere lumen à sole, eiꝰ diametraliter opponi, partim uero ab obiecto extra, nimirum, à terræ interpolatione, per quæ omnia eclipsis demonstratur hoc pacto; omne syꝑus recipiens lumen à sole, & cum sole ita se habens, ut diametraliter terra inter se, & solem intercidat, eclipsatur, sed luna est syꝑus recipiens lumen à sole, & cum sole ita se habens, ut diametraliter terra inter se, & solem intercidat, ergo Luna eclipsatur, quælibet enim ex illis causis remoueatur, altera manente, tollitur eclipsis. hoc posito, ostendimus, solam terræ interpolationem non esse causam sufficientem ad Lunæ eclipsim demonstrandam; quemadmodum enim, ex eo quòd, remota ab homine rationalitate, non est necessarium, hominem esse risibilem, inferunt, solam causam efficiencem, quæ est animal rationale, risibilitati ut in homine insit necessitatem imponere; ita, ex eo quòd, remoto à Luna ut recipiat lumen à sole, eiꝰ diametraliter opponatur, non est necessarium, Lunam eclipsari, licet inter eam, & solem terra interponatur, non potest aliud inferri, nisi Lunæ naturam, & obiectum extra, terræ (inquam) interpolationem necessitatem eclipsi imponere, ut in Luna insit, ergo insufficiens est sola terræ interpositio ad demonstrandam Lunæ eclipsim: cum demonstrabile debeat per omnes illas causas demonstrari, à quibus fluit, sicuti itaque non est necessarium in Luna fieri eclipsim, dum solam Lunam respicimus absque terræ interpolatione, (non dico solam Lunam, idest, solam Lunæ materiam absque eius natura, quia hoc pacto sumptum subiectum non efficit secundum modum dicendi per se, ut disputatum fuit in præcedente libro capite decimo. quintæ, sed solam Lunæ naturam absque obiecto extra) ita non est necessarium in Luna fieri eclipsim, dum solā causam externā, nempe, terræ interpolationem respicimus absque Lunæ natura. Sed contra determinationem nostram posset aliquis & optime instare philosophi auctoritate in octauo libro Diuinorum contextu decimo tertio, ubi ponens eclipsis rationem sine causa, ait, eclipsis est priuatio luminis; si uero addatur, à terrā in medio interposita, inquit, hæc est ratio cum causā. Si itaque alia præter terræ interpolationem esset eclipsis causa efficiens, diminutus fuisset Aristoteles in enumeratione efficientium eclipsis caparum. pro responsione ad instantiam aduertendum est, in actu aliquo demonstrando non omnes causas concurrentes ad eius demonstrationem esse in genere causæ efficientis, sed solum obiectum extra, subiectum uero dispositum ad huiusmodi actum recipiendum, cum sit actu existens, atq; ideo materia in qua, reduci ad genus causæ materialis, agens enim debet agere in passum, idest, in subiectam materiam recte dispositam, hoc posito, dicimus, terræ interpolationem esse causam eclipsis in genere causæ efficientis, sed ea sola non est sufficiens ad ipsam demonstrandam, cum eclipsis

plis non solum à causa extrinseca, nempe, à terræ interpositione, quæ eius effe-
 ctrix est, sed etiam à Luna producatur tanquam subiecto disposito ad ipsius
 eclipsis receptionem. quando igitur loco citato ait Aristoteles, (si uero addatur, A
 à terra in medio interposita, hæc est ratio cum causa,) intelligit de causa effi-
 ciente, in quo genere causæ constituendo nobis est diminutus, cum terræ inter-
 positio in genere causæ efficientis sit adæquata causa eclipsis Lunæ, sed ipsa so-
 la non est causa sufficiens ad ostendendum eclipsim inesse Lunæ, quia præter ter-
 ræ interpositionem requiritur etiam Lunam esse modo prædicto dispositam ad
 eclipsis receptionem, si enim Luna non à sole, sed de se lumen haberet, à terra
 interposita minime prohiberetur lumen illud; neque etiam prohiberetur, con-
 cesso eam à sole lumen recipere, si ei diametraliter non posset opponi. Ex quo
 clare patet, demonstrationem de eclipsi Lunæ per solam terræ interpositionem
 non esse potissimam, cum sit constructa per causam non sufficientem. Quod at-
 tinet ad uerba philosophi in secundo Posteriorum: capite primo, ea non uidetur
 suscipere expositionem, quam ponunt, per illa .n. , quæ insunt p se intelligit A
 Aristoteles ea, quæ insunt sæper, ut risibile in homine, per illa uero, quæ insunt per
 accidens, intelligit ea, quæ insunt raro, ut eclipsis in Luna; sed dato philosophum B
 accipere (per se) ut sonat uox, & (per accidens) pro ut contradistinguitur à
 per se, concedimus, habita solum materię Lunæ consideratione absq; eius na-
 tura, eclipsim inesse ei per accidens, non per se in secundo modo, quia secun-
 dus modus fundatur in materia in qua, quæ est subiectum actu existens, compo-
 situm ex materia, & formā; negamus tamen eclipsim esse in Luna per se in se-
 cundo modo adhibita causæ externæ consideratione, quia per eam Luna non
 est actu Luna, & propterea non est materia in qua ad secundum modum re-
 quisita, sed utique adhibita Lunæ natura, per quam Luna est actu Luna, &
 subiectum requisitum (ut diximus) ad secundum modum dicendi per se absq;
 terræ interpositionis consideratione. Idemum circa illa duo genera eorum, quæ
 non semper sunt, quando dicunt, eclipsim raro fieri, & sub scientiam cadere, C
 quia ratione tactum subiecti raro fit, sed semper ratione causæ; dictum hoc quo-
 ad utranque partem patitur difficultatem, & primo quo ad primam, quia non
 raro, sed nunquam fit eclipsis habita solum ratione subiecti, siue illud
 sit materia absque forma, siue compositum ex materia, & formā,
 cum eclipsis, eo quia actus est, non solum à natura subie-
 cti, sed etiam à terræ interpositione fluat tanquam ab
 obiecto extra. Secundo; & ultimo quo ad secundam, quia per causam intelligunt ter-
 ræ interpositionem absque Lunæ natura, quod non admodum
 cum ueritate conuenit. Et plane in hoc re disputatum
 est, ut in problematibus philosophi est, ut in
 Aristotelis, in numerum communem non
 Q

A *Ex aliorum sententia quomodo demonstrationis facta per causam externam propositiones, & conclusio sint per se.*

C A P. X I I I.

- A** Sserentes, demonstrationem, quæ tam per externam, quam per internam causam fit, potissimam esse, declaratis iis, quæ ad demonstrationem per causam internam spectare uidebantur, explicare nituntur quomodo in demonstratione per causam externam, nimirum, quando demonstratur eclipsis de Luna per terræ interpositionem, propositiones, & conclusio sint per se. uerum ut id facilius perficerent, duobus modis demonstrationem illam formandam esse existimant, primo sic, Quod prohibetur radiis solaribus à terra obiecta, id obscuratur; atqui Luna prohibetur radiis solaribus à terra obiecta, Luna igitur obscuratur;
- B** Secundo autem modo hac ratione, illud, inter quod, & solem terra interponitur, obscuratur, at inter Lunam, & solem terra interponitur, ergo Luna obscuratur. sed utcūque formetur demonstratio, non facit fidē, nisi tanquā notum supponamus, Lunæ lumen à radiis solaribus effici. de maiori propositione, ac prædictarū demonstrationū cōclusionē clarū est in quo modo per se sint; conclusio .n. secū dū Aristotelis præcepta est in secundo modo dicendi per se, cum subiectū, cui prædicatum inest, in eiusdē prædicati definitione ponatur; maior uero est in quarto modo, cum ibi sit posita causa externa, quæ idonea est ad demonstrationem, quoniam adeptæ est secundī modi conditionem, habet enim subiectum, quod in prædicati definitione accipitur. de minori autem propositione quomodo sit per se non est facile demonstrare, nam in ea prædicatur de Luna interpositio terræ, seu impedimentum factum à terra interposita, quorum terminorū neuter alterius causa est. multi ad hoc multa dicunt, sed relictis aliorū responsionibus, eā omnīū
- C** tutissimā esse cēsent, ut assererent, minorē illā propositionē nullo modo esse per se; quod dicunt non esse ita absurdum, ut uidetur, si naturam demonstrationis, finemq; spectemus, & uerba philosophi recte, ac profunde perpendamus; finis de demonstrationis nō aliū est, quā perfecta propositi accidentis cognitio, nā cognitio subiecti p demonstrationē non quaritur, similiter neq; cognitio mediū, sed, & subiectum, & medium ante demonstrationē cognita supponuntur; tota igitur uis demonstrationis ad affectionem quæsitā dirigitur; proinde ea sola in demonstrando attendēda sunt, quæ ad ipsius affectionis plenā scientiam requiruntur; hæc cum multa sint, duobus tamen præceptis omnia perstringi possunt, cum .n. affectio pendeat tum à subiecto, tum à causa, quod ad subiectum attinet, uult demonstrari de proprio subiecto, cui primo inest; non de aliquo alio, ut risibile de homine, non de animali, & tres anguli æquales duobus rectis de triangulo, non de æquilatere, neque de figura; quod uero attinet ad causam, uult demonstrari per causam proximam, & sibi æquatam, qua una posita; ponitur, & qua ablata, aufertur, non per causam aliquam communem, & remotam, hæc

duo si adfinē, non est dubitandum, potissimam, ac præstantissimam eam demon- **A**
strationem esse, cum de re proposita nulla potior extrui queat; hoc autem dum
dicimus, asserimus in demonstratione summe essentialē connexum esse debere
affectionis tum cū medio, p quod demonstratur, tum cū subiecto, de quo demon-
stratur; medii uero cum subiecto non est necessarius talis essentialis connexus, ne-
que requiritur ut alterū alterius causa sit, cū neq; subiectum propter mediū, ne-
que mediū propter subiectū in demonstratione sumatur, sed utrunque propter
affectionē. Hæc omnia ita uera sūt, ut ex ipsius rei inspectione omnibus nota esse
deberent, si temporibus nostris philosophos haberemus, qui rerum naturas per-
scrutādo philosopharētur, nec solū uerbis Aristotelis additū, eaq; sapienter perperā
intelligētēs, ad ea res ipsas accommodare soliti essent, nil aliud quærentes, quā
quid dicat Aristoteles, neque aliunde, quā ex ipsius uerbis, argumēta ad oīum
cognitionē, & cōprobationē sumētēs. hāc suā rationē cōfirmant Aristotelis au-
toritate in secūdo Posteriorū, ubi sæpe dicit, potissimā ēē eā demonstratiōē, quā
eclipsis de Luna demonstratur p obiectionē terræ, licet propositio minor in ea **B**
demonstratione nō possit ullo modo ēē p se, nec obitant uerba Aristotelis in par-
ticula illa quinquagesima, sexta primi libri Posteriorū dicētis, & mediū tertio, &
primū medio p se inēē oportere; siquidē loquitur ibi de illa demonstratione, quæ
per internā causā fit, in ea .n. necesse est, ut mediū uel sit forma subiecti; uel eius
proprietas, proinde ut minor sit p se aut primo, aut secūdo modo; secus autē ē in
ea demonstratiōe, quæ fit p externā causā, quā si sub ea præcepta reducere uolu-
mus, satis est si sub iis eo modo comprehendatur, quo comprehendī potest, &
ea saltē participet, quæ ad potissime demonstrandum omnino necessaria sunt.

Quæ in superiori capite dicta sunt magna ex parte consulantur.

C. A. P. XIII.

Nulla potest dari potissima demonstratio (siue fiat illa per externā, siue per **C**
internā causam) quæ non habeat omnes propositiones per se, quod si pro-
batū fuerit, non solum aliis, sed etiam ipsismet absurda fortasse uidebitur respō-
sio illa, quam tutissimā esse arbitrātur, ut, scilicet, minor propositio demonstratio-
nis de Lunæ defectu per terræ interpositionē, quā dicunt esse potissimā, nullo mō-
do sit p se. & primo ad id probandū accipio pro fundamēto ea, quæ ipsi alibi cō-
cedunt, ut, scilicet, (per se ipsū, & quatenus ipsum, nihil aliud significare uidean-
tur, quā per essentiam propriam, quando enim subiectum per suam essentiam
habet aliquod prædicatum, dicitur per se ipsum, & quatenus ipsum illud habere,
quasi dicatur, ex eius subiecti essentia, non ex alia ratione illud prædicatum
subiecto competere.) posita huius fundamenti, quod est etiam philosophi, ue-
ritate, argumentor hunc in modum; Conclusio formata demonstrationis;
quæ est, ergo Luna eclipsatur, habet quatenus ipsum; seu secundum quod **D**
ipsum, idem enim significant, alioquin non esset quæsitum potissima demon-

- stratione demonstratiuum, ergo per iactum fundamentum eclipsis debet competere lunæ ex ipsius lunæ essentia, non ex alia ratione; sed per Aristotelem assertio alicuius subiecti non potest de eo demonstrari nisi per causam, propter quam tali subiecto competit, quæ quidem causa in uirtute ipsius secundum quod ipsum non potest esse nisi eiusdem subiecti essentia, medium igitur ad demonstrandam eclipsim de luna erit lunæ essentia, non autem alia ratio, ergo minor propositio non potest esse nisi per se, cum in ea medium de subiecto, cuius est essentia, prædicetur, sed per eos illa non est per se, ergo demonstratio de lunæ defectu non est potissima contra propriam eorum determinationem, nec confugere possunt ad illud nouum dogma de duplici (ipsius quatenus ipsum) significatione, de qua duplici significatione superius disputatum fuit, quia ratio illa interna, quæ requiritur ad quatenus ipsum, pro ut idem est cum prædicato uniuersali; non potest esse nisi ratio subiecti, merito cuius statim sequitur, minorem propositionem debere esse per se in omni potissima demonstratione. nisi dicant, aliud esse (quatenus ipsum) in demonstratione potissima, quæ sit per causam internam, aliud in demonstratione potissima, quæ sit per causam externam; quod quàm sit ex mente philosophi ipsis iudicandum relinquimus. Secundo, & ultimo, ad illud idem probandum accipio alterum philosophi, & eorum fundamentum, ut, scilicet, propositio non possit dici demonstratiua, nisi sit necessaria necessitate omnem contingentiam excludente, quæ nuncopari solet necessitas essentialis, seu, simpliciter, hoc iacto fundamento, argumentor sic, minor illa propositio, at inter lunam, & solem terræ interponitur, seu, luna inter se, & solem patitur terræ interpositionem, uel est demonstratiua, uel non est; si non est demonstratiua, demonstratio potissima constabit ex aliqua propositione non demonstratiua, quod est inconueniens; si uero est demonstratiua, per fundamentum erit necessaria necessitate omnem contingentiam excludente, sed huiusmodi non potest esse, nisi habeat prædicatum uniuersale; uerum non potest propositio dici uniuersalis, quin sit per se, cum minus commune, quod est ipsum uniuersale, contrahat ad se communius, quod est modus dicendi per se, ergo de primo ad ultimum; si illa propositio est demonstratiua, de necessitate sequitur, ut sit per se; formetur itaque ratio categorica hunc in modum, omnes propositiones necessariae necessitate essentiali sunt per se, sed omnes propositiones cuiuslibet demonstrationis potissimæ, uel sit illa à causa interna, uel à causa externa, sunt necessariae necessitate essentiali, ergo omnes propositiones cuiuslibet demonstrationis potissimæ, siue sit illa à causa interna, siue à causa externa, sunt per se, minor igitur illius demonstrationis de lunæ defectu propter terræ interpositionem contra eorum sententiam erit per se, alioquin non esset necessaria simpliciter, atque ideo non esset demonstratiua, maior huius rationis non indiget probatione, cum ex fundamento etiam ab illis concessio ueritatem sortiatur, & minor est philosophi ratione principiorum in primo posteriorum contextu septimo, decimo quinto, decimo sexto, & decimo octauo, ratione uero conclusiouis in septimo, decimo quinto, decimo sexto, & decimo nono. nisi dicant;

per principia Aristotelem intelligere medium, ita ut sensus sit, principi- **A**
 pia demonstrationis sunt necessaria, idest, medium potissimæ demonstrationis
 debet esse necessarium, non contingens, ubi non determinat, minorem debere
 esse necessariam; hæc responsio esset potius fuga; quam uera responsio,
 quia medium semper idem esse debet in utraq; propositione, ergo minor non
 secus, ac maior, erit necessaria, & præcipue ipsa minor, cum in ea me-
 dium sit prædicatum, à quo propositio recipit denominationem, si enim
 prædicatum fuerit contingens, tota propositio erit contingens, si uero neces-
 sarium, propositio quoque necessaria erit. fundamenta hæc, quorum uirtute
 de omni potissima demonstratione uerum est dictum illud philosophi in pri-
 mo Posteriorum contextu decimo notio, uidelicet, propter ipsum igitur
 oportet & medium tertio, & primum medio inesse, si illi diligenter ponderas-
 sent, non tam plane eam philosophi auctoritatem interpretati fuissent, ut, scilicet,
 ibi solum de demonstrationibus per causas internas progredientibus Aristote-
 les intelligat; neque ita facile enunciasent, in demonstratione potissima summe **B**
 essentialem connexum esse debere affectionis tum cum medio, per quod demon-
 stratur, tum cum subiecto, de quo demonstratur, medii uero cum subiecto non
 esse necessarium talem essentialem connexum; quia licet in demonstratione ne-
 que subiectum propter medium, neque medium propter subiectum sumatur, sed
 utrumque propter affectionem, non sequitur proinde, ut medii cum subiecto nō
 debeat esse necessarius connexus ille essentialis, cum affectio demonstranda non
 possit subiecto competere nisi ex eiusdem subiecti ratione, pro ut dictæ affectio-
 nis causa est effectrix; sicuti etiam non recte sequitur, dum inquirunt, nulla præsta-
 tior demonstratio pro Lunæ defectus scientia construi potest, quam per mediam
 terræ interpositionem, ergo demonstratio de Lunæ defectu per mediam terræ in-
 terpositionem est potissima, quia ad hoc ut aliqua demonstratio sit potissima, de-
 bet habere conditiones demonstrationi potissimæ requisitas, quibus uidetur ca-
 rere illa demonstratio de Lunæ defectu per solam terræ interpositionem; non est
 enim in materia necessaria necessitate essentiali, quæ omnem contingentiam ex-
 cludit, neque pro medio habet causam non causatam, in quibus duabus condi- **C**
 tionibus tota potissimæ demonstrationis natura consistit. demonstrationem il-
 lam non esse in materia necessaria simpliciter, ex eorum sententia clare patet, cū
 uelint, minorem illius demonstrationis non esse per se, nam si per se non est,
 nec est quidem uniuersalis, in qua conditione continetur necessitas essentialis,
 destructo enim communiore, destruitur quoque minus commune. pro medio
 uero non habere causam non causatam, quæ per Aristotelem in primo Poste-
 riorum contextu trigésimo nono secundum ueterem sectionem facit maxime
 scire, satis manifestum est, cum per naturam Lunæ, ex eo, scilicet, quod à so-
 le lumen recipit, & cum sole ita se habet, ut ei diametraliter opponi possit, de-
 monstramus aliquando, Lunam terra obiecta deficere. demum potissimā non ef-
 se demonstrationem de Lunæ defectu per solam terræ interpositionem, ostendi
 potest ex eorum uerbis, uolunt enim, (ut diximus sub initium præcedentis ca-

Apit) demonstrationem de lunæ defectu per mediam terræ objectionem, quomodocunque formetur, non facere fidem, nisi tanquam notum supponamus, lunæ lumen à radiis solaribus effici; si itaque in uirtute alterius medii fidem facit, per solum terræ obiectum non potest esse potissima. Hæc omnia (nisi fallor) ita vera sunt, ut ex ipsius rei inspectione illis quoque nota esse deberent, nisi, dum rerum naturas perscrutantur, nimium ab Aristotele recederent, ut faciunt in hac materia, cum philosophus nunquam in secundo Posteriorum potissimas dicat esse demonstrationes de lunæ defectu, de tonitruo, & de foliorum casu, illi uero affirmatiue oppositum existiment, quasi ex natura rerum Aristoteles non sit philosophatus; licet enim ibi earum, in quibus medium est tantum causa effectrix passionis, meminerit, id solum (quantum coniecere possumus) hac de causa fecit, ut innueret, potissimæ demonstrationis medium, quamuis non possit esse uisi essentialis subiecti definitio, non debere considerari nisi ut propter quid affectio nis demonstranda.


B *Dictum de omni posterioristicum reperiri in omnibus propositionibus illius potissima demonstrationis, qua concluditur, hominem risibilem esse propter animal rationale.*

C A P I T U L U M XV.

PR O B E (ni fallor) iam constituto, omnes propositiones illius potissimæ demonstrationis, qua ostensum fuit, hominem risibilem esse propter animal rationale, esse per se, & in quo modo, superest ut ostendamus, eas habere etiam dictum de omni posterioristicum; in quo negotio non multum laborabimus, cum de se pateat, eas habere uniuersalitatē subiecti, & temporis perpetuitatē, quæ duæ conditiones requiruntur ad dictum de omni posterioristicum; nam risibile prædicatur in maiori propositione sub qualibet temporis differentia de animali rationali, & de omni contento sub illo, eodemque modo animal rationale de homine in minori, nec non risibile de eodē homine in conclusione, ergo propositiones illæ habent dictum de omni posterioristicum. cum itaque hæcenus demonstratum sit, omnes conditiones necessarij essentialis conuenire omnibus propositionibus potissimæ demonstrationis, concludendum est, non solum principia sed etiam eius conclusionem esse necessariam necessitate essentiali omnem contingentiā excludente, ex qua necessitate essentiali tota potissimæ demonstrationis natura emanat, cum per eam demonstratiuus syllogismus à quolibet alio syllogismo distinguatur.

*Laus iterum, Honor, & Gloria Deo Optimo maximo,
Qui Trinus, & Unus est.*

D *F I N I S.*



BERNARDINI PETRELLAE LOGICARVM DISPUTATIONVM

Liber Quintus

DE EA DEMONSTRATIONIS SPECIE, QVAM VOCANT POTISSIMAM.

Explicatur primum corollarium, è numero eorum, quæ simpliciter necessario inferuntur.

C A P. I.



VM declaratum sit præcedente libro, necessarium, circa quod uersatur demonstratio potissima, esse illud simpliciter necessarium, quod omnem contingentiã excludit, reliquum est, ut explicemus nonnulla corollaria, quæ ex eodem simpliciter necessario inferuntur, quorum primum est, non licere demonstratiue transire de genere in genus, id est, de subiecto unius in subiectum alterius scientiæ. nam si liceret, media, & extrema contra philosophum non essent ex eodem genere, quomobrem principia, & conclusio non haberet prædicatum uniuersale, cum termini diuersarum scientiarum non sint pares, & conuertibiles. per diuersas scientias debent intelligi illæ, quæ habent distincta subiecta, ut Geometria, Arithmetica, & naturalis philosophia, in quibus non datur huiusmodi transitus; quia scientiæ, quæ habent distincta subiecta, ex necessitate habent etiã distinctas passionēs, uel accidentia per se, nec non distincta media, cum unumquodque subiectum proprias passionēs, earumq; determinatas habeat causas; quare si in eis daretur transitus demonstratiuus, propositiones, & conclusio (ut dictum est) non haberent secundum quod ipsum, & uniuersale prædicatum, & propterea non essent demonstratiuæ. cum itaque omnes termini demonstrationis uni tantum determinatæ scientiæ accommodari debeant, propositionesq; ex terminis constituantur, sequitur, ut, sicuti eosdem terminos secundum unum, & eundem considerandi modum diuersæ scientiæ non contemplantur, ita neque easdem propo

sitiones eodem modo considerare possint; præterea, cum ex propositionibus de
A monstrationes formentur, diuersarum scientiarum iisdem propositionibus eodem mo-
 do consideratis non utantur, rationi consonum est, ut etiam integræ uti non
 possint eadem demonstratione; Transitus igitur de una in aliam scientiam dari
 non potest nec ratione simplicium terminorum, nec ex parte propositionum,
 nec demum ratione totius demonstrationis, nisi quando unus scientificus alte-
 rius habitum induit ad euitandos errores, qui contingere possent circa ea, quæ
 determinanda sunt in propria scientia, ut facit philosophus in primo Physicorū
 à textu sexto usque ad quadragesimum primum, nec non in primo de Anima,
 & alibi, induens habitum Metaphysici, eiusque rationibus utens; seu quando demō-
 stratio per se facta in una scientia inferuire potest considerationi, quæ in aliqua
 alia scientia fieri debeat, ut uidere est de eadem demonstratione, quæ prout Ari-
 stoteles in primo Physicorum contextu quinquagesimo primo, & in duodecimo
 Diuinorum contextu sexto ad probandum dari materiam primam; nec non de
E a in octauo Physicorum contextu septuagesimo nono ad probandum primū
 motorem impartibilem esse, quam repetit philosophus in duodecimo diuinorū
 contextu quadragesimo primo. Si uero in diuersis scientiis subiectum esset uel
 simpliciter idem, uel aliquo modo idem, non esset inconueniens de sententia phi-
 losophi in primo posteriorum contextu uigesimo secundum ueterem sectionem,
 dari in eis transitum demonstratiuum, concludendo per medium unius scientiæ
 passionem, seu per se accidentia de subiecto alterius scientiæ. per subiectum simpli-
 citer idem: non est intelligendum ut sit idem ex parte rei, quia absurdum est in
 diuersis scientiis idem reperiri subiectum ex parte rei, sed est intelligendū (quem-
 admodum: notat Auerroes in tertio Cœli commentario septimo) ut sit idem
 secundum similitudinem, quod patet de magnitudine, & numero, nam magnitu-
 do est per se subiectum in Geometria, cum Geometria per se primo de illa passio-
 nes demonstrat, nimirum, esse lineale, esse superficiale, esse corporeum, & similia;
E est quoque magnitudo subiectum in Arithmetica secundum similitudinem, &
 ex accidenti, quatenus scilicet numerus induit rationem magnitudinis, & sit
 Arithmetica secundum similitudinem, & ex accidenti geometrica demonstra-
 tione speculatur an dentur numeri lineales, superficiales, & corporei: si corpo-
 rei, an cubi, uel non cubi, & similia. numerus autem ex opposito per se est subie-
 ctum in Arithmetica, nam per se primo Arithmetica demonstrat de illo pro-
 prias passiones, nempe, ut sit par, aut impar, in Geometria uero est subiectum, se-
 cundum similitudinem, pro ut magnitudo subit rationem numeri, quare demon-
 stratione arithmetica contemplatur geometra, secundum similitudinem, tamē,
 & ex accidenti, an detur magnitudo par, uel impar. per subiectum autem aliquo
 modo idem in diuersis scientiis intelligendum est illud subiectum, quod ab una
 scientia secundum defectum, & ab altera secundum excessum consideratur, si-
 cuti est subiectum scientiæ subalternantis, & subalternatæ, Geometriæ, scilicet, & per
D spectiuas Geometria enim physicam lineam considerat, sed non quatenus est
 physica, id est, non prout est in materia sensibili, uerum simpliciter, ut linea, & pro
 ut est

ut est à materia sensibili separata; perspectiva autem mathematicam quidem lineam considerat, sed non quatenus mathematica, hoc est, non, pro ut est à materia separata, sed quatenus physica est, addendo ei differentiam accidentalem, nimirum, visuale, perspectiva enim considerat lineam pro ut visualis est, quæ differentia dicitur accidentalis lineæ, quia non est de eius ratione esse visuale, sed longitudo, cuius extrema sunt duo puncta.

Ex accidenti disputatur de scientiis subalternis.

C A P. II.

Cum de scientiis subalternis facta sit mentio, advertendum esse duximus, subiectum materiale idem esse in subalternantibus, & subalternatis, ut patet de linea in geometria, & perspectiva, sed eadem linea cum differentia illa accidentalī, quam ei perspectivus addit, redditur adeo proprium, & adequatum perspectivæ subiectum, ut nullo pacto sic considerata possit esse subiectum tale in geometria, sicuti est contra lineam cum defectu, id est, sine ulla additione, quatenus linea est, adeo proprium, & adequatum geometriæ subiectum sit, ut perspectivæ ita considerata nunquam huiusmodi subiectum esse possit, ex quo colligitur, defectum, & additionem in eis gerere vicem modi considerandi, cum linea, ut linea, ad geometriam, ut autem visualis ad perspectivam contrahatur; nam si tam in superiori, quam in inferiori scientia subiectum ita alteratum esset idem, utraque redderet quod, quando inferior de suo subiecto demonstrat nonnullas passiones per se competentes subiecto scientiæ superioris, at consequens est contra philosophum in primo posteriorum libro contextu vigesimo tertio secundum veterem sectionem, ubi ait, (subalternantem, & subalternatam scientiam differre, quoniam ipsum quod alterius scientiæ est, videlicet, subalternatam, subiectum namque genus alterum: ipsum vero propter quid superioris, cuius per se passiones sunt,) ergo contra philosophum erit etiam antecedens; nec obstat, quod ibi dicat, (subiectum namque genus alterum,) quoniam in scientiis etiam non subalternis subiectum penitus distinctum nuncupatur ab Aristotele alterum, ut patet in primo posteriorum contextu vigesimo sub initium, quando ait, (quorum autem genus alterum, quemadmodum arithmetice, & geometriæ, non est arithmetice demonstrationem cōaptare ad accidentia magnitudinibus, &c. præterea, dato, quod per subiectum alterum in scientiis subalternis debeat intelligi, ut nonnulli videntur, velle) subiectum aliqua alteratione affectum, huiusmodi alteratio applicata facit earum scientiarum subiecta adeo inter se distincta, ut unum non possit esse veriusque adequatum subiectum pro intelligentia huius inter eas discriminis; notandum est, eorum, quæ scientificis inferior, videlicet, perspectivæ de radiosa linea demonstrat, alia esse; quæ radiosa linea insunt, quatenus linea est, nempe, ut sit recta, vel curva; nec non ut super ea

- A fieri possit triangulus æquilaterus, & his similia, quæ omnia radiosæ lineæ conceduntur ex parte qua lineæ est, & ideo sunt passionēs superioris scientiæ, nimirum, geometriæ; alia uero esse, quæ radiosæ lineæ insunt ex parte qua est radiofa, ut, scilicet, radiosæ lineæ super re tersa, & polita reflectatur, quod non geometriæ, sed solum perspectiue passio est. hoc posito, uult philosophus, ut subalternatæ scientiæ sit reddere duntaxat quòd quantum ad passionēs, quæ de eius subiecto demonstrantur, licet sint passionēs scientiæ subalternantis, & huius rei ratio est, quia ad eam scientiam spectat reddere quod, à qua consideratur subiectum, reddere uero propter quid superioris est scientiæ, quoniam eius sunt proprietates, quæ de subiecto inferioris scientiæ demonstrantur, cum hoc tamē congruit, ut inferior, idest, subalternata scientia possit quandoque reddere, & quòd, & propter quid, quod erit quando de subiecto suo demonstrabit quæ in eo insunt merito sui; ut gratia exempli, si perspectiuus demonstraret de lineâ radiosâ, ut esset recta, aut curua, uel ut super ea fieret triangulus æquilaterus, tunc perspectiuus, non geometra, daret quòd, quia perspectiuus, non geometra, contemplatur lineam radiosam; propter quid autem non perspectiuus, sed solus geometra redderet, huiusq; rei ratio est, quia esse rectum, uel curuum, nec non fieri triangulum æquilaterum accommodantur radiosæ lineæ, non quatenus est radiosâ, sed ex parte qua lineæ est; uerum si perspectiuus demonstraret, radiosam lineam reflecti ad rem tersam, uel politam, tunc non solum redderet quòd, seu, quia, sed etiam propter quid; nec geometra aliquo modo ad huiusmodi quæsitâ locum habet, cum ea non consideret, at si de suo proprio subiecto, nempe, de lineâ, ut lineâ est, demonstraret, eam esse rectam, uel curuam, seu fieri super eadem lineâ data triangulum æquilaterum, tunc non solum daret propter quid, sed etiam quòd. Et hæc de scientiarum subalternantium, & subalternatarum discrimine dicta sint satis; de conditionibus uero ad scientias subalternas requisitis in præsentî loco non disputabimus, cum de illis eruditissime ab aliis disputatum sit.
- C

Communis hac opinio à nonnullis impugnatur.

CAP. III.

- Hanc communem opinionem nonnulli euertere nitentes, inquirunt, sententiam quidem omnium esse, ut, cum scientia inferior addat subiecto superioris materiam, & sensilem qualitatem, subiectum illud è scientia superiore acceptum, ut numerus ex arithmetica, sit in inferiore, ut in musica, res considerata, qualitas autem adiecta, ut sonus, sit ratio formalis, & modus considerandi; quod quidem omnino falsum est, sequeretur enim, scientiam inferiorem non esse mathematicam, sed partem scientiæ naturalis, nam ut quælibet res à forma constituitur, & nominatur; ita scientia omnis à modo considerandi; sonus autem, & uisus sunt res naturales, ergo si musica con-
- D

sideraret numerum ut in sonis, & perspectiua lineam ut in visu, utraque absque
 dubio esset scientia naturalis, quomodo igitur verum esse potest id, quod de his
 asserit Aristoteles, demonstrationes omnes musicas, & perspectiuas fieri ex prin- **A**
 cipiis sumptis ē superioribus scientiis subalternantibus? etenim non ne hoc esset
 transferre principia de genere in genus? quomodo etiam fieri posset ut demon-
 strationes factæ in musica appellarentur arithmeticae, & demonstrationes factæ
 in perspectiua uocarentur geometricæ, ut similiter asserit Aristoteles? quod si
 verum est, & superior mathematica est, debet inferior quoque esse mathematica.
 solent præterea omnes dicere, subalternas non facere numerum, quod si verum
 est, non potest inferior scientia esse naturalis, si superior est mathematica. cum igitur
 dicendum sit, has omnes esse mathematicas, & nullam ipsarum esse natura-
 lem, necesse est, omnes fuisse deceptos, dum dixerunt, sensilem illam qualitatem
 esse in sciētia inferiore modū cōsiderandi. Nos igitur (inquiunt) post Auerroē
 primi huiusce rei veritatē declaremus, quā ex ipso Auerroē didicimus in cōmē-
 tario sexagesimo nono primi libri Posteriorum, quem locum cum nemo hæte- **B**
 nus intellexerit, non paruum operæ precium faciemus, si ipsum pro occasione
 paucis verbis declarauerimus: inquit ibi Auerroes, triplex dari scientiarum di-
 scrimen habita ratione subiecti, nam aliquæ differunt penitus in re cōsiderata,
 quas etiam in modo considerandi differre necesse est, quia diuersæ materiæ ad
 diuersarum formarum receptionem diriguntur, tales sunt arithmetica, & geo-
 metria, illa enim numerum, pro ut est numerus, hæc uero magnitudinē, quate-
 nus magnitudo est, contemplatur. aliæ in re cōsiderata non differunt, sed in mo-
 do tantum considerandi, ut diuina scientia ens considerat, quatenus est ens, na-
 turalis uero ens, quatenus est mobile; propterea hæc scientiæ diuersæ sunt, quia
 quæ à formis diuersis constituuntur, etiā si materiā eādē habeāt, res diuersæ dicē-
 dæ sūt. Aliæ uero eādē re cōsiderant, sed una cū additione, altera cū defectu; quæ
 tertiū mēbrū propter subalternas ab Auerroē ponitur, ut oēs constentur, supe-
 rior .n. tractat eādē re cū defectu sensilis qualitatis, quā inferior cū talis qualita-
 tis additione; sed quia pingui minervā alii distū hoc Auerrois accipiūt, nos pro
 fundius ipsū cōtēplari oportet; cū .n. subiectū utriusque scientiæ habeat & re cō- **C**
 sideratā, & modū cōsiderādī, uidēdū est in utra harū duarū partiū Auerroes sub-
 alternarū sciētiarū discrimen cōstituāt, nā si in ambabus differant, certum est, ter-
 tium, & primū diuisionis mēbrū in eundē sensum cadere, proinde non tria esse
 mēbra, sed duo; si uero in solo modo considerandi, non in re considerata, simili-
 ter tertiū mēbrū idē est, ac secundū, quare duo tantū mēbra sunt, non tria, ergo re
 manet ut dicamus, Auerroem intelligere discrimen esse in sola re considerata,
 non in modo cōsiderandi, quæ est re uera sciētiarū subalternarū cōditio, sic .n. fa-
 cile est tueri, eas nō facere numerū, & eādē sciētiā esse, nō duas diuersas. dici-
 mus igitur, has scientias in re considerata non penitus differre, sed accidentali-
 tantum differentia; in modo autem considerandi nullo pacto differre, sed eun-
 dem seruari in subalternata, ac in subalternante considerandi modum; additio **D**
 namque sensilis qualitatis (quod nemo, hætenus intellexit) fit soli rei consi-

derata, non ipsi modo considerandi; ut in musica res considerata, est numerus
A sonorus, modus autem considerandi est ut numerus, non ut sonus; in perspecti-
 ua res considerata est linea in visu accepta, modus autem considerandi, est ut li-
 nea, non ut in visu; quod ab Aristotele clara voce prolatum legimus, in tertio
 capite libri decimi tertii metaphysicæ, quare hanc ipsius sententiam extitisse ha-
 udquaquam dubitare debemus; licet enim in particula vigesima secundi libri
 Physicorum contrarium dicere videatur, dum inquit, perspectiuum considerare
 lineam, non quatenus est mathematica, sed quatenus est naturalis; tamen non est
 dicendum Aristotelem sibi contradicere, sed pingui minerva ibi sumere hanc
 dictionem, quatenus, quæ ibi non significat modum considerandi, sed discrimen
 solum perspectiuæ, ac geometriæ qualecumque illud sit; cum enim hanc illi con-
 traponat, ideo ad eam differentiam efficacius denotandam utitur ea uoce, qua-
 tenus, qua significaret perspectiuam uergere quodammodo ad naturalem,
 ob illam, quam diximus, accidentalem differentiam adiectam; ac si putasset;
B perspectiuam esse uere naturalem, certe in principio eiusdem contextus non eam
 uocasset mathematicam, significauit etiam hanc sententiam Aristoteles in con-
 textu sexagesimo nono primi libri posteriorum secundum Auerrois diuisionem,
 quando de subiecto inferioris scientiæ loquens, dixit ipsum esse alterum, id est, al-
 teratum, subiectum enim scientiæ superioris nulla qualitate alteratum dicitur,
 sed subiectum inferioris, proinde non aliud esse dicitur, sed alteratum. Ex his igitur
 ratio facile colligi potest, cur perspectiuæ aliquando uocatur geometria,
 & musica appellatur arithmetica, & omni subalternatæ nomen subalternantis
 attribui potest; nam ubi idem penitus est modus considerandi, ibi eadem est for-
 ma constituens, à qua cuiusque rei nominatio sumi solet.

Tradita impugnatio refellitur.

C

C A P. I I I I.

Respondentes ordinatim ad obiectiones, & primo ad primam, negamus, secu-
 turum, scientiam inferiorem esse partem scientiæ naturalis, modus enim con-
 siderandi musicæ non est sonus, sed sonorum, & perspectiuæ non est uisus, sed ui-
 suale esse; & licet huiusmodi subalternatæ scientiæ considerent formas in mate-
 ria, quemadmodum naturalis philosophia, proinde non sequitur, eas esse partem
 scientiæ naturalis, quia philosophus naturalis considerat formas illas ex earum
 principiis substantialibus, ipsæ uero ex earum accidentibus; uidentur itaque per-
 spectiuæ, & musica, quamuis inter mathematicas connumerentur, accedere po-
 tius ad naturam philosophiæ naturalis, quam ad naturam mathematicæ disci-
 plinæ, ut testatum reliquit philosophus in secundo Physicorum contextu
D uigesimo; idcirco non tollitur quin aliquæ perspectiuæ, & musicæ demonstra-
 tiones fiant ex principiis sumptis à superioribus scientiis subalternantibus;

quando, scilicet, de subiectis scientiarum inferiorum demonstrantur passion-
 nes per se scientiæ superioris, nec tunc inconueniens est ex sententiâ Aristotelis
 in primo Posteriorum contextu uigesimo transferre principia de genere in ge-
 nus, quâmobrem demonstrationes aliquæ factæ in perspectiua optime appellan-
 tur geometricæ, & aliquæ in musica erectæ uocantur arithmeticæ, cum in illis
 principia, & media geometrica, in his autem arithmetica sint. quemadmodum
 itaque geometria, & arithmetica sunt mathematicæ, ita mathematicæ sunt per-
 spectiua, & musica, quæ quidem subalternæ scientiæ secundum communem con-
 siderandi modum, quem possunt habere, non faciunt numerum, illum tamen fa-
 ciunt secundum proprium considerandi modum, quare uera omnia remanent,
 quæ de subalternis asserit Aristoteles. Quod uero spectat ad illorū opinionē, exi-
 stimamus, eam cū ueritate non conuenire, tū quia rationi, tum quia philosopho
 aduersari uidetur; rationi quidē repugnat, quoniā si idem esset modus cōsideran-
 di geometriæ, & perspectiui, idem ēt esset utriusque modus definiendi, cū modus
 considerandi sumatur à modo definiendi, & ē contra, ergo perspectiuius deberet
 definire lineā uisualē eo modo, quo geometra definit lineā; sed consequens est
 falsū, ergo & illud, ex quo sequitur. falsitas consequentis patet, quia geometra
 definiendo lineam, ait, lineā est longitudo sine latitudine, cuius extrema sunt
 duo puncta, perspectiuius autem definiendo lineam uisualē, inquit, lineā
 uisualis est longitudo habens latitudinem, & profunditatem, nam lineā uisuali,
 cum sit corpus, supra longitudinem, quā accipit geometra in definitione li-
 nē, addit perspectiuius latitudinem, & profunditatem, quas à lineā remouet geo-
 metra. contradicit quoque philosopho in secundo Physicorum contextu uige-
 simo, ubi asserit, modum considerandi perspectiui diuersum esse à modo cōsi-
 derandi geometriæ, cum uelit lineam physicā, quæ est terminus corporis na-
 turalis, considerari à geometra mathematicæ, idēst, simpliciter quatenus lineā
 ēst, non quatenus est physica, mathematicā uero lineam à perspectiuo considera-
 ri quatenus physica est. non sumitur igitur dictio illa (quatenus) ab Aristotele (ut
 dicunt ipsi) pingui minerua, pro ut, scilicet, significat solum discrimen perspe-
 ctiuæ, & geometriæ, qualecunque illud sit; sed accipitur semper pro ut modum
 considerandi, formalemq; rationem significat, nec inde sequitur (ut declarau-
 mus) perspectiuam esse partem naturalis philosophiæ. Ad Aristotelem uero in
 decimo tertio libro Diuinorum contextu tertio (admittendo nunc Aristotelis
 esse librum illum, ac decimum quartum) respondemus, hac de causa id ab eo di-
 ctum esse, quia aliquando perspectiua demonstrat de lineā uisuali proprietates ei
 competentes, quatenus est lineā, & musica demonstrat interdum de numero so-
 noro passionē ei competentes pro ut numerus est, & tunc non est inconueniens,
 ut subalternantes, ac subalternæ scientiæ differant in re considerata, in modo
 autem considerandi concurrant, at inconueniens est dicere, semper geometriæ,
 ac perspectiui, nec non arithmeticæ, & musicæ esse eundem considerandi mo-
 dum, non contradicit igitur Aristoteles sibi ipsi. hæc eadem responsio (nisi fal-
 lor) confirmationi ex Auerroe desumptæ in primo Posteriorum commentario

sexagesimo nono optime satisfacere videtur, nam quando scientia subalternata, nimirum, perspectiua, demonstrat de suo adequato subiecto, nempe, de linea uisuali, ut sit recta, uel curua, quæ passio per se competit subiecto geometriæ, uide licet, lineæ quatenus est linea, tunc necesse est, ut scientiæ subalternantes, & subalternatæ differant in re considerata, in modo uero considerandi conueniāt, & hoc pacto continentur in tertio Auerrois diuisionis membro; si uero considerentur scientiæ subalternantes, & subalternatæ pro ut demonstrant de suo adequato subiecto passionem ei per se competentes, tunc absque ullo inconuenienti in secundo eiusdem diuisionis membro collocantur.

Alia duo corollaria explicantur.

C A P. V.

B Declarato primo corollario, quod ex necessario simpliciter inferitur, ad reliqua duo explicanda accedimus, quorum alterum est, necessarium esse, ut conclusio potissimæ demonstrationis utranque propositionem uniuersalem habentis perpetua sit. cuius rei ratio est, quoniam principia, si sunt uniuersalia, sunt etiam necessaria, sempiterna, atq; perpetua, cum uniuersale semper seruetur uel in aliquo ex suis singularibus, ut patet de uniuersali positiuo, de homine, scilicet, equo, & similibus; uel in sua causa cum temporis determinatione, ut uidere est de Lunæ defectu, qui semper est, quia semper in determinatis temporibus inter solem, & Lunam sit terræ interpositio, quæ est causa efficiens non uera dicti Lunæ defectus; sed ex ambabus propositionibus necessariis, sempiternis, & perpetuis non potest sequi nisi necessaria, sempiterna, atq; perpetua conclusio, ergo existens principis potissimæ demonstrationis uniuersalibus, conclusio non potest esse nisi perpetua. Quoniam uero definitio est aut principium demonstrationis, aut demonstratio positione differens, aut conclusio quædam demonstrationis, idem esse debet iudicium de definitione, & demonstratione, ut, scilicet, non secus, ac demonstratio, sit perpetuorum; nec obstat Commentatoris auctoritas in primo de Anima commentario octauo, ubi ait, definitiones esse rerum particularium extra intellectum, quæ corruptibiles sunt, quia non asseruat Commentator esse corruptibilium definitiones, sed dixit hoc, ut denotaret, definitiones non esse uniuersalium extra animum actu existentium, ut uidebatur uelle Plato, sed eorum uniuersalium, quæ realiter à suis singularibus non separantur. Explicato secundo corollario, tertium aggredimur, quod est, ut conclusio demonstranda non possit sciri per principia communia communiter accepta, sed solum per sibi appropriata; nam si principia non essent appropriata demonstrandæ conclusioni, sed communiter accepta, non essent secundum quod ipsum, & propterea non essent uniuersalia; sed principia potissimæ demonstrationis esse uniuersalia disputatum est superius, ergo existentiæ

bus principiis potissimæ demonstrationis uniuersalibus, sequitur de necessitate, illa debere esse appropriata conclusioni eiusdem potissimæ demonstrationis.

A

De modo præcognoscendi principia, aliæq. scientia ratiocinatiua præcognita.

CAP. VI.

HAEC appropriata principia in qualibet scientia ratiocinatiua diuerso modo à duobus aliis præcognitis, à subiecto, scilicet, & à passione, præcognoscuntur, nam de principiis ultra quid nominis oportet præcognoscere quòd, idest, ea esse uera, de passione quid eius nomen significet, de subiecto uero utrūque, quòd, scilicet, & quid nominis. sed ne quispiam crederet, unam, & eandem esse præcognitionem quòd principiorum, & subiecti, aduertendum esse duximus, præcognitionem quòd, seu quia est, duplicem esse, simplicem unam, alteram cōpositam, præcognitio quia est simplex, quæ competit subiecto, idem significat, ac præcognoscere an conceptui uniuersali, de quo aliqua passio quæritur, extra animus aliquid respondeat, quia fat est in omni doctrina, & disciplina ratiocinatiua de subiecto, idest, de conceptu illo uniuersali præcognoscere ut sic in rerum natura, hoc est, ut existat extra animus res aliqua particularis ei correspondens, non ut subiectum, uel conceptus ille debeat habere actualement existentiam. præcognitio autem quia est composita principiis conueniens idem significat, quod esse uerum ueritate propositionis de tertio adiacente, idest, significat ueritatem inherentiæ prædicati in subiecto per copulā, quod à præcognitione quia est subiecti remouetur, licet etiam ipsa significet ueritatem propositionis, quia non significat ueritatem propositionis de tertio, sed de secundo adiacente, hinc factum est, ut hæc subiecti præcognitio simplex, illa uero principiorum composita nuncupetur. & quoniam tam de passione, quàm de subiecto præcognoscitur quid, quod duplex est, uidelicet, quid nominis, & quid rei; animaduertendum est, de passione præcognosci solum quid nominis, de subiecto autem & quid nominis, & quid rei, & hoc in scientia particulari, nam medium, quod in potissima demonstratione præcognoscitur, semper est quiditatiua subiecti definitio, licet non consideretur ibi ut eius quiditas, sed duntaxat ut propter quid passionis, in scientia uero uniuersali non dedecet quæri posse, de subiecto quid rei, dummodo præcognoscatur quid nominis. ex hac præcognitionum distinctione apparet distinctio inter præcognita, subiectum enim distinguitur à principiis, quia de eo præcognoscitur quid rei, ultra quid nominis commune omnibus præcognitis, & ultra quia est, de illis uero nequaquam; distinguitur etiam à passione, quoniam de subiecto præcognoscitur quòd est, de passione autem demonstratur, in qua quidem præcognitione quòd, seu quia est, passio eodem modo à principiis distinguitur, ut, scilicet, de illis præcicipiatur, de ea uero monstratur. hinc factum

A est, ut Auerroes, & optime, in quaesito primo demonstratio de conditionibus principiorum demonstrationis dixerit, in demonstrationibus esse tres res, idest, tres terminos naturaliter distinctos. sed notandum est, non semper in his tribus præcognitis locum habere attributas præcognitiones, nam quando principia, & subiectum sunt nobis manifesta solum quo ad quid nominis, reiiciuntur quo ad hoc, & præcognoscuntur quo ad esse uerum, & è conuerso, quando sunt nobis manifesta solum quo ad esse uerum, refutantur quo ad hoc, & præcognoscuntur quo ad quid nominis, quando uero sunt clara quo ad utrumque, quo ad utrumque repudiantur, sicuti quo ad utrumque præcognoscuntur, quando quo ad neutrum nobis patent; & hoc idem uerum est de passione quo ad eius quid nominis, ut, scilicet, illud aliquando despiciamus, si nobis manifestum fuerit.

B *De conuersione potissima demonstrationis in definitionem, impugnatur eorum opinio, qui existimant, maius extremum prædicta demonstrationis semper esse propriam passionem, nunquam eius genus.*

C A P. VII.

HIS explicatis, quæ ad potissimæ demonstrationis constitutionem concurrere, eamque consequi uidebantur, reliquum est, ut aliquantulum digrediamur circa modum, quo definitio passionis ex demonstratione elicitur, & rursus in demonstrationem redigitur, cum dictum fuerit sub initium tertii libri, nos de potissima solum demonstratione esse uerba facturos, quæ potentia est tota passionis definitio per eam demonstrata; dicimus itaque inter omnes definitionis species alicuius passionis ab Aristotele positas in primo Posteriorum contextu ultimo secundo, & in secundo libro contextu decimo; eam omnium perfectissimam esse, quæ constat ex causali, & essentiali definitione illius passionis, nam æcidentia propria, præter essentialem definitionem constantem ex genere, & differentia, habent extra causam aliam, à qua fluunt; hæc tertia definitio, quæ ex illis quibus provenit, sola terminorum positione à demonstratione differt, eadem enim oratio (inquit Aristoteles) alio modo dicitur, & sic quidem demonstratio continua, sic autem definitio; & hoc non alia de causa, nisi quia utraque eodem habet terminos, alioquin non esset eadem oratio. Quæ sententia maximum facit negotium Aristotelis expositoribus, non ex parte medi; & minoris extremi, quia omnes communiter existimant, medium esse causalem definitionem passionis demonstrandæ, minus uero extremum esse differentiam essentialis definitionis eiusdem passionis, sed solum ratione maioris extremi, cum diuersi in hoc diuersa dicant; alii enim affirmant, illud semper esse propriam passionem, nunquam passionis genus, alii semper propriæ passionis genus, nunquam eiusdem passionis nomen, nonnulli uero inter hos medi tam nomen passionis, quam

eius genus, existimantes maius extremum semper esse propriam passionem, nunquam passionis genus, non leues contra se habent obiectiones, quarum prima huiusmodi est, si demonstratio, ac definitio idem re esse debent, ex eisdem terminis constituantur necesse est, ac in definitione omnino ponendum est genus affectionis definitæ, ergo illud idem in demonstratione quoque exprimendum est, igitur vel in maiori extremo, vel in minori; vel in medio, non in minori, quia ibi ex communi omnium consensu collocatur subiectum, quod est differentia passionis demonstrandæ; neque in medio, quoniam locum medii occupat causa, per quam demonstratur maius extremum de minori, ergo in maiori extremo, in eo igitur non potest collocari propria passio. Secunda obiectio est, si in maiori extremo poneretur propria passio ut pars demonstrationis, in definitione contineretur ut pars nomen rei definitæ, consequens est falsum, in hominis enim definitione homo collocari non potest, ergo & antecedens, falsitas consequens est philosophi in sexto Topicorum libro capite tertio, consequentia uero hunc in modum probatur, tota demonstratio, cum sit potentia definitio, in totam definitionem mutatur, ergo quidquid demonstrationis pars est, idem definitionis quoque ut pars sit necessarium est, quare si propriæ passionis nomen pars sit demonstrationis, pars etiam definitionis erit. demum, non esse maius demonstrationis extremum semper propriam passionem, testis est ipsemet philosophus in contextu octavo secundi Posteriorum libri, ubi exempla demonstrationis adducens, sumit genus passionis pro maiori extremo, non passionem, non enim sumit contritum, sed sonum, hec sumit eclipsim, sed defectum tanquam genus ipsius eclipsis, etenim in nube sonum inesse demonstrat, & in Luna defectum.

Impugnatur eorum opinio, qui arbitrantur, maius extremum

potissimæ demonstrationis semper debere esse passionis

genus, nunquam eius nomen.

CAP. VIII.

EX altera parte asserentes maius extremum potissimæ demonstrationis semper debere esse passionis genus, nunquam eius nomen propter rationes superius adductas, habent & ipsi contra se non spernendam instantiam, quæ huiusmodi est, si passionis genus in maiori extremo poneretur, ut gratia eclipsi, si defectus, seu privatio luminis poneretur loco eclipsi, quæ de Luna demonstratur per terræ interpositionem, conclusio, & maior propositio potissimæ demonstrationis non esset uniuersales, consequens est falsum, & contra philosophum in toto primo Posteriorum libro, ergo & antecedens, consequentia probatur, quoniam privatio luminis in aliis quoque præter Lunam contingere potest sine ulla terræ interpositione, ergo latius patet, quam Luna, terræque interpositio, cum non omnis privationis luminis causa sit terræ interpositio, confirmatur huius opinionis falsitas auctoritate philosophi pluribus in locis tam primi, quam secundi Posteriorum libri, & præcipue in uige.

simo, & vigesimo quinto contextibus primi libri, ubi inter illa tria, quæ ait esse
A in demonstrationibus, & in omni demonstratiua scientia, recenset passiones,
 non passionum genus, asserit enim in vigesimo contextu subiecti passiones, &
 per se accidentia declarari a demonstratione, & in vigesimo quinto demonstra-
 tiuam scientiam subiecti per se passionum esse speculatiuam, quod penitus erro-
 neum esset: si loco maioris extremi semper in potissima demonstratione debe-
 ret collocari passionum genus, nunquam earum nomen

Corroboratur nonnullorum opinio media. **CAP. IX.**

QVI mediam sequuntur opinionem, contra se ipsos habent omnes comemo-
 ratas obiectiones, quas ut de medio facilius tollere possint, atq; ideo ut uall-
 dioribus argumentis sententiam suam corroborent, quædā prius tanquā fonda-
 menta uolunt esse notanda, & in primis, ut nemo ad demonstrandum aliqd acci-
B des accedere possit, nisi prius intelligat quid eius nomen significet, oēs .n. demon-
 strationis partes ex Aristotele ante demonstrationē aliquo modo sunt præcogita-
 tæ, principia quidē, & subiectū tū quid significet nomen, tum quod sint affectio
 uero quid nomen significet, sed nō quod sit, hoc .n. queritur, ac demonstratur, si
 significatio autē nominis intelligi nō potest, nisi cognito rei genere, uel propinquo
 uel remoto, quid .n. nomine coniectus significetur nunquā intelligemus, nisi co-
 gnoscāmus esse sonū quendā; ita nomē eclipsis si quis debeat intelligere, priuatio
 nē quandā esse luminis intelligat necesse est, cōmūnis .n. conditio omnis defini-
 tionis siue perfectæ, siue imperfectæ, & ois descriptionis est, ut in ea genus aliquod
 rei, quā definire, uel describere uolumus, exprimatur, in differentiarū postea assū-
 ptione discrimen definitionū consistit, sed quoniam genus rei latius patet, quā
 res ipsa, ideo secundo adnotandū esse uolunt, ut ad nomen rei declarandū non suf-
C ficiat genus, nisi aliqua differentia ipsum coarctans, & ad certā speciē significan-
 dā restringens addatur, propterea generi accidentis additur propriū subiectum,
 quod differentię locum tenet, ex quibus duabus partibus ea accidentis definitio
 efficitur, quæ nominalis uocatur, & hæc, licet essentialis, siue quiditatiua apa-
 pellari soleat, non uocatur essentialis ratione utriusque partis, sed solum ratione
 formæ, per quam solam accidentis proprii essentia significatur, nam subiectum,
 cum extra accidentis proprii essentiam, & prædicamentum maneat, non adiicitur
 ut pars essentię, aliter unum prædicamentū cōtra sententiā philosophi esset
 de essentia alterius, sed tanquam necessaria conditio ad restringendam acciden-
D tis proprii essentiam; nisi (Logice loquendo) dicatur, eatenus subiectum esse
 partem essentię, quatenus est pars essentialis definitionis accidentis proprii,
 cuius genus uel a subiecto (ut dictum est) restringitur, uel a differentia quadam
 potenciali cogitata, ac subintellecta, quam ab eo subiecto deducimus: & quan-
 uis genus ipsum secundum se non significet nisi genus, siue una uoce, siue
 pluribus uocibus exprimatur, ratione tamen differentię cogitata significat
 nominalem definitionem, & ideo non sumitur ut genus, & ut amplius, &

communius, sed ut æquale, immo ut idem prorsus quod nomen, seu definitum; hinc sit, ut Averroes, & optime, in quadragesimo septimo commento secundi libri Posteriorum, accidentis proprii genus in conclusione prædicatum modo ap-
 pellet genus, modo orationem declarantem nomen; nec non in commentario quadragesimo primo eiusdem libri formans demonstrationem tonitrus, ait, se in maiori extremo accipere loco tonitrus orationem declarantem significatio-
 nem nominis tonitrus, tamen nullam orationem pro maiori extremo accipit, sed
 solam uocem (sonus) hanc enim uocat orationem, quia non sumit eam ut ge-
 nus, sed ut orationem nominis declaratricem. his positis, notandis, per ea facile
 corroborant sententiam propriam, ut, scilicet, tam nomen affectionis, quam eius
 genus possit in demonstratione potissima poni maius extremum; nam si genus
 sumitur ut definitio nominalis, quæ ante demonstrationem debet esse cognita,
 & definitio idem prorsus est ac definitum, possumus utrum duorum uoluimus
 in maiori extremo collocare, uerum quauis in nostro arbitrio constitutum
 hoc sit, tamen Averroes multis in locis, præsertim in commentario quadragesimo
 septimo secundi Posteriorum melius esse censet declarationem nominis acci-
 pere, quam ipsū nomen; cuius rei duas afferunt rationes, quarum altera, quæ ex
 eodē Averrois cōmētario sumitur, est, quia cū demonstratio sit potestate defini-
 tio, & definitionis gratia cōstituatur, illa demonstratio, quæ est definitio potestate
 proxima melior, atq; exquisitior est ea demonstratione, quæ potestate cāū remo-
 ta est definitio, (dicitur autē demonstratio esse definitio potestate proxima, quā-
 do nulla pars definitionis pfectæ in demonstratione desideratur, potestate uero re-
 mota, quādo nō oēs eiuldē definitionis partes in demonstratione exprimuntur)
 sed demonstratio, in qua loco maioris extremi ponitur affectionis genus, est defi-
 nitio potestate proxima, cum in ea nulla pars perfectæ definitionis illius affectio-
 nis desideretur; & demonstratio pro maiori extremo affectionis nomen habet,
 est definitio potestate remota, cum in ea non sit expressum eiuldē affectionis ge-
 nus, ergo demonstratio, in qua loco maioris extremi ponitur affectionis genus,
 melior, atq; exquisitior est ea demonstratione, in qua pro maiori extremo collo-
 catur eiuldē affectionis nomen. altera ratio est, quoniam melius est notioribus
 uocibus uti, quam ignotioribus, sed nobis notius est genus, quam species, notior
 enim nobis est sonus, quam tonitrus, & notior priuatio luminis, quam eclipsi-
 sis, cuiusque enim notus est tonitrus, eidem sonum quoque cognitum esse ne-
 cesse est, non tamen e conuerso, plures. n. inuenies, quibus notus est sonus in mul-
 tis rebus naturalibus, qui nullā tonitrus notitiam habent, ita plurimi sunt, qui da-
 ri luminis priuationē cognoscūt, sed eā, quæ in Luna sit, ignorant, ergo demon-
 stratio, quæ pro maiori extremo habet affectionis genus, melior est ea demon-
 stratione, quæ habet eiuldē affectionis nomen, corroborata propria sententia, sol-
 uunt argumenta, quæ aduersus extremas opiniones adducta fuerunt; ad pri-
 mum argumentum contra eos, qui putant, maius extremum semper debere esse
 se affectionis nomen; dicunt, non esse necessarium, ut in demonstratione expri-
 matur affectionis genus, licet enim non exprimat, supponitur tamen ex

- A** necessitate cognitum ante demonstrationem, proinde illa demonstratio est definitio, si non potestate proxima, at saltem remotiore, quia facta demonstratione, additur nullo negotio genus ipsum præcognitum in extractione definitionis, ad secundum argumentum negant consequentiam, ad probationem respondet, quando demonstratio in definitionem conuertitur, non remanere nomen passio- nis ut est pars definitionis, sed ut definitum, cuius ea definitio esse dicitur, ge- nus uero additur ut definitionis pars non expressa in demonstratione, sed ante demonstrationem cognita. ad Aristotelis auctoritatem dicunt, cum nomen af- fectionis, & eius genus accipiantur à philosopho ut unum, & idem, non ut di- uersa, ibi sumere Aristotelem genus affectionis pro eius nomine. Ad argumen- tum contra eos, qui existimant, maius extremum semper debere esse affectio- nis genus, nunquam eius nomen, respondent, non sumi genus affectionis, ut ge- nus est, & ut latius patens, sed ut æquale, immo ut idem, quare conclusio est per se, & uniuersalis, non enim omnis priuatio luminis in Luna inesse demonstra- tur, sed illa solum, quæ dicitur eclipsis; per se quoque, & uniuersalis est maior
- B** propositio, nam maius extremum non est latius termino medio, dum sumitur coarctatum, & restrictum ad hanc speciem, cuius gratia extruitur demonstratio, ergo medium est æquata causa maioris extremi, & cum eo reciprocatur, & propterea maior propositio est uniuersalis. ad Aristotelis auctoritatem locis ci- tatis respondent, philosophum, licet inter terminos demonstrationem ingredi- entes explicite non posuerit genus affectionis, sed eius nomen, posuisse illud im- plicite, quia idem sunt, idem enim gratia exempli sunt eclipsis, & priuatio lumi- nis, nec non tonitrus, & sonus, quare absque ullo discrimine utitur nomine, & genere affectionis.

C *Media opinio confutatur, propriaq. sententia ponitur.*

C. A. P. X.

- C** V M media opinio non omnino uera esse uideatur, ad credendum indu- cor, extremarum alteram ueram, alteram falsam esse; quæ autem uera, & quæ falsa sit, ostendi minime potest, nisi ultimum eorum fundamentum perpenda- tur, uidelicet, genus essentialis definitionis accidentis proprii uel à subiecto re- stringi, uel à differentia quadam potentiali cogitata, ac subintellecta, quam ab eo subiecto deducimus. genus essentialis definitionis accidentis proprii, cum eo la- tius pateat, coarctari debere, & ad ipsum restringi per subiectum, cui inhaeret, tã- quam per differentiam, satis, superq. id testatum reliquit philosophus in septimo Diuinorum pluribus in locis, nam hoc pacto contractum genus sit eiusdẽ acci- dentis proprii nominalis, seu essentialis definitio, quæ cum definito conuertitur,
- D** & cū eo facit propositionẽ uniuersalẽ; sed difficultas est de genere, quãdo prædi- catur de subiecto, quod ponitur loco differentię, cū accidentia propria ab aliis diffe-

rāt per illud, cui inharēt, ut permaneā in corū exemplo, cum genus ad eclipsim,
 nimirum, priuatio luminis, seu defectus, prädicetur de Luna, quæritur, an de
 ea prädicetur in sui communitate, uel contracte ad eclipsim; non contracte, A
 quia tunc genus esset contractum uel à differentia illa potentiali cogitata, ac sub
 intellecta, quam à subiecto deducimus, uel ab ipso subiecto; si à differentia, quam
 à subiecto deducimus, frustra luminis priuationi, seu defectui adderetur Luna in
 extrahenda eclipsis definitione ex demonstratione, cum defectus sit restrictus ad
 eclipsim per differentiam potentialem cogitatam, ac subintellectam, quam à Lu
 na derivamus; si uero à subiecto, nugatoria esset prädicatio, quando in conclu
 sione dicitur, ergo Luna priuatur lumine, quia idem esset, ac si diceretur, ergo
 Luna priuatur lumine Lunæ, fieri enim non potest, ut essentialis, seu nominalis
 definitio alicuius accidentis proprii de subiecto, quod est eius differentia, prædi
 cetur absque nugatione, si genus illius accidentis debeat ad illud contrahi per
 subiectum, cui inharēt; sequitur itaque ut de Luna in sui communitate prædica
 tur uel priuari lumine, uel deficere, ergo illius demonstrationis, in qua pro maio
 ri extremo ponitur loco passionis genus eius, nec maior, nec conclusio esset B
 auiuersalis, & propterea demonstratio illa non esset potissima. hac posita prædi
 cti fundamenti consideratione, eorum responsio non dissoluit obiectionem factā
 contra putantes, maius extremum in demonstratione debere semper esse passio
 nis genus, nunquam eius nomen; quamobrem credimus magis esse ex sententia
 philosophi primam, quā secundam opinionem, propterea primam esse ueram,
 & secundam falsam. sed quoniam primæ opinionis ueritatem nonnullæ in con
 trarium moræ dubitationes infirmare uidebantur, eis respondere conabimur,
 iactis prius his duobus fundamentis, quorum primum sit, ut, scilicet, propria
 passio unum significet, & alterum denotet, significat quidem suam formam, quæ
 sumitur aliquando pro eo, cuius est forma, & denotat subiectum, cui inharēt, ut
 gratia exempli, simitas, quæ est nās, passio, significat curuitatem, quæ forma simi
 tatis est, & denotat nās sibi subiectum, si ei nās non addatur, quoniam tunc
 intellectus in simitatis intellectionem ratiocinatur, & tendit ad nās tanquam C
 ad terminum emanationis simitatis, cum passio à subiecto fluat; at quando simi
 tati additur nās, non amplius cum simitas denotat, quare intellectus quiescit,
 & amplius ad nās tanquam ad simitatis terminum non ratiocinatur, nās
 itaque additus simitati non efficit nugationem; & illud, quod dictum est de simi
 tate, & nāso, uerum etiam est de risibilitate, & homine; de eclipsi, ac Luna, &
 de similibus; ut, scilicet, homo additus risibilitati, & Luna addita eclipsi non ef
 ficiant nugationem, sicuti nugationem efficiunt quando homo additur essentia
 li risibilitatis definitioni, quæ est, aptitudo hominis ad ridendum, & quando Lu
 na additur essentiali eclipsis definitioni, quæ est, priuatio luminis Lunæ, seu pri
 uatio luminis in Luna, in illis enim definitionibus, quæ de suis definitis prædica
 tur, exprimuntur homo, & Luna, quare, bis in propositionibus ponuntur homo,
 & Luna, in subiecto, scilicet, & prædicato, quando dicimus, homo habet aptitu D
 dinem hominis ad ridendum, & Luna priuatur lumine Lunæ, uel priuatur lumi


- ne in Luna, secundum fundamentum sit, aliquando sumi definitionem explicat
- A**tem nominis significationem pro ipsamet nominis significatione, sicuti accipit solet definitio exprimens rei quiditatem pro ipsamet rei quiditate. his positis tū damentis, formaliter ad obiectiones respondemus, & primo ad primam, licet demonstratio, ac definitio idem re esse debeant, non est necessarium, ut ex eisdem terminis omnino constituantur, nam genus in definitione contrahitur per differentiam, & ita contractum prædicatur de definito in primo modo dicendi per se, cum sit essentialis eius definitio, in demonstratione uero non potest contracte prædicari de minori extremo, quod est definitionis differentia, sine nugatione; ut patet per ea, quæ diximus in primo fundamento; quamvis itaque passio, & eius genus non sint iidem termini uoce, seu dictione, sunt tamen iidem significatione, & essentialiter, quod fat est ad hoc, ut demonstratio, ac definitio sint idem re, hinc fit, ut facile passio, quæ in demonstratione est maius extremum, mutetur in suum genus, quando demonstratio conuertitur in definitionem. Ad secundam obiectionem, negamus consequentiam, ad probationem respondemus, quæuis tota demonstratio in totam definitionem mutetur, non sequitur propterea, ut quidquid demonstrationis pars est, idem quoque definitionis pars esse debeat, quia demonstratio non est actu, sed potentia definitio; si demonstratio esset actu definitio, absque ullo dubio ratio esset alicuius momenti, uerum (ut dictum est) cum sit potentia definitio, non concludit; quando enim demonstratio sit actu definitio, passio, quæ demonstrationis erat maius extremum, redditur definitum, & passionis essentia collocatur in eius definitione ut genus, & propterea ut pars; cum itaque definitio quid nominis sit oratio explicans quid significat nomen, non potest nomen ipsum ingredi definitionem ut pars, sed eius significatio, quæ in ea locum generis occupat, ad Aristotelem in contextu octauo secundi Posteriorum libri respondemus, eum accipere ibi nominis, seu passionis significationem pro nomine significante, uel pro ipsamet passione, essentialiter enim idem sunt eclipsis, & defectus, nec non tonitrus, & sonus, differunt solum in hoc, quia eclipsis, & tonitrus denotant subiectum determinatum, nam eclipsis denotat Lunam, & tonitrus nubem, defectus uero, & sonus denotant subiectum indeterminatum; cum plura, & diuersa subiecta respiciant. demum ad Auerrois auctoritatem in secundo Posteriorum commentariis quadragesimo primo, & quadragesimo septimo, quam perpenderunt mediam opinionem sequentes aduersus primam opinionem, respondemus per secundum fundamentum, ibi commentatorem accipere definitionem declarantem nomen, seu affectionum, nempe, eclipsis, & tonitrus significationem, pro ipsamet eorum nominum, seu earum affectionum significatione, id est, pro defectu, quem solum significat eclipsis; & pro sono, quem significat tonitrus, alioquin non posset auferre nugationem, quando prædicatur defectus, ut definitio eclipsis, de Luna, & sonus, ut definitio tonitrus, de nube, sed illæ demonstrationes non sunt potissimæ, ut probatum fuit, quando, scilicet, genus affectionum communiter acceptum prædicatur de earundem affectionum subiecto, quod gerit uicem

differentia, quare secunda ratio, quam illi adducunt ad ostendendum pro Auerroë melius esse genus affectionum, quam affectiones inter demonstrationis terminos collocare, non ualeat nisi in hoc, ut tunc facilius ex illa demonstratione A eliciatur definitio. Quo ad primam rationem dicimus, Auerroem, quando uult melius esse in demonstratione declarationem nominis, seu nominis definitionem accipere, quam ipsum nomen, non intelligere ut nominis, seu passionis definitio de differentia prædicetur, propter causam superius adductam, id est, propter nugationem, quæ in illa prædicatione fieret, sed de nomine, aut de passione, tunc enim secundum ipsum demonstratio est definitio potentia proxima: uerum huiusmodi demonstrationes, in quibus essentialis, seu nominalis affectionis definitio de ea concluditur per aliam eiusdem affectionis causalem definitionem, mihi semper fuerunt suspectæ, quamuis Auerroes uelit, eas esse præcipuas inter omnes potissimas demonstrationes; & fundamenta, quibus inducor ad id credendum, sunt eiusdemmet Auerrois, nam in secundo posteriorum commentario trigesimo octauo ait, quod prædicatio definitionis de definitione est ueluti prædicatio proprii de proprio, at prædicatio proprii de proprio (inquit ipse) non est per se, non B est igitur per se prædicatio definitionis de definitione, quæ quidem prædicatio definitionis de definitione semper in maiori dictarum demonstrationum propositione reperitur. Præterea, pluribus in locis asserit Auerroes, demonstrationem dirigi ad illud, quod est ignotum, sed nominalis affectionis definitio semper est nota, cum ante demonstrationem de affectione præcognoscatur quid significet nomen, ergo secundum Auerrois principia huiusmodi demonstrationes mihi suspectæ uisæ sunt, melius itaque fortasse dicendum esse existimamus, sumi debere in potissima demonstratione pro maiori extremo potius nomē affectionis, quam eius genus, seu nominalem definitionem, ex qua demonstratione facillime paucis mutatis elicitur affectionis definitio cum causa, propterea quod facile mutatur affectio in suum genus, cum ante demonstrationem sit præcognita affectionis definitio nominalis, quæ eius genus est, posito itaque loco affectionis eius genere, tota affectionis definitio elicitur, ut gratia exempli, demonstratur de homine C risibile esse, id est, homini risibilitatem inesse per animal rationale, si modo loco risibilitatis ponatur eius genus, uidelicet, aptitudo ad ridendum, quod quidem risibilitatis genus de ea ante demonstrationem præcognoscitur, hæc elicitur definitio, uidelicet, aptitudo ad ridendum hominis propter animal rationale, quæ de risibilitate tanquam de suo definito uere enunciatur. Et hæc satis dicta sunt de iis, quæ ad potissimæ demonstrationis principia pertinent.

*Laus, Honor, et Gloria Deo Optimo Maximo,
Qui Trinus, et unus est.*

F I N I S.

D



BERNARDINI PETRELLAE LOGICARVM DISPUTATIONVM

Liber Sextus

DE SPECIEBVVS DEMONSTRATIONIS.

PRAEFATIO.



VM de principiis illius demonstrationis, quæ potissima nuncupari solet, in ordine ad conclusionem tribus superioribus libris satis, superq; dictum fuerit, de eius medio ratione extremorum nunc uerba facere decreueram; sed quoniam difficultas hæc supponit aliam de speciebus demonstrationis, non inutile iunioribus fore mecum ipse cogitavi, si eam prius examinandam susciperem, qua in re duo præcipue consideranda sunt, primum, numerus specierum demonstrationis, an tres, uidelicet, quia, propter quid tantum, & potissima, uel solum duæ sint, quia, scilicet, & propter quid; secundum, quæ differentia sit inter potissimam, & propter quid tantum, si tres constituentur, aut essentialis, aut accidentalis, nam inter demonstrationem quia, & alias species essentialem distinctionem esse, apud grauissimos Aristotelis interpretes nulla controuersia est.

Disputationis termini explicantur.

C. Aq. P. et I.

QVOD attinet ad primum disputationis membrum, placet eius terminos aperire, ne ulla inter disputandum oriatur confusio. dicimus itaq; demonstrationem quia pregressi uel a causa remota, ut gratia exempli, quando demonstratur, parietem non respirare, quia non est animal, uel ab effectu ad causam, ut si aliquis per non scintillare probaret planetas prope esse, seu per risibile esse concluderet hominem esse rationalem, huiusmodi progressus, qui sit ab effectu

ad causam, dicitur demonstratio quia, seu à posteriori, ab effectu, demonstratio signi, & ut sit solum, quia solum nobis esse causæ ostendit, quod prius erat igno-
tum. demonstratio uero propter quid tantum progreditur à priori ad poste-
rius, uel à causa proxima ad causatum, quæ alio nomine appellatur, demonstra-
tio secūdi ordinis, secūdx mēsuræ, & causæ tantum, propterea quod ostendit no-
bis tātū propter quid effectus, cum in ea ratione fiat progressus ab esse causæ no-
to p̄ demōstrationē quia ad propter quid effectus ignotū, ut si retrocedamus ab
esse prope planetarū nobis noto p̄ nō scintillare ad propter quid ipsius nō scin-
tillare planetarum, nec non à rationalitate hominis nota nobis p̄ risibile esse ad
propter quid risibilitatis in eodem homine, huiusmodi progressus uocatur de-
mōstratio propter quid tātū. demū potissima demonstratio illa est, quæ progre-
ditur etiā à causa ad causatū nota tamē natura quatenus causa, & nobis non me-
diate, id est, non mediante demōstratione quia, sed immediate, uidelicet, beneficio
sensus, quatenus, scilicet, huiusmodi causa est nobis sēfata, ut, gratia exēpli, si fiat
ratiocinatio ab esse prope planetarum natura, & nobis immediate noto ad pla-
netas nō scintillare nobis ignotum, talis progressus dicitur demōstratio primi
ordinis, primæ mēsuræ, potissima, absoluta, simpliciter, potentia definitio tota,
declaranstq; utrunque quæsitum ignotum, esse, scilicet, & propter quid effectus.

Sententia propria. CAP. II.

Terminis sic explicatis, primū quid hac in re sentiamus in medium asserre de-
creuimus. Auerroes in primo Posteriorum. 8. & 95. commentariis; in Epit-
logicis tractatu de demonstratione non longe à fine, & secundo celi commē-
tario. 35. existimans demonstrationē analogice prædicari de potissima, propter
quid tantum, & quia, tres demonstrationis species constituit. de demonstratio-
ne potissima, seu simpliciter, & de demonstratione quia, uel signi mentionem facit
Commentator in primo Physicorū com. 2. de demonstratione uero propter
quid, aut causæ tantum loquitur in primo Posteriorum com. 97. & in octauo
Physicorū com. 65. quæ Auerrois diuisio ualidissima innititur rationi, nam qđ
demonstratur necesse est ut demonstretur per mediū essenziale, qđ sit uel prius,
uel posterius re ipsa demonstranda; si demonstretur per medium, quod sit poste-
rius re ignota demonstranda, tunc exoritur demonstratio quia largiens solum
esse ipsius causæ; si uero demonstretur per medium, quod re demonstranda sit
prius, illud medium uel erit inuentum, uel non, si non erit inuentum, id est, si nō
erit nobis notum per aliud; hoc est, per demonstrationem quia, sed immedia-
te, beneficio, scilicet, ipsius sensus; tunc illud medium, quod est notum na-
tura quatenus causa, & nobis quatenus sensatum facit ut cognoscatur utraque
quæstio, uidelicet, esse, ac propter quid effectus, unde ex Themistii sententia in
secundo Posteriorum capite secundo exoritur demonstratio potissima; si demū
erit illud medium inuentum, id est, nobis cognitum, per demonstrationem
quia absoluentem (ut dictum est) solum esse causæ, exoritur demonstratio cau-

se tantum, notificans duntaxat propter quid effectus, quam Averrois opinionē Aristoteli maxime consentaneam esse arbitramur.

Auicenna rationes contra demonstrationem quia.

C A P. III.

HANC partitionem, quam uerissimam esse opinatur, impugnarunt grauissimi philosophi, nam subtilissimus, ac doctissimus Auicenna destruit demonstrationem quia, latini uero nostri penitus inficiantur demonstrationem propter quid tantum, quorum omnium rationes examinabimus, illisque satisfaciemus. Auicenna destruens primo demonstrationē quia, quæ sit per causā remotā hac utitur demonstratione, in ratione quia per causam remotā maior propositio nō est necessaria, ergo non est uere demonstratiua; consequentia notissima est, quia demonstratio debet habere propositiones necessarias, ut patet ex Aristotele in primo Posteriorum pluribus in locis; antecedens etiā clarissimū est, cū causa longinqua non inest necessario causatis, placet tamen illud illustrare Aristotelis exemplo in primo Posteriorum contextu trigésimo, de quo facta fuit mentio in capite secundo, uidelicet, omne respirans est animal, nullus paries est animal, ergo nullus paries respirat. hic syllogismus, cum medium habeat causam remotam, fit solum in secunda figura, quia causa remota est uniuersalior causato, ex quo non potest nisi prædicari de causato; efficitur ergo secūda figura, in cuius maiori prædicatur causa de causato. illius maioris propositionis, omne respirans est animal, nulli dubium esse debet, animal, cum sit causa longinqua respirationis, non inesse necessario respiranti, quare manifestissime apparet, antecedens illius rationis uerissimū esse. ultimo destruit Auicenna demonstrationem quia per immediatos effectus hunc in modum. in ratione quia ab effectu procedente fit petitio in principio, ergo ratio quia non potest esse demonstratio. consequentia notissima est, probatur antecedens, principia demonstrationis quia debent esse essentialia, quoniam demonstratio fit ex iis, quæ sunt per se, & debent esse nota ut sint essentialia, alioquin ignoraremus an essent propria, uel communia; si debent esse nota ut sint essentialia, hoc erit aut per inductionem, aut per causam; sed per inductionem id fieri non potest, ut habetur de Cygno, & de Coruo, in quibus an essentialia, uel accidentalia sint albedo, & nigredo, per inductionem non cognoscitur, ergo per causam, si per causam, ergo in demonstratione quia fit petitio in principio, cum in eius propositionibus supponatur quod debet probari, ut, gratia exempli, omne risibile est rationale, omnis homo est risibilis, ergo omnis homo est rationalis. minor huius rationis debet esse nota ut sit essentialis, & hoc, ut dictū est, per causam, ergo quia homo est rationalis, in minore igitur propositione notum erit, hominem esse rationalem, quod tamen in conclusione colligitur. si itaque ratio quia ab effectu esset demonstratio, in demonstratione fieret petitio in principio, quod falsum est. Præterea, ratio quia ab effectu non est

ex universalibus, ergo ratio quia ab effectu non est demonstratio. consequentia clarissima est ex Aristotele in primo Posteriorum saepe asserente demonstrationem debere constare ex universalibus; probatur antecedens, nam ratio a posteriori assumit in principiis effectum, sed effectus e numero eorum est, quæ singularia sunt; ergo ratio ab effectu non est ex universalibus. confirmantur omnes istæ rationes duabus nunc Aristotelis auctoritatibus, quarum prima est in principio quinti contextus primi Posteriorum, ubi philosophus, postquam dixit, de monstratiuam scientiam esse ex ueris, primis, &c., subiunxit, sic enim erunt & principia propria eius, quod demonstratur, syllogismus enim erit & sine his, demonstratio autem non erit. ex quo loco elicitur, rationem quia esse syllogismum, quoniam ex Aristotelis sententia ratio illa, quæ non habet principia cum conditionibus ab Arist. positis non demonstratio, sed tantum syllogismus debet appellari; at ratio quia non habet principia cum illis conditionibus; ergo ratio quia non demonstratio, sed tantum syllogismus debet vocari, ex quo patet secundum philosophum rationem quia esse syllogismum, non autem demonstrationem, quod uidit quoque Themistius in secundo Posteriorum capite trigesi-
mo, secunda est auctoritas in secundo Posteriorum contextu octauo circa me-
dium, ubi sunt hæc uerba, quæcūque igitur secundū accidens nouimus quia sunt, necessarium est, nullo modo se habere ad ipsum quid sit; neque enim quod est scitum; per quæ uerba ostendit philosophus, ex rationibus, in quibus assumitur medium secundum accidens, non posse ullo pacto elici ipsum quod quid est, im-
mo per huiusmodi syllogismos neque sciri quod est, sed in ratione quia medium est accidens, ergo non parit scientiam, ergo ratio quia non est demonstratio.

Auicenna rationes dissoluntur.

C A P. IIII.

ERAT prima Auicennæ ratio, qua destruebat demonstrationem quia a causa remota hunc in modum. in ratione quia per causam remotam maior propositio non est necessaria, ergo non est uerè demonstratiua. ad hanc negatur antecedens, ad exemplum, quo illustratur, dicimus, falsum esse, maiorem illam propositionem, uidelicet, omne respirans est animal, non esse necessariam, nam licet esse animal sit remota causa respirandi, idcirco non sequitur, ut animal collocari non debeat in definitione respirationis; ergo necessario inest animal respiranti. erant alie duæ rationes evertentes demonstrationem quia ab effectu, quarum prima huiusmodi erat, in ratione quia procedente ab effectu fit petitio in principio; ergo ratio quia non potest esse demonstratio. ad hanc negatur antecedens, ad probationem dicimus, illam peccare per insufficientiam enumerationem; nam quando ait, propositiones demonstrationis quia debere esse notas ut sint essentielles, id est uel per inductionem, uel per causam, dicimus, eam peccare, quoniam propositiones illæ possunt esse notæ ut sint essentielles.

etiam per secundum modum dicendi per se, ut patet prædicto exemplo pro maiori certitudine illius probationis, nam minor illa propositio, nempe, omnis homo est risibilis, cognoscitur esse essentialis, quia subiectum eius est de conceptu prædicati, ponitur enim homo in definitione risibilitatis; cum itaque sit in secundo modo dicendi per se, redditur etiam nota ut sit essentialis absque inductione, & causa. Secunda ratio erat huiusmodi demonstratio quia ab effectu non est ex universalibus, ergo non est demonstratio, ad hanc negatur antecedens, ad probationem dicimus, effectum, ratione qua est singularis, non ingredi demonstrationem, sed quatenus ex pluribus singularibus effectibus fit effectus universalis, ut colligitur ex Aristotele in primo Posteriorum capite vigesimo quarto circa finem, seu contextu quadragesimo tertio circa medium, nec non in secundo Posteriorum in calce primi textus, & in contextu ultimo, cum enim exempli gratia, per Lunæ defectum ostendimus terram interponi inter Lunam, & Solem, non accipimus singularem defectum, sed defectum universalem, qui ex pluribus singularibus defectibus efficitur. Ad primam philosophi auctoritatem de insuperatam ex quinto contextu primi Posteriorum in confirmationem omnium rationum dicimus, ex illa auctoritate elici demonstrationem quia esse syllogisticum in comparisonem demonstrationis potissimum, sed non simpliciter, & absolute. ad secundam in contextu octavo secundi libri Posteriorum respondemus, philosophum per demonstrationem quia intelligere eam, in qua sumitur accidens remotum, non illam, in qua accipitur accidens essentialis, nimirum, propria ipsius, quando inquit, demonstrationem quia non parere scientiam, & propterea non esse demonstrationem. & si quispiam instaret, dictum illud philosophi debere etiam intelligi de demonstratione quia, in qua sumitur accidens essentialis, respondemus, id verum esse de scientia perfectissima, ut, scilicet, demonstratio quia non pariat scientiam perfectissimam, sicuti demonstratio potissima, non autem ut simpliciter, & absolute non pariat scientiam.

C

De Latinorum ratione contra demonstrationem propter quid tantum

CAP. V.

A Vicennæ sententia sic explicata circa demonstrationem quia, eiusque rationibus dissolutis, nunc videndum est, quid senserint latini, circa demonstrationem propter quid tantum. Respondent tere omnes, eam fuisse figmentum, & somnium commentatoris, quoniam in doctrina philosophi non potest dari huiusmodi demonstratio, quod probant, & primo sic, demonstratio quia præter id, quod ad ipsam pertinet, præstat et illud idem, quod p. Averroë ostendit demonstratio propter quid tantum, ergo male ab eo distinguitur demonstratio propter quid tantum à demonstratione quia, consequentia nota est, probatur antecedens, in demonstratione quia à posteriori effectus declarat causam esse, at non potest declarare causam esse, nisi sciatur, causam

illam esse causam eiusdem effectus, sed hoc est scire propter quid, ergo demonstra-
 tio quia præter id, quod ad ipsam pertinet, præstat etiam illud idem, quod
 per Auerroem ostendit demonstratio propter quid tantum. probatur allumpru, A
 illa causa, quæ per effectum monstratur, uel scitur esse propria illius effectus, uel
 non, si scitur, habetur intentum, si uero non, per illum effectum non magis una,
 quam alia causa poterit inferri, quis enim prohibebit, ignorato ignem esse cau-
 sam fumi, quin inferatur, si fumus est, etiam lapis & ita per effectum nunquam
 deueniemus in cognitionem causæ determinatæ. si igitur progrediendo ab effe-
 ctu ad causam, scimus causam illius effectus, & scire causam effectus est scire eius
 propter quid, demonstratio quia dabit esse causæ, & propter quid effectus, quæ-
 re demonstratio quia ostendit & quod sum est, & quod sperat ad demonstratio-
 nem propter quid tantum, secundo, & ultimo, diuisio Auerrois repugnat Ari-
 stotelis diuisioni, ergo falsa, consequentia existente manifesta, probatur, antec-
 dens, nam philosophus in primo Posteriorum, 30. diuidens ipsum scire in, scire
 quidd, & scire propter quid, inuicem duas solum dari species demonstrationis, alte-
 ram quia; alteram propter quid, quæ eadem est cum potissima, commentatoris, B
 & hoc ex natura rei, quilibet enim progressus uel est ab effectu, uel à causa, unde
 manifestissime apparet, Auerrois partitione recedere ab Aristotele, & à ueritate.

Soluuntur Latinorum rationes de demonstratione propter

quid tantum

CAP. VI.
 PROpositis Latinorum rationibus, reliquum est, ut eis satisfaciamus; & pri-
 mo primæ, quæ hunc in modum se habebat, demonstratio quia præter id,
 quod ad ipsam pertinet, præstat etiam illud idem, quod per Auerroem ostendit
 demonstratio propter quid tantum, ergo male ab eo distinguitur demonstratio C
 propter quid tantum à demonstratione quia. Ad hanc negatur antecedens, ad
 probationem, negatur assumptum, ad cuius probationem dicimus, uerum esse,
 ut progredientes ab effectu ad causam, sciant esse aliquam causam illius effectus,
 sed quando subiungitur, scire causam effectus est scire propter quid; responde-
 mus, id uerum esse, quando ea sit determinata, & propria causa illius effectus, ut
 patet ex definitione ipsius scire simpliciter tradita ab Aristotele in primo Poste-
 riorum contextu, quidem, uerum effectus non infert causam propriam, & deter-
 minatam, sed indeterminatam, postea per intellectus negotiationem cognoscitur
 eam esse causam propriam, propter quam effectus est secunda, & ultima rati-
 o huiusmodi erat, diuisio Auerrois repugnat Aristotelis diuisioni, ergo falsa.
 ad hanc negatur antecedens, ad probationem ex Aristotele primo Posteriorum D
 contextu trigésimo, dicimus, Aristotelicæ diuisionis, membra in alias species di-
 uidi posse, nam sicuti demonstratio quia diuiditur ab Aristotele in plures species

ita diuidi potest demonstratio propter quid, nam licet huiusmodi demonstratio
A progrediatur à causa prima, sicuti demonstratio quia progreditur à causa non
 prima, uidendum est pro quo accipiat illa causa prima, dicimus eam accipi
 pro causa proxima, cum enim causa prima sit contradistincta à causa non prima,
 & per causam non primam philosophus uno omnium consensu intelligat cau-
 sam remotam, sequitur, eum per causam primam debere intelligere causam pro-
 ximam; in qua conueniunt omnes species demonstrationis propter quid, quod
 nam uero causa proxima potest esse sufficiens, & non sufficiens, si fuerit suffi-
 ciens, efficiet unam speciem demonstrationis propter quid, quæ appellatur potis-
 sima, nam omnis potissima est propter quid, sed non è contra, cum demonstra-
 tio propter quid sit uniuersalior potissima demonstratione; si uero fuerit non sui-
 ficiens, efficiet aliam speciem demonstrationis propter quid, quæ uocatur æqui-
 uoce cum genere demonstratio propter quid tantum, datur enim demonstra-
 tio una propter quid, quæ potissima nunquam fieri potest, ut paulo inferius de-
 clarabimus. ex quo patet, Aristotelicæ diuisionis membra diuidi posse in alias
B species, per quas redditur eadem cum Auerrois diuisione, & sic aduersa-
 riorum ratio nulla est.

Propria explicatur sententia secundi membri propositæ disputationis.

C A P. VII.

POSITA primi membri huius disputationis, quantum per nos licuit, ueritate,
 tres, scilicet, non duas tantum esse species demonstrationis, reliquum est, ut
 examinemus secundum eius pulcherrimum, & utilissimum membrum, uideli-
 cet, quæ nam differentia sit inter potissimam demonstrationem, & propter quid
C tantum, an accidentalis; ut placuit Latinis; uel essentialis ex mente commen-
 tatoris, quam à philosophi sententia non recedere in sequentibus probabitur. non
 immorabimur in explicatione terminorum, cum ex Porphyrio in capite de dif-
 ferentia satis constet quid accidentalis, & quid essentialis differentia sit, sed sta-
 tim accedemus ad opinionem commentatoris declarandam, quam ueriores es-
 se, & ab Aristotele non recedere existimamus. Auerroes tum ratione medi-
 tum ratione quæstorum essentialem differentiam ponit inter potissimam demō-
 strationem, & propter quid tantum, existimans dari unam speciem demonstra-
 tionis propter quid, quæ non possit ullo pacto fieri potissima, ad sententiam
 commentatoris aperte intelligendam uideamus quid ipse afferat in primo Po-
 steriorem commento nonagesimo sexto circa principium, in secundo Postero-
 rum commento nonagesimo tertio in fine, & alibi de causarum, & causatorum
D dispositionibus. causæ, & causata ex ipsius sententia quatuor tantum modis, nec
 pluribus, nec paucioribus possunt disponi. nam aliquæ sunt causæ, & causata, quæ
 ad inuicem conuertuntur, ut planetæ prope esse, & planetas non scintillare in

his potest euenire quælibet demonstrationis species, si enim fuerit notum esse effectus, idest, planetas non scintillare, ignotum autem esse causæ, hoc est, planetas prope esse, exoritur demonstratio quia ostendens unam quæstionem, uidelicet, esse causæ: si uero per eandem demonstrationem quia fuerit nobis notum esse causæ, & ignotum propter quid effectus, efficitur alia species, quæ dicitur propter quid, & causæ tantum, cum unam etiam & hæc quæstionem ostendat, nempe, propter quid ipsius effectus; si demum fuerit notum esse causæ natura, & nobis non mediate, idest, non mediante demonstratione quia, sed immediate, hoc est, beneficio sensus, esse uero effectus fuerit ignotum, tunc exoritur demonstratio, quæ potissima nuncupatur, notam faciens utranque quæstionem, esse, scilicet, & propter quid effectus. confirmatur hoc ex Aristotele in secundo Posteriorum contextu octauo, ubi ait, propter quid quæri, cognito quod, nonnunquam uero & simul manifesta fieri; ex quo patet, essentialem differentiam esse inter potissimam demonstrationem, & propter quid tantum ratione quæsiturum, cum distinctio ex parte quæsiturum sit distinctio realis, & ex natura rei. aliquæ uero sunt causæ, & causatæ, quæ mutuo non conuertuntur, sed effectum sequitur causa, non è conuerso, ut, exempli gratia, mulierem peperisse, sequitur eam concubuisse cum uiro, non autem è contra, in his fit solummodo demonstratio quia, si esse effectus fuerit notum, & ignotum esse causæ, nam si ex opposito fuerit notum esse causæ ignotum autem esse effectus, non exorietur demonstratio à priori, propterea quod causa non inferat effectum, licet ab effectu inferatur, si tamè aliqua demonstratio fieret, reponenda esset inter species demonstrationis quia, ut coniicere possum ex iis, quæ dixit philosophus in principio trigesimali contextus primi Posteriorum. aliquæ iterum sunt causæ, & causatæ, quæ inter se ita disponuntur, ut nec causam effectus, nec effectum sequatur causa, in his nulla potest formari demonstratio, uel si fuerit notum esse effectus, & ignotum esse causæ, uel è conuerso. demum aliquæ sunt causæ, & causatæ, quæ ad inuicem non conuertuntur, causam tamen sequitur effectus, licet causatum non sequatur causa, ut, exempli gratia, ignem sequitur illuminatio, & calor, sed non è contra; in his certum est non posse fieri demonstrationem quia, licet esse effectus fuerit notum ignotum uero esse causæ, cum effectus non inferat causam; non posse etiam fieri potissimam demonstrationem, quamuis esse causæ fuerit notum, non autem esse effectus, indicat nobis definitio ipsius scire simpliciter posita ab Aristotele in primo Posteriorum contextu quinto in principio, quæ hunc in modum se habet, (cum causam arbitramur cognoscere, propter quam res est, & c.) quamuis enim ignis, exempli gratia, sit causa illuminationis, non tamen est causa sufficiens, à qua fiat illuminatio, quoniam, non existente igne, fieret etiam illuminatio; præterea, in demonstratione potissima propositiones omnes debent esse secundum quod ipsum, idest, uniuersales, quæ conditio non reperitur in huiusmodi causis, & causatis, quare patet, in his non posse effici nisi demonstrationem propter quid tantum, licet in hac re uarie senserit commentator, nam in commento nonagesimo quinto primi Posteriorum inquit, demonstrationes causarum

- A** tantum eas esse, quæ componuntur ex causis, ex quibus sequitur existentia causarum ex necessitate, causæ uero non sequuntur ex causatis. in commento uero nonagesimo sexto ait, species autem secunda consequentiæ est, ut sequatur posterius ex priori, hoc est, causatum ex causa, & non conuertatur res; in hac specie non adducitur nisi demonstratio simpliciter tantum, & hoc cum fuerit causa notior, si uero non fuerit notior, non adducetur ibi demonstratio penitus, etiam si esset causatum notius apud nos. eandem sententiam habet in Epitomis logicis tractatu de demonstratione non longe à fine, inquit, tertia pars est, ut sequatur posterius ad esse prius, non autem prius ad esse posterius, in hac fit demonstratio causæ, & essendi solum. cum itaque in huiusmodi causis, & causatis, ex natura conditionum principiorum, & propterea ex natura medii, à quo sumitur uera distinctio inter species demonstrationis, non possit oriri nisi demonstratio propter quid tantum, licet ex parte quæstionum uideatur posse etiam effici demonstratio potissima, ad credendum inducor, uerba commenti nonagesimi sexti, & illius tractatus, qui est de demonstratione, esse deprauata, debereq; in commento deleri dictionem illam, (nisi,) ut legatur, species autem secunda consequentiæ est, ut sequatur posterius ex priori, hoc est, causatum ex causa, & non conuertatur res, in hac specie non adducitur demonstratio simpliciter tantum, & quæ sequuntur; ni uelimus dicere, Commentatorem per demonstrationem simpliciter tantum intellexisse demonstrationem propter quid tantum, cum soleat aliquando demonstrationem propter quid tantum appellare demonstrationem simpliciter, ut patet de illa demonstratione, qua ostenditur eclipsis de Luna propter terræ interpositionem; ex eius enim docendi methodo non potest esse demonstratio illa nisi demonstratio propter quid tantum, cum habeat principia nota natura, nobisq; mediate, & tamen in secundo Posteriorum commento quædragésimo uocatur ab eo demonstratio simpliciter, de cuius ratione est secundum Commentatorem, ut eius principia sint nota natura, & nobis immediate, quare per demonstrationem simpliciter non potest ibi intelligere nisi demonstrationem propter quid tantum. in tractatu uero de demonstratione non longe à fine debet addi (non) uerbo illi (fit,) ut legatur, tertia pars est, ut sequatur posterius ad esse prius, & non sequatur prius ad esse posterius, in hac non fit demonstratio causæ, & essendi solum, id est, non fit demonstratio potissima, de cuius ratione est, ut det causam, & esse, & ita uniformis semper esset. Auerroes, manifestum igitur est ex niente Commentatoris, distinguere inter se demonstrationem simpliciter, seu potissimam, & demonstrationem propter quid tantum ex natura medii, atq; ideo ex natura rei, non autem ex nostra cognitione. hanc realem distinctionem respectu principiorum esse etiam ad mentem philosophi, probatur ex eius fundamentis hunc in modum; si demonstratio potissima, & propter quid tantum non differrent essentialiter, sed solum accidentaliter, ut uolunt Latini, omnia illa genera causarum, quæ ingrediuntur propter quid tantum, ingrederentur etiam potissimam; consequens est falsum, ergo & illud, ex quo sequitur: consequentia est clarissima, nam si aliquod causæ genus uni, & non alteri demonstra-

tionem accommodaretur, non solum accidentaliter, sed etiam essentialiter demon- A
 strationes illæ distinguerentur, quod esset contra latinorum sententiam. proba-
 tur falsitas consequentis ex ipso metaphisico philosopho, ait enim Aristoteles in secundo
 Posteriorum contextu undecimo, & in secundo Physicorum contextu septua-
 gesimo secundo in demonstratione, propter quid ingredi quatuor causarum ge-
 nera, & propterea quantum modum dicendi per se, ut quantum, id est, causam ef-
 ficientem veram, quæ à potissima demonstratione excluditur, ut per Aristote-
 lem in primo Posteriorum contextu decimo manifestissime apparet, ubi deter-
 minat, solum primum, & secundum modum dicendi per se ingredi potissimam
 demonstrationem; licet enim aliquando causa efficiens competat potissimæ de-
 monstrationi, id fit, quatenus sapit naturam formæ, cum sit semper sub qualibet
 temporis differentia suo effectui annexa, ex quo sortitur nomē causæ efficientis B
 non veræ. cum igitur quartus modus ut quartus ingrediatur propter quid, po-
 tissimam vero nequaquam, nisi ex accidenti, pro ut, scilicet, concurrat cum pri-
 mo, vel cum secundo modo dicendi per se, sequitur, non omnia genera causarum,
 quæ ingrediuntur propter quid, ingredi etiam potissimam demonstrationem,
 datur enim (ut diximus) una causa efficiens vera nuncupata, quæ propter quid
 ingreditur, potissimam autem minime: ergo non solum accidentaliter, sed etiā
 essentialiter, videlicet, ex parte medii distinguuntur demonstratio potissima, & pro-
 pter quid. Ecce, distinctionem realem inter has demonstrationes non esse figmē
 tum, & somnium Auerrois, sicut dicunt latini, sed esse desumptam ex visceribus
 ipsiusmet philosophi in primo, & in secundo Posteriorum locis citatis, cum ex
 rei natura, nulla concurrente cognitione nostra, vel ea concurrente, sit realis di-
 stinctio inter potissimam, & propter quid, aliqua enim causa absque nostra co-
 gnitione reperitur, quæ propter quid, non autem potissimam ingreditur; no- C
 stræq; concurrente cognitione, aliqua sunt principia natura, nobisq; nota primū,
 & immediate, ex quibus efficitur solum potissima demonstratio, aliqua vero na-
 tura, nobisq; nota non primum, & immediate, sed mediātē, id est, mediante demō-
 stratione quia, ex quibus oritur demonstratio propter quid tantum à principiis
 nobis primum, & non primum cognitis, fuit etiam realis distinctio inter pos-
 itas demonstrationes ex parte quæstionum, potissima, n. demonstratio, quæ pro-
 greditur ex principiis natura, nobisq; primum, seu immediate cognitis, ostendit
 duo quæ sita, esse, scilicet, & propter quid effectus, at demonstratio propter
 quid tantum constans ex principiis natura, nobisq; non primum, &
 immediate, sed mediātē cognitis, ostendit solum unam
 quæstionem, nempe, propter quid effectus. confirmatur
 hoc (ut supra diximus) Aristotelis auctoritate in
 secundo Posteriorum contextu octavo, ubi
 asserit, propter quid quæri, cognitio
 quod, nonnunquam vero, &
 simul manifesta
 fieri.

A

Ex aliorum sententia nullam esse differentiam inter potissimam demonstrationem, & propter quid tantum ex parte medij absque nostra cognitione.

CAP. VIIII.

Opinionem hanc nostram, quam verissimam esse arbitramur, multis rationibus in fauorem Latiorum nonnulli demoliri nituntur; probant. n. realem distinctionem non esse inter potissimam demonstrationem, & propter quid tantum, neque ex medio nulla concurrente cognitione nostra, neque ex eodem medio uel primum, uel non primum noto, neque ex parte quæsitum; demum confirmationem ex secundo Posteriorum libro cōtextu octauo desumptam ab Auerroistis non intelligi, eisque locum illum aduersari declarant, & primo ex parte medij absque nostra cognitione hunc in modum argumentantur. Causa externa, id est, efficiens uera, à qua per Auerroem sic demonstratio propter quid tantum, non dat de effectu quid, ergo neque propter quid, ergo demonstratio per causam efficientem ueram non potest uocari propter quid, falsum igitur est dicere, dari demonstrationem propter quid distinctam à potissima ratione medij, antecedens est Auerrois, & consequentia Aristotelis in secundo Posteriorum pluribus in locis, ubi ait, idem esse quid, & propter quid. Secundo ex Auerrois in secundo posteriorum pluribus in locis demonstratio potissima fit per causas externas, à quibus non recedit propter quid, & demonstratio propter quid fit per causam formalem, ut, uidere est in ipso regressu, in quo forma latens fuerit inuenta per eius proprietates, à qua formali causa non recedit potissima, ergo non differunt potissima, & propter quid tantum ratione medij. confirmantur hæ rationes philosophi auctoritate in primo Posteriorum contextu trigésimo, ubi distinguens inter scire quod, & propter quid, dixit, demonstrationum aliam fieri per causam primam, & hæc dicitur propter quid, aliam uero per causam non primam, & hæc appellatur quod, uel demonstratio quia; ex quo loco clare patet, philosophum sub demonstratione propter quid intellexisse etiam potissimam, cum unicam illis formam tribuerit, uidelicet, causam primam. nulla igitur est distinctio inter potissimam, & propter quid tantum ex parte medij.

Allata rationes solvuntur.

CAP. VIIII.

PRO solutione primæ rationis aduertendum est, ipsum quid dupliciter sumi posse, uel proprie, quæ ratione acceptum contradistinguitur ab ipso propter quid, uel communiter, pro ut, scilicet, concurrebat cum causa, quo modo sumptum idem est cum ipso propter quid, hoc posito, dicimus, consequentiam esse fal-

fam, si ratio in oppositum intelligat de ipso quid proprie, ad probationem ex A
 ristotele in secundo Posteriorum pluribus in locis asserente, idem esse quid, &
 propter quid, respondemus, philosophum accipere ibi quid communiter, quate
 nus, scilicet, concurret cum causa, quod non facit contra nos; si vero intelligat
 ratio in oppositum de ipso quid communiter, negatur antecedens, & huius ne
 gationis ratio est, quia conueniendo quid communiter sumptum cum causa,
 dum demonstratio a causa externa per Auerroem dat propter quid, seu causā,
 dat etiam quid communiter deceptum. Ad alteram ex Auerroem secundo Po
 steriorum pluribus in locis, negatur demonstrationem potissimam fieri per cau
 sas externas, quia licet ratiocinatio de Luna defectu per se sit interpositionem,
 quæ est per causam externam, ab Auerroe dicatur aliquando demonstratio sim
 pliciter, non potest ab eo accipi nisi per propter quid tantum, alioquin implemet
 suis fundamentis aduersaretur, ut patet per ea, quæ diximus in capite octauo.
 propter quid autem fieri per causam formalem non aduersatur opinioni no
 stræ, quia demonstratio propter quid (ut disputatum fuit in superioribus) se ha
 bet ueluti genus ad potissimam, & ad eam, quæ cum genere, æquiuocè dicitur B
 propter quid tantum, omnis enim potissima est propter quid, sed non è contra,
 cum demonstratio propter quid sit uniuersalior demonstratione potissima, de
 monstratio igitur propter quid, quando in regressu aliquoties fit per causam
 formalem non secus, ac potissima, tunc ab ea non differt ratione mediij absolute
 sumptis, sed concurrente nostra cognitione, quoniam in potissima demonstratio
 ne causa illa formalis est nota natura, nobisq; primum, seu immediate, proinde
 ostendit huiusmodi demonstratio duo quæ sita, esse, scilicet, & propter quid effe
 ctus; in demonstratione uero propter quid tantum sic dicta ad differentiam po
 tissimæ, quæ est etiā propter quid, cum omnis potissima ut diximus) sit propter
 quid, & non è contra, eadem causa formalis est nota natura, & nobis non primū,
 & immediate, sed mediate, mediante, scilicet, demonstratione a posteriori, idcir
 co demonstratio illa notā facit unam solam quæstionem, nempe, propter quid
 effectus; quare non solum ratione mediij primum, & non primum noti differt po
 tissima ab ipsa propter quid tantum, sed etiam ratione quæstionum. Ex quo ma
 nifesta redditur solutio ad confirmationem ex Aristotele in primo Posteriorum
 sit contextu trigesimo, nam licet in causa prima, idest, in causa proxima con
 iungantur demonstratio potissima, & propter quid, differunt tamen in
 aliis conditionibus, quia huiusmodi causa proxima potest esse
 uel sufficiens, uel non, præterea, primum, uel non primum
 nobis nota, si fuerit sufficiens, nobisq; primum nota, ex ea fit potissima demonstratio, si uero nō suf
 ficiens, nobisq; nō primū nota, ex ea oritur demonstratio propter quid tantū, ut patet
 per ea, quæ diximus, & in septimo, & in presenti capite paulo
 supra.

A *Ex aliorum sententia refellitur ea differentia, quæ sumitur à medio nobis primum, vel non primum noto.*

C A P. X.

E R A T altera differentia inter potissimam demonstrationem, & propter quid tantum, potissimam, scilicet, medium habere nobis primo notum, non ex effectu inuentum, propter quid vero tantum habere medium non primo nobis notum, sed ex effectu notiore declaratum, ut autem huiusmodi differentiam à demonstrationis natura alienam esse ostendant, hunc in modum aduersus eam argumentantur. Hæc differentia non est sumpta ex conditionibus principiorum demonstrationis ab Aristotele adductis, ergo à natura demonstrationis non derivatur, proinde species variare non potest; consequentia est clara, assumptum probatur, principia demonstrationis vocatz ab Auerroistis propter quid tantum absque dubio vera sunt, sunt etiam prima, seu immediata, quia nil aliud est, principia esse immediata, quam nullum dari medium inter maiorem extremitatem, & terminum medium de sententia philosophi in capite decimo primi libri Posteriorum, habet huiusmodi demonstratio principia priora, & causas conclusionis, cum in ea progressus fiat à causa ad effectum; habet etiam illa notiora natura, & nobis, natura quidem, quoniam omnis causa est notior effectu secundum naturam; nobis vero, quoniam omnis demonstratio fit propter nostram cognitionem, quare à notioribus nobis progreditur; sin minus, est prorsus inutilis; quod de ea non est dicendum, ergo eius principia & natura, & nobis notiora conclusionem esse oportet. demum, principia demonstrationis propter quid sunt de omni, sunt per se, & sunt quatenus ipsum, omnes igitur condiciones habet, & in nulla discrepat à potissima, ergo differentia hæc ex natura demonstrationis non accipitur, proinde ipsi demonstrationi accidentaria est, re vera ea differentia in nobis tantum est, non ipsa demonstrationis natura, quandoquidem nobis contingit, ut causam primum notam habeamus, & ut non primum notam ex effectu notiore inueniamus, sed ad ipsam demonstrationis naturam id minime pertinet, hinc factum est, ut Aristoteles id nunquam considerauerit, dummodo. n. principia sint nota natura, & nobis, quæ conditio communis est omnibus demonstrationibus à priori, & à causa proxima, nil refert an nobis primum nota fuerint, an inuenta per aliud; propterea illud essentielle demonstrationi esse dicitur, hoc vero accidentarium, quod naturam demonstrationis variare non potest. Præterea, si ea sententia admittebatur, sequitur, huic homini eandem demonstrationem esse potissimam, alteri autem homini esse propter quid tantum, quod absurdum est. consequentia probatur, nam concedit Auerroes in commentariis. 182. & 183. primi libri Posteriorum, aliquas esse rerum causas sensiles, ex quibus apud eum fit potissima demonstratio, quoniam primo notæ occurrunt, nec inveniuntur per aliud; quoniam igitur etiam effectus aliquis à tali causa productus sensibilis esse potest, ideo si contingat ab

aliquo prius causam sentiri, quàm effectum, & ex ea illum effectum demonstrari, demonstratio respectu illius potissima erit, notificabit enim, & quòd effectus sit, & cur sit; ut si quis nullam habens solaris eclipsis cognitionem, uideat Lunam interpositam inter solem, & nos, statim per causam cognoscat eclipsim fieri, quàm antea nunquam cognouerat; si uero alius, qui prius eam eclipsim nouerit sine cognitione causæ, ueniat postea in eius causæ cognitionem; per eam cognoscat propter quid fiat eclipsis, sed non quòd sit; eadem igitur demonstratio huius erit propter quid, quæ alteri potissima fuit; nullamq; in se ipsa mutatione passa, fiet diuersarum specierum respectu diuersorum hominum; quod si absurdum est, ut certe est absurdissimum, dubitandum minime est, hanc differentiam esse naturæ demonstrationis sumptam non esse, sed accidens esse ipsi demonstrationi; & accidens quidem separabile, cum uni, & eidem medio contingat, ut sit primo notum alicui, & alteri non primo notum respectu eiusdem effectus.

Rationibus superiori capite adductis respondetur.

C A P. XI.

IAM adductis rationibus respondentes, ad primam negamus assumptum, ad probationem autem dicimus, falsum esse demonstrationem propter quid tantum semper habere principia immediata, cum progrediatur aliquando per causam causatam, ut uidere est de eclipsi Lunæ, de eius luminis accretione, & huiusmodi, quæ sunt demonstrationes propter quid, & tamen progrediuntur per causam causatam, id est, per medium causatum, & propterea per principia causata, idem enim est principium demonstrationis, & demonstrationis medium. demonstratio uero potissima semper debet habere medium non causatum, seu principium immediatum, quare principia esse immediata, non est (ut dicunt ipsi) nullum dari medium inter maiorem extremitatem, & terminum medium, sed etiam nullum dari medium inter minorem extremitatem, & medium terminum, alioquin pro medio esset sumpta causa causata contra naturam potissimæ demonstrationis. Præterea, falsum est, demonstrationem propter quid tantum habere principia nota nobis eo modo, quo habet demonstratio potissima, quæ est etiam propter quid, sed propter quid perfecta, nam demonstratio potissima habet principia nota nobis immediate, id est, absque ulla demonstratione, soloq; sensu beneficio, demonstratio uero propter quid tantum (dico propter quid tantum ad differentiam demonstrationis pp quid perfectæ, & potissimæ) habet principia nota nobis mediate, id est, mediante demonstratione quia, & à posteriori. quæ quidem differentia, licet in nobis tantum esse uideatur, multum tamen facit ad demonstrationis naturam, nam esse principia nobis nota immediate denotat principia demonstrationis esse indemonstrabilia, quæ conditio pertinet ad potissimæ demonstrationis naturam; esse uero principia nobis nota mediate inducat principia

- A** demonstrationis esse demonstrabilia, quæ conditio recedit ab eiusdem potissimæ demonstrationis natura, sed non recedit à natura demonstrationis, propter quid tantum. Clare itaque patet, hanc differentiam non esse quid demonstrationi accidentarium, cum eius naturam variare possit, satisq; ab Aristotele fuisse consideratam, cum in Logicæ disciplina, & philosophiæ libris sæpe dicat ipse, principia sensu, & via innata nobis fieri manifesta; uana igitur esset demonstrationis natura absque cognitione nostra. Demum falsum est, principia ubiuscuiusque demonstrationis propter quid esse quatenus ipsum, quando enim causa, & causatum hoc pacto sunt disposita, ut causam sequatur causatum, non autem e contra, sicuti, exempli gratia, ignem sequitur illuminatio, & calor, sed non e converso, in his non posse fieri demonstrationem potissimam, quatenus esse cause fuerit notum, non autem esse effectus, manifestum est, cum potissima demonstrationis postulet terminos pares, & tamen in illis sit demonstratio à causa proxima, & propterea propter quid, quæ non habet quatenus ipsum, ergo datur aliqua demonstratio propter quid, quæ non habet omnes condiciones potissimæ demonstrationis requiritas: quo ad alteram rationem, qua dicunt, si ea sententia admittatur, sequetur huic homini eandem demonstrationem esse potissimam, alteri autem esse propter quid tantum, negatur consequentia, ad probationem dicimus, falsum esse in causis & causatis sensibilibus ut aliquis prius sentiat causam, quam effectum, & hunc cognoscat sine causæ cognitione, quomodo enim potest quispiam (si sequamur eorum exemplum) sentire solis eclipsim, & non sentire Lunam, quæ illius eclipsis causa est, interponi inter solem, & nos? sinul absque ullo dubio utrumque sentit, ac cognoscit. hinc optimè philosophus in secundo Posteriorum contextu primo secus finem dixit, (si vero cilemus super Lunam, non utique quaeremus, neque si sit, uidelicet, eclipsis Lunæ, neque propter quid sit, sed simul manifestum esset utrumque,) quia tunc utrumque esset sensibile, frustra itaque est ratio, ubi superabundat sensus, quæ enim sensus comprehensione cognita sunt omni demonstratione euentiore habent persuasionem.

C sunt omni demonstratione euentiore habent persuasionem.

Ultima differentia à quaesitis accepta refellitur:

C A P. X I I.

- H**ANC differentiam ratione quaesitorum, si naturam demonstrationis spectemus, falsam esse nonnulli constanter asseuerant, propterea quod demonstratio ex proxima causa constans, dum declarat propter quid sit, non potest secundum propriam naturam non declarare etiam quale sit, quamuis antea nobis notum fuerit, quod ipsi huiusmodi exemplo illustrent. est eorum, amicus Venetiis, **D** qui eos per litteras certiores facit, pestilentiam cessasse, & annonam cariorem factam esse; ipsi autem, antequam litteræ ad eos perferrentur, de pestilentia quidem sciebant, at de annona ignorabant; si quis igitur ab eis petat, quoniam re-

rum ipsos litteræ illæ commonefaciant, duarum ne, an unius, respondent, certe A
 duarum, quamvis enim alteram prius nouerint, per hoc tamen uis earum litte-
 rarum non tollitur, quæ est duarum rerum commonendi, duas enim res amicus
 ille scribit, & quamvis ipsi uel alteram, uel etiam utranque prænouerint, attamen naturam propriam, atq; efficaciam litterarum spectando, semper uere dicitur de duabus rebus litteras illas quemuis lectorem facere certiores. ita dicunt, omnem demonstrationem notificantem propter quid est, notificare etiam quod est; nec quia ipsi alterum prænouerint, tollitur propterea ipsa demonstrationis uis, quæ secundum propriam ipsius naturam utrunquæ demonstrat, cum in quæ sito propter quid est comprehendatur quæsitum an sit, & ab eo diuelli non possit, nil enim aliud est dicere propter quid est, quam rem esse dicere unâ cum causa rei, ut significare uidetur philosophus pluribus in locis secundi libri Posteriorum B
 rum, ubi sæpe dicit, tunc uere demonstrari, & cognosci rem aliquam esse, quando demonstratur propter quid est, neque bene cognosci rem esse, dum sine causa cognoscitur. comprobari etiam potest hæc sententia ex formali sensu conclusionis, omni enim demonstratione colligitur aliquid esse, uel non esse, quia omnis conclusio, etiam demonstrationis propter quid tantum, talis est, ergo hoc est hoc; neque alicuius momenti esse aiunt eam responsionem, quæ ad hoc afferri possit ex mente Commentatoris in commentario nonagesimo quinto primi libri Posteriorum, & in epitomis capite de demonstratione, uidelicet, demonstrationem causæ tantum non ostendere effectum esse, cum notum sit ante ipsam demonstrationem; propterea quod ex iis, quæ hactenus dicta sunt, & præcipue ex eo litterarum ab amico scriptarum exemplo facile quisque colligere potest, inane esse responsionem illam, nam si uera esset, id non debuisset Aristoteles ita simpliciter proferre, sed cum hac exceptione, hæc demonstratio notificat quod C
 est, si modo ignotum sit, nam si quis illud nouerit, nihil ei declarat; attamen Aristoteles tali exceptione usus non est, quia uana, & à scientiali tractatione alienissima est; regulæ namque habendæ sunt perpetuæ, & res sunt considerandæ secundum proprias naturas, proinde cuiusmodi demonstrationes dicuntur demonstrare quod, quia suapte natura declarant rem esse, non considerata ea, quæ in diuersis hominibus est, accidentali uarietate. hanc fuisse Aristotelis mentem aperte deprehendunt ex ea parte decimi capitis primi Posteriorum libri, in qua loquitur de demonstratione à causa remota, hanc enim tali exemplo declarat, si queratur propter quid paries non respirat, & respondeatur, quia non est animal, talis constructur demonstratio, omne respirans est animal, paries non est animal, ergo paries non respirat, quæ quidem non demonstrat propter quid, cum proxima causa adducta non sit, sed solum quod; in hoc exemplo Aristotelis certum est, existentiam rei quæ sitæ notam esse ante illam demonstrationem, & antequam queratur propter quid paries non respiraret, quis, nisi, qui ignoret parietem non respirare? Immo Aristoteles tale problema adducit tanquam notum quo ad quæstionem an sit, inquit enim (si queratur propter quid non respirat paries), at certum est non queri propter quid D
 est nisi quando notum est quod sit, ut ait Aristoteles in secundo libro posteriori

- A**rum contextu primo, & trigesimo nono secundum Auerrois partitionem, nunc quam enim querimus propter quid aliqua res sit, nisi prius constituamus notum esse quod sit; attamen facta demonstratione, dicit Aristoteles, per eam notificari quod est, non propter quid est, quasi dicat: quæsitum est propter quid non respirat paries, hæc autem demonstratio quæstioni non satisfacit, sed solum declarat quod sit, parietem, scilicet, non respirare. si itaque sententia Auerrois admitteretur, falsum diceret Aristoteles, quoniam enim ante demonstrationem notum erat parietem non respirare, demonstratio illa non declarat quod, quare nihil notificat; certe res hæc nimis clara est, nec alia ratione Aristoteles defendi potest, nisi dicendo, ipsam demonstrationis vim, & naturam spectandam esse, quando quid per eam ostendatur inspicere uolumus; siquidem illa demonstratione ex
- D**propria eius natura ostenditur, parietem non respirare, quamvis enim notum id fuerit omnibus hominibus, per hoc tamen ipsa vis demonstrationis minime tollitur, sed semper talis seruatur, ut notificet rem esse, sed non cur sit. cæterum ad pleniorē huius dogmatis confutationem ostendunt ex Aristotele in trigesima nona particula secundi libri Posteriorum non modo naturam demonstrationis spectando, verum etiam nos ipsos demonstrantes inspiciendo, omnem demonstrationem notificantem propter quid est, notificare etiam quod est, nobiscum tradere nouam utriusque cognitionem, quam ante demonstrationem non habebamus; nam philosophus loco citato reddens rationem cur ille, qui rem esse cognoscit sine cognitione causæ, non cognoscat quid ea sit, hanc rationem adducit, quia neque rem illam esse cognoscit, nisi leuiter, & ex accidenti: cum enim res ita cognosci debeat, uti est, ut autem sit habeat à sua causâ, sequitur tunc uere cognosci eam esse, quando per causam, propter quam est, cognoscitur; non est autem repugnantia in uerbis Aristotelis, ut fortassis esse uideretur, cum dicat prius rem cognosci quod sit, postea hoc idem neget; nam significat dupliciter cognosci rem esse, uno quidem modo leuiter, & confuse, & absque cognitione causæ; altero modo perfecte, & per causæ cognitionem, cuius quidem cognitionis comparatione altera est potius ignoratio, quam cognitio; ex quo loco colligunt, eum, qui prius nouit effectum aliquem esse, & postea demonstrat propter quid sit, hac demonstratione nouam scientiam adipisci, quam antea non habebat, res, scilicet, illam esse, perfectam enim, & certam scientiam acquirat de eius esse, quam prius non habebat, nisi confusam, & rudem; quare etiam respectu nostri eadem demonstratio, quam uocant propter quid tantum, notificat utrumque, & quod sit, & quamobrem sit. hoc idem ipsius quoque Auerrois confessione confirmat in nonagesimo quinto commentario primi libri Posteriorum, ubi disputat contra Auicennam de demonstratione quod, quam ille negabat esse demonstrationem; ad quem locum lectorem reuocant. cum itaque non detur demonstratio propter quid re distincta à demonstratione potissima, tanquam alia demonstrationis species, firma remanet ea demonstrationis diuisio, quam ipsi ex mente philosophi in capite decimo primi libri Posteriorum facere solent, quæ hunc in modum se habet. demonstratio non dicitur nisi syllogismus necessarius, & ex necess

ariis propositionibus compositus, qui progressum habet essentialem, nimirum, A
 à causa ad effectum, uel ab effectu ad causam; quoniam igitur omnis demon-
 stratio aliquid esse ostendit, hoc duobus modis facit, scilicet, uel per causam, uel
 sine causa, proinde per effectum; si per causam, aut proximam, aut remotam; per
 proximam quidē fit demonstratio propter quod, quā dicunt potissimā, ac præstantissi-
 mā demonstrationē esse; p̄ causā autē remotā fit demonstratio solū quod; simili-
 ter p̄ effectū fit demonstratio solū quod; itaque duæ sūm species demonstrationis
 dantur habita ratione quæditorū, q̄ per eas notificātur; una, q̄ rē esse demonstrat
 simul cū ipso p̄p̄ qd; altera, q̄ solū quod declarat, nō p̄p̄ qd; hæc rursus in duas
 alias diuiditur rōe mediū distinctas, sed nō rōe quæditorū, q̄ p̄ eas notificantur, al-
 tera per causā remotā demonstrat effectū, altera per effectū notificat causā, co-
 gnita ex ui huius diuisionis ueritate, argumētū in oppositū dissoluunt; quando
 n. dicebatur, demonstratio p̄p̄ quid tantum, & demonstratio potissima distinguū-
 tur ratione quæditorum, ergo re distinguuntur, negādum esse dicunt antecedens, B
 quia neque datur discrimin in quæsitis sine discrimine in cōditionibus principio-
 rū, neque fieri potest ut demonstretur propter quod sine declaratione ipsius quod.

*Confutantur ea, quæ in capite præcedenti contra Auctoris
 sententiam allata sunt. CAP. XIII.*

Differentia à quæsitis accepta consequitur eam, quæ sumitur à medio primū,
 uel non primum noto; cum itaque disputatum sit, differentiam illam à me-
 dio primum, uel non primum noto esse sumptam ex natura rei, manifestissime ap-
 pareret, eam in quæsitis aliquam discrepantiam efficere. uerum quia exemplū asse-
 runt, atq; eo persuadere conantur demonstrationem ex proxima causa constan-
 tem, dum declarat propter quid, non posse secundum propriam naturam non
 declarare etiam quod est, quamuis nobis antea notum fuerit, placet disputandi C
 gratia contra eorum sententiam, & exemplum aliquid in medium asserre; dici-
 mus itaque primum, demonstrationem non fuisse à sapientibus inuentam, ut a-
 lii intelligerent eius naturam esse notificandi simul quæsitum quod, & quæsi-
 tum propter quid, sed ut esset instrumentum notificandi quod ab aliis igno-
 raretur, uel esset illud, quod seiunctim, uel seiunctim propter quid, uel simul
 utrumque. Si igitur demonstratio notificat, eo quia id oneris ei à sapientibus il-
 lis impositum fuit, & notificare est notum facere quod prius ignorabatur, se-
 quitur, demonstrationem debere à nobis dirigi ad ea, quæ ignota sunt, hinc fit,
 ut demonstratio non secus, ac forma syllogistica, dicatur ratiocinatio à noto
 ad ignotum, quod falsum esset, si dum notificat propter quid ignotum, notifi-
 caret etiam quod prænotum. sicuti ergo se res habet de demonstratione, ita &
 de litteris, quas ad amicum mittimus, non enim hoc nomine eas mittimus, ut D
 amicus intelligat, earum naturam esse nunciandi ea omnia, quæ in illis scripta
 reperiuntur, sed ut eum per illas certiolem faciamus de rebus, quas ab eo
 ignorari existimamus; si enim ei notas esse pro certo haberemus, absque

- A**ullo dubio nos ab earū litterarū missione abstinere mus, alioquin, stulti admodū essemus, ex qua ratione clare patet, falsū esse quod assertiue dicunt, omnē, scilicet, demonstratiōē notificantem propter, quid est, notificare etiā quod est, si prænōtū fuerit, nec non in quæsito propter quid, cōprehendi quæsītū an sit, ab eo qd̄ uelli non posse, quia dicere propter quid res sit, non est (ut uolunt ipsi) dicere rē esse unā cum causā rei, sed est, cognito rē esse, quærere causā, propter quā res est, cum propter quid quæri non possit, nisi cognito quod; & licet philosophus pluribus in locis secundi Posteriorū libri dicat, tunc uere demonstrati, & cognosci rē aliquā esse, quando demonstratur propter quid est, quia res p̄ illud cognosci debet, a quo habet ut sit, ex hoc tamen nō tollitur, quin sit notum rem illam esse, quādo fuerit id notū a posteriori, ut asserit ipsemet philosophus, quia cōparās ipse ratiocinationes inter se, asserit, & optime, si ignotū fuerit rem aliquā esse, ut p̄fecte magis cognoscatur, eam esse a priori, & p̄ causā, quā a posteriori, & p̄ effectū; nō autē, si notū fuerit rē esse a posteriori, seu per sensum, & quæritur eius propter quid, ut talis demonstratio notificare possit rē illā esse, cū demonstratio dirigi debeat ad id, qd̄ est ignotū, nec possunt ad illud recurrere, esse, scilicet, quod ignotū, cū secundū accidēs notū fuerit, quia philosophus in secundo Posteriorū cōtextu octauo asserit, nos scire quia, propter qd̄ autē nō, si quod non per media, sed secundū accidēs notū fuerit, præterea, ignorato quod, posset contra philosophū quæri p̄ qd̄. declaro, tūc. n. quimus propter quid, quando scimus quod secundū accidēs, nā si illud haberemus per media, id est, per uerā causā, non oporteret quærere propter qd̄, quoniam simul haberemus utrumque, si itaque ipsum quod scitū secundū accidēs, per eos ignotū foret, ignorato quod, posset cōtra philosophi sententiā quæri propter quid, manifestissime etiā ex eadē ratione apparet, quāti momēti sit ea responsio, quæ cōtra eorū sententiā asserri posset ex mēte Cōmentatoris locis citatis, uidelicet, demonstratiōē causæ tantū non ostendere effectum esse, cū notum sit, quia optime cognoscebat Auerroes, id solum notum fieri, qd̄ ignotum est, non autē quod est notū; tantū igitur abest, ut litterarum exemplum ab eis excogitatum eorum sententiā illustret, ut potius eius oppositum ostendat. quo ad Aristotelem loco citato dicimus, eum hac de causa simpliciter protulisse, non cum huiusmodi exceptione, uidelicet, hæc demonstratio notificat quod, si modo ignotum sit, quia ad notionem illius uocis (notificare) consequitur talis exceptio, notificare enim est occultum, & ignotum manifestare; si aliquid igitur notū fuerit, quomodo poterit notificari, præterea, si demonstratio notificat, & propter cognitionē nostrā est inuenta, nō ne debet nobis notificare? Ecce, uanā admodū rē esse, & p̄cipue ex parte quæstorum, ut cōsideretur natura demonstratiōis absq̄ nostra cognitione. Quod uero spectat ad rationē, quā ibi format philosophus, fatemur, oibus esse notum, parietē nō respirare, non autē notā esse eius causā, hinc optime quæritur, propter quid nō respirat paries; quare si ad hoc quæsītum respondens dixerit, quia non est animal, hoc pacto in secunda figura syllogismum consiciendo, omne respirans est animal, paries non est animal, ergo paries non respirat, demonstratio non esset propter quid,

sed quòd; non esset propter quid, etenim (ut inquit Aristoteles) non dicitur **A**
causa, non ut in tali syllogismo non sit accepta causa, quia re uera est syllo-
gismus à priori, & à causa, sed quoniam causa remota, quæ eius syllogis-
mi medium est, comparata proximæ habetur pro non causa. Effet ex altera par-
te quòd, non eo modo, quò dicunt ipsi, quia, scilicet, notificat quòd, nempe, parie-
tem non respirare, quoniam hoc, cum omnibus manifestum sit, non potest ab ea
notum fieri, licet ratione formæ syllogisticæ inferatur; sed ut ex hoc denotetur
eius imperfectio, sicuti enim ratio à posteriori cōparata rationi à priori dicitur
imperfecta, ita demonstratio à causa remota comparata demonstrationi à causa
proxima est imperfecta, & hac de causa (ut diximus) nuncupatur demonstratio
quòd, seu quia. ad id autem, quod dicunt, si scētia Auerrois admitteretur, fal-
sum diceret Aristoteles, quoniam demonstratio illa non declarando quòd, quia **B**
notum erat, nihil notificaret, negatur hoc, notum .n. reddit quod prius à quæ
rentibus ignorabatur, uidelicet, non esse animal efficere ut paries non respiret,
quamuis non sit uera causa, & uerum propter quid; satisfecit itaque illa demon-
stratio propositæ quæstioni quantum licuit, quia ostendit causam ad quæsitum,
quæcunque illa fuerit. Nec obstat huic nostræ responsioni dictum philosophi, ui-
delicet, in his non propter quid, sed ipsius quia demonstrationem esse, quoniam
philosophus non uult dicere, demonstrationem illam non esse propter quid, quia
nullam causam notificat; uerum quia non habet causam proximam, sed remo-
tam, quam obrem meretur potius (ut supra diximus) nomen demonstrationis
quia, quam ipsius propter quid; proinde, meo quidem iudicio, non inspiciendo
demonstrationis naturam, Aristoteles defēdi potest. Hæc oīa, quæ hucusque à no-
bis dicta sūt, possūt interuiri etiā responsioni ad ea, quæ subsequuntur, nēpe, (cæterū
ad pleniorē huius dogmatis cōfutationē, &c.) cū itaque detur demonstratio pro-
pter quid tantū ut alia demonstrationis species à potissimā essentialiter distincta, firma **C**
remanet ea demonstrationis diuisio, quā Auerroes ex mēte philosophi in primo
Posteriorū capite decimo facit, quæ hūc 1 modū se habet, oīs demonstratio aliquid
notū faciēs, essentialē progressū habet uel à causa ad effectū, uel ab effectū ad cau-
sam, si à causa, aut proxima, aut remota, à causa proxima sit demonstratio propter
quid cōmunis ad potissimā, & propter quid tantum, si .n. fiat essentialis progres-
sus à causa proxima nobis immediate cognita, efficitur unā species demonstra-
tionis, quæ dicitur potissimā, si uero fiat à causa proxima nobis mediate cogni-
ta, uidelicet, mediante demonstratione quia, oritur altera species, quæ ab Auer-
roes appellatur propter quid, seu causæ tantū; at si essentialis progressus fiat uel
à causa remota, uel ab effectū, tertīa efficitur species, quæ ab omnibus uocatur de-
monstratio uel quòd, uel quia. nō solū igitur ex parte mediū, sed etiā ratione quæ
sitorū dātur (ut declarauimus) tres demonstrationis species, quare firma nō re-
manet ea demonstrationis diuisio, quā ipsi fecerunt, nec argumētū ex Auerroes
sumptū (nisi fallimur) ab eis dissoluitur, cū probauerimus dari discrimen in-
ter demonstrationem potissimā, & propter quid tantum in principiorum **D**
conditionibus, ac posse demonstrari propter quid sine demonstratione ipsius

- A** quod . sed aliquis de hac diuisione forsitan nobis obiiceret, ut in ea posuerimus quod aduersarii facile negare possent, dari, scilicet, demonstrationem propter quid communem ad potissimam, & propter quid tantum, qua propter id probare ipsiusmet philosophi auctoritate decreuimus. Nam in primo Post. contextu decimo Aristoteles selectionem faciens eorum modorum dicendi per se, qui eam demonstrationem ingrediuntur, quam ipse simpliciter uocat, alii uero potissimam, determinat, eos duntaxat huiusmodi demonstrationem ingredi, qui nexum causæ, & causati necessarium habent; hi sunt primus, & secundus, quartus uero ut quartus minime, quamuis enim ipse quoque prædictæ demonstrationi adhibeatur, non secundum suum totum ambitum, idest, non ut quartus ei adhibetur, sed quatenus concurrit cum primo, & secundo, quod evenit quando causa efficiens est effectui annexa, in eiusq; definitione ponitur, at quando est ab effectu disiuncta, in eiusq; definitione minime collocatur, non potest huius causæ genus prædictæ demonstrationi accommodari. in secundo autem Posteriorum cōtextu undecimo, & in secundo Physicorum contextu septuagesimo secundo asserit, quatuor genera causarum medium esse in demonstratione a priori, seu propter quid, & propterea quartum modum secundum suum totum ambitum in ea sibi locum uendicare. quamobrem uidetur philosophus locis citatis innuere, differentiam esse ratione medii, atq; ideo essentialem inter eas demonstrationes propter quid, quarū una simpliciter, seu potissima, altera uero propter quid tantum appellatur, cum itaque huiusmodi demonstrationes ita inter se differant, ut una, uidelicet, propter quid tantum, altera, nimirum, potissima esse non possit, ad credendum inducor, ut etiam ex mente philosophi detur demonstratio cōmunis ad potissimam, & propter quid tantum. Dixi, etiam ex mente philosophi, quia ex ea causarum, & causatorum dispositione, de qua in capite septimo ad meum commentatoris copiose locuti sumus, & præcipue ex ultimo membro id manifestissimum apparet.

- C** *Ex aliorum sententia auctoritatem illam philosophi in secundo Posteriorum libro contextu octauo secundum veterem sectionem ab Auerrois non intelligi, sedq; aduersari declaratur.*

C A P. X I I I I.

- E** R A T pro Auerrois locus ille pulcherrimus philosophi in trigesima nona particula secundi libri Posteriorum, cuius hæc sunt uerba, (sicuti Denim propter quid querimus, habentes quia est, aliquando autem & simul manifesta sunt, &c.) ad quem ut firmam, ac solidam responsionem nonnulli afferant, declarandam esse inquirunt Aristotelis sententiam in illis uerbis,

tum ut rei veritas cognoscatur, tum etiam ut appareat, Auerroistas hac in re A
apparentibus tantum, ac fallacibus argumentis uti. Scopus igitur Aristotelis in
ea parte ex ipsorum sententia est, docere, quæ nam sit ea demonstratio, quæ non
solum declarat quod est, sed etiam quid est, uult enim ostendere, eam tantum de
monstrationem, quæ notificat quod est simul cum ipso propter quid est, ducere
nos in cognitionem ipsius quid est; eam uero, quæ declarat solum quod est, nul
lo modo nos ducere ad cognoscendum quid est; hoc igitur ut ostendat, conside
rat eo in loco ordinem, quem in quærendo seruamus tum in simplicibus, tum in
complexis quæstionibus, ut à complexis ducat nos in cognitionem simplicium,
quandoquidem in accidentibus hæ, & illæ in eundem sensum cadunt, idem enim
est de accidente quærere an sit, & quærere an insit; ita idem est quærere propter
quid sit, & quærere quid sit; de ordine igitur quæstionum complexarum Aristo B
teles tria dicit, Primum est, quæstio quod præcedit quandoque tempore quæstio
nem propter quid, aliquando enim prius nouimus quod est, postea quærimus
propter quid est. Secundum est, quandoque non alterum prius alterum postea
rius, sed simul utrumque nobis innotescit. Tertium est, non possumus cognosce
re propter quid est dum ignoramus quod est. idem dicit de simplicibus quæstio
nibus, quandoque etenim cognoscimus rem esse, deinde quærimus quid sit; quan
doque utrumque simul innotescit; sed nunquam cognoscimus quid sit dum igno
ramus an sit. ut tria hæc dicta declaret Aristoteles, inquit, posse duobus modis
cognosci quod res sit, uno modo per aliquid ipsius rei nimirum, per eius causam,
altero autem modo per accidens, hoc est, absque cognitione causæ; tandem do
cet, ea demonstratione, quæ per accidens facit nos cognoscere rem esse, non de
clarari propter quid, sed solum quod, qua cognitione cum animo nostro non sa
tis fiat, ideo quærimus postea propter quid sit; ea propter eiusmodi demonstratio C
non confert ad cognoscendum quid est, si uero demonstratio rem esse declaret
per causam rei, tunc simul cognoscimus quod est, & propter quid est, proinde
inuenimus simul rem esse, & quid sit; demonstratio igitur, quæ declarat propter
quid est, illa est, quæ tradit cognitionem ipsius quid est, hæc est eo in loco senten
tia Aristotelis, quam non Auerroi, eiusque lectoribus, sed sibi ipsis fauere aiunt,
si bene intelligatur, idque demonstrant, iactis prius quibusdam fundamentis, quo
rum unum est, nunquam duabus simul quæstionibus nos uti, sed semper una, aut
enim quærimus an sit, aut quærimus propter quid sit, sed an sit, & propter quid
sit nunquam simul quærimus; quando quærimus an sit, tunc ignoramus utrun
que, quando autem cognoscimus quod est, quærimus propter quid est, ex quo
hoc aliud desumunt, nunquam quæri propter quid est, nisi quando cognoscitur
quod est, dum enim ignoramus utrumque, non licet quærere propter quid est,
quia hæc quæstio ex necessitate supponit cognitum quod sit. aliud etiam notan
dum esse aiunt, quod ex his, quæ dixerunt, colligitur, euenire interdum, ut post
quæstionem aliquid inueniamus, quod non quærebat, nam quando ignora D
mus & propter quid, & quod, non licet quærere nisi quod, fieri tamen potest,
ut quærentes an sit incidamus in causam rei, per quam simul ostendamus, &

- A** quod est, & propter quid est. nec obstat, Aristotelem in principio secundi libri Posteriorum dixisse, ea, quæ quærentur, numero æqualia esse iis, quæ sciuntur, quia ibi loquitur de modis quærendi, & sciendi generaliter acceptis, quatuor namque sunt tum hi, tum illi, nec plures dantur, quare numero æquales sunt; at non loquitur de ipsis rebus particulatim acceptis, quæ sciri, ac quæri possunt, constat enim, non esse æqualem earum numerum, cum multa sciuntur, quæ nunquam fuerunt quæsita, ut prima principia omnibus nota; contra uero multa quærentur, quæ nunquam sciuntur, ut stellarum, & arenarum numerus. Ex his tandem colligunt, aliud esse de quæsitis loqui pro ut ante demonstrationem quærentur, aliud esse de iisdem loqui pro ut per factam demonstrationem notificantur; nam (ut dicebant) demonstrationem omnem una tantum quæstio præcedere potest; nunquam duæ, attemen per aliquam demonstrationem duo simul innotescunt.
- B** His ita constitutis, ostendunt, ea, quæ ibi dicuntur ab Aristotele, eorum sententia non officere, nam inquit philosophus, nos quandoque cognoscentes quod est, quærere propter quid est, quandoque etiam utraque hæc eadem demonstratione nobis manifesta fieri; ipsi autem ostendunt, aliud esse id, quod ante demonstrationem quæritur, aliud esse id, quod per demonstrationem notificatur, licet igitur dicat Aristoteles, nos quærere propter quid quando prius nouimus quod est, ob id non dicit, demonstrationem dari, per quam solum propter quid notificetur, quæritur quidem propter quid solum, sed mox facta demonstratio notificat & propter quid, & quod; quemadmodum è conuerso; quærimus aliquando solum an sit, deinde demonstratio simul nobis declarat & quod sit, & propter quid sit; sicut igitur ante hanc demonstrationem quærebamus solum an sit, ita ante illam quærebamus solum propter quid sit, eadem tamen est utriusque demonstrationis natura, & efficacia, quæ notificat simul utrumque; quod quidem ipsemet Aristoteles in eodem contextu affirmat, dicit enim, ante causæ cognitionem; licet quandoque uideatur, notum esse quod sit, tamen re uera non esse notum nisi ex accidenti; tota igitur differentia, quam considerat Aristoteles inter eam demonstrationem, quæ fit post quæstionem propter quid est, & eam quæ simul utrumque notificat post quæstionem an sit, consistit in quæstionibus, quæ demonstrationem præcedunt, non in iis, quæ per utranque demonstrationem notificantur, utraque enim æque notificat propter quid, & quod, licet alteram præcesserit sola quæstio propter quid, alteram uero sola quæstio an sit; demonstrationis autem natura non in quæstione præcedente, sed in iis, quæ notificantur, constituta est, & ab his appellationem sumere debet, non à præcedentibus quæstionibus, quæ à sola animi nostri accidentaria affectione pendunt; quoniam aliquando leuiter, & ex accidenti cognoscimus quod est, aliquando id penitus ignoramus, ob id alio, & alio modo quæstionem proponimus, attemen ut
- D** cumque nos quæramus, eadem semper seruetur uis notificatiua demonstratio-
nis. Patet igitur locum illum Aristotelis in secundo Posteriorum libro ab Auerrois non intelligi, & eis causam erroris fuisse, Aristotelem in illis tribus dictis considerare eas quæstiones etiam ut demonstrationem præcedentes, non solum ut

per demonstrationem notificatas; earum enim ut præcedentium differentia nul-
lum discrimen facit in quæsitis, quæ sunt demonstrationis finis, neque diuersas
demonstrationis species constituit; sed quando Aristoteles statim in sequentibus
uerbis quæsitæ illa non amplius ut præcedentia, sed solum ut per demonstratio-
nem notificata considerat, duas tantum demonstrationis species ponit ratione
quæditorum notificatorum distinctas, dicit enim duobus modis cognosci rem ef-
fe aut per accidens, aut per causam, duas demonstrationis species significans,
cum enim omnis demonstratio aliquid esse ostendat, alia id facit per causam, alia
sine traditione causæ. Addunt aliud argumentum aduersus Auerroem (ut ipsi
dicunt) efficacissimum, nam Aristoteles ibi docet, per eam demonstrationem,
quæ rem esse ostendit non per suam causam, minime cognosci quid est, sed per
eam tantummodo, quæ rem esse demonstrat per suam causam; hoc posito, argu-
mentantur hunc in modum, sola demonstratio ostendens rem esse per causam
suam est illa, quæ declarat quid est, quo fit ut omnis demonstratio declarans quid
est ostendat rem esse per suam causam, hoc enim asserit eo in loco manifeste Ari-
stoteles; atqui demonstratio, quam uocant propter quid tantum, seu causæ tantum,
declarat quid est, ut Auerroes fatetur in trigésimo nono, & quadragésimo com-
mentariis secundi libri Posteriorum, hæc igitur declarat rem esse per causam
suam, declarat igitur rem esse, quod Auerroistæ negant.

Impugnantur ea, quæ in superiori capite dicta sunt.

C A P. XV.

A Dmissa uerborum Aristotelis in trigésima nona particula secundi libri Po-
steriorum interpretatione, quam eis dat instantia, non potest auctoritas illa
philosophi aduersariorum sententiæ non officere, quoniam si ea, quæ quærentur,
hac ratione quærentur, ut (si fieri possit) sciantur, interdumque per Aristotelem
cognoscentibus quod licet quærere propter quid, de necessitate sequitur, dari
aliquam demonstrationem, per quam solum propter quid manifestum fiat, nam
si tam in quæstione propter quid, quam in quæstione an sit, post factam demon-
strationem notum redderetur utrumque quæsitum, quod, scilicet, & propter
quid, non rectè dixisset philosophus in particula illa trigésima nona secundi Po-
steriorum, aliquando autem, & simul manifesta fiunt, quia semper, non aliquan-
do id eueniret, si, dum quærimus solum propter quid habentes quod, mox, facta
demonstratione, redderetur notum & propter quid, & quod; sed causa huius er-
roris fuit, existimare, nos semper, dum unum quærimus, duo inuenire, nam li-
cet hoc dictum locum habeat in quæstione an sit quando illam cognoscimus à
priori per suam causam proximam, quia tunc, dum quærimus an sit, ignora-
mus utranque quæstionem, locum tamen non habet nec in eadem quæstione
quando illam cognoscimus à posteriori, & secundum accidens, tunc enim

- A** per Aristotelem in illo octauo contextu scimus rem esse, & quod, ignorantes quid, & propter quid; nec locum habet in quaestione propter quid, quoniam id in ea inuenire non possumus, quod non quaerebamus, uidelicet, ipsum quod est, quia illud ante quaestionem ipsius propter quid sciebamus, immo ignorato quod non potest quæri propter quid. Nec obstat, Aristotelem dicere, ipsum quod est se se ipsum secundum accidens, quia loquitur comparative, id enim uerum est in comparationem ipsius propter quid, nam scire per posterius in comparationem ipsis scire per prius habetur pro ipso scire secundum accidens; ueritati autem non conuenit, si scire quod secundum se consideretur, etenim scire non fuisse ab Aristotele recte diuisum in primo Posteriorum libro contextu trigesimo, si scire quod sine causa cognitione esset (ut requirit instantia) semper scire secundum accidens, & ignoratio potius quam scientia, ibi enim diuidit philosophus scire
- B** per se licet analogum sit, non scire commune ad per se, & secundum accidens. præterea, si cognosceremus quod sensu ipso, non ne per Aristotelem in octauo Physicorum contextu uigesimo secundo esset optime cognitum? certe quidem, quoniam frustra (ut alias dictum fuit) quaeritur ratio, quando superabundat sensus. Patet itaque, locum illum Aristotelis ab Auerroistis optime intelligi, etiam si consideretur quaestiones illæ ut notæ per demonstrationem, Aduersariorumque opinioni nullo pacto inferuire. Quo ad aliud argumentum, antequam ei formaliter respondeamus, notandum esse duximus, Aristotelem in secundo Posteriorum contextu illo octauo secundum sectionem ueterem comparantem inter se demonstrationes, quæ possunt norum facere quod est, eam scilicet, quæ rem esse non per suam causam, & eam, quæ rem esse per suam causam notificat, uelle, cognosci, & haberi quid est non per primam, sed per alteram demonstrationem rem esse per suam causam ostendentem, ob id non dicit, quid est cognosci non posse per aliam demonstrationem a priori, nempe, per eam, cuius ope (ut declarauimus) solum propter quid notum redditur. hoc posito, formaliter ad argumentum respondemus, uerum esse, inter demonstrationes rem esse ostendentes, illam solam facere ut cognoscatur quid est, quæ rem esse per suam causam ostendit, negamus id tamen, quod ex eo colligunt, omnem, scilicet, demonstrationem, quæ facit ut cognoscatur quid est, ostendere ex sententia philosophi rem esse per suam causam, cum et ex demonstratione, quæ solum propter quid ostendit, possit elici definitio, ut patet per ea, quæ diximus in disputatione de medio; ex falsitate igitur maioris propositionis sequitur falsitas conclusionis, ut, scilicet, demonstratio propter quid, seu causæ tantum ostendat rem esse per suam causam,

*Laudes Deo Optimo Maximo, Qui
Trinus, & unus est.*

FINIS.

BERNARDUS

BERNARDINI PETRELLAE LOGICARVM DISPUTATIONVM

Liber Septimus

DE POTISSIMAE DEMONSTRATIONIS

B

M. E. D. I. O.

Nonnulli termini explicantur.

C. A. P. I.



PERDVCTA ad exitum disputatione de speciebus demonstrationis, ad eam, quæ de potissimæ demonstrationis medio est, accedimus, cuius titulum huiusmodi esse debere præter multorum opinionem existimamus, utrum, scilicet, medium, quod est ex mente philosophi passionis demonstrandæ ratio, idest, causalis definitio, sit semper in demonstratione potissima definitio quiditativa subiecti, interdum enim medium in huiusmodi demonstratione esse subiecti, seu minoris extremi quiditativam definitionem, omnes uno ore fatentur, semper autem, non omnes, dixi, ex mente philosophi rationem illam passionis esse eiusdem passionis demonstrandæ causalem definitionem, quoniam uniuscuiusque propriæ passionis, quæ nota, sit per demonstrationem, tres ponuntur definitiones ab Aristotele in primo Posteriorum contextu vigesimo secundo, & in secundo libro contextu decimo secundum veterem sectionem, quarum una appellatur definitio causalis, altera vocatur essentialis sine causa, tertia, & ultima ex his composita essentialis cum causa nuncupatur, designans philosophus his definitionibus locum in demonstratione, ait, causalem principium, essentiali sine causa conclusionem demonstrationis, essentiali vero cum causa esse ipsammet demonstrationem solo terminorum situ ab ea differentem, ex quo colligimus, utranque essentiali non posse esse medium, non essentiali sine causa, quia semper est conclusio, nunquam demonstrationis principium; neque essentiali cum causa, quoniam eadem est cum demonstratione, quæ suimet principium, atque ideo medium esse non potest, sequitur igitur per sufficientem enumerationem, solam definitionem causalem passionis demonstrandæ medium de

Y

- A** bere esse in potissima demonstratione, ut gratia exempli, risibilitatis, quæ hominis proprietas est, tres ponuntur definitiones, una essentialis sine causa, seu improprie quiditativa, dico improprie, quia proprie solius substantiæ quiditas est, & hæc constans ex genere, proximæq; differentia, est aptitudo hominis ad ridendum; altera causalis, quæ continet solum causam inharrentiæ passionis in subiecto, quæ caret formæ substantiales, licet habeant efficiens extrinsecum, à quo producantur in ipsum esse, & hæc definitio causalis est, animal rationale, per quæ risibilitas inest homini; tertia demum ex his duabus constructa, quæ nuncupatur essentialis definitio cum causa, est aptitudo hominis ad ridendum propter animal rationale, ex quo clare patet, medium ad concludendum homini risibilitatē inhaerere non esse, nisi animal rationale, quod est definitio causalis risibilitatis; differentia inter hanc causalem, & quiditativam definitionem cognoscitur, eo quia in definitione quiditativa quidquid essentialiter prædicatur de definitione, prædicatur etiam de definito per regulam philosophi in anteprædicamentis, (quando alterum de altero prædicatur, &c.) in definitione vero causali non ita se res habet, nam animal rationale, prædicatur de risibili quatenus est eius definitio causalis, si dicatur, risibile est animal rationale, at de animali rationali prædicatur vel corpus, vel substantia, quæ nullo pacto de risibili prædicantur, non enim dicimus, risibile est corpus, vel risibile est substantia, cognito per rationem, quando philosophus ait, medium esse rationem primi extremi, non posse intelligi nisi eius definitionem causalem; cognoscitur etiam quod frustra queritur à nonnullis in hac disputatione, utrum medium sit definitio quiditativa passionis, vel subiecti, cum definitio quiditativa passionis nunquā possit esse principium demonstrationis, quorum errorem nos quoque alijs secuti fuimus; frustra q; etiam à nonnullis alijs queritur, in quo genere causæ reponi debeat causa illa passionis demonstranda, quæ pro medio sumitur in potissima demonstratione, nam si
- C** ab omni causarum genere definitiones sumuntur, & medium (ut probatum est) non potest esse definitio essentialis passionis sine causa, quæ fundatur in causa formali, & materiali in quæ eiusdem passionis, clare patet, medium, quod est causa primi extremi, seu maioris extremitatis, non posse reponi nisi in genere causæ efficientis, & finalis ratione passionis demonstranda; sed hic advertendum est, efficiens esse duplex, verum, scilicet, & non verum; efficiens verum illud est, quod non semper producit effectum, ut videre est de regulatione, quæ dicitur mortis causa efficiens vera, quia non semper efficit mortem, cum ab alijs causis mors evenire possit, efficiens autem non verum est quod semper effectum suum producit, cum ab alia causa effectus ille non possit provenire, ut patet de animali rationali, quod dicimus esse risibilitatis causa efficiens non verā, quia sub qualibet temporis differentia, posito animali ponitur risibilitas, & ab alia causa prodigitur dicimus, mediū non posse collocari nisi in genere causæ efficientis, & finalis
- D** ci non potest, & hoc efficiens non verū illud ē, quod coincidit cū forma. quando igitur dicimus, mediū non posse collocari nisi in genere causæ efficientis, & finalis per causam efficientem intelligimus efficientē non verā, quatenus scilicet, causa efficiens accedit, ut sit semper suo effectui annexa, tunc enim recedit à propria

natura, quæ est non semper effectum suum comitari. cum itaque determinatum A sit à nobis, per rationem primi extremi non posse ab Aristotele intelligi nisi causalem definitionem, quæ explicat propter quid eiusdem primi extremi, inconueniensque non sit, ut idem esse possit propter quid passionis demonstrandæ, & quid subiecti, iure optimo in hac disputatione quærendum existimauimus, utrum medium, quod est ex mente philosophi ratio, idest, causalis definitio passionis demonstrandæ, sit semper in demonstratione potissima definitio quiditætiua subiecti. per demonstrationem potissimam quid intelligi debeat, satis, superque explicatum fuit à nobis in præcedente libro, per medium intelligi debet medium rei, quod est causa, à qua passio demonstranda habet ut sit, & conseruetur; ex quo fit, ut ab huiusmodi medio rei, quod emanare dicitur à materia necessaria necessitate simpliciter, circa quam uersatur demonstratio potissima, necessaria colligatur conclusio, nam de medio consequentiæ, seu illationis, quod di B cimus esse, quando ex concessis quibusdam conclusio de necessitate sequitur, in præsentia ne uerbum quidem, cum illud proueniat ex parte formæ ipsius demonstrationis, quæ syllogismus est, de quo primo in ordine ad demonstrationem uerba facit philosophus in libris priorum, secundo autem loco ut communis est ad omnem materiam. declaratis terminis propositæ disputationis, quid de ea alii sentiant prius examinare decreuimus.

Aliorum Opinio.

C A P. I I.

Plerique negatiuam partem sustinentes hunc in modum argumentantur, cau C sa, propter quam unumquodque accidens est, debet esse medium, quo illud demonstratione potissima demonstretur, at multa accidentia sunt, quorum causa non sunt eorum subiectorum formæ, sed alia accidentia, ergo multa accidentia sunt, quæ per alia accidentia, non autem per eorum subiectorum definitiones demonstrantur potissima demonstratione; absurdum igitur est dicere, in omni demonstratione potissima primi extremi rationem semper esse quiditætiuam subiecti definitionem. maior propositio clara est ex definitione ipsius scire simpliciter, minor satis, superque declarari potest & Aristotelis, & Auerrois testimonio, nã philosophus in primo Posteriorum contextu trigésimo demonstrat augmentum luminis in Luna per eius sphericam figuram, in secundo uero libro contextu octauo, & uigésimo quinto ostendit Eclipsim de Luna per terræ interpositionem, tonitrum de nube per ignis extinctionem, foliorumque fluxum de arboribus per humoris congelationem, in quibus demonstrationibus mediū est ratio primi extremi, subiecti autem quiditætiua definitio minime. Verum ne ullus amplius cauillandi locus relinquatur, eas demonstrationes esse potissi D mas hac ratione probare nituntur, illa demonstratio est appellanda potissima,

- A** quæ perfectam rei scientiam nobis tradit, ita ut nihil amplius de ea re quæri, uel cognosci possit; at demonstratio eclipsis Lunæ per terræ interpositionem tradit plenam ipsius eclipsis scientiam, ita ut nihil de eclipsi quærendum, uel sciendum maneat, declarat enim eclipsim esse, & propter quid sit, atq; etiam quid sit, quoniam definitionem solo situ ab ea differentem elargitur, deq; aliis memoratis demonstrationibus idem verificatur, ergo illæ omnes sunt potissimæ demonstrationes, quibus non dantur aliæ præstantiores, nec aliter existimandum esse aiunt, cum secundus Posteriorum liber sit omnium Logicorum librorum finis, & scopus, in quo de præstantissima demonstrationis specie sermonem fieri, non de illa, quæ est secundi gradus, pro comperto habendum est. Auerroes quoque in commentario trigésimo quinto primi Posteriorum, & in commentario quadragésimo secundi libri clare dicit, demonstrationem eclipsis Lunæ ex terræ obiectio-
B ne esse potissimam demonstrationem. Et in commentario trigésimo primo quarti libri Physicorum declarans id, quod ibi dicitur ab Aristotele, bonam, scilicet, definitionem tradere causas accidentium, quæ in re definita insunt, inquit, dictum Aristotelis uerum quidem esse, at non reciprocari, nam omnis bona definitio subiecti debet tradere causas accidentium illius subiecti, sed non omne id, per quod redditur causa accidentium subiecti, est definitio ipsius, ergo apud Auerroem definitio subiecti non omnium eius accidentium causa est, quare aliquorum causarum in potissima demonstratione erunt alia accidentia, ut apertissime legitur apud eundem Auerroem in commentariis quinquagesimo sexto, & centesimo septuagesimo nono primi libri Posteriorum, & præcipue in illo commentario quinquagesimo sexto, ubi circa medium ait, magnam partem demonstrationum celebratarum esse per accidentia essentialia. melius itaque ex mente Commentatoris, immo ex sententia ipsiusmet philosophi dicendum esse uo-
C unt, medium semper esse causam maioris extremi; at si contingat aliquando, ut sit causa etiam, & quidatiua definitio minoris, illud est raro, & extra consilium demonstrationis, quæ solam maioris extremi scientiam tanquam finem respicit, non minoris, ideo Auerroes id ex accidente esse dicit, quod esse intelligendum fatentur respectu potissimæ demonstrationis, eum id in ea raro contingat, sed non respectu illius causæ, quæ est terminus medius, non enim ex accidente aliqua causa est causa minoris, sed quando id contingat, ut eius causa sit, illa est per e causam tum minoris, tum maioris extremi.

Quæ superius allata fuerunt reiciuntur.

CAP. III.

- D**R Atq; quæ in superiori capite allata sunt, meo quædā iudicio propositū nō cōcludit, quoniā minor cū ueritate nō cōuenit, & ad eius declarationē ex Ari

Atotelis, & Auerrois testimonio respondemus, & primum quo ad Aristotelem, A
demonstrationes ab eo locis citatis formatas non esse potissimas, licet omnes sint
à causa non remota; & ad probationem respondemus, non ualere huiusmodi
consequentiam, hæc demonstratio perfectam rei scientiam nobis tradit, ita ut ni
hil amplius de ea re quæri, uel cognosci possit, ergo est potissima; sicuti non co
git hæc necessitas, ut in secundo Posteriorum debeat fieri sermo de præstantissi
ma demonstrationis specie, quia sit liber ille omnium Logicorum librorum si
nis, & scopus; sed illa debet nuncupari potissima, quæ habet potissimæ demon
strationis conditiones, quibus demonstrationes à philosopho propositæ uiden
tur carere, cum in eis causa, quæ pro medio sumitur, sit causata, & demonstrabi
lis, quod repugnat potissimæ demonstrationis medio. esse in illis demonstratio
nibus pro medio causam causatam, ostendimus eadem ratione, quæ probant ipsi
contra fundatissimum Egidium, non posse dari aliquod accidens primum inde
monstrabile, quod absque causa in aliquo subiecto hæreat, ad demonstrandum B
de eodem subiecto aliud accidens; ratio huiusmodi erat, accidens illud primum
uel causam aliquam habet, uel non, si habet, non est igitur indemonstrabile, quia
quidquid extra se causam habet, quæ est, ex ea potest, ac debet demonstrari; si
uero nullam causam habet, per quā in illo subiecto insit, sequitur, ut in illo subie
cto non insit per se, sed per accidens, ideo nullum in demonstratione locum ha
bere potest, ea namque omnia, quæ ex accidenti sunt, alienissima esse à demon
strationis natura docuit Aristoteles. hac posita ratione, accipiamus demonstra
tionem illam de accretione luminis in Luna eo quia sphericæ sit figuræ; quam
ipsi iudicant esse potissimam, & quod de ea probabitur, erit etiā de cæteris pro
batum; petimus igitur ab eis, an sphericum esse, quod accidens est, causam ali
quam habeat, nec ne, si respondeant, causam non habere, tantum abest, ut de
monstratio illa sit potissima, ut nullo pacto sit demonstratio, cum alienissimum C
sit à demonstrationis natura quod est per accidens, sicuti eueniret in illa demon
stratione, si sphericum esse non haberet causam, inesset enim Lunæ sine causa, ergo
per accidens, quod (ut diximus) abhorret à demonstrationis natura; si uero re
spondeant, ut innuere uidentur, causam habere, nam opinantur, eam esse Lunæ
rationem, sphericum esse erit causa causata, quod non postulat demonstratio po
tissima, ut elicitur ex Aristotele in primo Posteriorum contextu quinto, ubi
colligens philosophus omnes principiorum conditiones, dicit, inter cæteras, prin
cipia esse debere prima, & immediata. si itaque huiusmodi demonstratio hoc no
mine potissima non est, propter eandem causam non erunt etiā potissimæ reli
quæ memoratæ demonstrationes de Lunæ defectu, de tonitruo, & de foliorum flu
xu, de quibus Arist. mentionem fecit in secundo Posteriorum locis citatis, non
autem de iis, quæ pro medio habent quidætiuum subiecti definitionem, ut innue
ret, medium potissimæ demonstrationis, licet non possit esse nisi ratio subiecti, D
ut infra suo loco explicabimus, non considerari in ea ut est ratio subiecti, sed ut
est causa, & propter quid passionis demonstrandæ. Posset hic noua ratio adduci
ad ostendendum potissimam non esse eam demonstrationem de Lunæ defectu

- A** propter terræ interpositionem, quoniam non habet omnes propositiones per se, quod potissimæ demonstrationi repugnat, uerum quia de ea satis, superq; uerba feci in quarto libro capite decimo quarto, ad ea, quæ ibi dicta sunt, me refero. Quo ad Auerrois auctoritates, dicimus, & primò ad primam, Auerroem consueuisse uocare demonstrationem propter quid non potissimam, sicuti est illa de Lunæ defectu propter terræ interpositionem, sub nomine demonstrationis simpliciter, ut facit in citato commento quadagesimo secundi Posteriorum, non autem sub nomine demonstrationis potissimæ, licet apud Aristotelem simpliciter, & potissime idem significant, nec re uera asserere potest Auerroes, demonstrationem illam de Lunæ defectu propter terræ interpositionem esse potissimam, proptereaquod suis aduersaretur principiis, nam pro comperto habet, principia potissimæ demonstrationis debere esse nota natura, & nobis; natura, quatenus causæ sunt, nobis uero non mediate, uidelicet, per demonstrationem quia, sed
- B** immediate, auxilio ipsius sensus. cum igitur terræ interpositio nobis infra Lunam existentibus beneficio sensus nota esse non possit, quia oculis nostris penitus occulta est, clare patet, demonstrationem illam de Lunæ defectu propter terræ interpositionem non posse ex Auerrois sententia dici potissimam, sed propter quid tantum. pro intelligentia responsionis ad secundam eiusdem Auerrois auctoritatem in quarto Physicorum commento trigésimo primo, aduertendum est, aliquid posse esse causam priorum accidentium duobus modis, uel existendi, & inferendi simul, uel solum inferendi. causa existendi, & inferendi simul non potest esse ex eius principiis nisi forma subiecti, cum per eundem Auerroem id, quod dat esse speciei, det etiam consequentia ad ipsum esse, quæ sunt illius speciei proprietates; causa uero inferendi solum esse potest aliud accidens proprium; nam si de eius sententia unum accidens proprium alicuius subiecti daret esse alteri proprio accidenti eiusdem subiecti, esset medium ad illud alterum accidens proprium
- C** potissima demonstratione ostendendum; ergo in maiori propositione accedens de accidente prædicaretur prædicatione substantiali, cum maior per eos in omni potissima demonstratione uel per causas externas, uel per causas internas debeat esse per se; sed ex mente Commentatoris in secundo Posteriorum commento trigésimo octauo sub initium consequens est falsum, cum ibi dicat Auerroes (quoniam prædicatio definitionis de definitione non est substantialis, quemadmodum in existentia priorum sibi inuicem non est prædicatio substantialis,) ergo falsum est antecedens, ut, scilicet, unum a accidens proprium sit causa existendi alius cuius alterius proprii accidentis eiusdem subiecti. hac posita animaduersione, dicimus, Auerroem, quando ait in illo trigésimo primo commento quarti Physicorum, (sed non omne id, per quod redditur causa accidentium subiecti, est definitio ipsius,) per causam intelligere causam inferendi solum, & ita optime loqui
- D** tur, quia non id omne, per quod redditur causa illationis accidentium proprio rum alicuius subiecti, est eiusdem subiecti definitio, at ex eius sententia utique subiecti definitio est id omne, per quod redditur accidentium priorum causa existendi, & inferendi simul. quare parum cum ueritate uideatur conuenire quæ

asserunt de Commentatore, esse, scilicet, ex eius sententia aliquorum acciden- **A**
 tium causas in potissima demonstratione alia accidentia, cum secundo Posteriorum libro commentario illo trigesimo octavo affirmet, prædicationem proprii de proprio non esse substantialem, sine qua substantiali prædicatione non potest esse potissima demonstratio. Demum ad alias duas eiusdem Commentatoris assertiones, & præcipue ad illam in quinquagesimo sexto commentario primi Posteriorum respondemus, Averroem per demonstrationes à priori ut in superiore libro ostensum fuit, continentur demonstrationes propter quid potissimæ, & propter quid non potissimæ, quamobrem optime dixit, magnam partem demonstrationum celebratarum, idest, à priori esse per accidentia essentialia, intelligen- **B**
 do per magnam partem celebratarum demonstrationum omnes illas, quæ sunt propter quid non potissimæ, ratione uero potissimarum, quæ sunt inter alias demonstrationes tanquam aurum purum inter mineralia, & adamas inter gemmas, medium ex sententia Commentatoris, atq; etiam ipsius philosophi non potest ullo pacto esse accidens, alioquin dicendum esset, gravissimum Commentatorem fuisse inconstantissimum in huiusmodi speculatione, & ab Aristotele longissime declinare. Quod spectat ad propriam eorum opinionem, si animaduertissent illa duo Aristotelis fundamenta, super quibus collocata est huius disputationis pars affirmatiua, non tam facile pronunciant, sententiâ Commentatoris esse ex mente philosophi, ut raro medium in potissima demonstratione sit etiam causa, & quidatiua minoris extremitatis definitio, cum ex illis fundamentis oppositum colligatur, quod luce clarius apparebit, quando inferius de opinione nostra uerba faciemus, ubi asserimus etiam nos, medium esse passionis demonstrandæ causam per se, subiecti uero per accidens, non tamen eo modo, quo dicunt ipsi, ut, scilicet, ei raro adueniat, cum in potissima demonstratione causa, & propter quid passionis sit semper (ut ibi probabimus) quidatiua subiecti definitio; sed quia non consideratur ut causa, & quidatiua subiecti definitio.

Ex aliorum sententia quadam cognitu maxime digna proponuntur, quibus destruitur fundamentum obiectionis in superiori capite à nobis allatæ aduersus ibi commemoratas demonstrationes.

CAP. IIII

Fundamentum, quod nos superiori capite mouebamus, ut crederemus, demonstrationes ibi commemoratas non esse potissimas fuisse (quemadmodum eo in loco diximus) contextus quintus primi libri Posteriorum; ut autem huius

- A modi fundamentum facilius destrui possit, quædam maxime digna cognitu non nulli adnotanda esse iudicauerunt, & præcipue, omnem demonstrationem propter quid esse demonstrationem potissimam, cum demonstratio propter quid perfectissimam rei scientiam tradat, & in definitionem conuertatur; nam hæc appellatio, potissima demonstratio, & si reprehendenda non est, apud Aristotelem tamen non reperitur, de hac enim demonstratione loquens, solet eam appellare ἀπὸ τοῦ διότι, idest, demonstrationē propter quid, uel etiā simpliciter loquendo, & absque ulla additione ἀπὸ τοῦ διότι, tali namque appellatione id, quod in uno quoque genere summum, ac præcipuum est, significamus, hinc est, ut Auerroes hanc soleat uocare demonstrationem simpliciter. sed quia non datur apud Aristotelem demonstratio præstantior, quàm ea, quæ declarat propter quid est, ideo nunc omnes consueverunt eam potissimam demonstrationem appellare. uerum
- quia demonstratio perfectissimam scientiam non tradit, nisi quia ex perfectissimis principiis, & omnes condiciones habentibus constat, necesse est, propositiones cuiuslibet demonstrationis declarantis propter quid est omnes habere condiciones, quas philosophus posuit, nam una deficiente, non demonstraretur nisi quod est: at si præter illas condiciones, quas attulit Aristoteles, quispiam nouam aliquam conditionem in medium adduceret, qua demonstratio nobilior, ac præstantior efficeretur, illa conditio (ut existimant) adderet quidem demonstrationi aliquid nobilitatis, ac dignitatis, tamen non ita, ut id, quod additur, aliquid conferat ad præstantiorem scientiam efficiendam, quod putant tali exemplo posse optime declarari: Officium clauis est aperire, & claudere, hanc operam ut clarius præstare ualeat, necessarium est ut ferrea sit, ferrum enim durissimum est omnium metallorum, & ad hoc munus aptissimum; si modo duæ proponantur clauis ferrea æquales, ac similes in reliquis, sed altera inaurata, altera minime, illa quidem, quæ est inaurata, alteri nobilitate præstat, attamen ad proprium munus exercendum aptior dici non posset, altera enim æque apta esset, licet non aurata, sed ferrea solum, inauratio igitur nobilitatem quidem clauis largitur, non est tamen conditio necessaria ad operationem clauis, sed satis est si sit ferrea, hæc enim est conditio necessaria, ut clauis optima sit, & maxime omnium ad suum munus idonea. hoc itaq; discrimen in conditionibus potissimæ demonstrationis inspiciposse aiunt, illæ namque omnes condiciones, quarum Aristoteles meminit in secundo capite primi libri Posteriorum, sunt necessariae, ut demonstratio scientiam præstantissimam efficere ualeat, quod enim propositiones sint verae, & notiores conclusionem, id in omni demonstratione requiritur, quia sine his inutilis est omnis demonstratio, & nullam cognitionem parit; quod autem propositiones sint causæ rei, quæ demonstratur, & immediata causa, idest, quod medius terminus sit proxima causa maioris extremi, hæc sunt condiciones necessariae ut Demonstratio scientiam præstantissimam efficere possit, & propterea ut demonstratio sit demonstratio propter quid: Ex his colliguntur non esse demonstratio propter quid conditionem necessariam, ut minor propositio sit immediata, sed solum maior, propositiones enim non aliâ ratione dicuntur causæ conclusio-

nis, nisi quia medius terminus est causa maioris extremi, quod in conclusione A
 prædicatur; nec alia ratione propositiones dicuntur immediata, nisi quia medius A
 terminus est immediata, & proxima causa maioris extremi, ut patet per Aristo-
 telem in decimo capite primi libri Posteriorum, nam in demonstratione non su-
 mitur medium propter minus extremum, sed propter affectionem; ideo an me-
 dium sit proximum etiam minori, ita ut nil aliud medium inter illa cadat, an nō
 sit, id ad demonstrationis scopum, & naturam nihil pertinet; si uero contingat,
 ut medium utrique extremo proximum sit, nempe quando ē forma subiecti, tūc
 non solum maior propositio, sed minor quoque est immediata, hæc tamen non
 est conditio necessaria, & conferens ad præstantiorem scientiam efficiendam, sed
 est tanquam inaurata clavis; demonstrationem enim nobiliorem reddit, sed præ-
 stantiorē scientiam non parit, quā sit scientia propter quid est, quam omnis
 demonstratio parit, dummodo maiorem saltem propositionem habeat immedia B
 tam, his constitutis, ad Aristotelis auctoritatem respondēt, philosophum eo
 in loco principiorum, quæ primæ sunt, condiciones considerare, id est, considera-
 re condiciones principiorum alicuius totius scientiæ, quæ est multarum demon- C
 strationum congeries, hinc factum est, ut asserat, principia demonstrationis esse
 immediata, tam minora, quā maiorem propositionem respiciendo, quam totā
 scientiam respexit etiam philosophus in eodem primo Posteriorum libro, quan-
 do in speciebus principij immediati numerauit definitionem subiecti, nec non in
 primo de Anima contextu undecimo, quando dixit, definitionem esse omnis
 demonstrationis principium; dum autem singulis demonstrationibus conditio
 nes illæ aptantur, id est, quando loquitur de conditionibus demonstrationis, qua
 tenus demonstratio est, non censet minorem semper debere esse immediatam, fa-
 ctis enim est si maior sit penitus & semper actu immediata, minor autem non a-
 ctu, sed potentia immediata, pro ut, scilicet, penderet ex illa maiore actu immedia C
 ta, quod aperte pronunciauit Aristoteles in principio primi libri Topicorum,
 quando dixit, (demonstratio est syllogismus constans ex ueris, & primis, aut
 ex talibus, quæ per aliqua prima, & uerā eius, quæ circa ipsa est, cognitionis prin-
 cipium sumplerunt,) quæ posteriora uerba de se sola minora sunt intelligenda, nō
 de maiore. Similiter in primo posteriorum capite decimo optime Aristoteles
 interpretatus est sententiam suam in illo secundo capite eiusdem libri, nam sepa-
 rans demonstrationem quod a demonstratione propter quid, tam demonstra-
 tionem dicit esse ex immediatis, quæ solam maiorem habeat immediatam, & de
 monstrationem dicit in singulari numero, immediata uero in plurali; in exam-
 plis tamen demonstrationum, quibus ibi utitur, manifestum est, solam maiorem
 esse immediatam, quo loquendi modo testatur usum fuisse Auctorem quoque
 in primo Posteriorum commento centesimo sexagesimo nono. Eam autem, quæ
 dixerunt Aristotelis mentem fuisse, argumento validissimo comprobant,
 nam Aristoteles, postquam docuit omnes condiciones principiorum potissime
 demonstrationis, docere etiam uoluit quod modis per defectum alicuius con- D
 ditionis fiat secundi gradus demonstratio, & duos tantum modos tetigit

A unum, quando non à causa ad effectum, sed ab effectu ad causam progredimur;
A alterum, quando à causa quidem, non tamen immediata, & proxima, sed remota, in qua demonstratione maior propositio est mediata; de illa vero demonstratione, in qua minor sola sit mediata, ne uerbum quidem facit; atqui si hæc non est potissima, ac primi gradus demonstratio, mancus fuisset Aristoteles, qui non omnes demonstrationum defectus tetigisset, censuit igitur tali defectu demonstrationem à primo gradu non extrahi, sed esse adhuc demonstrationem propter quid, omnis enim demonstratio propter quid est demonstratio primi gradus.

Consutantur ferè omnia, quæ in superiori capite dicta sunt.

C. A. P. V.

OMNES unanimiter concedunt, unamquamque potissimam demonstrationem esse demonstrationem propter quid, è contra uero non ita apud
B omnes constat, ut eis uideatur esse manifestum, nam superius (quantum per nos licuit) ostendimus, demonstrationes de accretione luminis in Luna, de eius defectu, de tonitruo in pube, de foliorum casu, & his similibus, non esse potissimas, & tamen uocantur propter quid, ergo dantur demonstrationes propter quid, quæ ex doctrina philosophi non possunt esse potissimæ, non enim quælibet demonstratio propter quid perfectissimam rei scientiam tradit; sed solum illa, quæ facit ut sciatur per causam non causatam; nec admodum ex ea parte tutum uidetur esse quod dicunt, omnem, scilicet, demonstrationem propter quid esse potissimam, eo quia in definitionem conuertatur, propterea quod demonstratio de lunæ defectu per solam terræ interpositionem non est potissima, ut probatum fuit in quarto libro, & tamen in definitionem conuertitur. Ad illud uero, quod hæc appellatio, uidelicet, potissima demonstratio, & si reprehendenda non est, apud Aristotelem non reperiatur, dicimus, eam significari sub nomine simpliciter demonstrationis, nam sicuti apud Aristotelem in libris Posteriorum datur scientia, & scire simpliciter, ita datur simpliciter demonstratio, quæ est etiam propter quid, sed (ut diximus) non omnis demonstratio propter quid est potissima. Quod autem exemplo de duabus ferreis clauibus, inaurata una, & altera non ostendere nituntur, non esse, scilicet, conditionem necessariam demonstrationi ad efficiendam præstantiorem scientiam, ut minor eius propositio, sicuti maior, immediata esse debeat, sed ut in demonstratione huiusmodi conditio se habeat non secus, ac in altera clauis inauratio ad aperendum, & claudendum, non possum non mirari eorum ingenii subtilitatem in exemplificando, & præcipue in adducto exemplo, quod prima fronte uidetur præferre aliquid probabilitatis, ac si diligenter consideretur, eius ope propositum non assequuntur, diuersa enim est ratio inter clauis inaurationem, & minoris propositionis potissimæ demonstrationis immediationem, cum illa clauem, cui aduenit, aptiorem non reddat ad proprium munus exercendum clauis non inaurata; quamuis ei aliquid nobilitatis largiatur; hæc uero sit conditio necessaria,

& conferens ad præstantiorem scientiam efficiendam, propterea quod ex Ari-
 stotele in primo Posteriorum contextu trigesimo nono secundum sectionem vete-
 rem inter demonstrationes à priori illa præstantior scientiæ efficitur, quæ sit p. cau-
 sam non causatam, sed causa non causata est definitio subiecti, quæ cum in mino-
 ri propositione potissimæ demonstrationis de subiecto prædicatur, post in causa;
 ut illa propositio non secus, ac maior, immediata sit ergo immediatio minoris
 necessario requiritur ad præstantiorem scientiam efficiendam; quam quidem
 conditionem contineri inter condiciones potissimæ, seu simpliciter demonstra-
 tionis positas ab Aristotele in primo Posteriorum hac ratione probatur; conclu-
 sio simpliciter demonstrationis, quæcunque illa fuerit, vel per externas, vel per
 internas causas, debet habere secundum quod ipsum, alioquin non esset demo-
 strativa; ergo minor est immediata, antecedens est philosophi in primo Poste-
 riorum contextu decimo nono, consequentia probatur, secundum quod ipsum B
 ex eorum sententia est; quando prædicatum competit subiecto, per eiusdem
 subiecti essentiam, & non ex alia ratione; ergo in conclusione prædica-
 tum inest subiecto per rationem subiecti, ergo per rationem subiecti demon-
 strabitur, cum passio debeat per eam causam demonstrari, per quam inest subie-
 cto; si itaque ratio subiecti erit medium, quod in minori propositione potissimæ
 demonstrationis de subiecto prædicatur, non potest esse illa minor propositio, ni-
 si immediata, quia inter definitionem quidam substantiale
 nihil cadit medi; ex quo clare patet, demonstrationes de accretione luminis in
 Luna, de eius defectu, de tonitruo in nube, & de foliorum casu in arboribus, cū
 minorem mediatam habeant, non facere maxime scilicet, idcirco non esse potissi-
 mas demonstrationes; continetur itaque minoris immediatio inter condiciones
 potissimæ demonstrationis ab Aristotele positas in primo Posteriorum libro.
 quod vero spectat ad eorum responsionem Aristotelis auctoritati in secundo ca-
 pite primi libri Posteriorum dicimus, argumentū super ea fundatū non esse solu-
 tū, quia demonstrationes illæ singulæ, quibus aut aptari posse condiciones eo-
 rum principiorum, quæ prima sunt, vel potissimæ sunt, vel non; si potissimæ non
 sunt, non faciunt contra nostram determinationem, quia concedimus etiam
 nos ex mente philosophi in demonstratione, quæ potissima non sit, posse
 dari minorem mediatam; si vero sunt potissimæ, de necessitate, propter adducta
 fundamenta minorem habere debent actu immediatam contra eorum opinio-
 nem. Duo autem illa philosophi loca in principio primi libri Topicorum, & in
 primo Posteriorum capite decimo pro eorum opinionis confirmatione, tan-
 tum abest, ut sententiam nostram infirmet, ut potius eam maxime corrobore-
 rent, quia philosophus in primo Topicorum non definit demonstrationem po-
 tissimam, sed demonstrationem communiter acceptam, cuius minorem me-
 diatam esse nullum est inconueniens; in primo autem Posteriorum loco cita-
 to philosophus utique exemplificat de demonstrationibus propter quid, ut
 sunt illæ de accretione luminis in Luna, & de eius defectu sed huiusmodi D
 demonstrationes (ut probatum fuit) non sunt potissimæ, de quibus

- solis uerum est, ut omnia earum principia esse debeant immediata. cui ueritati
A non repugnat Auerroes in iam citato commento centesimo sexagesimo nono
 primi Posteriorum, licet utatur eodem loquendi modo, quia non loquitur ibi
 de demonstratione potissima, sed cum Aristotele probat, demonstrationem u-
 niuersalem meliorem, & perfectiorem esse particulari, eo quia progreditur per
 causam proximam, & immediatam rei demonstrandæ, quod non facit demon-
 stratio particularis. demum pro dissolutione illius ualidissimi argumenti, quo
 utuntur ad comprobandum, eam, quam dixerunt, Aristotelis mentem fuisse, ad
 uertendum est ex philosophi sententia in primo libro de Anima contextu octua-
 gesimo quinto, quod Rectum est iudex sui ipsius, & obliqui, cognita enim rei
 ueritate, omnes eius obliquitates notæ redduntur. hoc posito, dicimus, ex con-
 ditionibus illius demonstrationis, quam principaliter philosophus incedit in pri-
 mo Posteriorum libro, facile apparere posse, quot modis ab ea demonstrationes
 aliæ declinent, & deficient; nam ex quo illa facit ut sciatur per causam, ab ea de-
B clinat demonstratio quæ facit ut sciatur per effectum, ex quo uero illa dat rei
 cognitionem per causam proximam, deficit ab ea demonstratio præbens rei no-
 titiam per causam remotam, demum, ex quo illa faciens ut res cognoscatur per
 causam proximam, constat ex omnibus principiis immediatis, ab ea recedit de-
 monstratio etiam per causam proximam scientiam parientis, quæ solum maiorem
 propositionem immediatam habet. attamen, quoniam fortasse aliquis credere
 potuisset, demonstrationem à causa remota, cum progrediatur à priori, collocan-
 dam esse inter demonstrationes propter quid, coactus fuit philosophus in illò
 decimo capite primi libri Posteriorum, nomen imponens demonstrationi à cau-
 sa remota progredienti, docere quoque quot modis per defectum alicuius con-
 ditionis ea demonstratio, quæ ibi ab Aristotele quòd, seu quia appellatur, decli-
 net, ac deficiat à demonstratione propter quid potissimas, & non potissimas,
C quos quidem modos esse duos testatus est Aristoteles in loco citato. tertium
 uero modum, quo demonstratio à causa proxima minorem habens mediatam
 deficit ab altera, quæ etiam à causa proxima progreditur, & utramque præmissam
 immediatam habet, non erat necessarium recensere, quia nemo erat, qui du-
 bitaret, demonstrationem illam esse propter quid, cuiusque defectus satis elucescit
 ex ueritate conditionum demonstrationis propter quid principaliter intentæ,
 quæ potissima nuncupatur; quare sat fuit ibi philosopho hunc tertium modum,
 quo una demonstratio propter quid ab altera declinat, exemplis solum demon-
 strationum propter quid minorem mediatam habentium latenter innuere. cum
 itaque tres sint gradus demonstrationum, primus demonstrationis propter quid
 habentis omnia principia immediata, quæ potissima dicitur, secundus demon-
 strationis propter quid maiorem tantum immediatam habentis, quæ propter
D quid tantum ab Auerroë nuncupatur ad differentiam ipsius demonstrationis
 propter quid potissimæ, tertius uero demonstrationis quòd, seu quia tam à cau-
 sa remota, quam ab effectu immediato progredientis; non est credendum or-

minem demonstrationem propter quid esse primi gradus demonstrationem, præci- A
pue cum earum una præstantiorem efficiat scientiam, quam altera. A

Problematis resolutio explicatur.

C A P. VI.

Riecta huius disputationis parte negativa, affirmatiuam amplectimur, quam ueriores, magisque esse ex mente philosophi probabimus, allata prius in me-
dium suppositione, quæ huiusmodi est, ea, scilicet, quæ per demonstrationem os-
tenduntur, non solum esse proprietates & aptitudines specierum, sed etiam earum
actus, ut testatum reliquit philosophus in primo Posteriorum textu, uigesimo se-
cundo, ubi habet, eorum, quæ sæpe fiunt, demonstrationes, & scientias esse, ut
Lunæ defectus, aliud enim est demonstrare Lunam eclipsabilem esse, & Lunam ec-
lipsisari, sicuti aliud est probare hominem risibilem esse, & hominem ridere; pri-
mo modo Lunæ, & hominis aptitudo demonstratur, secundo autem demonstra-
tur utriusque actus, qui duplex est, nam alius proficiscitur ab aliquo accidenta-
li principio inexistente rei, de qua demonstratur, ut uidere est, quando demon-
stratur Lunam paulatim lumine augeri eo quia sphaerica sit figura, nam sphæri-
cum esse accidens est Lunæ inexistens; alius uero partim ab obiecto extrinseco,
partim à principio interno rei proficiscitur, ut patet quando demonstratur Lunam
eclipsari, nam eclipsis inest Lunæ non solum per terræ interpositionem, quæ est
obiectum extra, cum terræ interpositio non sit in Luna, sed etiam per ea, quæ eidem
Lunæ interna sunt, nimirum, quia est corpus ita natum moueri, ut diametraliter
opponatur soli, præterea, quia recipit lumen à sole; da enim Lunam diametra-
liter soli non opponi, minime poterit terra interponi inter solem, & Lunam, sicuti
non interponitur inter mercurium, & solem, neque inter solem, & uenerem,
concesso nunc terræ umbram ad eos planetas peruenire; da præterea Lunam à
sole lumen non recipere, quid afferet Lunæ impedimenti terræ interpositio, licet
Luna soli diametraliter opponatur? posita huius suppositionis ueritate, dicimus,
quando specierum aptitudines à priori demonstrantur, semper medium, quod est
causa maioris extremi, quiditatiuam esse subiecti definitionem in potissima de-
monstratione. fundamenta, quibus innititur hæc nostra opinio, ea sunt, de quibus
mentionem fecimus in superiori capite, nempe, conclusionem potissimam de-
monstrationis, quæcumque illa fuerit, uel per causas internas, uel per externas,
habere secundum quod ipsum, quare eius medium non potest esse, nisi quiditati-
ua subiecti definitio, quoniam secundum quod ipsum, ut illi, & optime, dicunt,
est, quando prædicatum competit subiecto per essentiam subiecti, & non ex alia
ratione, igitur in conclusione prædicatum inerit subiecto per rationem subiecti,
ergo per rationem subiecti demonstrabitur, cum debeat passio per eam causam
demonstrari, per quam inest subiecto. præterea, ex Aristotele in primo Posteriori.

- A**rum trigesimo nono contextu inter demonstrationes a priori illa præstantiorẽ
Ascientiam efficit, quæ sit per causam non causatam, sed causa non causata est quiditativa subiecti definitio, ergo in potissima demonstratione semper quiditativa subiecti definitio est ratio illa passionis demonstrandæ, quam medium esse dicit philosophus in secundo Posteriorum octavo, & vigesimo quinto contextibus. hinc optime dixit Averroes, illud, quod dat esse speciei, dare consequentia ad esse, quæ sunt illius speciei proprietates, ut ipse quoque innueret, medium in potissima demonstratione semper esse formam subiecti, ut tamen dicit rationem, & propter quid affectionis, nam si per Aristotelem scire simpliciter est rem per causam cognoscere, propter quam res est, & res demonstranda sit alicuius speciei propria passio, quæ per Avetioem a forma eiusdem speciei habet ut sit, res demonstranda, quæ sit alicuius speciei affectio, non potest sciri nisi per formam subiecti, illa igitur ratio primi extremi ex mente quoque Commentatoris erit semper in potissima demonstratione quiditativa subiecti definitio. in demonstrationibus vero, quibus ostenditur actus, vel qui proficiscitur ab aliquo accidente subiecto inexistenti, ut luminis in Luna paulatim accretio per sphericum esse, vel qui proficiscitur partim ab obiecto extrinseco, partim a principio interno speciei, ut Lunæ defectus per solum extrinsecum obiectum, idest, per solam terræ interpositionem, mirum esse non debet si ratio maioris extremi non fuerit quiditativa subiecti definitio, cum demonstrationes illæ per ea, quæ diximus paulo supra, & in quarto libro, potissimam non sint. Cæterum ut firmitus sit opinio hæc, quam sequimur, aduersus eam nonnullas rationes asserere decreuimus, quarum prima illa sit, si medium in potissima demonstratione esset quiditativa subiecti definitio, in ea fieret petitio principii, consequens est falsum, ergo & illud, ex quo sequitur, falsitas consequentis notissima est, consequentia deducitur, in illa demonstratione supponeretur illud, quod deberet probari, ergo fieret petitio principii, consequentia clara est, antecedens probatur, nam concludendo, exempli gratia, risibilitatem inesse homini, quia inest animali rationali, supponitur in maiore inesse homini risibilitatem, cum homo, & animal rationale sint idem. Secunda ratio, si medium in potissima demonstratione esset quiditativa subiecti definitio, sequeretur, potissimam demonstrationem non esse ex principiis propriis, consequens est falsum, ergo & antecedens, falsitas consequentis patet per ea, quæ dixit philosophus in primo Posteriorum contextu vigesimo tertio contra Brissonem, & contextu vigesimo quarto in principio, consequentia deducitur, nam si animal rationale, exempli gratia, est medium ad concludendum risibile de homine, erit etiam medium ad concludendum de eodem homine disciplinabile, & reliquas omnes eius proprietates, quoniam non est maior ratio ut una potius, quam aliæ hominis proprietates de eo demonstrentur per animal rationale, quod est quiditativa hominis definitio, quiditativa igitur subiecti definitio non erit principium uni tantum accommodatum, sed potius omnibus eius proprietatibus commune, & propterea demonstratio potissima per huiusmodi medium non esset ex propriis principiis. Tertia, & ultima ratio, si medium in potissima demonstra-

tione esset quiditatiua subiecti definitio, maior propositio illius demonstrationis **A**
 contra sententiam philosophi in primo Posteriorum esset demonstrabilis, proba-
 tur consequentia, quoniam inter subiecti definitionem, & passionem demonst-
 randam interiecta est eiusdem passionis definitio, per quam poterit passio illa dem-
 strari de subiecti definitione. His rationibus satisfaciētes, ad primam negamus
 consequentiam, fieri, scilicet, in potissima demonstratione petitionem principii,
 si medium in ea sit quiditatiua subiecti definitio; ad probationem, negatur ante-
 cedens, nimirum, supponi in illa demonstratione id, quod deberet probari; ad
 eius declarationem, negamus in maiori propositione illius demonstrationis, qua
 concludimus risibilitatem inesse homini propter animal rationale, supponi ho-
 mini risibilitatem inesse, quia falsum est, ut ibi animal rationale, & homo idem
 sint, non enim pro eodem accipiuntur animal rationale, & homo in illa demon-
 stratione, nam animal rationale sumitur solum pro forma, homo uero pro com-
 posito ex materia, & forma; ut satis, superq; disputauius in quarto libro capi-
 tulo octauo, ad quem locum Lectorem remittimus. nec obstat Commentatoris au-
 thoritas asserentis, rei definitionem non esse aliam naturam ultra rem illam, quo-
 niam uerba eius uera sunt de primo definito, quæ forma est, sed quando defini-
 tum accipitur pro composito ex materia, & forma, & definitio pro forma tan-
 tum, ut clare patet in prædicta demonstratione de hominis risibilitate propter
 animal rationale, tunc Auerrois sententia non habet locum, nam homo anima-
 li rationali addit carnes, & ossa, in homine enim considerantur partes materiales,
 nimirum, carnes (ut diximus) & ossa, nec non partes formales, uidelicet, animal
 rationale, in eius uero definitione, quando definitur dialectice, considerantur so-
 lum partes formales, communis altera, nempe genus, ut animal, altera propria
 nimirum, differentia, ut rationale, licet utraq; denotet materiam, animal enim, **C**
 & rationale significant formas substantiales, & denotant materiam, in qua sunt,
 quare homo aliquid plus habet, quam animal rationale; ex quo clare patet, idē
 non esse animal rationale, & hominem in illa demonstratione, qua concluditur
 hominem risibilem esse propter animal rationale. Ad secundam rationem nega-
 tur consequentia, uidelicet, potissimam demonstrationem non esse ex propriis
 principiis, si medium in ea sit quiditatiua subiecti definitio; ad probationem, dici-
 mus, si animal rationale hoc nomine intelligatur causa communis, pro ut, scili-
 cet, non sit causa essentialis cuiuslibet propriæ hominis affectionis, id negandum
 est; si uero intelligatur causa communis, quatenus plures efficit proprietates,
 concedimus hoc, sed huiusmodi communitas non collit; quin animal rationale
 sit uniuscuiusque proprietatis humanæ speciei propria causa. Ad tertiam, & ulti-
 mam rationem negatur consequentia, ad probationem, dicimus, eius demonstra-
 tionis maiorem propositionem, in qua prædicatur affectio alicuius speciei de
 quiditatiua eiusdem speciei definitione, posse utique per essentialē affectionis de-
 finitionem in syllogismum cadere, demonstrari uero nequaquam, propterea quod
 (ut diximus in primo capite huius libri) essentialis affectionum definitio sine cau-
 sa **D** semper ex sententia philosophi in utroque Posteriorum libro est conclusio,

A nunquam potissimæ demonstrationis principium, aliquin medium in huiusmodi demonstrationibus non esset extra quiditatem rei demonstrandæ, in minoriq; propositione definitio de definitione prædicaretur, quæ omnia repugnāt Auerroï in secundo Posteriorum commento trigésimo octauo.

Ex aliorum sententia de ordine ab Aristotele seruato in declarando medium demonstrationis esse causam, & de connexionione capitis undecimi secundi Posteriorum cum præcedentibus.

C A P. VII.

B PER ea, quæ ex mente philosophi dicta sunt à nobis in primo capite huius libri, luce clarius patet, medium in potissima demonstratione à nullo alio causarum genere sumi posse, nisi à genere causæ efficientis non ueræ, & finalis rei demonstrandæ, cum à causa efficiente non uera fluat, & ad finalem dirigatur, ut gratia exempli, animal rationale, quod pro medio sumitur ad demonstrandum potissima demonstratione risibilitatem inesse homini, causa efficiens non uera, & finalis est illius passionis, nam ab animali rationali risibilitas per emanationem producitur, & ad illud redigitur tamquam perfectibile ad suum perfectiuium, sed huic determinatiōni uidetur penitus aduersari Aristotelis auctoritas in secundo Posteriorum capite undecimo, ubi ait, per omnia causarum genera fieri posse demonstrationes. uidentes nonnulli hanc difficultatem euadere non posse, nisi recte percipiatur philosophi sententia in illo undecimo capite secundi Posteriorum, eam à nemine hæcenus bene intellectam, declarare nituntur, ut autem id commodius præstare possint, agunt primum de ordine ab Aristotele seruato in declarando medium demonstrationis esse causam, mox de eius capitis connexionione cum præcedentibus. Quæ ad ordinem spectant posita sunt in tertio capite tertii libri, ad quem locum Lectorem dimittimus, ne fiat eiusdem rei molesta repetitio, quo ad eius capitis cum præcedentibus connexionem, supponunt prius, Aristoteli necessarium fuisse in posterioribus analyticis ad disciplinæ illorum librorum perfectionem, & uniuersalem, & particularem causarum tractationem facere, præterea, conuenientem doctrinæ ordinem postulare, ut ab uniuersalibus ad particularia fiat progressus; his positis, reliquæ aliquorum connexionione asserentium, Aristotelem, postquam de causa sola formali usque ad quadragesimam septimam particulam secundi libri locutus est, incipere in quadragesima octaua agere de aliis tribus causis, & ostendere quomodo illæ quoque demonstrationem ingrediantur, relicta (inquam) eorum connexionione, quoniam uerba Aristotelis in principio illius quadragesimæ octauæ particulæ non recipiunt hanc interpretationem, dicunt, Aristotelem post uniuersalem tractationem de causa facili faciente quæstioni propter quid, de qua prius in toto primo libro, & in secundo

do usque ad quadragesimam septimam particulam uerba fecit, statim in sequenti A
ti particula eiusdem secundi libri transire ad tractationem particularem de eadē
causa, diuidendo commune illud causæ nomen in sua significata.

Reiciuntur qua in superiori capite dicta sunt.

CAP. VIII.

QUod spectat ad ordinem, existimamus omnino falsum esse, philosophum
in toto primo Posteriorum libro, nec non in secundo usque ad quadre-
gesimam septimam particulam, nullam unquam mentionem facere uoluisse alicu-
ius causæ determinatæ, sed semper accepisse, nomen causæ generaliter, quod in B
presenti capite probandum esset, uerum quia satis superq; dictum fuit a nobis
de huiusmodi ordine in quarto capite tertii libri, caput illud perpendere lecto-
res non grauentur. ad connexionem uero capitis de causis in secundo Postero-
rum cum præcedentibus, dicimus, secundum eorum suppositum in se uerum esse,
sed nihil conferre ad intentionem philosophi in analyticis posterioribus, ut uide-
re est in eodem quarto capite, quia falsum est primum suppositum, & conse-
quenter falsa est connexio, quam faciunt, cum ex accidente in undecimo il-
lo capite, alijsq; pluribus in locis secundi libri Posteriorum de causis Aristo-
teles loquatur, ut clare patet per ea, quæ diximus in decimo quarto capite
secundi libri.

*Ex aliorum sententia quot sint ad summum genera causarum,
qua in demonstratione potissima medium esse possunt.*

CAP. IX.

Posita tractationis causarum continuatione cum præcedentibus, determinant;
ex tribus causarum generibus demonstrationem potissimam construï pos-
se, aut ex interna causa, quæ dicitur efficiens per emanationem, aut ex causâ effi-
ciente externa, aut ex efficiente finali. cuius dicti ratio est; quoniam accidentiū
sub demonstrationem cadentium alia ab interna, alia ab externa causa producitur,
sed internam, & externam intelligunt loco, & subiecto, ut accidentia, quæ in
ipso subiecto, cui inhaerent, proximam suam causam insitam habent; inter-
nam causam habere dicuntur, sicuti patet de risibilitate, quæ emanat a for-
ma hominis; quæ uero pendet a causâ extra suum subiectum posita, ea
dicuntur habere causam externam, ut uidere est de Eclipsi, quæ fit a terræ
interpositione. cum itaque accidens omne subiecto inhaereat; necesse est, D
ipsius causam uel in eodem subiecto inesse, uel extra illud esse positam;

- A** sed causa externæ duæ sunt, efficiens, & finis, sequitur igitur ut tria sint ad summum genera causarum, quæ media demonstrationum esse possunt, efficiens, finis, & causa interna, hæc autem duplex est, nam accidentium ab interna causa pendentium alia per definitionem subiecti, alia per alia accidentia eiusdem subiecti demonstrantur, tamen idem est causæ modus, quo accidens ab alio accidente, & quo à forma, seu natura subiecti producit, utraque enim potest uocari causa efficiatrix per emanationem, efficiens namque duplex est, aliud cum uera actione efficit, & est proprie dictum efficiens, semperque externum est, quoniam idem in se ipsum agere non potest; aliud uero, quod minus proprie dicitur efficiens, per emanationem potius efficit, quam per ueram actionem, cum semper absque ulla patientis resistantia efficiat; ita forma est causa efficiatrix accidentium omnium sui subiecti, emanant enim omnia ab ea; ita etiam accidens causa est efficiatrix alterius accidentis in eodem subiecto. hac posita ueritate, manifestum est, per causam formalem accidentis proprie sumptam, & ab his tribus modo nominatis distinctam, demonstrationem fieri non posse, sed per causam formalem pro definitione acceptam, ut apparebit in explicatione undecimi capitis secundi Posteriorum libri.

Omnia superioris capitis impugnantur.

C A P. X.

- F**irmissima duo illa philosophi fundamenta superius commemorata manifestissime indicant, efficiens extrinsecum tantum, ut est sola terræ interpositio ad demonstrandam Eclipsim de Luna, & internum, quod subiecti accidens sit ad aliud accidens de eodem subiecto demonstrandum, ut sphericum esse ad ostendendam luminis accretionem de luna, medium esse in demonstratione propter quid tantum, in potissima uero minime, in ea enim id solum efficiens passionis demonstrandæ locum habet, quod est quiditativa subiecti definitio, nam hæc pro medio sumitur uel sola, quando, scilicet, speciei aptitudines demonstrantur, quæ ab eius forma tantum produciuntur, ut risibile esse de homine, uel cum aliquo alio concurrens, nempe, cum obiecto extra, quando actus demonstratur, ut eclipsari de Luna. quare non uidetur admodum tuta eorum sententia, quando dicunt, aliqua accidentia sub demonstrationem cadentia (intelligendo de potissima demonstratione) à sola causa externa produci, & per illam solam demonstrari; sicuti mihi suspecta est quoque alia eorum sententia, quando innuunt, eundem esse causæ modum, quo accidens ab alio accidente, & quo à forma, seu natura subiecti producit; nam si omnia accidentia propria, quæ sub potissimam demonstrationem cadunt, emanant à forma subiecti, quomodo potest unum ab altero emanare, ita ut una proprietas alteram producat? datur utique, ordo inter plures alicuius speciei proprietates,

ut, scilicet, una prius altera emānet à forma, non tamen ut una ab altera A
 producat, cum omnes (quod ipsi quoque concedunt) à forma subiecti
 habeant ut sint. qua posita ueritate, luce clarius patet, demonstratione pro-
 pter quid potissima specierum affectiones non posse demonstrari nisi per solā
 subiecti causam formalem, ut tamen dicit earum affectionum rationē, & propter
 quid, actus autem ipsos simul per obiectum extrinsecum, & per internam subiecti
 rationem, cum ab eis producantur. quod uero dicunt de causa formali pro de
 finitione, sumpta considerabimus paulo infra.

*Ex mente nonnullorum declaratur Aristotelis sententia in
 undecimo capite secundi Posteriorum libri.*

C A P. X I.

Licet philosophus in capite de causis, quod est secundi Posteriorum libri ca
 put undecimum, diuidendo nomen causae communiter acceptum in qua
 tuor causarum genera, dicat, ea omnia pro medio in demonstratione potissima
 sumi posse, ab eius mente non recedit eorum sententia, non in. Aristotelis consi
 lium est ostendere, ut omnes causae proprie acceptae possint esse medium demon
 strationis, constat enim neque formam, neque materiam proprie sumptas unquam
 medium esse demonstrationis; sed solum ostendere uult in quonam sensu siue pro
 prio, siue improprio contingat, ut hoc dogma tueri possimus, omnia, scilicet, qua
 tuor causarum genera in demonstrationibus medium esse posse; ideo docet, tum
 finalem causam, tum effectricem proprie acceptas demonstrationis medium ef
 se, non quod omne efficiens possit esse medium, sed quod possit aliquando mediū C
 esse efficiens proprie dictum. formam uero, & materiam docet non posse nisi im
 proprie sumptas medium esse demonstrationis, & primum quo ad formam, ut,
 scilicet, eatenus illa dicatur esse medium, quatenus sumitur pro omni causa adae
 quata, quaecumque illa sit, uel materia, uel efficiens, uel finis; quolibet enim ex
 dictis causis, dum in rei definitione sumitur, forma appellari potest, hinc est, quod
 Aristoteles, post causae diuisionem in quatuor illa genera, singulum causae genus
 exemplis declarans, nil amplius de forma separatim dicit, sed trium tantum cau
 sarum exempla adducit, materiae, efficientis, & finis, quia censuit per singulam
 harum demonstrare esse demonstrare per formam. Quod ad materiam perti
 net, dicunt, & si materia affectionis demonstrandae, quae nulla alia est nisi eius su
 biectū, in quo est, nunquam sumitur ut medium in demonstratione, tamen dicitur af
 fectio illa ex necessitate materiae producta, quando in eo subiecto, i quo inest, ipsius
 quoque causa, à qua p emanationē fluit, insita est, quae quidē uel ē ipsa forma, seu
 natura subiecti, ut rationalitas in homine respectu rationalitatis, uel est aliquod ac


- vult, totum accidentis subiectum esse medium, hoc enim est minus extremum in demonstratione; sed vult, medium esse aliquid illi subiecto inlitum, & ab eo inseparabile, à quo per necessariam emanationem accidens demonstrandum derivatur. Aristotelē autem in illo capite de causis nullam aliam materiam intelligere, nisi eam, quæ dicta fuit, magna confirmatio ex ipsius verbis sumitur in contextu duodecimo, postquam enim declarauerat in undecimo quomodo per singulum causæ genus fiat demonstratio propter quid, docet in duodecimo contextu contingere interdum, ut idem effectus simul ex duabus causis pendeat, nempe, ex fine, & ex necessitate materiæ, quod exemplo lucernæ declarat, si quis enim quærat propter quid per lucernam lumen eggreduatur, potest responderi causa materialis, potest etiam responderi causa finalis; materialis quidem, si dicamus, vitrum habere paruos, & insensibiles poros, partes autem luminis tenuissimas esse, & illis poris minores, propterea ex necessitate id, quod subtilius est, transire per foramina ampliora; finalis vero, si dicamus, ne homo offendant, & cadat; consideremus igitur causam illam materialem, causa quæritur non luminis, sed transitus, seu transmissionis luminis per vitrum lucernæ, vitrum igitur in eadem demonstratione, seu quæcunque alia sit materiæ transparentis, ex qua constet lucerna, subiectum est, maius extremum est transmissio luminis, medium porositas illius materiæ, & talem demonstrationem vult Aristoteles esse per causam materialem, tamen porositas non est materia respectu maioris extremi, videlicet, transmissionis luminis, neque respectu vitri, cum potius sit accidens ipsius; ergo dicere cogimur eam esse per causam materialem, quoniam accidens illud, quod demonstratur, producitur ex necessitate à propriis illius materiæ conditionibus per simplicem emanationem, quare causa transmissionis, siue sit porositas, siue transparentia, est effectrix per emanationem, eamque Aristoteles vocat materiæ necessitatem, quia ex illius subiectæ materiæ natura derivatur, & ipsi inlita, atque interna est, ipsa tamen causa secundum se accidens est, non materia. ex iis quoque, quæ dicuntur ab Aristotele in eodem contextu, potest eadem sententia mirifice comprobari; inquit ibi Aristoteles, effectus naturales alios esse propter finem, alios esse ex necessitate, sed duplicem esse necessitatem, alteram quidem secundum naturam, & cum interna subiecti propensione, alteram vero præter naturam, & violentam, & utramque exemplo motus lapidis declarat, dicens, lapidē ex necessitate tum sursum, tum deorsum ferri, non tamen secundum eandem necessitatem, deorsum enim fertur naturali necessitate, quæ est materiæ necessitas, naturalis. n. conditio lapidis est gravitas, à qua deorsum fertur ex necessitate, quam vocat Aristoteles materiæ necessitatē; idē lapis proiectus ascendit ex necessitate, cum resistere nequeat violentiæ projectileis, hæc tamē nō est materiæ necessitas, sed imposta est à motore extrinsecus, cōtra illius materiæ naturā; supra igitur necessitate naturali, si demonstremus cur lapis deorsum feratur, erit lapis minus extremum, deorsum ferri erit maius extremum, & gravitas mediū terminus; quam demonstrationem dicit Aristoteles esse ex causa materiali, seu ex materiæ necessitate, nec tamen lapidem statuere possumus medium terminum, sed

gravitatem, quæ uel forma lapidis est, uel accidens à forma fluens, & est illius A
 motus causa effectrix per emanationem, non causa materialis proprie dicta; sed
 ea demonstratio eatenus dicitur facta per causam materialem, quatenus mediū
 est causa interna, & illi subiecto insita, cum subiectum materia accidentis esse di-
 catur; effectus uero ab externo agente producti possunt quidem dici ex neces-
 sitate producti, non tamen ex necessitate subiectæ materiæ, sed potius ex agentis
 externi necessitate. Demum exemplo mathematico, quo in capite illo undeci-
 mo utitur philosophus, ad hanc ueritatem facile dirigimur, de causa enim ma-
 teriali exemplificans, ait, (Propter quid est rectus in semicirculo? aut quo existi-
 te, rectus? sit utique rectus in quo, A, dimidium duorum rectorum in quo, B, qui
 est in semicirculo, in quo, C, ut igitur, A, rectus insit ipsi, C, ei, qui est in semicir-
 culo, causa est ipsum, B, hoc enim ipsi, A, æquale est, hoc autem, C, ipsi, B, duo-
 rum namque rectorum dimidium: cum igitur, B, sit dimidium duorum rectorum, B
 rum, A, ipsi, C, inest, hoc autem erat, in semicirculo rectum esse, hoc uero idem
 est ipsi quid erat esse, eo quod hoc significat oratio.) hæc geometrica Aristotle
 lis demonstratio ex causa materiali proprie dicta esse non potest, tum quia Ma-
 thematici in suis demonstrationibus hac causa non utuntur, sed sola formali, tum
 etiam quia mathematicam materiam sumendo, quam intellectualem materiam
 uocant, non apparet quomodo medium illius demonstrationis sit causa materia-
 lis, siue cum maiore extremo, siue cum minore ipsam conferamus, dimidium
 enim duorum rectorum non est materia anguli in semicirculo existentis, sed est
 ipsemet angulus in semicirculo existens; non est etiam materia anguli recti, quia
 & si dimidium significat partem, & pars locum obtinet materiæ, tamen non est
 materia nisi eius, cuius est pars, & cuius est dimidium, esset igitur materia duo-
 rum rectorum; sed non unius recti, quemadmodum unius recti materia esset di-
 midium unius recti; at dimidium duorum rectorum respectu unius recti mate-
 ria nullo pacto est, sed est ipsemet unus rectus; quomodo igitur medium illud est
 materia? certe non potest aliud dici, nisi quia anguli in semicirculo natura est,
 à qua ex necessitate emanat, ut angulus ille sit rectus, quemadmodum à natura
 hominis emanat risibilitas absque pendentia ab ulla externa causa; subiectum e-
 nim respectu accidentis dicitur materia, & quodcumque naturam subiecti neces-
 sario consequitur, id ex subiectæ materiæ necessitate emanare dicitur, quod non
 solum in rebus naturalibus, sed etiam in mathematicis locum habet, hæc namque
 & si materiam proprie sumptam non considerant, habent tamen aliquo modo
 materiam per similitudinem, quemadmodum enim ignis summo calori subie-

- formalem uero, & materialem improprie nonnulli (ut diximus) asseuerant, quo
A modo autem improprie formalis, & materialis causa pro medio accipitur, subtilissime (ut semper solent) declarant, & primo de formali, hac ratione id euenire, ut improprie sumatur pro medio, quia quælibet ex tribus aliis causis, dum in rei definitione ponitur, forma appellari potest; sed huiusmodi ratio (quod eorum pæce dictum sit) non uidetur esse ad propositum, quoniam formæ, ut fiat medium, nihil confert; quod quælibet ex tribus aliis causis, dum in rei definitione sumitur, forma appellari possit, nisi addatur, ut per singulam harum fiat demonstratio, nam si quælibet ex eis pro medio accipitur, & ex rei definitione sumpta sortitur nomen formæ, omnes enim definitionis partes formæ sunt, communis una (ut alias diximus) & altera propria, utique hac ratione improprie forma medium esse posset; sed licet de causa efficiente, & finali, quæ re uera medium esse possunt, id uerum sit, de materiali omnino falsum est, etenim affectionis demonstrandæ subiectum, quod eius materia est, minoris extremitatis, non mediū terminum locum sibi uendicat in demonstratione, quare causa illa, quam ponunt de formæ silentio in capite de causis, non uidetur esse ex mente philosophi, nisi dicant (ut uere dicunt) improprie materiam esse medium, quatenus, scilicet, causam, quam in se habet, nempe, formam substantialem, uel aliquod aliud accidens ab ea inseparabile, nobis ad demonstrandum præbet, sed hoc secum affert contra eos maiorem difficultatem, quia si affectionis subiectum hac ratione improprie dicitur medium, sequetur, eius formam, sicut & accidens ab eo inseparabile, esse medium proprie, quod tamen ipsi negant; non enim rationi consonum uidetur esse, ut subiectum, & ea, quæ in subiecto sunt, improprie sint medium, sed utique, si unum improprie, ut alterum proprie sit, & è contra; nam si demonstrare per singulam trium illarum causarum, materiæ, scilicet, efficientis, & finis, est (ut dicunt) per formam demonstrare, quando medium erit efficiens, uel finis, erit etiam forma, diuerso tamen modo, nam efficiens, & finis proprie, forma uero improprie; à pari de causa materiali, & formali, si enim materia fuerit medium improprie, forma eius, & accidens ab ea inseparabile erunt medium proprie; eorum itaque expositio, quomodo, scilicet, materia improprie sit medium, non uidetur cum ueritate conuenire, sed concessa hac expositionis ueritate, non uideo, quomodo alteri sententiæ suæ respondere possint, existimant enim ipsi, illas quatuor causas, passionis, non subiecti, formam, materiam, efficiens, & finem esse se, ergo materia, quando nobis causam præbet ad demonstrandum, non potest dari nec proprie, nec improprie passionis formam, cum ipsa neque proprie, neque improprie demonstrationis principium, atque ideo medium esse possit, ut abunde satis dictum fuit in primo capite huius libri, ergo dicendum erit, uel non esse omnes illas causas intelligendas in ordine ad passionem, uel eorum expositionem de causa materiali, quomodo, scilicet, improprie sit medium in demonstratione, penitus esse uoluntariam, pro responsione uero ad Aristotelis auctoritates, & exemplum, nonnulla prius notanda esse duximus, & primo, quando philosophus ait, omnes quatuor causas, formalem, scilicet, materialem, efficientem, &

finalem, sumi posse pro medio in demonstratione propter quid, cum non acci-
 pere omnes illas, ut tales sunt, in ordine ad passionem demonstrandam, esse, uia
 delictet, medium in demonstratione propter quid, uel formam, uel materiam
 passionis demonstrandæ, quoniam id fieri minime potest, cum forma, & materia
 sint partes essentialis eius definitionis, quæ semper est demonstrationis conclu-
 sio; fieri autem, & recte, potest, immo necessarium est, ut medium sit semper uel
 causa efficiens, uel causa finalis demonstrandæ passionis, quæ quidem causæ pas-
 sionum effectrices, & finales possunt esse uel forma, uel materia subiecti, si id, quod de
 monstratur de subiecto, fuerit uel passio fluens à forma, uel passio fluens à materia;
 aut possunt esse forma, & materia alicuius alterius à subiecto, & à passione demonstran-
 da, dummodo subiectum, & passio uel in materia, uel in forma illa cōueniāt. Secūdo no-
 tandum sit, utrum, & lapidem, sicut alia omnia mixta, constare ex materia, &
 forma, quarum utraque suis propriis accidentibus circumscribi, eorumque loco B
 subintelligi potest, ut patet in illis exemplis de uitro, & lapide, nam porositas, &
 grauitas sunt accidentia, quæ non à forma substantiali uitri, & lapidis fluunt, sed
 ab eorum materia, si enim à forma fluerent, plura mixta inter se specie differen-
 tia in una, & eadem forma substantiali conuenirent, cum porositas, & grauitas
 in multis aliis mixtis à uitro, & lapide diuersis reperiantur, nempe, in cornu po-
 rositas, & grauitas in ferro; sed consequens est falsum, ergo, & illud, ex quo se-
 quitur, probatur falsitas consequentis, si in una, & eadem forma substantiali plu-
 ra mixta concurrerent, nimirum, uitrum, & cornu in ea, à qua emanat porositas,
 lapis autem, & ferrum in illa, à qua fluit grauitas, sequeretur, uitrum, & cornu
 ex una parte, ex altera uero lapidem, & ferrum non differre specie, quod tamen
 falsum est, à materia igitur, in qua plura mixta conuenire possunt, accidentia il-
 la emanant; quare porositas in uitro, & in lapide grauitas circumscribunt & ui-
 tri, & lapidis materiam. his ita constitutis, ad Aristotelis auctoritates responde-
 mus, & primo ad primam de luminis transmissione per lucernam, cum ueritate C
 conuenire, porositatem, quæ in illa demonstratione pro medio sumitur, non esse
 causam materiale[m] ratione maioris extremi, uidelicet, luminis transmissionis, id
 enim (ut patet in primo notando) fieri non potest, sed ratione uitri, quod subie-
 ctum est, ut uidere est in secundo notando, cuius, & primi auxilio respondemus
 etiam ad aliam auctoritatem de motu deorsum lapidis per eius grauitatem, de-
 monstrationem, scilicet, quam ibi latenter ponit philosophus, esse per causam ma-
 terialem non ratione motus deorsum, sed ratione lapidis. Quo ad exemplum ab
 euclide acceptum in tertio elementorum propositione trigesima prima, dicimus,

A super alteram in rectum protractam, à qua sit angulus extrinsecus, sed quando recta linea super rectam steterit, duoq; anguli utrobique fuerint æquales, eorum uterque rectus est, hac igitur de causa angulus in semicirculo est rectus, ut hæc subscripta indicat figura.



SIT. b.c.c. semicirculus, & in eo triangulus. a.b.c. cuius angulus. b.a.c. dicitur angulus in semicirculo, linea uero. b.a. in rectum protracta usque ad. d. efficit angulum. d.a.c. extra triangulum, qui æqualis est angulo. b.a.c. cum ambo sint producti à linea. c.a. perpendiculariter cadente super lineam. b.d. ergo per definitionem anguli recti eorum uterque rectus erit; angulus itaque in semicirculo rectus est, quod erat propositum. Aristoteles autem ad eandem conclusionem probandam pro medio sumpsit dimidium duorum rectorum, quod sub aliis uerbis idem est cū medio Euclidis, angulum enim illum in semicirculo esse alteri angulo extra triangulum æqualem, & e conuerso, est esse dimidium duorum rectorum, cum ambo simul sumpti duobus rectis æquales sint, quod ex ingenio fecit philosophus, per dimidium enim deotare uoluit causam materialem, cum pars habeat rationem materiae, licet re uera medium illud neque ratione maioris extremi, neque ratione minoris materiam significet; ea igitur ratione apud philosophum medium illud est materia, quia dicitur dimidium, non quia naturam anguli in semicirculo existentis sequatur ex necessitate ut sit rectus, tunc enim formæ, non materiae uicem gereret. hac posita ratiocinatione, respondemus ad propositum exemplum, mathematicum non abstrahere à materia intelligibili, quæ quidem in adducto exemplo est medietas duorum rectorum considerata tamen ut propter quid passionis, quæ ibi demonstratur, licet abstrahat à materia sensibili; & quamuis medietas duorum rectorum non sit materia neque passionis, neque subiecti, dicitur tamen ea demonstratio esse facta per causam materialem, quia medietas duorum rectorum alicuius alterius materia est, nempe, duorum rectorum, nullumq; inconueniens est, cum subiectum, & passio in ea conueniant; nec debet in exemplis undequaue ueritas desiderari, sat enim est, ut pars gerat uicem materiae, cuiuscumque sit pars, dummodo (ut diximus) in ea subiectum, & passio demonstranda conueniant.

Opinio propria circa philosophi sententiam in eo capite de causis.

CAP. XIII.

Riecta aliorum expositione ad caput illud de causis, existimamus esse fortas-

se melius, si dicamus, Aristotelem in eo capite pro demonstrationis medio acci- **A**
 pere proprie omnia causarum genera, nam per formam subiecti demonstratur
 de eodem subiecto aliqua eius propria passio, ut risibile de homine propter ani-
 mal rationale; & per subiecti materiā, a qua producitur aliquod accidens, demon-
 stratur accidens illud de eodē subiecto, ut corruptibile de homine, quia est cōpo-
 situs ex carnibus, & ossibus; Illud idē uerū est et de sola causā passionis effectricē,
 quā nō sit quiditatiuā subiecti definitio, nec non de causā finali eiusdē passionis
 demonstrandā, eā, scilicet, passionē de subiecto suo per illas demonstrari; ex qui-
 bus quatuor causis, forma, & materia subiecti in hūc sensū absque ullo incōueniē-
 ti dici possēt mediū improprie, & p accidēs, qā non cōsiderantur ut forma, & ma-
 teria subiecti, sed ut causā passionū effectrices, quando ab eis emanāt passionē de
 monstrandā. quā posita ueritate, nō repugnat philosophus in illo undecimo ca-
 pite secundi Posteriorū iis, quā de medio demonstrationis superius in sexto capi-
 te determinauimus, quando. n. dicimus, causā passionis effectricē, quā pro me- **B**
 dio ab Aristotele accipitur in secūdo Posteriorū octauo, & uigesimo quinto cō-
 textibus, semper esse quiditatiuā subiecti definitionē, intelligimus in demonstratio-
 ne pp quid potissima, philosophus uero, quādo loco citato asserit, omnia causarū
 genera sumi pro medio in demonstratione, intelligit in demonstratione pp quid
 cōmuni ad potissimā, & non potissimā, dirigens causā formālē ad potissimā, re-
 liquas uero ad nō potissimā; de qua quidē causā formālē non exēplificat in illo
 undecimo contextu secundi Posteriorū, quia in præcedenti contextu decimo sa-
 tis copiose de ea uerba fecit, dū declarauit mediū in demonstratiōne esse definitio-
 nē indemonstrabilē, quā nulla aliā ē nisi forma, & quiditatiuā subiecti definitio.
 Diuersā uero esse demonstratiōnē, de qua loquitur in primo Posteriorū ab ea, de
 qua uerba facit in secūdo libro loco citato, indicat diuersa constitutio definitio-
 nū ipsius scire, philosophus. n. in primo Posteriorū contextu quinto definiens,
 nō omne scire per causā, sed scire simpliciter, & perfectū, dixit, (scire autē arbitra- **C**
 mur. utriusquodque simpliciter, sed non sophistico modo, qui est secundū accidens,
 cū causā existimamus cognoscere, pp quā res est, quod illius causa est, & nō cō-
 tingere hoc aliter se habere); in qua definitiua propositione tū ratione subiecti, tū
 et ratione prædicati determinate philosophus locutus est, ratione subiecti, seu de
 finiti, quando dixit, (scire simpliciter) ut innueret, se nolle agere de omni scire, sed
 de eo, quod potissimā demonstratiōnis effectus est; ratione uero prædicati, aut de
 finitionis, quando dixit, (cū causam existimamus cognoscere, propter quam res
 est, quod illius causa est, & non contingere hoc aliter se habere) ut indicaret, sci-

principia in primo Posteriorum ordine resolutio Aristoteles inuestigat, non est
 A se eandem cum ea, de qua loquitur in secundo libro capite illo undecimo, sed
 essentialiter ab ea differre, ut probatum fuit in superiori libro capite octauo, nec
 repugnat huic nostræ determinationi Auerrois auctoritas in secundo Posteriorum
 commento quadragesimo octauo, in cuius principio habet huiusmodi uer-
 ba; (Et capit commemorare causam, propter quam sequitur, ut sint causæ ter-
 mini medii in demonstrationibus, & hoc, quoniam declaratum fuit in principio
 tractatus primi istius libri, manifestum utique esse, quod scimus rem, cum uidi-
 mus ipsam per causam suam.) quæ uerba hunc uidentur habere sensum, uidelicet
 cet, cum determinatum fuerit, rem sciri per suam causam, & hoc in quinto con-
 textu primi Posteriorum libri, oportere utique ut sciamus quot sunt omnes cau-
 sæ, & ut illas quæramus de una, eademq; re, si hoc fieri possit, aut de uno quoque
 entium quæramus eas causarum species, quæ illius sunt, quare ex eo Auerrois
 loco nullo pacto habetur, nec haberi potest ex mente eius, ut definitio ipsius sci-
 B re à philosopho tradita in capite de causis eadem sit cum ea, quam tradidit in pri-
 mo Posteriorum contextu quinto, cum diuerso modo utrobique fuerit posita.

Dubia quadam proponuntur, eorumq; solutiones.

C A P. XIII.

Aristoteles in secundo Posteriorum libro docet, unam unius rei causam esse,
 non plures, quæ tradat cognitionem ipsius propter quid, eamq; uult cum
 suo effectu reciprocari, ut posita ponat, & ablata auferat effectum, quare fieri non
 potest, ut idem effectus per causam formalem potissima demonstratione, per al-
 G lias uero demonstratione propter quid tantum demonstretur, alioquin eueniret,
 unius rei plures fore causas quæstioni propter quid est satisfaciennes, quod & A-
 C ristoteli, & rationi aduersatur, quandoquidem qui plures causas allerit separa-
 tim acceptas satisfacere quæstioni propter quid de eadem re facit, is pugnantia
 dicit, & proprium ipse dogma euerit, quia si plures eiusdem effectus tales cau-
 sæ ponantur, sequitur, nullam esse causam, propter quam res sit, à qua uis enim
 earum effectus ex necessitate habet ut sit, sequitur, ab altera eum essentialiter nō
 pendere. Aduersatur etiam Auerroi opinio nostra, nam in trigesimo nono, &
 quadragesimo secundo commentariis secundi libri Posteriorum declarans Auer-
 roes ea, quæ ab Aristotele dicuntur de potissima demonstratione, inquit, eius
 medium semper esse causam effectricem, uel finalem, nunquam formam, sed for-
 mam in conclusione potius demonstrationis, quàm in medio contineri. Satis-
 facientes allatis obiectionibus, dicimus ad illam Aristotelis auctoritatem loco-
 citato, philosophum intelligere ibi de causâ formali, quæ sola dat esse rei, so-
 D laq; (ut probatum est in superioribus) tradit cognitionem ipsius propter quid
 simpliciter, quare clarum est, fieri posse, ut idem effectus per causam formalem

potissima demonstratione demonstretur, per alias uero causas demonstretur de A
 monstratione propter quid non potissima, nullumq; inconueniens esse, ut unius
 rei plures sint causæ satisfaciens quæstioni ipsius propter quid communiter
 accepti; inconueniens utiq; esset, plures causas, à quibus res non habet ut sit, po-
 tissima demonstratione satisfacere quæstioni propter quid, cum ei sola causa for-
 malis satisfacere debeat; quod tantum abest, ut Aristoteli & rationi aduerteretur,
 ut potius sit ex mente philosophi, & à ratione non alienum, nam quæstioni pro-
 pter quid una passio inhaereat subiecto, non ne satisfacere possunt aliæ passiones,
 & ratio eiusdem subiecti quæstioni propter quid potissima demonstratione non
 satisfaciunt nisi ratio subiecti haud inuenta à posteriori, ut probatum est, quæstio-
 ni uero propter quid demonstratione non potissima aliæ passiones, & ratio sub-
 iecti per aliud inuenta, nimirum, à posteriori; nec sequitur, ut, qui plures causas
 asserit separatim acceptas satisfacere quæstioni propter quid de eadē re factæ, is B
 pugnantia dicat, & proprium ipse dogma euertat, sicuti non sequitur, nullam esse
 causam, propter quam res sit, quouiam à quauis earum causarum non habet
 res ex necessitate ut sit, sed solum à formali. Ad Auerrois uero auctoritatem
 in trigesimo nono, & quadagesimo secundo commentariis secundi Posteriorū
 libri respondemus, Auerroem, quando locis citatis ait, demonstrationis mediū
 nunquam esse formam, intelligere passionis, non subiecti formam, cum asserat, &
 optime, formam in conclusione potius demonstrationis, quam in medio conti-
 neri, nam forma subiecti nunquam in conclusione demonstrationis, sed semper
 in medio continetur, cum ab illa passio demonstratione potissima demonstranda
 habeat ut sit, & conseruetur; Auerroi itaque positio nostra minime aduersatur.

*Laud Deo Optimo Maximo, Qui Trinus,
 et Unus est.*

C

F I N I S



Ego Frater Saluator Bartholucius Assisias ord. min. con. Sacra Theo-
logiæ Doctor, & publicus in Patauino Gymnasio Metaphysica professor si-
dem facio, me suprascriptū opus, Quod incipit (quoniam de omni) & finit
(minime aduersatur) perlegisse, & nihil inuenisse, quod fidei Catholica ad-
uerfetur, uel sit contrabonos mores, uel contra Principes.

Frater Maximianus Inquisitor uisa suprascripta fide Licentiā imprimendi dedit.

Visa prædicta attestatione ego Petrus Matthæus Coruinus Vicarius probaui
dictam Licentiā.



A N N O
M D L X X X I I I I .